



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

L  
32  
100.2

SCRIPTORVM GRÆCORVM ET ROMANORVM  
TEVNERIANA  
ALBERTVS STADENBIS  
TROIVS

1800  
ET 1802



1802

37.156.2




HARVARD  
COLLEGE  
LIBRARY

1

2

3

4



**TROILUS**  
**ALBERTI STADENSIS**

**PRIMUM**

**EX UNICO GUELFERBYTANO CODICE**

**EDITUS**

**A**


**DR. TH. MERZDORF**

**SUMMO BIBLIOTHECAE OLDENBURGENSIS PUBLICAE PRAEFECTO.**



**LIPSIAE**  
**IN AEDIBUS B. G. TEUBNERI.**  
**MDCCCLXXV.**

32.100.2.



LIPSIÆ: TYPIS B. G. TEUBNERI.

Printed in Germany

PIIS MANIBUS

FAUTORUM AMICORUM

J. A. EBERTI

C. P. C. SCHOENEMANNI

L. BETHMANNI

QUONDAM BIBLIOTHECAE GUELFERBYTANAE PRAEFECTORUM.





## PRAEFATIO.

Magister Albertus monachus ordinis sancti Benedicti e genere plebejo oriundus exeunte saeculo post Christ. nat. XII in Germania septentrionali videtur natus esse. Quo tamen loco litteris incubuerit, ubi magisterio ornatus sit, non constat. E sagaci clari viri Lappenbergii, nunc defuncti, sententia noster Albertus magister ille Albertus de Ramslo videtur fuisse, qui inter Bremenses canonicos in charta anni 1224 d. Junii 23 data „praepositus Ramsloensis“ nominatur et inde ab anno 1206 magistri titulo non adjecto commemoratur. Monasterii sanctae Mariae Stadensis prior factus in Christophori abbatis a. d. 4. Kal. Aug. anno 1232 defuncti locum successit et a Balduino Livoniae legato ordinatus est. Anno 1234 curiam Romanam adiisse atque fratrum minorum ordinem intravisse ipse in analibus ad ann. 1240 narrat, de itinere illo tamen, quod nonnulli eum anno 1238 cum Adolpho Holsatiae comite fecisse non verisimiliter tradunt, nihil commemorat. Munus abbatis ann. 1242 deposuit et totum se litteris et studiis dedit. De morte eius nihil certi constat, attamen circa annos 1264. 1265 decessisse affirmare licet.

Inter annalistas medii aevi quanquam Albertus noster non infimum locum obtinet, ejus, quamvis magnam in annalibus cognitionem veterum poetarum prae se ferentis, facultas poetica longum per tempus ignota latuit. Nunc demum eum duorum carminum auctorem esse scimus, nam praeter Troilum, de quo mox plura, in antiquo catalogo bibliothecae Bordesholmiensis, quem 1850 nostro libro: „Bibliothekarische Unterhaltungen.

Neue Sammlung“ inseruimus, enumeratur sub signo F. 15. (lib. cit. p. 37) „Auriga Alberti abbatis Staden-  
sis“. Nomen tantum innotuit, codex ipse periit. Lappen-  
berg (Pertz monument, German. T. XVI. 272 sqq.  
in praefatione editionis annalium Albertinorum suspica-  
tus est, nomen Aurigae in Quadrigae mutandum e  
ad hoc Alberti carmen referenda esse, quae in chro-  
nico monasterii Rosenveldensis (cfr. Vogt monument  
rer. German. 1740 T. I p. 136.) de monachi cujusdam  
Rosenveldensis metrico libro, qui dicitur „Quadriga“  
narrantur, addito loco ex hoc Quadriga desumpto  
Quadrigae nomen liber inde trahit, quod de quatuor  
evangeliiis agit. Locus ille describit monasterium. Ro-  
senvelde sequentibus Albertinis simillimis versibus:

„Est locus a Roseo qui traxit nomine nomen,  
In spatio speciosus et in specie spatiosus,  
Quem situs ipse loci, quem rerum copia monstrat,  
Quem Comitum praelarga manus, quem cûlmen honorat  
Quem pietas Procerum, quem vestit gloria Regum,  
Est locus ipsa rosa, rosa, campi gloria, nescit  
Haec rosa spinetum, neque pungit spina rosetum.  
Est locus ipsa rosa, non haec rosa mane Cydippe  
Vespere lucis erit, modo florens, protinus arens,  
Nunc rubra, mox pallens, modo invida, livida statim  
Nunc oriens simul et moriens: arescere nunquam  
Haec solet aeterni foecunda propagine veris,  
Non aestas, non audet hiems, non Aeolus istam  
Derosulare rosam. Mos est pallere rosarum  
Solis ad intuitum, trahit haec a sole ruborem,  
Quicquid habet natura boni, locus iste locorum  
Continet, omne mali fermentum longius arcet  
Regina solis ubi sublimibus alta columnis.

Lappenberg sine dubio recte suspicatus est et  
scriptor catalogi Bordesholmiensis d. a. 1488 tituli  
antecedentium librorum: „Auroga (sic) Petri de Riga  
Aurora Petri de Riga“ deceptus per errorem pro Qua-  
driga scripsit Auriga.

Sed mittamus hunc librum cujus nomen tantu

et ἀποσπασμάτιον novimus et transeamus ad „Troilum“ quem ab Alberto scriptum, cum ex inscriptionibus in fronte totius operis atque ante prooemium adjectis:

„Accessus in Troilum magistri Alberti“

„Incipit prooemium in Troilum magistri Alberti abbatis Sanctae Mariae in Stadio, qui postea factus est frater minor“

tum ex loco carminis (lib. VI v. 670 sqq.) apparet:

„Virginis a partu duc annos mille ducentos

Et quadragenos hic sociando novem,

Prodiit in lucem, tunc editus ille libellus,

Quam miser est mundus insinuare volens.

Forsan adest aliquis dicetque, quis edidit illum?

Ista requirenti reddere verba potes.

Ecclesiam scis in Stadio, quam protegit alis,

Nam caput est ejus, virgo beata suis.

Qui scribens: in principio verbum caro factum

Intonet, illius ad latus ille volat.

Prodiit ex rutilo roseus locus ille roseto,

Ingenua matrem nobilitate sequens.

Sic florendo vigent, ut odore, colore, sapore

Nunquam degenerent, hic tribus ambo placent.

Splendescit virtute color, doctrinaque pascens

Est sapor et famae balsama spargit odor.

Abbatem nosti Tirricum, cui dedit olim

Ecclesiae dictae virgo patrocinium.

Cui virtus animam decorat, facundia linguam,

Dapsilitate nitet, utilitate viret.

Ille suos quondam non ultimus inter amicos

Ante virum talem, qui tulit ejus onus,

Edidit hunc sexto finitum mense libellum,

Cui tamen hoc tempus syncopa multa tulit.

Correxit pigritans. Labor hic, quam scribere major

At corrector ait: sint tua siqua valent.“

His versibus, more illius aetatis, nomen auctor abscondidit, quod tamen duce catalogo abbatum Stadiensium facilliter erui potuit, nam Theodoricus (Tirricus) successit nostro Alberto abbati 1242. Nomen αλ-

berti prodit etiam catalogus antiquus bibliothecae Bordesholmiensis (lib. cit. p. 39) codicem nunc Guelferbytanium sub litt. G. nr. 18. commemorans: „Philippice Tullii. Troilus Alberti abbatis stadensis“ inscriptionibus: „liber sanctae Mariae in Novomonasterio“ ornatum. Codex igitur jam ante annum 1332, quo anno praepositus Hinricus Swineborg conventum Novimonasterii Bordesholmum transposuit sub hoc titulo et hac inscriptione inter libros Sanctae Mariae in Holsatiae Novo Monasterio adservabatur.

Carmini, quod se anno 1249 confecisse in supra memoratis versibus auctor ipse ait, imposuit nomen Troili et propter bellum Trojanum et quod Troilus filius fuerat Priami:

„Troilus est Troilus Trojano principe natus,

Et liber est Troilus ob Troica bella vocatus“,  
qui versus in fine prooemii et libri totius inveniuntur. Totum carmen, exceptis prooemii et argumentorum versibus metro heroico compositis, elegiaco metro scriptum Trojanum et Graecorum proelia, Trojaeque excidium continet libris sex, versibus 5320 ut poeta ipse ait (lib. VI v. 735 sq.):

„Tot positis numeris etiam fortasse requiris,

Currere versiculis quot liber iste velit;

Bis denis adde tercentum millia quinque,

Hoc numero textus textitur historiae“.

Qua causa, hoc ut carmen faciat, permotus sit, ipse etiam narrat (lib. VI v. 365 sq.):

„Et fortasse legens sic dicet, cur tulit auctor

In cameram studii Troica bella sibi?

Non propter Trojam Trojanum scribere bellum

Aut coepit Phrygum sollicitare styllum,

Sed ductus meliore via compescere pravos

Et servare dei vult in amore bonos.

Grata medulla latet omni sub cortice rerum,

Et nucleum celat arida testa bonum.

Nos docet Herodes, sicut Baptista Johannes,

Erudit iste bonos, territat iste malos;

Et bene, si memini, fas est ab hoste doceri  
Virtutumque Sathan fabricat arma tibi.  
Nos ad serpentes, formicas bestiolasque  
Et sacra pennatas pagina mittit oves,  
Et mihi Job loquitur, quia me jumenta docebunt,  
Et nihil est quod non prosit et obsit idem.  
Hic sonat invidia, livor, truculentia, fastus,  
Ambitio, rancor, ira, libido, dolus.  
Postremum vero Trojae miseranda ruina  
Informativa singula voce sonat:  
Ut malus obsistat, justusque resistat, habeto,  
Sed quia clausurunt haec mala sine malo.  
Quod brevis est risus, quod longaque lacrima mundi  
Quondam Troja potens incinerata docet.  
Jam firmum nihil est, cui non metus esse ruinae  
Possit et hoc subito; persequor ergo cito“.  
Cur elegiaco quam heroico metro maluerit carmen con-  
dere, auctor hisce prodit prooemii versibus 18 sqq.:  
„Res gestae regumque ducumque ferocia facta  
Quo scribi possent numero monstravit Homerus.  
Scilicet heroico dicetur forsitan, isti  
Currere versiculi quia deberent pede tali,  
Quodque per exiguos magnorum magna virorum  
Proelia non deceat elegos scripsisse probabant.  
Sane concedo, sed gesta miserrima scribo  
Et strages miseras miserorum, qui misereri  
Noluerant sibi nec aliis, sed morte metebant  
Se misera misere, misero stimulante furore.  
Per miseros igitur elegos hoc ducere carmen  
Decrevi miseram sortem miseratus eorum,  
De quibus hic legitur, miseri qui castra sequuntur.  
Hac nostra ratione stylus non debuit istas  
Scribere nec debuit heroum carmine morte,  
Sed numeris sub disparibus lex metrica saltat,  
Tanquam de miseris haec est narratio, dicat“.  
Daretem, qui magno in honore apud omnes medii  
aevi scriptores fuit, anxie et iisdem paene verbis utens  
secutus est, ut ipse testatur lib. III. v. 239 sqq.:

„Sed Phrygii tenet historiam liber iste Daretis,  
Qui praeter verum scriptitat inde nihil.

Hunc sequor etc.“

et lib. VI. v. 697 sqq.

„Nulla poetarum posuit figmenta, Daretis

Historiam soliti scribere, vera tenens.

Et Phrygius fuit ille Dares, et tempore belli

Ipse quidem miles proelia visa refert“.

Sed narrationes et allocutiones more poetarum  
intercalavit, quae a veritate non discrepare et cum  
Darete (cfr. lib. III. v. 241 sqq.) congruere videbantur:

„Hunc (Daretem) sequor adhibitis interdum verba  
virorum

Quaeve loquebantur vel potuere loqui.

Ponatur quod et hi non sint ea forte locuti,

Causae praesentis sunt tamen apta rei“.

Virgilium et Homerum vehementer ob fictiones,  
ut etiam Dictys et Guido de Columna fecerant, vitu-  
perat, id quod locus lib. III v. 217. 227 sqq. de Do-  
lone et Rhesi equis satis docet, ubi dicit:

„Trojanos, quos prodiderit, mentitur Homerus“

„Hos rapuisse simul, quos nulla perire sagitta

Posset nubigenos hic memoravit equos.

Crediderim sic dicenti? quis nube creatos

A primo mundi tempore vidit equos?

Non miror! majora movet mendacia bello,

Isti quum duos narret adesse deos.

Pro Pelide Thetis, pro Graecis Juno fatetur ~

Et quod pro Paride moverit arma Venus.

Praeterea recto non cecinit ordine bellum

Aut a militibus, qui cecidere, quibus.

Hanc quoque materiam figmenta poetica nebant

Sicut Virgilius arma virumque canens“.

Narrationes, quas Albertus intercalat Dareti, hae  
sunt: Argonautarum migratio, Jasonis facta heroica,  
dialogus inter Paridem et Helenam, reditus Graecorum  
(secundum Dictym) et alia quae tamen parvi momenti  
sunt. Libro quinto, ubi Penthesilea Trojam venit, pro-

fusius et prolixius de Amazonibus secundum Orosium loquitur:

„Non meus hic sermo, testatur Orosius ista,  
Cujus habent plenam singula verba fidem“.

De Penthésilae sornatu, forma et figura, majore ut videtur gaudio et tudio, quam clerico par est, et de festivitatis in honorem reginae loquitur, aulaea describit et in illis universum illius temporis scientiarum ambitum interspersis fabulis et historiis ad illustrationem idoneis. Albertum igitur nullum alium Daretem secutum esse, quam quem nunc habemus et paucas tantum interspersas narrationes ex aliis scriptoribus ut Orosio, Ovidio depromtas esse concludendum est. Körting (Dictys und Dares 1874) Benedictum de Sancto Mauro (Benoît de St. Maure) poetam Gallicum nostro Alberto paene aequalem alio quodam Darete magis extenso in carmine suo de bello Trojano usum esse existimat. Nimis credimus perspicaciter; nam etiam noster supplevit quae deesse videbantur, quapropter, cum simili modo Benedictus egisse videatur, ea conjectura non opus est, ut et novissimus Benedicti editor, Joly eam reputat. Duo exstant codices manuscripti Graeci de bello Trojano, qui cum Darete cohaerere videntur sed falso, nam Cod. Paris. olim 3352 nunc 7878 in 4 continet versionem Graecam libri gallici de excidio Trojae (Roman de la destruction de Troye. cfr. Hist. litt. de France T. XIII p. 423 sqq.) et Codex Vindobonn. (Lambecc. CCXCVII. Nessel CCXLIV) fol. 260—324 carmen Graecum ἡ Τρωάδα ut docet Wagner in praefatione carminum Graecorum medii aevi. Neuter innotuit Alberto nostro, cujus etiam notitiam fugit heroico metro compositus Dares, qui asservatus in codice Parisin. (lat. 8430 fol. 9 — fol. 16) 930 versus continet. Joly p. 156 initium:

Historiam Troje figmenta poetica turbant.

Unde, licet magnis fortuna sit invida ceptis

Dignaque tam longis non sit mea buccina bellis,



Mens tamen incaluit, vestigia fida sequendo,  
Daretis frigii Trojanum scribere bellum.

et finem:

Et precor ille (sic) mei sit consummatio cepti.  
hujus carminis praebet. Sed mittamus haec.

Liber primus nostri poetae continet Daretis capita  
I—XI, secundus capita XI—XXI, tertius capita XXI—  
XXVIII, quartus capita XXVIII—XXXVI, quintus capita  
XXXVII. XXXVIII, sextus capita XXXIX—XLIV.

Sermo non differt a scriptoribus hujus aetatis,  
gaudet tamen auctor logodaedalia ut inscriptio:

„Troilus est Troilus Trojano principe natus,

Et liber est Troilus ob Troica bella vocatus“.

et fragmentum Quadrigae docent:

„Nunc oriens simul et moriens“.

Quamquam enim etiam alii hujus saeculi scriptores  
huic ludo operam dabant, noster eos superat omnes;  
cujus lusus hic nonnulla tantum praestantiora praebe-  
mus exempla:

I, 499. Bellum Cassandra nitens cassare futurum.

III, 3. A specula speculum speculans inamabile bellum.

III, 57. Aeneus Aeneas, cujus caput aenea cassis.

V, 31. Ecce tuus luxus est, Troilus impie, luctus.

V, 303. 4. Et miser in miseris dejectus es ipse  
cavernas,

Quas misere miseris pro meretrice  
dabas.

V, 419. 420. Passive non lascive; non sicut amantes  
Se, sed ut amentes composuere truces.

V, 499. 500. De timidis tumidi fiunt hortamine Pyrrhi,  
De pavidis avida pectora dantur ita.

V, 541—545. Et vi virtutis erit illa vir et quasi vi vir,  
Vir quoque non vilis immo virilis erit.  
Femina sive vir es? hic si vir es, exere  
vires,

Haec erit in vi res; robore nonne vires?  
Non tu femineas imbelles, immo rebelles.

V, 630. Sed frigere vides spe fluitante Phryges.

V, 708. 9. Re si non, opere volo vos operaque juvare  
Et si non per opem vel per opus, per  
opes.

V, 1007. Degener es, si degeneres a more parentum.

VI, 284. Feceris, infelix et cibus ignis eris.

Plura hujusmodi exempla afferre non est difficile,  
sed haec sufficient.

Heusingerus, et qui eum secuti sunt Wernsdorffius, Ebertus, Schoenemannus, Lappenbergius carminis facundiam et elegantiam laudaverunt. Fefellit eos permagnus versuum e Romanis poetis depromptorum numerus, quem noster Albertus non sine suavitate quadam carmini suo intexit. Virgilius, Ovidius, Statius, Claudianus, Lucanus, Avianus, Maximianus (Pseudo-Gallus) Pamphilus, Anonymus Neveleti, Pindarus Thebanus (a nobis Epitomator signatus) immo Benignus Floriacensis, Alanus (Anticlaudianus), Hildebertus (de excidio Trojae) aequae ac Gualteri ab Insulis Alexandreis (quae paulo ante edita erat) pro sua quisque parte effecerunt, ut carmen elegantius et ob sententias interspersas nervosius procederet. Non centonem quidem scripsit Albertus e variis et diversis carminibus et carminum fragmentis consutum, sed permultos versus, qui ei praesto erant, carmini inseruit. Quanquam Ausonius ad amicum Paulum de isto carminis perficiendi modo judicat: „nam duos junctim locare versus, ineptum est: et tres una serie, merae nugae“, in admirationem tamen rapimur ob incredibilem nostri multa in lectione versati auctoris memoriam, qui quicquid sibi opus erat, ex diversis poetis praesto videtur habuisse. Plurimos versus eruiimus, adposuimusque locos, quibus desumpti sunt, alii nos fortassis effugerunt; alii, quos hic enumeramus, etiam — forte non iisdem verbis et non integri — in antiquis poetis latere suspicamur.

Ejusmodi sunt:

Lib. I. vv. 223. 301. 312. 313. 323. 324. 357. 358.  
411—16. 419—28. 459. 60. 465. 466. 471. 472. 475.  
476. 504. 507. 508. 511. 512. 609. 675. 680. 682—85.

Lib. II. vv. 117. 120. 212—16. 219. 220. 230. 231.  
239—42. 279. 280. 340. 357. 358. 420. 421. 428.  
429. 471. 473—75. 477. 566. 567. 607. 660. 671.  
684—89. 692—704. 707. 708. 838.

Lib. III. vv. 101—103. 111. 129. 130. 179. 180.  
193. 194. 253. 254. 261—264. 273. 274. 284. 287.  
288. 374. 477—480. 547. 548. 599. 602—8. 611.  
612. 625—32. 639. 640. 663. 664. 678. 719. 720. 858.

Lib. IV. vv. 25. 26. 81—84. 91. 92. 121. 122.  
137. 138. 171. 172. 235. 236. 238—40. 273. 274.  
315—18. 322. 341. 342. 376. 377. 407. 408. 424.  
461. 462. 483. 484. 534. 615—18. 718. 719.

Lib. V. vv. 266. 337—339. 341. 469—482. 485.  
486. 507. 508. 593. 594. 683. 684. 715. 716. 719.  
720. 722. 727—32. 753. 754. 789. 790. 804. 809.  
810. 818. 865. 867—71. 885—90. 897. 898. 900.  
904. 921. 922. 938—41. 947. 948. 950. 952. 1012.  
1017.

Lib. VI. vv. 11—14. 17—26. 55—58. 66. 99. 101.  
102. 106. 109—18. 120. 131. 132. 231—234. 238.  
297. 298. 329. 330. 371. 373—79. 528. 529. 545.  
554. 555. 562. 564. 567. 572. 621. 665. 754—57.

Quamvis magnus inter antiquorum et Alberti versus discrimen extet, poetis tamen cæteris istius aetatis ut Iscano, Gualtero etc. non cedit, et quod illi elegantiores versus condere videntur, fastosis et sesquipedalibus verbis maxime tribuendum est, a quibus Albertus abhorret, qui plano — interdum nimis plano — sermone utitur. In proeliorum descriptione ruditas quaedam sermonis cum loquacitate et verbositate conjuncta, animus legentis ut relanguescat, efficit; quod Albertus ipse sensit:

„Ridetur, chorda qui semper oberrat eadem,

Quamvis sit doctus et citharista bonus.

Vocibus instare non semper oportet eisdem:

Sternuntur, sternunt, millia multa cadunt.“

In arte metrica indulget genio saeculi sui saepis-

sime breves syllabas in arsi producenti, saepe quantitatem vi accentuum mutanti, ut

- I, 721. Non reor afflictum pērtērruisse virum.  
 II, 115. Dicere cum volui, quam pērtināx esset, oriri.  
 IV, 625. Surgit īrōnā risumque colorat amarum.  
 V, 160. Luna ministeriis h̄ymnīdīcātis adest.

Nonnullis locis „mī“ corripitur et VI, 122 invenimus  
 O tē! redargutus ergo recede procul

elisionem ultimae litterae I, 110:

Fratribus occisis unus superstes erat.

Dativus et Ablativus Gerundii saepius corripuntur, saepe etiam o finalis vocabulorum et Dativi et Ablativi secundae declinationis, quem correptionis usum noster excedere videtur I, 28

Argus erat. Fabricet, rex ait, Argō vocet.

Nonnulla praebemus exempla:

- II, 655. Sanguine primō Phr̄ȳgum qui rubefecit humum.  
 III, 41. Ne tua fata suae credas de cētērō dextrae.  
 III, 161. Sic quinto, sic et sexto, sic sēptīmō, sicque  
 III, 167. Ad pausas a strage manus tunc primō vocatur  
 III, 188. An rōgō urentur tempore quo, vel ubi  
 III, 793. Pelides populo de cētērō bella molestat.

Quantitate syllabarum in universum recte usus est, invenimus tamen falsas correptiones ut

- II, 139. Runcīna lambit aquas et ferri provocat iras  
 II, 464. Consilii coepere lībra trutinare, velintne  
 IV, 815. Plinius unus erat dēcōrus Scolpecius alter  
 V, 428. Basia dant dōlābris, jurgia dando labris  
 VI, 821. In sua victōria conversus viscera ferro.

falsas productiones ut

- III, 138. Cum cane custodit servus et āva domus.

V, 86. Pacifica l̄yra per graviora gravant.

Loci III, 232. IV, 89. 137.

Isti quum dūos narret adesse deos.

Sed neque nox didicit nullam pārare quietem.

Pugnandi genus egregium pārare scientes

fortasse legendi sunt:

Isti quum divos narret adesse duos

Sed neque nox didicit nullam patrare quietem

Pugnandi genus egregium patrare scienter

quanquam codex manifeste istas falsas productiones prae-  
bet; locum I, 582

Paeon oppidulo mārē lux stabat Apollo  
sanare difficilius est, quod codex haec verba, quae vix  
intelligi possunt, prodit; emendationem igitur textus  
non ausi sumus, conjecturam tamen hic

Paeon oppidulo manē lucebat Apollo  
nostro Alberto duce in arsi brevem syllabam producente  
praebemus fortasse non accipiendam, quia „stabat“ se-  
quenti versu iteratum profundiorum sensum prodere  
videtur.

Homoeoteleuto jam usi sunt Romani et noster ut  
ceteri neoterici eo non abstinuit. Res quum nota sit,  
eam mittimus et exempla exscribere nolumus. Insigne  
hujus usus exemplum invenitur in carmine elegiaco „de  
excidio Trojae“ quod Leyser (histor. poet. med. aevi  
p. 398) Hildeberto Turonensi episcopo, qui 1132 vel  
1136 obiit, tribuit, quodque propter formam et mate-  
riam lectu non indignum calci hujus libri adjunximus.  
De universa re metrica neotericorum Lucianus Müllerus,  
qui egregie de illa egit, consulendus est.

Carmen praebemus ad hunc usque diem ineditum,  
cujus tantum duo fragmenta J. F. Heusingerus in libro  
Fl. Mallii Theodori de metris (Lugd. Batav. 1766) p. 114  
—117 publici juris fecerat, quae fragmenta ex Heusing-  
ero a Staverenio (in editione Cornelii Nepotis II,  
p. 385 sqq.), Wernsdorfio (poet. minor. Lat. T. IV,  
p. 596), Eberto (Ueberlieferungen Bd. I, p. 188),  
Schoenemanno (Merkwürdigkeiten I, p. 15 nr. 171), Lap-  
penbergio (in praefatione annalium Alberti [Pertz mo-  
num. Germ. XVI, p. 272 sq.]), Dederichio (in Daretis  
editione Bonn 1835 praefat. p. V), Joly (in praefatione  
ad Benedictum) promulgata sunt. Reliqua praeter Heu-

singerum, Ebertum, Schoenemannum, Lappenbergium et Dungerum (die Sage vom trojanischen Kriege in den Bearbeitungen des Mittelalters und ihre antiken Quellen. Dresden 1869) qui codicem ipsum inspexerunt, omnibus incognita erant. Cholevius (Geschichte der deutschen Poesie I, p. 146) nomine Troili deductus fabulam Troili et Chryseidos enarratam esse male putat, itemque amicus noster Graessius errat, quod (Litteraturgeschichte II, 3 p. 116) citans Wernsdorf. poet. min. T. III, 2. p. 596 Troilum esse editum contendit, quum illo loco nihil de Alberti Troilo inveniat, et locum Wernsdorffii IV, p. 596, ubi de scriptoribus belli Troiani agitur, non recte interpretatus sit.

Unico tantum codice carmen servatum est, qui codex quondam usque ad annum 1332 inter libros Sanctae Mariae in Holsatiae Novo Monasterio, ut docent inscriptiones primae et ultimae paginae: „liber sc̃te marie in novomonasterio; liber sc̃te marie virginis in novomonasterio,“ fuerat, deinde in monasterio Bordesholmiensi sub signo G. nr. 18 (cfr. catalog. biblioth. Bordesholm. in nostro libro: bibliothekar. Unterhaltungen. N. Samml. p. 39) quod idem fuit quam Novomonasteriense. E bibliotheca Bordesholmiensi codex cum aliis (fortassis in bibliotheca Gottorpiensi asservatis) libris in Marquardi Gudii, qui 1671—1678 praefectus bibliothecae Gottorpiensis erat, manus venit (cfr. Bibliotheca Gudiana Hamb. 1706. p. 559 nr. 196) et bibliothecae academiae Iuliae Helmstadiensis inter manuscripta Gudiana comparatus, atque hinc in Guelferbytanam, ubi nunc sub signo: „278 Gud.“ adservatur, translatus est.

Codex noster membranis octuplicatis scriptus antiquo tegumine gaudens continet 162 recentiori tempore numerata folia, in quibus tria diversa scripta:

1) fol. 1<sup>a</sup> fragmentum Cornelii Nepotis (cfr. edition. Bardili II, 384 sq. et Heusinger. l. l. p. 125 sqq.).

2) fol. 1<sup>b</sup>—80<sup>b</sup> Ciceronis orationes Philippicae I—XIII, cap. 9, quae saeculo undecimo exaratae sunt.

3) fol. 81<sup>a</sup>—160<sup>a</sup> noster Troilus. Haec folia exeunte saeculo decimo tertio vel ineunte quarto decimo a manibus duabus fere aequalibus exarata sunt.

Fol. 160<sup>b</sup> tantum inscriptionem: lib' scte marie virginis in novo monasterio praebet, fol. 161<sup>a</sup> a tertia manu scriptam glosam ad lib. VI, v. 889; fol. 161<sup>b</sup> vacuum fol. 162 folium tegumini adjectum membraneum.

Textus Troili integer, codex ipse non plane perfectus est. Quum enim in priore parte librorum inscriptiones, capita atque litterae initiales minio adpictae, singulorum versuum litterae initiales rubro colore a summa usque ad imam paginam insignitae sunt, in parte altera, nondum desinente manu priore, miniaturae desunt, quare difficiliter capita et libri inter se discernuntur. Inscriptiones et distinctiones supplevimus, prooemium grammatici ignoti additum est ut et glosa ultimi versus in fine libri. Margini codicis ab utraque manu diversis in locis notulae adscriptae sunt, quas exhibendas nec negligendas esse putavimus. Hic illic in margine praesertim prioris partis leguntur Or. O. Al. Cl. Hom. Stat. Luc. Av. Vgl. Es. Alex. quae signa denotant Horatium, Ovidium, Alani Anticlaudianum, Claudianum, Homerum (i. e. Epitomatorem), Statium, Lucanum, Avianum, Virgilium, Aesopum (i. e. Anonymum Neveleti), Gualteri Alexandreidem. Si non expositio grammatici cujusdam ignoti ad initium carminis et duae manus exstarent, fortasse putare liceret emendationes in margine et has notas ab ipso poeta scriptas esse, qui quibus scriptoribus depromserat versus, indicare voluerit. Emendationes auctori ipsi tribuendae videntur secundum versus lib. VI, 693 sq.

„Edidit hunc sexto finitum mense libellum,

Cui tamen hoc tempus syncopa tulit.

Correxit pigritans. Labor hic, quam scribere major

At corrector ait: sint tua si qua valent.“

Interdum hic vel ille scriptor in margine adscriptis notis falso citatur et sub Ovidii nomine saepe Maximianus (Pseudo-Gallus) Pamphilus et Benignus Floria-

censis latent, saepe locus apice insignitus nusquam inveniri poterat, contra multi alii loci sine apicibus et punctis aliuscujusdam scriptoris erant. Quantum poteramus, suum cuique tribuere tentavimus. In Maximiani, Epitomatoris aliorumque carminibus usi sumus Wernsdorffii poetis minoribus, Alanum secundum editionem Antwerpianam ([Alani] Cyclopaediae Anticlaudianae s. de officio viri boni libri IX. Antwerp. 1611), Pamphilum et Benignum Floriacensem secundum „Ovidii erotica et amatoria opuscula Francof. 1610“, Anonymum Neveleti ex: „Mythologia Aesopica op. J. N. Neveleti Francof. 1610“, Gualterum secundum editionem Ingolstadiensem anni 1541, comparata Muldeneri editione excitavimus.


Textum codicis, exceptis paucis necessarie mutandis locis, integrum dedimus.

Haec fere sunt, quae de scriptore, codice, editione dicenda erant.

Oldenburgi, Mense Decembri MDCCCLXXIV.

**Merzdorf.**





# TROILUS

MAGISTRI ALBERTI

ABBATIS SANCTAE MARIAE IN STADIO.



## ACCESSUS IN TROILUM MAGISTRI ALBERTI.

In hoc opere sicut in qualibet re quaeruntur tria scilicet: quid, quale, quare, h. e. materia forma et causa. Materia diffinit quid sit res, forma qualis sit, et re posita et ejus qualitate expressa causam positionis statim expectat animus auditoris. Materia hujus operis est Trojanum bellum, quae res ipsa mirandum efficit et famosum. Diffamat enim illud vel infamat fortium strenuitas, vel ut verius dicam fatuitas, pugnae crudelitas, occisorum numerositas, temporis diuturnitas, incendii immanitas, quae singula tanguntur in opere. Primum tangitur in II<sup>o</sup> libro, pugna III<sup>o</sup> libro:

Non erat haec pugna pavidorum, nam simul acres,

Fortes, audaces hic periisse vides;

pugnae crudelitas in V<sup>o</sup> libro:

Hic rabies, rancor, fremitus, violentia, livor,

Lis, odium, fervor, impetus, ira, furor.

Occisorum numerositas in fine libri tangitur, quorum numerus ab audientibus abhorretur, habes nempe

Millesies mille permixtim quinque trecenta

Et decies octo millia caesa puta.

Temporis diuturnitas in ultimo libro tangitur fere circa principium in allegatione Aeneae:

Jam bis quinta revolvitur aetas,

Quod patriam tota commoluere mala,

Et glacialis hiems aquilonibus asperat undas

Jam decies pugnae nec numerabo vices.

Incendii immanitas circa finem libri tangitur:

Gens victrix tandem Vulcano fulminat urbem,

Nemo tam latum vidit in orbe focum;

Flamma vorax ad celsa volans obnubilat astra

Longe reposita percutiendo loca.

Forma hujus belli et ejusdem belli veritas; quia auctor, postpositis omnibus figmentis, quae permultum depravant hanc historiam, Daretem sequitur qui Phrygius erat et ejusdem belli princeps, qui etiam idem descripsit proelium tenens omnino veritatem, unde habes circa finem libri:

Et Phrygius fuit iste Dares et tempore belli

Ipse quidem miles proelia visa refert.

Sunt autem narrationes impositae modo principum, modo militum, modo nunciorum vel etiam traditorum; quae res a veritate non discrepat, quia secundum causam recitationes easdem aut esse tales aut omnino similes oportebat. Tanguntur ea in tertio libro post pugnam septimam, quae duravit LXXX diebus continuis: sic:

Hanc quoque materiam figmenta poetica nebant,

Sicut Virgilius arma virumque canens;

Sed Phrygii tenet historiam liber iste Daretis,

Qui praeter verum scriptitat inde nihil:

Hunc sequor adjiciens interdum verba virorum

Qui vel loquebantur vel potuere loqui.

Ponatur, quod et hi non sint ea verba locuti,

Causae praesentis sunt tamen apta rei.

Habes materiam operis et formam. Causa est: prave strenuos a sua stultitia compescere et fortes suam fortitudinem non in pomposa jactantia, sicut hi miseri, sed in virtuosa constantia potius exercere; ut lector, habita consideratione, contra malum istius belli principium et pejus medium et pessimum ejus exitum vel discere studeat et docere, ut hoc praemunitus exemplo nemo se dissimulet ab hujus vanitatibus tentare. Non desiderio notificandi hoc bellum tale auctor studium assumsit, sed magis in rem contra suam, super tutela talium, quae ratione belli contigerant, stabilivit; ait enim ipse: „fas est et ab hoste doceri“ et hoc circa finem libri tangitur, ubi dicit:

Non propter Trojam Trojanum scribere bellum

Aut Phrygium coepi sollicitare stylum,

Sed ductus meliore via compescere pravos

Et servare dei vult in amore pios.

Grata medulla latet omni sub cortice rerum

Et nucleum celat arida testa bonum.

Nos docet Herodes sicut baptista Joannes

Erudit ille bonos, territat ille malos.

Teste etiam Aristotele malum non potest vitari nisi cognitum: malo siquidem cognito felix est qui declinat a malo et facit bonum et qui aliorum casum sibi constituit firmamentum. Horatius<sup>1)</sup>

Felix, quem faciunt aliena pericula cautum  
et Virgilius [Georg. II, 490 sqq.]

Felix qui potuit rerum cognoscere causas;

Atque metus omnes et inexorabile fatum

Subjecit pedibus;

Unde et liber iste ethice sumitur, quia vitia reprehendens et ab his auditores absterrens ipsos ad virtutum exercitia cohortatur. Reprehendit enim in Pelia invidiam, in Paride et Helena petulantiam, in pugnantibus truculentiam, in Palamede ambitionem, in Hecuba dolositatem, in Aenea et sociis suis perfidiam et traditionem, in utroque exercitu iram, odium et furorem. Et ex hoc ethicae merito sumitur quod ratione praedicta morum est et bonorum operum instructius, et quod voce philosophi jucundum nihil est, nisi quod reficit varietas. Auctor idem opus sex distinctionibus variavit, tum pro eo ut auditorem brevitatis instrueret facilius, cum pro eo ut identitas, quae rara est satiata, legendi taedium non inferret.

In fronte cujuslibet distinctionis generale posuit illius et illius proverbium teniore modo, quod eadem continet distinctio nobiliter impraegnatum. Etiam in capite libri quoddam proverbium Ovidii, quod specia-

---

1) Haec non apud Horatium, fortasse nostri sunt et imitatio Plantini dicti: Feliciter sapit, qui alieno periculo sapit.

liter ad omnes scriptores pertinet, quasi quandam auream vittam constituit, quo et mens auctoris et efficacia totius operis elucescit; scribentem nempe ipse labor delectat et idem labor laborando minuitur, dum per crementum operis his, qui in alicujus rei studio laborant, magis ac magis ad fervorem studii provocatur. Siquidem Ovidius [Fast. I, 216]

Quo plus sunt potae plus sitiuntur aquae.

Et de accessu haec dicta sufficiant.

Titulus talis est: Incipit Troilus. Hic liber est dictus Troilus propter quandam similitudinem nominis modo competentem, ut Troilus quod Troicus, cum et ipse Troicus fuerit et Trojani regis seu Priami filius et fortia facta in eodem bello gesserit, vel ideo quod idem Troilus fratrum suorum minimus erat et ultimus, strenuus tamen, et hic liber quia de eadem materia est extremus, utilis tamen tali est nomine non incongrue appellatus teste Horatio [Ars poet. 58]

licuit semperque licebit

Signatum praesente nota producere nomen<sup>1)</sup>.

Et ut facilius lector quaequae quaerit inveniat totum opus ante distinctiones per capitula declarat.

## DE PROOEMIO.

*Impetus ille sacer et cetera.* Hoc prooemium praemittit auctor principali proposito excusans se super eo quod hexametro et pentametro processit metro, cum gesta fortium et bella scribi debeantur metro heroico ut docet Horatius in poetica (v. 73)

Res gestae regumque ducumque et fortia bella<sup>2)</sup>

Quo scribi etc.

et hujus libri materia sit pugna virorum nobilium, fortium et magnatorum et tamen tali carmine non sit prolata; proposito siquidem quod invitatus hanc materiam

---

1) Apud Horatium: procudere nummum. 2) Apud Horat. tristia b.

assumerit et subiungit: „certaque etc.“ haerebam tempore longo pendulus et dubius quo potius numero et metro res ea seu materia transiret, maxime cum quaelibet nova res propter invidos transeat difficulter et etiam propter alios auditores, unde Horatius [A. P. v. 274]

Legitimumque sonum digitis callemus et aure<sup>1)</sup>  
et paulo ante [v. 104. 105]

mala si mandata loqueris

Aut dormitabo, aut ridebo.

Et hoc quoque tangit auctor in proemio cum dicit: „et semper nova res tangit et invidos qui cuncta quae audiunt aut subsannant, aut supprimunt aut depravant: dicit nempe; livor iners etc. Deinde excusat se de metro sive pentametro dicens, quod tali pede merito scribi debeant tales miseriae ita concludens:

gesta miserrima scribo

Et strages miseras etc.

---

1) noster: aures.



INCIPIT PROOEMIUM IN TROILUM MAGISTRI  
ALBERTI ABBATIS SANCTAE MARIAE IN  
STADIO, QUI POSTEA FACTUS EST FRATER  
MINOR [ibidem\*].

Impetus ille sacer, qui vatum pectora nutrit,  
Diversos studiis diversis occupat, et me  
Materiam, quamvis invitus, traxit ad istam;  
Certaque cum dederat animo sententia finem,  
Hac ut ad incudem cum massa malleus iret, 5  
Quo potius numero, cum tristia bella sonaret,  
Res ea transiret, haerebam tempore longo  
Pendulus et dubius; cum scriptor debeat omnis  
Reddere personae sibi convenientia cuique,  
Et semper nova res, theatrum quae primitus intrat, 10  
Passu difficili callentes transeat aures.  
Praetereo quod livor iners, laudabile quicquid  
Aut videt aut audit, spumosis dentibus angit:  
Cui, quo res melior, est iracundia major,  
Et bona, quae reficit alios, hunc inficit esca. 15  
Cedat, ad intuitum cuius corrumpitur aer,  
Meque sinat Troilumque meum transire parumper.  
Res gestae regumque ducumque ferocia facta  
Quo scribi possent numero monstravit Homerus.  
Scilicet heroico, dicetur forsitan; isti 20  
Currere versiculi quia deberent pede tali,  
Quodque per exiguos magnorum magna virorum  
Proelia non deceat elegos scripsisse, probabunt.  
Sane concedo, sed gesta miserrima scribo  
Et strages miseris miserorum, qui misereri 25  
Noluerant sibi nec aliis sed morte metebant

---

\* ) manus recentior. 7. e margine pro habebam. 18. Ho-  
ratii sunt A. poet. v. 73. 21. Heus, quod.

Se misera misere, misero stimulante furore.  
 Per miseros igitur elegos hoc ducere carmen  
 Decrevi miserum, sortem miseratus eorum  
 De quibus hic legitur, miseri qui castra sequuntur. 30  
 Hac noster ratione stilus non debuit istas  
 Scribere nec debuit heroum carmine mortes,  
 Sed numeris sub disparibus lex metrica saltat,  
 Tamquam, de miseris haec est narratio, dicat.  
 [Troilus est Troilus Troiano principe natus 35  
 Et liber est Troilus ob Troica bella vocatus.]

### QUID CONTINEAT PRIMUS LIBER.

Primus liber continet Peliae contra Jasonem invidiam, Jasonis pro vellere navigationem, Laomedontis necem, Hesionae deductionem et eiusdem ab Antenore repetitionem, Troiae munitionem, Alexandri in Graeciam profectionem, Helenae in Phrygiam adductionem, vindicem a Graecis machinationem, Agamemnonis in regem elevationem.

### LIBER PRIMUS.

#### CAPITULA LIBRI PRIMI.

Primus ob invidiam Peliae cum nave venusta  
 Cholcon inaurato pro vellere Jasone portat,  
 Laomedon, navem qui Jasonis ante fugarat,  
 Herculis ense cadit, Troiae munitio surgit,

---

30. Pertz. misera. 35. 26. Hos duos uncis inclusos versus Heusing. non putat ab Alberto profectos esse: „Ut ita censeam, dicit, non eo solum adducor quod Alberti vena, quamvis et ipsa lutulenta fluat, tamen ea sunt indigni, sed etiam quod iidem versus in fine codicis repetuntur, et a grammatico, qui in accessu ad Troilum libri titulum explicavit, nulla eorum ratio est habita. E quibus omnibus pronum est suspicari, versiculos istos ab alio quodam confectos Albertoque esse suppositos.“ Alberto tribuimus hos versus, qui saepe et libenter gaudet logodaedalia, ut in praefatione docuimus. 2. Msc. Chonchon. 3. Msc. fugarat.

Hesionem Telamon deduxerat, hanc repetendo 5  
 Nil agit Antenor; ultorem se Paris offert,  
 Dissuadent aliqui, sed navigat ille, repertam  
 Deducens Helenam Troes laetantur, Atrides  
 Fratrem solatur, vindictam Graecia dictat,  
 Rex Agamemnon erit, ratibusque studetur et armis. 10

#### DE PROCESSU AUCTORIS.

Praemisso prooemio et descriptis primi libri capitulis auctor, praenotato competente proverbio, more scriptorum proponit et invocat ut rationabilius ad ordinem narrationis accedat; proponit cum posito secundum auctoritatem Ovidii quod delectamentum magis ac magis illiciat studiosum; statim subiecit quod tractare velit cum dicit: Taliter i. e. tali modo stilus meus idem studium meum ruit in arma vel bellum Troianae historiae. Ecce expressio mea quaerit recitationi demere falsa et promere i. e. scribere vera. Ecce expressio formae. Invocat cum subjungit: „Automedon \*) verus et qui videt omnia Phoebus.“ Invocat Automedontem vel aurigam illum qui est currus Israel et auriga ejus, ideo adjungit verus; et illum Phoebum, cuius sunt oculi ut flamma ignis et penetrant usque ad divisionem speciei et animae et non est ulla creatura invisibilis in conspectu ejus\*\*). Propositione et invocatione facta statim secundum doctrinam Horatii ad eventum festinat et in medias res et narrationem inchoat dicens: „Crethei proles.“ Cretheus filius erat Aeoli, quem fabulantur deum ventorum, et Pelias iste Crethei erat filius et frater Aesonis et Pelopensibus imperabat, quam civitatem Pelops filius Tantali dicitur struxisse et ab ejus nomine sit vocata.

---

8. e margine, textus rasura illegibilis. \*) Msc. Antomedon ut semper. \*\*) Ep. ad Hebr. IV, 13.

## AUCTOR PROPONIT.

Scribentem iuvat ipse labor minuitque laborem,  
 Cumque suo crescens pectore fervet opus:  
 Taliter historiae Troianae demere falsa,  
 Promere vera meus ivit in arma stilus.  
 Automedon verus, et qui videt omnia Phoebus 5  
 Ut bene currat opus, sit, rogo, temo meus.

## NARRATIO AUCTORIS.

Crethei proles Pelias Pelopenses olim  
 Imperat, illius Aeolus extat avus.  
 Frater erat Peliae vel non ignobilis Aeson,  
 Jasonis iste pater, Graecia terra fuit. 10  
 Jason amabatur a cunctis, semper amorem  
 Strennitas socia dapsilitate dedit.  
 Vidit et invidit patruus tituloque pavescit,  
 Hoc sceptrum regni crescere forsitan ei,  
 Intendit iuvenem vita privare, nec illud 15  
 Audet inire palam, fabricat erga dolum.  
 Colchos inaurata vervecis pelle refulget,  
 Vellera, qui rapiet, dignus honore foret.  
 Pensat eo rex Aesonidem hac mittere mente,  
 Forte petens laudem proferet ille necem. 20  
 „Si quis“, ait, „mihi retulerit cum pelle triumphum,  
 Quae vult poscat et haec, me tribuente, ferat.“  
 Hoc calet edicto mens Jasonis, aemula laudis,  
 Jam facit in variis fortia facta locis,  
 Veraque non parvas animo dat gloria vires, 25

1. 2. Ovidii sunt Pont. III, 9, 21. 22, ubi tamē Scribentem iuvat ipse favor, minuitque etc. 5. Margo: Invo-

cat. 7. Margo: Aeolus deus venforum

Cretheus suus filius

Pelias et Aeson fratres

Jason filius.

18. e margine pro pellere.

19. Aesonid. superscriptum:

Jasonem.

Et foecunda facit pectora laudis amor.  
Ibo, refert, dentur socii navisque paretur,  
Argus erat. Fabricet, rex ait, Argo vocet.

#### JASON NAVIGAT PRO VELLERE AUREO.

Rumores hinc inde volant de Jasone; Jason,  
Ut vellus rapiat, Colchon adire parat. 30  
Exsurgit navis pulcherrima, velleque totum  
Militis, ut fieret valde venusta, fuit.  
Graecia laeta favet, applaudit turba, juvenus  
Ciliciae ducit gaudia, spondet opem.  
Jason adhortatur socios, ut quando vocari 35  
Illos contingat, quisque paratus eat.  
Navis perficitur, annus finitur et ecce  
Illi laetanter aggrediuntur iter.  
Imprimit his Pelias constantes esse, virili  
Pectore propositum continuare suum, 40  
„Pendet in hoc opere nostri fiducia, fama  
Vestri, Grajugenae gloria gentis“, ait.

#### JASON DEPELLITUR CUM SUIS.

Attingunt Phrygiam, Simois flavit obvisus illis,  
Mens fuit, ut portus eligerentur ibi.  
Ancora projicitur, saliunt in litora laeti, 45  
Miratur se rem terra videre novam.  
Laomedontearum ascendit rumor in aures,  
Mirandam Phrygibus applicuisse ratem,  
Addicitur, populis quod plena sit et quia fortes  
Sint simul et juvenes, quosque stupere vides. 50  
Rex: „Phrygibus cedit in magna pericula, si mos  
Hic increbuerit, qui modo coepit“, ait,  
„Scilicet ut juvenes, qui nutrit Graecia, discant  
Talibus in nostrum navibus ire solum“.  
Iratius mittit ad portum dicere Graecis: 55  
Vos jubet ex regno rex properare suo.  
Cedunt, Colchon eunt, nec adepta pelle quiescunt,  
Navem conscendunt, propria tecta petunt.

## TANGIT QUANDAM FABULAM.

Vipereos dentes in humum pro semine iactos,  
 Et subito natos arma tulisse viros: 60  
 Terrigenas populos, civili Marte peremptos,  
 Ense qui strictas conseruere manus,  
 Medae studio, credat Iudeus Apella;  
 Non ego ficta quidem, non ea facta scio.  
 Sed si Medae rapuit tutamine pellem 65  
 Vel propriis tantum viribus, ipse sciat.  
 Hanc rapuit sed, ea quocunque sub omine rapta,  
 Cum praeda rediit protinus ille sua.

## LAOMEDON CUM MULTIS OCCIDITUR.

Acriter Herculeam succendit laesio mentem  
 Pridie cum socio Jasone facta viro, 70  
 Quando suis hos Laomedon effudit ab oris  
 Pellens advectam non sine pace ratem.  
 Heros incendit, ut rem declaret amicis,  
 Quos putat obprobriis condoluisse suis.  
 Aggreditur properanter eos ubicunque morantur 75  
 Exponens animi fervida vota sui.  
 Spartam pervenit, Pollux et Castor eidem  
 Se praebent et opus auxiliare vovent.  
 Ad Phtias convertit iter, Peleumque requirit,  
 Qui miles validam spondet et ipse manum. 80  
 Fecit, et hinc navi venit etiam in Salaminam  
 Hoc ad propositum sollicitare virum.  
 Inde Pylum tendit pro Nestore, Nestor in illo  
 Magnae commendat strenuitatis opus,  
 Auxilium totis promittit viribus; ille 85  
 Ad sua tecta redit propositumque premit.  
 Praeparat atque rates ter quinas, praeparat arma

59—61. Ovid. Heroid. IV, 33—5. 62. Ovid. Her. XII,  
 100 Inter se strictas conseruere manus. 71. Msc. horis.  
 72. Margo: quia pacifici venerant tamen pro pelle ituri.  
 79. Msc. Phitias. Margo. patrem Achillis. 80. Msc. Cui.  
 81. Margo: ubi manebat Telamon.

Praeparat armandos et genus omne cibi.  
 Illico militia se colligit ista, iuventus  
 Florida diverso robore, mente pari. 90  
 In naves electa cohors se prompta receptat,  
 In Phrygiam properat, applicuisse iuvat.  
 Cum Peleo Telamon saluit in litora, sicque  
 Alcmenae soboles; surgit ad astra canor.  
 Sed Castor Polluxque manent cum Nestore, nolunt 95  
 Incustoditas deseruisse naves.  
 Fert iterum [rumor] hic Laomedontis in aulam:  
 Est in Sigaeo classis Archiva solo.  
 Ad mare rex exit, quem copia cingit equestris,  
 Argolicos regni pellere fine sui. 100  
 Sed medio iuvenes impugnant tempore Trojam,  
 Rex, ubi scit pugna quae sit suborta, redit.  
 Occurrunt Graeci, rex Herculis ense peremptus  
 Occidit, et Telamon Pergama primo subit,  
 Cui mox in pretium virtutis strenuus heros 105  
 Hesyonem [natam] Laomedonte dedit.  
 Nec solus rex interiit, cum rege profecti  
 Regales pueri comperimuntur ibi.  
 In Phrygiam Priamus fuerat cum milite missus,  
 Fratribus occisis unus superstes erat. 110  
 Amphitrione satus et Graeca iuventa ferentes  
 Non modicam praedam repariare student,  
 Hesyonem Telamon secum deduxit, et omnes  
 Victrices referunt in sua castra manus.  
 Res raptas, patris interitum, captamque sororem 115  
 Ut Priamus discit, corda dolore quatit;  
 Ilion ingreditur, et conjux Hecuba, nati  
 Et natae moesto pectore, mente gravi.  
 Hector Alexander primi sunt, Deiphobusque,  
 Tertius est Helenus, quartus et hic Troilus 120  
 Filius; Andromache, Cassandra, Polyxena natae,  
 Has laudat facies strenuitasque mares.

94. Margo. Hercules.  
 Deiphebus ut plurimum.

97. [Rumor] e margine. 119.

Perspicit et Troiam rex munit, moenia lapsa  
 Erigit et muros amplificando trahit;  
 Constructis portis imponit nomina, supplet 125  
 Amnem neglectum, firmat ubique locum,  
 Ex muro turres et propugnacula surgunt,  
 Firma virtute Pergama stare vides.  
 Non sunt munita, sunt munitissima, possent  
 Inter praeclara nomen habere loca. 130  
 Regia surgit ibi sublimibus alta columnis,  
 Hic sibi culturam vindicat ara Jovis.  
 Versus Paeoniam fortes adscire Quirites  
 Ad patris imperium dirigit Hector iter.

#### DIVERSI LUDI MILITIAE EXERCENTUR.

Urbe reformata nunc rex et tota reformat 135  
 Regni praesidia, litus arasse putat.  
 Pergama militiae non solum flore coronat  
 Immo replet Priamus, milite tota viget.  
 Regalis vario laetatur curia ludo, 140  
 In quavis audis carmina laeta domo.  
 Ne tamen ignavum consumant otia corpus,  
 Militiam recolunt, fortia multa gerunt;  
 Segnities causam dederat quia, proditionem  
 Hesyonae decoris, Laomedontis opus.  
 Tota recognovit hic moenia, desidiosi 145  
 Quae pridem tanti causa fuere mali.  
 Desidis aurigae non audit verbera currus,  
 Displicet ergo duci desidiosa sequi;  
 Nec manus agnoscit, quem non exercuit, arcum  
 Tyro frequenter ob hoc mittit ad arma manum. 150

#### ANTENOR MITTITUR PRO HESYONE.

Rex videt ut regni stabilita negotia, mentem  
 Colligit et proprii cordis in arva redit;

147. Claudian. de consul. Mallii Theodori v. 187.

149. e Claudian. de cons. Mall. Theod. v. 188.



In speculo mentis captam videt ille sororem Et fratrum pariter interitumque patris.	
Colligit introrsus res raptas, moenia fracta, Seque dolorosa sustinuisse probra.	155
Opportuna tamen rex nactus tempora; „pensa, Oh, ait, Antenor; quae tibi verba loquor:	
Optime vir nosti; quae, quanta calumnia nobis Lata sit a Graecis. Intumuere minis,	160
Non suffecit eis, nostros attingere fines Magna cum populis applicuisse rate.	
Dixi; cum populis deberem dicere pompis, Magna debueram dicere magnanima.	
Denique magnanimo calcarunt, immo superbo Mox ut venere, litora nostra pede;	165
Insuper insultum fecere minaciter urbi; Inconsuetus erat talia probra pati.	
Et ne concepta quod ab impietate deesset, Ferrum strinxerunt in patris ora mei.	170
Mortuus est, et tunc in moenia nostra ruentes Innumeram praedam non sine caede patrant,	
Captivando meam secum duxere sororem, Tum quum se patriae restituere suae.	
Irasci merito deberem talibus, immo Debeo, conticuit nostra querela diu.	175
Ulciscar vero, sed dissimulare valebo Cetera, si sola conditione fruar:	
Reddatur captiva soror, sint altera pacis; Si minus, hostiles protinus adde minas.	180
Antenor! tua dicit idoneitas, quod ad istas Suscipias operas, ergo paratus eas.“	
Antenor parendo parat conscendere navem, Velificans Graecum contigit ille solum.	
Pergit Magnesiam, Peleumque salutat, ibi tres Hortatu Pelei continuando dies.	185
Inchoat Antenor causam recitare laboris Et quod ob Hesyonem ceperit ipsa viam.	

Addidit et vultum verbis, iterumque rogavit,  
 Iret ut ad patrios rapta puella deos. 190  
 Auscultans Peleus levipendit verba loquentis,  
 Et sermone brevi coepit et ipse loqui.  
 Quid super Hesyonae nunc redditione solutae,  
 Haec est in nostro pectore cura minor.  
 In patriam petere, nostrasque relinquere sedes, 195  
 Dicere, quod cessit ista querela, potes.  
 Est tellus et dicta Boetia, quae Salaminam  
 Continet; Antenor hanc et adire studet.  
 Hic Telamonis erat habitatio, quaerit eundem;  
 Invenit; invento sic querulosus ait: 200  
 O Telamon! reor esse nefas, quod filia regis  
 Hac quasi captiva detineatur humo.  
 O Telamon! regi spoliata redde sororem,  
 Dedecus hoc spolium dissimulare ducem.  
 O Telamon! iuste reddendam redde puellam, 205  
 Non est iniusta praeda tenenda tibi.  
 Extemplo miles respondit ad istud et istis:  
 Esset ad hoc, o vir! obticuisse pudor.  
 Antenor! quia filia regis habetur apud nos,  
 Ut pote victores, non reor esse nefas. 210  
 Antenor! si dissimulet rex, necne puellam  
 Pro virtute mea reddere nolo datam.  
 Antenor! iuste praedatam praedo tenebit;  
 Tam bona constanter praeda tenenda fuit.  
 Ergo redi; rediens de finibus exue nostris; 215  
 Non habet effectum, quod geris; ergo redi.  
 Quaerit Pollucem cum Castore: deinceps precatur  
 Hesyonem reddi proficiendo nihil.  
 Ut rapta taceamus, ait, de virgine; nostra  
 Oppida fregistis, diripuistis opes, 220  
 Causam non habuit injuria tanta, puellam  
 Reddite, rex reliqua, sint quasi nulla, silet.  
 I procul, i, dicunt; non est tibi tibia tanti,

217. Msc. perperam Nestore, quum Antenor v. 233 sqq.  
 Nestorem aggreditur. Dares recte habet Castor.

Debeat ut tali virgo decora dari;  
 Facta quidem vobis non est iniuria, primum 225  
 Prodiit a vestro Laomedonte scelus.  
 Venimus in pace, repulit nos dedecorosa  
 Nostros intendens exagitare fuga.  
 Siste gradum; non est, quod fers in pectore, gratum;  
 Propositi, rediens, contrahe vela tui. 230  
 Nil credens actum, tum quid superesset agendum  
 Antenor differt velificare domum.  
 Nestoris aggreditur habitacula; nuncius, inquit,  
 Ad vestros veni velificando lares.  
 Supplicat Hesyonem rex reddi, damna tacendo 235  
 Vult reprimi, pudor est ulteriora loqui.  
 Hac vice de praeda, de regis morte tacemus,  
 Est grave quod doleat commemorare diu.  
 Omnia, rex dicit, quae sunt illata probrose  
 Si fuerit virgo reddita, pacis erunt. 240  
 Ha! nimis est, quod, amice, petis! moderatius opta;  
 Sit domus Hesyonae Grecia, Nestor ait.  
 Dic tamen interea, quum te fiducia nostris  
 Appulerit laribus, pacifici ne sumus?  
 Ulteriora loqui pudor est tibi, dic age, magno 245  
 Absque rubore loqui nunc mala nostra queo.  
 Nescis, quae fuerit illata calumnia Graecis  
 Iam tum pacificis in Simoentis aquis?  
 Numquid es oblitus quod Graecam rex tuus olim  
 Ex Phrygia jussit ocus ire ratem? 250  
 Excidit ex animo tibi, quomodo tam subito nos  
 Cedendo quondam sustinuisse fugam?  
 Cedas, ne nostram tua mordeat ancora terram  
 Ferrea, res Phrygias Graeca refutat humus.  
 Rex tuus est Priamus, gaudet quoque Graecia rege, 255  
 An nescis longas regibus esse manus?

---

226. Msc. nostro. 241. Ov. e. Pont. I, 8, 71.

Ah nimium est, quod, amice, petis! moderatius opta:

254. Msc. repetit anchora, sine sensu, pro qua scripsimus:  
ferrea. 256. Ovidii est Heroid. XVII, 166.

## ANTENOR REDIT AD TROIAM.

Antenor sine fruge videns se semina ferre,  
 Ocius ad Phrygios vela reflexit agros;  
 Enarrat Priamo, quid dixerit ille, quid ille,  
 Quodque dedit variis irrita vela nothis. 260  
 O rex, adiecit, galeatis pungere verbis  
 Non timuere tuos et terebrare minis.  
 Quid recitare velim, quod in omni fine loquendi  
 Acriter a foribus me repulere suis.  
 Ulcisci certe probra talia consulere, si 265  
 Essem consilii pars aliquanta tui.  
 Litora pompose tetigerunt nostra, potenti  
 Protinus in terram prosiluisse pede.  
 Irrumpere fores violenter in urbis, ibique 270  
 Et res et nostras diripere domos;  
 Occidere patrem crudeliter atque sororem,  
 Turpiter huc usque detinuere tuam.  
 Ludunt, subsannant imbelles et sine ferro  
 Esse ferunt omnes impropere Phryges.  
 Graecia ni fuerit Phrygios experta lacertos 275  
 Plus, quam senserimus, experiemur eos.  
 Haec ego; si quis habet aliud sub pectore clausum,  
 Proferat; ut digna res ea forte cadat.

## DUCES CONVOCANTUR AUDIRE ANTENOREM.

Continuo Priamus vocat in commune Quirites  
 Ut super his verbum possit habere ratum. 280  
 Hector adest fratresque sui vel qui generati  
 Ex illegitima sorte fuere duci.  
 Anchises, Anchisiades allique barones  
 Adveniunt, quibus est mens, valitudo, fides.  
 Scitis, ait Priamus, quibus istam Graecia probris 285  
 Affecit patriam, nos tribulando palam.  
 Dum memini, meminisse pudet paterna rapina,  
 Est pater occisus, capta tenella soror.

265. Msc. certa. 269. e margine pro vilenter. 283. Msc.  
 Anchidiades.

Iverat Antenor, ut nostras ipse querelas Ederet et pacem reddita virgo daret.	290
Profecit minime, nihil impetravit eorum, Pro quibus ad Graeca litora missus erat; Amplior accessit iniuria, dedecorose, Antenor! domibus te repulere suis.	
Una doloris adhuc non est obducta cicatrix, Cordis adhuc laesi vulnera cruda manent.	295
Dicatis procures, quidnam super his sit agendum; Dico, merebuntur si mea dicta fidem, —	
Obstandum citius, sero medicina paratur, Cum mala per longas invaluere moras.	300
Mutaremus opus, ad nulla valet bona tardus; Qui non est hodie, cras minus aptus erit.	
Consultit Antenor, ierat qui nuncius illo Ulcisci facinus strennuitate manus.	
Et, vos indecores nisi vivere forte velitis, Consilium super his vos quoque tale datis.	305
Nonne mori melius, quam vitam ducere mortis Et sensus membris insepelire suis.	
Pone necesse mori; mors ultima linea rerum Non metuenda viris, mors mihi tempus iners.	310
Multos consumsit ignavia, semper inertes Damni participes dedecorisque manent.	
Ergo, viri fortes! strictum producite ferrum, Ferro nunc Phrygiam magnificate manum.	
Hic labor ut merita tangat vindicta Pelasgos, Discant insolitum nostra per arma iugum.	315
Hector! tu maior es natu, sume laborem Hujus propositi, laetus in arma veni.	

299. 300. Ovidii Remed. 91, 92 qui tamen: „principiis obsta“, et „convalescere“ habet. 302. Ovid. Remed. 94.  
307. 8. Maximian I, 265 sq.

Morte mori melius, quam vitam etc.

Et sensus membris insepelire suis.

309. Horat. epist. I, 16, 79. 310. Ov. e. Pont. I, 5, 44  
— — mors nobis tempus habetur iners. 318. e margine  
pro proucite.

Laetus in arma veni nec lentus, semper in istis,  
     Si bene te novi, mens erat apta tibi. 320  
 Quod tua te virtus iuvet et sapientia, credo  
     Turpe nec est tali credulitate capi.  
 Saepius expertum facit experientia certum,  
     Ad causas notas est dubitare nefas.  
 Laetus, ait, veniam; nec me labor ille gravabit, 325  
     Maior ab occiso mens mihi crescit avo.  
 Provocat Hesyone, praedae violentia, strages,  
     Multaque quae nostri sustinuerunt Phryges.  
 Si placet, ibo; licet mihi nec prudentia mentis  
     Nec mihi sit virtus corporis, ibo tamen. 330  
 Quae potero faciam, sed praemeditatio rerum  
     Saepe bono causam claudere fine solet.  
 Principium finemque rei prudentia spectat  
     Qui nimis est tutus retia jure subit.  
 Non est ignota res: est sapientia Graecis, 335  
     Consiliis inhiant, ense manumque valent  
 Protinus ut nostrum movet illis dextera bellum,  
     Non puto quin plures auxiliarentur eis;  
 Vicinos aliosque duces populosque cieunt  
     Occurrunt nobis hi velut unda maris. 340  
 Adde, quod inbellis pro dissuetudine belli  
     Extat adhuc Asia, desidiosa quasi;  
 Non sic Europa; semper sudavit in armis;  
     Bellica nimirum brachia bella sciunt.  
 Hinc Graecis valida sunt arma, probatio, multa 345  
     Classis eis, nobis inclita nulla ratis.  
 At licet eximias protendat Graecia vires,  
     Ibo, quo si tu me pater ire jubes.

---

322. Ovidii est ex Pont. I, 1, 44. 325. ultima versus  
 pars est Virgil. Aen. II, 708. 331. 32. Alanus. Anticlaud.  
 Lib. II (p. 24) lin. 8 ab infra: finisque beati Gratia princi-  
 piis semper respondet honestis. 333. Pamphil. XVII, 7  
 Principium; finemque simul providentia spectat.  
 334. Anonym. Nevel. p. 501. lin. 2. 339. manus antiqua  
 in margine per „citabant“ explicat.

## PARIS DICIT SE ITURUM IN GRAECIAM.

Surgit Alexander; opus hoc laetanter adire  
 Pro patris et patriae, diicit, amore volo. 350  
 Idaeos lepores quondam venabar in Ida,  
 Deposui somno membra volente thoro.  
 Somnio mirificum dare, quae speciosior esset,  
 Iudicium, mihi tres exhibuisse deas;  
 Una fuit Pallas, Venus altera, tertia Iuno; 355  
 Ambiguus, cui laus ista daretur, eram.  
 In specie mulier plus gaudet quam probitate,  
 Mentum non mentem femina pulchra colit.  
 Delectant etiam castas praeconia formae,  
 Pessima sit, nulli non sua forma placet. 360  
 Hinc Venus haec ad me: quae sim speciosior ede,  
 Efficiamque tibi dulcia dona dari.  
 Graecia formosis est deliciosa puellis;  
 Elige, cui dicas, tu mihi sola places.  
 Hac ego te faciam, Paris, ad tua vota potiri, 365  
 Si detur species plus speciosa mihi.  
 Quis tantae promissa deae contemnere posset?  
 Prona venit cupidis in sua vota fides.  
 Est Pallas speciosa, loquor, speciosaque Iuno  
 Plus tamen ambabus est speciosa Venus. 370  
 Hoc impromisso confisus alacriter ibo  
 Forte mei voti post modo compos ero.  
 Grata superveniet quae non sperabitur hora;  
 Quo minimum credis gurgite, piscis erit.  
 Dedecus ultori dabitur mihi forte triumphus, 375  
 Tantum maturet bellica classis opus.

---

358. e margine pro metum. 359. Ovidii est Ars Amat. I, 623. 360. e margine, pro „nec“. 368. Ovid. Ars Am. III, 674. 373. est Horatii Epid. I, 4, 14. 374. est Ovidii Ars Amat. III, 426, qui tamen „minime“ legit. 375. Sensus: dedecus quod infero Graecis, mihi ultori raptae Hesyoniae tanquam triumphus erit.

## QUIDAM SUADENT, QUIDAM NON ITER PARIDIS.

Deiphobus pridem commendans inquit: ad ista  
 Effectum Paridi consulo vota dari.  
 Ipse sit in causa vexillifer, ipse magister  
 Causae, dent operam, quos vocat, hanc et opem. 380  
 Non placet haec Heleno sententia: res ea secum  
 Si peragatur, ait, maxima damna trahit.  
 Si Paris ex Graecis uxorem duxerit oris,  
 Excidium Troiae ducet et omne malum.  
 Graeca manus tota ruet in Phrygiam, nisi tritis 385  
 Omnibus ad terras irreditura suas.  
 At Troilus natus minimus; non viribus impar,  
 Mente nec inferior Hectore fatur ita:  
 Detur Alexandro laus, detur Deiphobo, qui  
 Laudes ingenio promeruerit suo. 390  
 Unus ad hoc bellum se praebet, et approbat alter,  
 Non caret effectu quod voluere duo.  
 Non debet res in Heleni subsistere verbo,  
 Deterret, saepe terror honore caret.  
 Degeneres trepidant animi pejoraque versant, 395  
 Dat mare saepe metus, nulla pericla tamen.  
 Desperare nocet, dubium dimitte timorem:  
 Saepe facit metui non metuenda metus.  
 Ut verbo stent multa brevi, timor ipse malorum  
 Saepe supervacuus cogit habere metus. 400  
 Aggrediamur opus, nihil impenetrabile forti;  
 Audentes legimus quod iuvat ipse deus.  
 Classibus ut factis pulsetur Graecia, manda

380. dant. 384. e margine pro „trone“. 392. Ovid. Amor. II, 3, 16. 395. Lucan. Phars. IV, 90 est, ex quo posuimus: „trep. anim“ pro an. trep. 396. Pamphilus. XLI, v. 6. 397. Ex margine, cod. veparare cfr. Pamphil. XXXV, 3. desperare nocet, votum labor improbus implet. 398. Anon. Nevel. p. 506. lin. 7 ab infra. 399. 400. Ovidii sunt ex Pont. II, 7, 5. 6. 401. Alan. Anticlaud. Lib. II, p. 25. lin. 21.

Aggrediamur opus: melior fortuna sequetur.  
 402. Virg. Aen. X, 284.



Rex! decet ut, vires experiare tuas.  
 Illico rex pro militibus non segniter ire 405  
 Paeoniam Paridem Deiphobumque iubet.

DUCIBUS RECITANTUR GESTA ANTENORIS.

Ut fieret rerum collatio digna, citati  
 In coetum veniunt rege iubente duces.  
 Subjectos natu majoribus esse minores  
 Mandat; honestatis fert, ait, illa liber 410  
 Importuna minor non sentiat —, ambo superbos  
 Solertes studeant exiliare modos:  
 Iungat amicitia socios, consumat honestus  
 Et bene dulcis amor in paritate pares.  
 Qui positus fuerit capitaneus omnibus, una 415  
 In commune bonus sit socialis herus.  
 Primus iussa ferat; tunc observantior aequi  
 Fit populus, populo grata parata manus.  
 Dapsilitas etiam regi praeclara monebat  
 Nomina, si sua dat xenia mente cito; 420  
 Denigrat meritum dantis mora, factaque raptim  
 Omnia plus laudis plusque favoris habent.  
 Exhibeat, quicumque regit, documenta favoris;  
 Nil valet hic terror, plus optatus amor.  
 Qui terret, plus ipse timet; sors ista tyrannis 425  
 Convenit, in sociis absit ut ista, sonent.  
 Agnus in hospitibus et sit leo miles in armis,  
 Nunquam virtutes intonet ipse suas.  
 O proceres scitis quod sit sine vindice longo  
 A Graecis trita patria nostra probro. 430  
 Antenor quaesivit ab his transmissus et a me,  
 Vellent emenda si variare probra.  
 Hic, velut a nobis acceperat, arguit Argos  
 Expositis spoliis interituque patris;

417. Claudiani est ad IV cons. Honor. 296. 97. 419.  
 ex margine, cod. manebat. 420. ex margine, pro „ximia  
 mente“. 430. e margine pro codicis t'ra. 432. emenda.  
 satisfactio, differt a multa, quae iudici, emend. parti laesae  
 datur.

- Moenia non tacuit irrumpta virosque peremptos, 435  
 Et reddatur, ait, rapta puella mihi.  
 • Obrivat precibus aures, retinentque sororem  
 Cetera cum facerent hac redeunte locum.  
 Immo remiserunt inhonorum, propter honoris  
 Qui fuit et pacis nuncia missus eis. 440  
 Turpia quae tulerit convicia dicere nolo,  
 Et quod de foribus hunc repulere suis.  
 Dicas, Antenor! tua fine negotia quali  
 Clauseris, ut constet omnibus iste stilus.  
 Incipit Antenor quaedam recitare, per illa 445  
 Iam dudum fuerant quae sibi facta loca.  
 Indicit Hesynem quod nollent reddere, demum  
 In medium veniunt probra, repulsa, minae.  
 Subjicit hortando, ut se robusta iuventas  
 Vindicet et Graecos Troja mucrone domus 450

## PANTHUS DISSUADET RAPTUM HELENE.

- Panthus cui genitor Euphorbius agmine facto  
 In medio coepit agminis ista loqui.  
 Sic memini dixisse patrem, nam plurima novit  
 Denique praedixit saepe futura mihi.  
 Utile consilium non aestimo, si mulierem 455  
 Graecorum ducat e regione Paris.  
 Si res effectum claudetur, Troja peribit,  
 Quam modo terra tenet, pascua bubus erit.  
 Otia sectari pulchrum magis aestimo liber,  
 Quam se servitio mota per arma darer. 460  
 Tutius est iacuisse thoro, tenuisse choream  
 Treiciam digitis increpuisse lyram,  
 Quam manibus clipeos et acutae cuspidis hastam  
 Et galeam pressa sustinuisse coma.

437. obrivat ex margine pro codicis: obtrat. 438.  
 Marg. hac redeunte locum non bellum. pro hac redeunte loc.  
 441. e margine pro conjuria. 449. Msc. Hortando subjicit.  
 451. Euphorbus, quem noster Euphorbius nominat non pater  
 sed filius Panthi fuit. 460. e margine pro si. 461—64.  
 Ovidii herod. III, 117—120 deprompti.

Hic mera libertas, hic vera pericula; quare, 465  
 Quam fieri servus, otia malo sequi.  
 Libertas per dulce bonum bona cetera condit,  
 Qua, qui dives erit, ditior esse nequit.

## PRIAMUS PANTHUM REPREHENDIT.

At Priamus bello gaudet constanter et urget  
 Propositum mentis enucleatque suum. 470  
 Non, ait, in mente constanti tela timoris  
 Fabricat, in fragili bubo propheta mali.  
 Nos istum vatem, nos vanum spernimus omne,  
 Solius est proprium scire futura dei.  
 Saepe fatigamur in multis, saepe molesta 475  
 Sustinet a Graecis Troja remissa minis.  
 Exacuat vindicta manus, constanter in illa  
 Perstemus, quam iam coepimus ire viam.  
 Turpe referre pedem, nec passu stare tenaci,  
 Turpe semel tactum postposuisse locum. 480  
 Aut nunquam tentes aut perfice. Nonne loquentur,  
 Troica Graecorum transeat hasta jecur.  
 Audit et hoc audet ausumque sonoribus augeat,  
 Et ducis edicto Troja parata favet.  
 Tolle moras, aiunt, nocuit differre paratis; 485  
 Dimidium facti qui bene coepit, habet.  
 Decreti trahere vela tui, peribimus omnes,  
 Offert se voto patria tota tuo.  
 Grates rex peragit et coetum concio solvit.  
 Insistunt operi, fit mora nulla fabri. 490  
 Procumbunt piceae, sonat icta securibus ilex,  
 Corni sternuntur fraxineaeque trabes.

465. e margine pro misera. 467. Anon. Nevel. p. 525, v. 9. 468. Anon. Nevel. p. 525 v. 12. 474. Pamphil. XXXV, 2. 479. Ovidii est ex Pont. II, 6, 21. 480. Imitatio Ovid. ibid. v. 22 Turpe laborantem deseruisse ratem.  
 481. Similis Ovid. Ars Am. I, 389

Aut non tentaris, aut perfice.

485. Lucan. I, 281. 486. Hor. Ep. I, 2, 40. dimid. qui coepit habet. 491. 92. Virgilii imitatio Aen. VI. 180. 181.

Naves aedificant crebrisque bipennibus instant,  
Horis ut brevibus acceleretur opus.

#### HECTOR MITTITUR A TROJANIS PRO JUVAMINE.

Mittitur interea robustus, colligat, Hector, 495  
Ut circumposita de regione viros,  
Indicit tempus, quivis ut ad arma paratus  
Tempore sit tali bellica signa sequi.  
Bellum Cassandra nitens cassare futurum  
Inde sed incassum promit et ipsa malum. 500  
Si Phrygias, ait illa, rates bellando Pelasgos  
Senserit, haec nobis ultio casus erit.  
Convenit ad nostros modus et prudentia sensus,  
Nam provisa minus tela nocere solent.  
Quid rogo laudis eius; mulier formosa superne 505  
Sed male formato claudicat illa pede.  
Non omnes capiunt qui captant, saepe videmus  
Ex inopinato plaustra perire rotis.  
Quid contra Danaos suades committere bellum?  
Consilium sequitur Troja, ruina, malum. 510  
Saepe mari missus, ut pisces auferat, hamus  
Perditur et salvis piscibus esca datur.

#### NAVES INTEREA PERFICIUNTUR.

In tanto rerum strepitu mundique fragore  
Tempora praetereunt more fluentis aquae.  
Perficitur classis, redita rate lassa bipennis 515  
Est utensilibus quaeque repleta ratis.  
Sentinas onerant collata cibaria, jamque  
Aequoris insuetas ancora lambit aquas.

493. Virgilii est Aen. II, 627. 500. in marg. quia non audierunt eam. 503. Pamphil. LXIII, 5.

Convenit ad vestros modus et moderantia sensus.

505. vid. Hor. A. P. 4. 506. Ov. Am. II, 16, 20.

Turpiter obliquo claudicet illa pede.

510. Anon. Nevel. p. 505, 18, habet

Consilium sequitur certa ruina malum.

514. Ov. Ars Am., III, 62. — eunt anni more fluentis aquae.

Augebat numerum dulcis mixtura virorum,  
 Qui de Paeonicis introiere locis, 520  
 Et per Alexandrum sunt Deiphobumque vocati  
 Consilii prompti, strenuitate probi.  
 Totus ad arma volat exercitus, arma vetusta  
 Furfurat, ut niteant; in dumisque probat.  
 Omnibus una quies, operum labor omnibus unus, 525  
 Dedecus ulcisci, vincere sive mori.  
 Rex Paridem praefecit eis dixitque: sororem,  
 Litus ut attigeris, primo require meam.  
 Tolle requisitam, si reddunt, adjice facta  
 In nos obprobria, si variare velint. 530  
 Si variare volunt et restaurare puellam  
 Caetera sustineo, pacis amator ero.  
 Si minus, hoc nostrae referat cito nuntius auri,  
 Mittam cum ratibus arma virosque tibi.  
 Dat Paridi Priamus Aeneam Pygmalionem 535  
 Consortes coeptae Deiphobumque viae.  
 Grata fit aura freto, subducitur ancora fundo  
 Nat navis in pelago vela vehente notho.  
 Nauta gubernat iter Antenoris, ille marinas  
 Noverat ex usu velificare vias. 540

#### HIC PARIS VENIT AD PORTUM.

Nondum contigerant Cytheram, sic insula dicta  
 Est, et nomen ab: o, o Cytherea tenet.  
 Occurrit Paridi Menelaus, spectat euntem,  
 Miratur, cui sit deliciosa, ratem. 545  
 Oblique se respiciunt nec neuter eorum  
 Est alii nisus mutua verba loqui

519. Maximian I, 29

Augebat meritum dulcis mixtura bonorum.

525. Maxim. VI, 5

Omnibus est eadem leti via; non tamen unus

Est vitae cunctis exiliique modis.

538. cod. vola. 542. Cod. nomen ab o chiarea tenes. Marg.:  
 o chitarea Venus. 544. euntem ex margine pro codicis „eun-  
 dem“ recte enim margo „euntem et non subsistentem“.

Ire Pylum voluit Menelaus ibique potiri  
 Nestoris alloquio, forsam amabat eum.  
 Pollux et Castor ierant simul ad Clytemnestram, 550  
 Complacet, ut neptis concomitetur eis  
 Scilicet Hermione. Festiva dies erat Argis;  
 Debeat tali tempore Iuno coli.  
 Contingit Cytheram sed et hic nunc rore sacrorum  
 Iam dederant celebrem festa suborta diem. 555  
 Fana colebantur haec, hic sua dona Dianae  
 Solvebat populus, cui sociata Venus.  
 Vota suos habuere deos, devenit ibidem  
 Tunc Paris optata sorte trahente ratem.

## FAMA VOLAT QUOD PARIS VENIT.

Fama volat, quid enim fama velocius extat, 560  
 Prolibus ornata, regia classis adest.  
 Spectatum veniunt, veniunt spectentur ut ipsae  
 De domibus dominae, concrepuere lyrae.  
 Splendeat ut Liber, lateque refulgeat aurum  
 Ornat se vestis ambitione Paris, 565  
 Surgit et ad templum graditur quasi pavo, Dianae  
 Votum persolvit dignaque dona gerit.  
 Quaeritur interea, quis sit? cur venerit? unde  
 Venerit et quorsum forsam abire velit?  
 Filius est Priami regis, mandataque patris 570  
 Venit in his, aiunt, ferre, referre locis.  
 Pollux et Castor hi sunt, si quaeritis, advos  
 Pauca loqui quibus hic vult et abire domum.  
 Rumores tangunt Helenam, silet illa parumper;  
 Hic erat, huc festus traxerat usus eam. 575  
 Audierat quam pulcher erat; speciemque videre  
 Non impune tamen nititur illa viri.

550. margine Clyt. sororem suam. 552. marg. filia Helenae.  
 554. margo. Chiteram in insulam sic dictum. 560. Allusio  
 Virg. Aen. IV, 174. Fama, malum quo non aliud velocius ullum.  
 562. Ovid. Ars Am. I, 99. 564. cod. spendeat. 572. ad-  
 vos. antiquior pro advors, adversus, hostis, hospes. 575.  
 festa.

Revera vir pulcher erat, iam prima tenellis  
 Lanugo cepit infruticare pilis  
 Signabat roseas facies, nivis aemula, malas; 580  
 Haec etiam castas sollicitare solent.

HELENA PROPTER PARIDEM FINGIT ADIRE FANUM.

Paeon oppidulo mare lux stabat Apollo,  
 Stabat fatidico iuncta Diana deo.  
 Huc Ledaëa, quasi tendens ad Apollinis aram  
 Se movet, aequorea littora iamque tenet. 585  
 Causa sed est alia, iuvenem spectare volebat,  
 Huius ad intuitum pendula tota fuit.  
 Fanum, pro casu quasi quaesitura futuro,  
 Intrat, procumbit votaque sancta facit.  
 Gaudet Alexander gaudet quoque pulchra Lacaena; 590  
 Iam foret in foribus, exsuperare ratus.  
 Exilit e nave, conscendit eamque videre  
 Appetit, inque locum, quo fuit illa, petit.  
 Spem multam concedit ei fiducia formae,  
 Vultus eius quasi sint lilia nupta rosis. 595  
 Ambulat et clæro sese diffundit amictu  
 Et, quacunque potest arte placere, placet.  
 Haec laudat juvenem claudens sub pectore laudem  
 Ore gerens clavem, ne reseretur idem.

578. Gualteri Alexandr. I, 27. 28

Nondum prodierat natura plana tenellis  
 Infruticans lanugo pilis.

580. Gualteri Alexandr. V. 191. 582. Sic! Sensus? Apud  
 oppidulum erat mare, lux Paeon Apollo? 584. cod. hunc.  
 585. cod. manet. 586. cod. venerem. 591. margini ad-  
 scripta sunt: iam foret in voluntate ad effectum perducere.  
 594. Ov. Met. XIV, 31. 32

Et si spem dederis — — — tuae fiducia formae.

595. Ov. amor. II, 5, 37

Quale rosae fulgent inter sua lilia mixtae.

Alan. Anticlaud. Lib. I, p. 10. lin. 3 ab infra

Sidereum vultus castigavere ruborem

Lilia nupta rosis.

597. Ov. Ars I, 596 Et, quacumque potes dote placere, place.

599. Marg. ore gerit clavem quod secundum tempus scit lo-  
 qui et reticere.

Approbat haec Paridem, Paridi placet illa; fovetur 600  
 Ardens interius hac titione rogos.  
 Alter in alterius iactantes lumina vultus  
 Non leve senserunt intus amoris onus.  
 Verberat haec illum, sed et ille reverberat illam,  
 Visivis gladiis pulchra duella parant. 605  
 Nutibus alliciunt, oculo non ore loquuntur,  
 Exterius ludunt, interiora tegunt;  
 Quoque magis tegitur tanto magis aestuat ignis,  
 Igneus ille furor nescit habere modum.  
 Adspicies oculos tremulo fulgore micantes, 610  
 Ut sol a liquida saepe refulget aqua.  
 Interea tacitae serpunt in viscera flammae,  
 Et mala radices altius arbor agit.  
 O quam difficile mentem non prodere vultu!  
 Saepe tacens vocem verbaque vultus habet. 615  
 Vultus enim nostri liber est et littera cordis,  
 Est facies hominis lingua secunda sui.  
 Condere cum volumus arcanum pectoris intus  
 Conscia purpureus inficit ora rubor.  
 Contigit hoc istis. Mentem legisse duorum 620  
 In facie poterat; sic potes omne nefas.  
 Non poterant tamen alloquiis et prodere flammam  
 Et, quod uterque velit, abstinuisse diu.

602. Pamph. LI, 13 Alter in alterius fert tantum lumina vultus.  
 608. Ov. Metam. IV, 64

Quoque magis tegitur, tectus magis aestuat ignis.  
 610. 611. Ov. Ars II, 721. 22. Adspicies etc., qua propter nosti:  
 adspiceres mutabimus in adspicies. 612. 13. Ov. Remed.  
 105. 106. 614. Gualt. Alex. I, 63.

O quam difficile est studium non prodere vultu!  
 imitatio Ovidii Met. II, 447

Difficile est, crimen non prodere vultu.  
 615. Ovidii Ars Am. I, 574. 616. littera ex margine  
 pro codicis litora. — Alan. Anticlaud. lib. III, p. 46, lin. 8  
 ab infra. Nam vultus noster liber est, et littera cordis  
 Nuntius, interpret verax, animique figura.  
 619. Ov. Am. II, 5, 34. Con. purp. venit in ora pudor. 621.  
 omne ex margine pro codicis atque. 623. Dialogum aequo  
 Ovidio depromptum praebet Konrad troj. Krieg. v. 20176—22406.



Conceptos ignes, captato tempore, produnt  
 Ambo revelantes, quam sit uterque libens. 625  
 Si Paridem studuisse putem, nec credo quod errem,  
 Aut Helenam scriptis; hora vacabat eis.  
 Eloquor, hic loquitur, non est locus, indice flammae  
 Et plus, quam vellem, iam meus extat amor;  
 Séd male dissimulo, quis enim celaverit ignem 630  
 Lumine qui semper proditur ipse suo.  
 Te peto, quam pepigit lecto Venus inclita nostro,  
 Te prius optavi, quam mihi nota fores.  
 Da mihi te, quae sit Paridis constantia, nosces,  
 Flamma rogi flammis finiet una mei. 635  
 Innumeras urbes atque aurea tecta videbis,  
 Quaeque suos dicas templa decere deos.  
 Nunc mihi nil superest, nisi te, formosa, precari;  
 Amplectique tuos, si patiare, pedes.  
 Aut ego Sigaeos repetam, te conjuge, portus: 640  
 Aut ego Taenaria contegar exul humo.  
 Ausus es, illa refert, temeratis advena sacris  
 Legitimam nuptae sollicitare fidem?  
 Hoc rogo, dissimules nisi tu desistere velis,  
 Sed cur desistas? dissimulare potes. 645  
 Quam multos credis juvenes optare, quod optas,  
 Qui videant, oculos an Pari solus habes?  
 Ad possessa venis praeraptaque gaudia serus  
 Spes tua lenta fuit: quod petis, alter habet.

628. 29. Ov. Heroid. XVI, 3. 4

Eloquar? an flammae non est opus indice notae  
 Et plus etc.

630. 31. Ov. Her. XVI, 7. 8. 632. 33. Ov. Her. XVI, 35.  
 36. lecto pepigit V. aurea. 634. 35. Ovid. Heroid. XVI,  
 161. 62. 636. Cod. ac., nos atque secund. Ovid. Heroid.  
 XVI, 177. 636. 37. ibid. XVI, 177. 178. 638. 39. Ovid.  
 Heroid. XVI, 269. 270. 640. 41. Ibid. 273. 274. Margo ex-  
 plicat Sig. per Trojanos, Taenaria per Graecia. 642. 43.  
 Ovid. Heroid. XVII, 3. 4. 644. 45. Ov. Her. XVII, 151. 52,  
 praeter quod 151 At tu dissimula: nisi si desistere mavis.  
 646. 47. Ex Ovid. Her. XVII, 99. 100 credas, sapiant. Paris  
 unus. 648. 49. Ov. Her. XVII, 107. 108.

Aut ego perpetuam famam sine labe tenebo, 650  
 Aut ego te potius quam tua dona sequar.  
 Desine molle, precor, verbis convellere pectus:  
 Nec spoliū nostri turpe pudoris habe.  
 Quod petis hoc faciam posito fortasse pudore  
 Et dabo coniunctas tempore victa manus; 655  
 Sed vatum monitus timeo quos igne Pelasgo  
 Ilion arsurum praemonuisse ferunt.  
 Nec dubito, quin te, si prosequar, arma sequantur;  
 Ibit per gladios (hei mihi) noster amor.  
 Si de te totus, ait hic, contenderit orbis, 660  
 Nomen ab aeterna posteritate feres.  
 Finge tamen, si vis, ingens consurgere bellum;  
 Et mihi sunt vires et mea tela nocent.  
 Nec minor est Asiae, quam vestrae copia terrae;  
 Illa viris dives, dives abundat equis. 665  
 Nec plus Atrides animi Menelaus habebit,  
 Quam Paris; aut armis antefereendus eis.  
 Opportuna suis statuuntur tempora votis  
 Hi duo. Quam longas sol trahit ille dies!  
 Mandat Alexander nauceros esse paratos 670  
 Taliter, ut possent solvere nocte rates.  
 Militibus jubet ut Helenam violenter abactam  
 De fano rapiant, in Phrygiamque vehant.  
 Audacem faciebat amor, temeraria virtus  
 Saepe sub ancipiti gaudia sorte tulit. 675  
 Incauti ne sitis, ait, nos omnia nostra  
 Tamquam mansuros disposuisse velim:  
 Si latet ars, prodest, affert deprensa pudorem,

650. 51. Ovid. Her. XVII, 69. 70. 652. 53. Ov. Her.  
 XVII, 111. 114. 654. 55. Ovid. Her. XVII, 259. 260. 656.  
 57. Ov. Her. XVII, 239. 240. 658. 59. Ov. Her. XVII, 245.  
 246. 659. Cod. glacios. 660. 61. Ov. Her. XVI, 373. 74.  
 Cod. tutus, tamen superscriptum est totus. 662—67. Ovid.  
 Her. XVI, 351—356. 669. in margine scholion: desi-  
 deranti ipsa celeritas mora est. 674. Ov. Met. IV, 96.  
 audacem faciebat amor. ibid. VIII, 407 temeraria virtus.  
 678. Ovid. Ars am. II, 313.

Quae nimis apparent retia, vitat avis.  
 Ora sacrum teneant ne sit strepitus neque clamor, 680  
 Quis minor est unquam, quam tacuisse, labor?

## HIC RAPTA EST HELENA.

Qui prohibere studet, pelagus ne fluctuet, ignis  
 Ne caleat, studio fallitur ille suo.  
 Nec later absque luto nec serpens absque veneno  
 Esse potest, nec erit femina casta diu. 685  
 Passa modo Paridem, Paridem modo, Thesea pridem  
 Iam Ledeae thori vult violare fidem.  
 Pugnabat primo fortassis; et, improbe! dicet,  
 Pugnando vinci se volet illa tamen.  
 Dicimus hanc Helenam magis ex ratione leaenam, 690  
 Vel potius lenam confiteamur eam.  
 Rupta pudicitia, quia foeda leaena patravit  
 Crimen adulterii, sit quasi lena, probat.  
 Invadunt fanum somno fortasse sepultum,  
 Adspiciunt Phoebum nec reverentur eum, 695  
 Tyndaridem rapiunt; non est invita secuta,  
 Fitque negando patens et retrahendo sequens.  
 Priamides impellit eam cogitque volentem,  
 Quod juvat, invitae saepe dedisse volunt;  
 E foribus castri memorati pellere ni vi 700  
 Pro spolio tali prosiluere citi.  
 Obstant Troiani, fugiunt hi strage coacti,  
 Cetera turba ruunt, vel capiuntur ibi.  
 Fano praedato, cum nil superesse videtur,  
 Nauta solo cedit, fit fuga, praedo redit. 705

679. Ovidii Rem. Am. 516. 681. Ov. Amor. II, 2, 28.

Quis minor est autem, quam tacuisse, labor.  
 687. Cod. vul. 688. 89. Ov. Ars I, 665. 6, ubi:

Pugnando vinci sed tamen illa volet,

692. pro cod. patratum. 694. Cod. fatum, Virg. Aen. II, 265

Invadunt urbem somno vinoque sepultam.

699. Ov. Ars I, 674.

## HIC PARIS DEDUCIT HELENAM.

Solverat Oebalio classem de littore victor,  
 Deveniunt Tenedon, inde quiete foveant.  
 Ex siccis oculis traxit Medea madorem;  
 Nullis flet lacrimis oblita veste nivis.  
 Non aliter manifesta potest abscondere mentis 710  
 Gaudia quam lacrimis femina trita satis.  
 Blanda voce Paris demulcens cor mulieris  
 Cras erimus plures inquit; at illa bibit.  
 Insinuat patri quid fecerit et quod coeptam  
 Clauserit optata prosperitate viam. 715  
 Statim defertur Menelao, quod foret uxor  
 In Phrygiam Phrygia per mare vecta rati.  
 Quae qualisque viro fuerit mens, nemo requirat,  
 Frigidius glacie pectus amantis erat.  
 In tantis dicenda malis quaecunque fuerunt 720  
 Non reor afflictum perterritus virum.  
 Ille Pylum linquens tendit cum Nestore Spartam  
 Nescio quid scribat, quid stupefactus agat.  
 Mittit pro fratre, qui consiliator et esset  
 Et consolator; hic Agamemnon erat. 725

## HIC PARIS VENIT AD TROIAM CUM HELENA.

Nunc Troiam praedo repetit cum divite praeda;  
 Sic et sic feci, nuntiat ille patri.

706. Statius Achill. I, 20

Solverat Oebalio classem de littore pastor.

708. cod. tragit. 708—11. alludit Lucanum Phars. IX, 1038

—41 — — — lacrimas non sponte cadentes

Effudit; gemitusque expressit pectore laeto,  
 Non aliter manifesta potens abscondere mentis  
 Gaudia, quam lacrimis.

709. pro cod. ollea posuimus oblita = induta. Hor. Ep. II, 1, 204 Divitiaeque peregrinae, quibus oblitus actor

Cum stetit in scena, concurrat dextera laevae.

712. Cod. blandia. 713. bib. sc. aure. Ov. Her. IX, 154

Crasque erimus plures, inquit, et ipsa bibit.

715. Cod. clauserat. 717. Cod. per mare vecta mare.

719. Ov. Her. I, 22. 722. Cod. lingquens.

Ecce vides Helenam. Fortuna secunda secundum  
 Mentis propositum fecit ubique locum.  
 Rex ait exultans; et ego, quod debeat ista 730  
 Praeda, vaticinor, nostra redire soror.  
 Inquiret nos Graecus homo, non absque restauro,  
 Ac erit e nostro Graecia victa foro.  
 Tergit et hic oculos mulier castissima siccos  
 Et, cum laeta foret, sit quasi moesta sedet. 735  
 Consolatur eam Priamus, Paridique resignat;  
 Taedas instituunt, festa serena colunt.  
 Tu credis castam quae venerit huc, ego vero  
 Necquidquam credo, pactaque nulla dabo.  
 Hanc Cassandra videns: venit destructio Trojae 740  
 Et casus patriae! vaticinando canit. ●  
 Includit pater eius eam, nihilominus ipsa  
 Clamitat: in Troja Troica flamma sedet.

AGAMEMNON VADIT CONSOLARI MENELAUM  
 IN SPARTAM.

In Spartam properat Agamemnon de Menelai  
 Pectore puncturas pellere moestitiae. 745  
 Consoleris; ait, per Troica sit, licet, arma  
 Tindaris ablata, jam repetemus eam.  
 Haec tibi reddetur, non irrepetita manebit,  
 Non erit a Phrygibus abdita Graeca manus.  
 Graecia perdiderat Helenam; sic et duo fratres 750  
 Quid super his faciant, consiliando sedent.  
 Finis consilii: patriae notescere factum.  
 Notescit nulla proveniente mora.  
 Conveniunt. Plures poteras vidisse Quirites  
 Mentibus illustres militiaeque leves. 755  
 Impiger, iracundus, inexorabilis, acer  
 Assilit Aeacides, tuque Patrocle comes.

---

734. in margine: ironia. 738. Cod. casta. 745. ex  
 margine, pro codicis consuleris. 746. in margine: ista con-  
 solationis verba frater replicat ut moestitiam cordis eius li-  
 niat. 756. Cod. inexorabilis. est Hor. A. P. 121.

Advolat Euryalus, cum Tlepolemo Diomedes,  
 Quini, quos poterat Troia timere, viri.  
 Hi Spartam veniunt, injuria facta recedit, 760  
 In caput ipsorum, qui meruere, ferunt.  
 Per Graecas urbes non paucus nuntius ibit,  
 Est opus, ut factum Graecia tota sciat.  
 Arma movebuntur per totam Dorica terram,  
 Sustineat meritam Troia superba vicem. 765  
 Expedit interea fabricari mille carinas;  
 Lenti non erimus per maris ire vias,  
 Conducendus erit exercitus, arma paranda,  
 Diverso classis est oneranda cibo.  
 Est exercitui caput unum praeficiendum, 770  
 Ad nutum cuius omne regatur onus.  
 Nos quoque debemus totis incumbere remis,  
 Ut figat Phrygium lancea nostra solum.  
 Scilicet adversis probitas exercita rebus  
 Tristi materiam tempore laudis habet. 775

#### AGAMEMNON REGNO PRAEFICITUR.

Regno praeficitur Agamemnon, tota jubetur  
 Protinus imperio Graecia stare suo.  
 Praecipit ut Danaos percurrat plurima fines  
 Littera, describens hic et ubique rates:  
 Et ratibus factis portus teneatur Athenis, 780  
 Ut se vis populi colligat omnis ibi.  
 Ibimus, inquit, abhinc Trojam; quae, strenua nobis  
 Si manus est et mens, indita probra luet.  
 Turpiter amisit Helenam provincia nostra,  
 Effecit praedam praedo dolosus eam. 785  
 Incautam Paris arripuit, pro conjuge duxit  
 Praebens innocuo facta nociva thoro.  
 Omnis in arma ruat, gladiis se Graecia cingat,

758. Cod. Auriolus. Tleptolomo, mutavimus a Darete.  
 759. Cod. qui ni. margo quinque et quini. 764. Dorica  
 superscriptum: Graeca. 774. 75. Ovidii sunt Trist. V. 5.  
 49. 50., ex quo loco posuimus Tristi mater. per nostri mater.  
 trist. 779. Cod. litora.

Non labor excuset ista vel ullus honor.  
 Exsiliant quibus arma sudes et Dacca bipennis, 790  
 Praecipites veniant, arma cibosque ferant.  
 Nostra quiescit in hoc intentio, fiat ut inde  
 Praedo dolorosus, unde dolosus erat.  
 Mandato facilis Graecus iam militat omnis,  
 Improperant, cunctis sit quia cifra pigris. 795  
 Stiva relicta rubis queritur cessare ligones,  
 Radicosus agri deserit arma cicer.  
 Conflatur gladius ex vomere, lancea falsae  
 Deservit galeae furca tenella strepe.  
 Quid moror! In bellum currit cum milite vulgus, 800  
 Vix remanet serere qui leve possit olus.

## LIBER SECUNDUS.

## INCIPIUNT CAPITULA SECUNDI LIBRI.

Scriptat iste duces et naves mittit Athenas,  
 De casu Trojae Graecis respondet Apollo.  
 A Calchante rates retinentur in Aulide. Fit rex  
 In Mysia Telephus, Helenamque reposcit Ulixes.  
 Velificant Danai, defendunt littora Teucris. 5  
 Protesilae cadis! Surgunt tentoria mane.  
 Altera pugna furit; Patroclum tertia sternit.  
 Fiunt cognati pugnae Hector et Ajax.  
 Pax annis binis. Sceptra vir Nauplius ambit.  
 Saucius a Paride Menelaus castra subintrat. 10

790. Gualt. Alex. I, 256

Instaurat quibus arma sudes et Dacca bipennis.

792. c. margine pro unde. 796. 97. Gualth. Alex. III, 417. 18

— — — queritur cessare ligones

Radicosus ager et sentibus obsita tellus.

798. c. margine pro cod. stupe. 797—801. Imitatio Ovid.  
 Fast. I, 697 ssq.

— — — erat aptior ensis

Vomere: cedebat taurus arator equo.

Sarcula cessabant: versique in pila ligones

Factaque de rastri pondere cassis erat.

## EXPLICIUNT CAPITULA. INCIPIT SECUNDUS LIBER.

Non semper feriet quodcunque minabitur arcus,  
 Incoeptum casus saepe retardat opus.  
 Jam pridem rapta Castor Polluxque sorore  
 Aspera vindicem mittere tela student.  
 Praedonem subito galeata nave sequuntur 5  
 At Boreas illis obstat et unda maris;  
 Nam postquam solvere ratem de littore Lesbi,  
 Maxima tempestas per mare jecit eos;  
 Sic ut eorundem vestigia non reperiret,  
 Hos perquisierit Lesbica turba licet. 10  
 Per pelagum donec ad Pergama nauta marinus  
 Ambos quaesivit nec reperisse tulit.  
 Fabula stultorum locat inter sidera fratres,  
 In geminis, aiunt, hos radiare vides.  
 Qui prius exoritur, hic ultimus occidit; et qui 15  
 Ultimus exoritur, occidit ille prior.  
 Immo Dares Phrygius qui Troica proelia scripsit  
 Illorum nulla de nece scripta dedit.  
 Hos erat in Trojae memor obsidione stetisse,  
 Sunt ab eo visi tempore pacis ibi. 20  
 Saepe loquebantur Trojani: vidimus illos;  
 Et satis amborum disseruere statum.  
 Praeclari facie deductum corpus habebant  
 Caesarie flavi, corpore paene pari.  
 Magnis stellabant oculis, laudabile vultus 25  
 Hujus et membrorum dico fuisse decus.

---

4. Cod. Moesia ut et Dares. tamen Mys. legendum ob  
 versum uti etiam infra. 6. Prothetelae. 9. Cod. Naupli-  
 cus ut ambit. In margine scholion: Palamedes filius Naupli.  
 1. Horat.: est A. P. v. 350. Nec semper etc. 2. Ov.  
 Amor. III, 12, 18

Phoebus et incoeptum destituisset opus.  
 6. Cod. optat. 7. Cod. Lesbo. 20. Error Alberti; Dares  
 c. 12 dicit, postquam de Castore et Polluce egit, „hos se  
 vidisse, quum induciae essent, partim proelio interfuisse“  
 sed intelligend: Graecorum Trojanorumque duces, quia prius  
 c. 11 interiisse Castorem et Pollucem ante bellum narraverat.



Blanditiis erat insignis soror, ore pusillo  
 Fulchra, serena, decens, simplicitate vigens.  
 Laeta supercilia notula mediante notata,  
 Mens lasciva fuit, membra decora tulit. 30

#### DUCES DESCRIBUNTUR.

Rex ibat Priamus aquilino corpore magnus,  
 Vultu pulcher erat, suaviter ora movens;  
 Hector erat crispus, membris pernicious, albus,  
 Stabat magnanimus, Martis et arte probus;  
 Blaesus, barbatus, vultu venerabilis, aptus, 35  
 In populo clemens, dignus honore, decens.  
 Docti, clementes sunt Helenus Deiphobusque  
 Saepe solet similis filius esse patri.  
 Sic et erant isti, fuerant quoque corpore magni,  
 Formosi, soliti suavia verba loqui. 40  
 Magnus erat Troilus, fortis, pulcherrimus, acer,  
 Virtutis cupidus et sine faece bonus.  
 Longus Alexander et candidus, ore venusto,  
 Aptus, facundus, ambitione calens,  
 Pulchris stellatus oculis, mollique capillo 45  
 Flavescens, suavi voce loquenda loquens.  
 Andromache sapiens formosaque, longa, modesta  
 Et rutilans oculis, candida, blanda satis.  
 Facturae mediocris erat Cassandra, rotundo  
 Ore, micans oculis, rufa, benigna, scia; 50  
 Praescia quam fuerat venturi non iterabo,  
 Quod semel audistis, est recitasse satis.  
 Candida, formosa formaque Polixena longa,  
 Hos rectos oculos rectaque crura proba.  
 Simplex, larga, decens, flavos quoque laudo capillos 55  
 Et teretes digitos exiguumque pedem.  
 Hecuba quae fuerat aquilino corpore pulchra  
 Mente virum, pugnans, callida, casta, pia.

---

27. margo: Helena. 28. margo: quantum ad exterior-  
 rem habitum. 47. Cod. modesto. 54. Cod. hec. 56. Ov.  
 Ars I, 622. 58. secund. Daretum pro: casta scias.

Magnus, facundus, prudens Agamemnon et albus, Nobilis et dives pervalidusque fuit.	60
Staturae mediae Menelaus amabilis, aptus, Rufus, formosus et bene gratus erat.	
Improba, mobilior folio, Ledaëa! caduco Non poteris tanto fida manere viro.	
Aeneas rufus affabilis, ore venustus, Fortis, facundus, consilii que scius,	65
Nigris laudatur oculis, sed alacriter illis Utitur ut ridens, vir pius, imo decens.	
Antenor longus, gracilis, versutus, acutus Est, agilis, velox, providus atque dicax.	70
Ore venustus erat et pectore magnus Achilles Strenuus et hilaris, dapsilitate libens.	
Myrteus in crine, clemens, acerrimus armis, Crispus, amarus, grandia ferre levis.	
Dapsilis et prudens Patroclus, corpore pulcher Corde pio pacem gessit et ore fidem.	75
Ipse smaragdineis oculis magnisque decorus, Os sine mente loquax creditur esse nefas.	
Clarus voce, valens, formosus Oileus Ajax, Corpus deductum, membra quadrata sibi.	80
Vocalis, validus Ajax Telamonius atrox, Simplex, caesaries tam nigra, crispa coma.	
Non formosus erat sed erat facundus Ulixes Ore quidem laeto non tamen absque dolo.	
Facturae mediae fuit et sapientia multa Cordis ei; cur hoc praeteriisse velim?	85
Quid de formosa dicam Briseide? simplex, Blanda, verecunda, candida, compta fuit.	
Juncta supercilia, molles flavosque capillos Corpus et aequale, lumina clara probo.	90
Debueram posuisse, quod haec affabilis esset	

70. Cod. volex. 73. Dares. capillo myrteo. Iscan. IV, 111 coma myrthea. Fortasse erat color nigricans ut ap. Philost. Her., II. §. 20 p. 690 not. 6. 13. (ed. Olearius) *ὑανθὴν κόμην*. 78. creditur pro codicis ceditur.

Et pia, si longa vult tacuisse mora.  
 Audax in bellis acerrimus est Diomedes,  
 Strenuus et fortis vultus honestus ei.  
 Austerus clamosus erat calidoque cerebro, 95  
 Corpore quadratus impatiensque satis.  
 Triptoleмум noscis; magnus fuit atque virilis  
 Optima forma sibi sed stomachosa quidem;  
 Blaesus, aduncus erat velox oculisque rotundis,  
 Cui facies hilaris, larga superciliis. 100  
 Candidus et magnus, naso quoque Nestor obuncus  
 Dapsilis et sapiens, consiliando sagax.  
 Mittitur Iliacas audax orator ad arces,  
 Nestora laudare cum Cicerone potes.  
 Candidus et temerarius es, tibi vultus honestus, 105  
 Fidens in celeres Protesialae pedes!  
 Magnanimum gracilem sapientem dic Palamedem,  
 Blandus, facundus, ambitiosus erat.  
 At crassus Polydorus erat Neoclecius audax  
 Tristis, pervalidus, mente timente tacens. 110  
 Magnum prudentem dicuntque Machaona fortem,  
 Hic simul et patiens compatiensque fuit.  
 Merionem rufum ponas sed et impatientem  
 Et, quia sit medius, corpore, mente tenax.  
 Dicere cum volui quam pertinax esset, oriri 115  
 Me contra coepit protinus ira metri.  
 Me duce qui toties, inquit, mea signa tulisti,  
 Quis modo persuasit illa negare tibi.  
 Exitus acta probat; finis, non pugna coronat,  
 Laudamus tandem sole cadente diem. 120  
 Nostra probabiliter huc usque secutus es arma,  
 Nunc quasi deficiens ilia ducis iners.

---

97. pro Triptolemo, Dares praebet Neoptoleмум. Cod. Triptolomum. 99. ex margine aduncus quod etiam apud Daretem, pro aduncus. 101. naso pro nasum cod. 105. Al-  
 luditur Ciceron. lib. de sen. cap. 10. 109. Polydorus,  
 Dares habet: Podalirium crassum, valentem, superbum,  
 tristem. 119. Ov. Her. II, 85. Ex. act. prob.

Sudavit nostris pro te Raimundus! in armis;  
 Scit tibi bis binis ire quadriga rotis.  
 Occupat extremum scabies, quia ducis in aulam 125  
 Proscriptos nostram rem recitando ream.  
 Est tibi grammaticae nimis artus fertilis hortus,  
 Qui quibus et quabus omne ministrat olus.  
 An non pro verbo didicisti sumere verbum  
 Ut teneant proprium singula quaeque locum? 130  
 Territus his jaculis, cessavi ponere: perti—  
 Nax ponens eius nomine mente tenax.  
 Crudelem si dico virum, si dico virilem  
 Vel si virosum, sustinet illa metrum.

## NAVES REPARANTUR.

Pes scitus et querulus Danaos convulserat omnes 135  
 Belli participes aedificare rates,  
 Currit ad incudem quaevis reparanda bipennis,  
 Malleus affligi se dolet arte fabri.  
 Runcina lambit aquas et ferri provocat iras,  
 Ut ligni manibus pugnet in omne nemus. 140  
 Nunquam conferret tot silva manubria ferro,  
 Si sua sciret eo maxima damna data.  
 Itur in antiquam silvam; conjurat in ipsam  
 Plurimus et pariter absque tepore faber.  
 Insolitum patitur pinus secata securi, 145  
 Immensamque rueus occupat ornus humum.  
 Fit fragor in silvis, taxi torquentur in arcus,  
 Currere cogit opus multiplicata manus.  
 In classem cadit omne nemus, volat in mare quercus  
 Portant insuetas taxus et alnus aquas: 150

---

123. quis sit hic Raymundus, nescimus. 125. prima pars est Horatii A. P. 417. 127. in margine; quia pertinax in metrum poni non potest. 142. data pro dato. 143. it. in ant. sylv. e Virgil. Aen. VI, 179. 144. Cod. Prurimus. 145. Cod. insolitam. 147. Ov. Met. I, 268. Fit fragor. Virg. Geor. II, 448 tax. torq. in arc. 149. Gualter. Alexandr. X, 188: In classem cadit omne nemus, stupet aera tellus.

In galeas falces redeunt, in pila ligones  
Loricam textam vomere ridet ager.

### NUMERUS NAVIUM.

Ipse Misenaëus magnorum ductor Achivum  
Centum praecipuas praecipit ire rates.  
Se movet e Sparta Menelaus, currere naves 155  
Sexaginta jubet damna probrosa gemens.  
Peneleus princeps, quem promptu Boetia mittit,  
Quinquaginta rates, ut fabricentur, agit;  
Tertius, atque Dimas Prothenor et Arcesilaus  
Expansi socii suntque laboris ei. 160  
Ex Orchomeno properat tringinta naves  
Jalmenus adducit, cui comes Ascalaphus.  
Aschepius fortis et Epistrophus ex Polixeno  
Fecerunt decies quatuor ire rates.  
Ajax interea Telamoniùs ex Salamina 165  
Cum Teucro fratre navigat et Dorio.  
Theseus, Amphimachus sociusque Polyxenus illi,  
Quadraginta rates hic numerare potest.  
Non credemus in hoc venisse juvamine Ulixem  
Immo quater naves vexerat ille decem. 170  
Deque Pylo Nestor trahit octoginta carinas,  
Dat semel Aetholicus et quater octo Thoas  
In mare ter denas laetanter Oileus Ajax  
Praecipitat puppes, cum quibus octo loces.

---

151. 52. Ovid. Fast. I, 697/99.

— — — erat aptior ensis

Vomere: cedebat taurus arator equo.

Sarcula cessabant: versique in pila ligones

Factaque de rastri pondere cassis erat.

153. Virgil. Aen. XI, 266. 157. Pen. non apud Daretem;  
sed apud. Virgil. Aen. II, 425. 160. Cod. expanse. 161. Cod.  
Corcomeno. 162. Achalaphus, nos e Darete Asc., qui etiam  
pro Thelamus nostri habet Jalmenus quapropter mutavimus:  
Adducit Thelamus in Jalmenus adducit. 163. Dares nomi-  
nat: Epistrophum et Schedium ex Phocide. 165. Cod.  
potes.

Dat tres Venereus et quinquaginta carinas	175
Omnes sunt plenae fortibus absque sene.	
At triginta Thoas vehit ex Chalcedone puppes	
Huic comes Aulippus huicque Phidippus erat,	
Octoginta vehit ex Creta Meriones et	
Par erat Idomeneus fortis ei socius.	180
Ex Pataro decies bis binas, Protesilae!	
Ducis et ex Pyrgis, o Eumele! decem.	
Dat triginta rates Podalirius atque Machaon,	
Intras, Triptoleme! navibus octo mare.	
Quinquaginta rates Patroclus agunt et Achilles	185
Ex Scythia properant Myrmidonesque vocant.	
Alphineus veniens ex Elide per mare ducit	
Quinquaginta rates Amphimachusque comes.	
Non deest Argolicis praeclarus Marte Leontes	
Dando quaterdenas cum Polypoete rates.	190
Guneus ex Cypho non militat impare voto,	
Sed dicas, decies advehit octo rates.	
Arma Philoctetes non subtrahit, immo carinas	
Quadraginta vehit, Magnesiamque trahit.	
Arcadiae princeps penultimus est Agapenor	195
Sex decies ratibus occupat ille solum.	
Mnestheus occurrit ab Athenis, puppibus autem	
In quinquagenis arma cibosque vehit.	
Has igitur reliquasque rates cum rebus earum	
Quadraginta novem dic fabricasse duces.	200
Omnes illustres et Martis in artibus acres,	
Mens quibus est nolle cedere, malle mori.	.

175. Quis sit, nescimus, quum de Venereo quodam undique altum silentium. 177. Cod. Calcedine. 178. Phidippus e Darete pro Philippus. 179. et pro: si. 182. Cod. o Cimelee. 183. Cod. Polidarius. 187. A Darete nominatur Antiphus. Elide pro Ilide. 189. Leontes. Dar. Leonteus. 190. Cod. Polibete. 191. sic ex Dar. pro Cypro. 192. margo pro ille praebet octo, sed et sic numerus navium, decies octo: discreparet a Darete, qui XXI, et ab Homero et Dict. qui XXII numerant. 193. Phil. pro Policteres codicis posuimus; Dares alio loco posuit Philoctetem, hic Prothoum.

Est etiam sociis mens irrevocabilis una  
 Contra Trojanos arma movere manu.  
 De numero ratiū si queris; mille carinas 205  
 Centum bis denas dinumerare potes.

## NAVES PROCEDUNT.

Solvuntur naves e littore, versus Athenas  
 In pelago pulchre vela volare vides.  
 Littus Atheniacum postquam tetigere, citatis  
 In coetum ducibus, rex Agamemnon ait: 210  
 Eloquar an sileam? loquor et reticere coartor:  
 Dedecus est propria prodere saepe probra.  
 Dejectum neminisse pudet, quis crederet unquam  
 Sic variare suas tempora laeta vices.  
 Saepe mihi dubiam traxit sollertia mentem: 215  
 Otia vellemus vel magis arma sequi?  
 Quaerere vindictam vel dissimulare querelam?  
 Hostibus instare vel mage treuga dare?  
 Odia dissolvunt animos, suadendo quietem  
 Sensus enervant desidiaque foveant. 220  
 Quid sequitur tolerans injuria nulla repulsa?  
 Scandala, jacturae, damna, pericla, minae.  
 Quod loquor, ex casu praesenti scire potestis,  
 Otia materias his tribuere malis.  
 Sed dolus intererat et dignus vindice nodus 225  
 Affuit incautis insidiosus homo.  
 Ledaeam rapuit facturus vota Dianae  
 • Fanum cum sociis ingrediendo Paris.  
 Devexit praedam non Marte sed arte levatam,  
 Fraudis non laudis huc tulit arma Paris. 230  
 Arma fugant hostes, reddunt amissa, repellunt  
 Segnitiam, reparant damna, tuentur opes.  
 O proceres! vestro supplex inclino favori,  
 Vos video nostris condoluisse probris;

211. ex margine pro: eloquor. recitare. 224. pro cod. tuere e margine. 225. pro cod. dolor, e margine. 226. margo praebet scholion: Paris. 233. ex margine pro favori.

Adventus vestri probat hic alata voluntas	235
Et quas vexistis huc veniendo rates.	
Immo labor tolerandus adhuc, cum simus inire	
In Phrygiam, fortes ense domare Phryges,	
Vos, qui proposito nolite recedere vestro,	
Constantes sequitur gloria magna viros.	240
Otia deponat, armis se Graeca juvenus	
Induat, iam minax ad latus ensis eat,	
Vindictet opprobria, hunc hostem, damna requirat,	
Nec nisi subjectis hostibus arma locet;	
Sed tamen interea Delphos mittatur, Apollo	245
Est ibi, pro voto dona feramus ei;	
Eventum belli responsum scire per eius	
Possumus; in finem sed quis iturus erit?	

## FANA DANT RESPONSA.

Quaerit cum socio Patroclo missus Achilles	
De re proposita; fataque fantur ita:	250
Graeci Trojanos vincent decimoque sub anno	
A Graecis debet Troja subacta capi.	
Calchas divinus et Nestore natus eodem	
Est pro Trojanis tempore missus eo.	
De regno rebusque suis hic consulit, audit	255
Quod sibi cum Graecis Troja petenda fuit.	
Conveniunt Calchas et Achilles, seque salutant	
Et simul in fano mutua verba serunt.	
Alterutrum quaerunt: tibi quid respondit Apollo?	
Hoc mihi dixit et hoc, unus et alter ait.	260
Graeci victores fient, hoc inquit; hic autem:	
Cum Graecis ibo, Troicus hostis ero.	
Concordant, in amicitiam sociantur, Athenas	
Ad Danaos veniunt et recitata ferunt.	

235. margo: allata, sed perperam, nam alata significatione „cita“ utitur noster. 244. Cod. sibi. 246. e marg. voto pro cod. vota. 253. Quis Trojanorum est Nestore natus? 263. ex margine pro: concordant.



Gaudent Argivi Calchasque receptus honeste      265  
Inter eos degit nec sua tecta petit.

TROIANI TELIS ET ARMIS MUNIUNT SE.

Non poterant ista Trojanos facta latere,  
Obfirmant etiam pectora, tela parant.  
Rumor ut hic primum Priami per tecta volavit,  
Bella mihi, video, bella parantur, ait.      270  
Armat et ipse Phryges in proelia, moenia munit  
Auxiliis, armis, viribus atque viris;  
Thesauros aperit, dat donativa manipulis  
Ocius in bellum congregat omne solum.  
Flevit et hic Helena specialis causa malorum,      275  
Attamen his modicam fletibus addo fidem;  
Ponatur: lacrimas, quas fuderit haec, mulieres  
Ut flerent, oculos erudiere suos.  
Quales ergo cibi, talis domus atque supellex  
Qualis erat mulier, tale coquebat olus.      280

TEMPESTAS GRAECORUM NAVES TRAHEBAT.

Ancora, quae Graecam, tenet inter littora classem,  
Solvitur, incipiunt aequor amare rates.  
Aeolus insanit et tempestate coacta  
Cogitur ad littus Graeca redire phalanx.  
Respondit Calchas: redeamus, in Aulide stemus,      285  
Placabit tandem lenior aura ratem.  
Persolvit rediens Agamemnon vota Dianae,  
Ancorat hic plures nautica turba dies.

HIC ITERUM AURA FAVET GRAECIS.

Gratum post aliquae producit tempora ventum  
Exhilarans oculos aura serena suos.      290  
Vela petunt arcem, solvunt retinacula classem,

269. Ov. Fast. VI. 527:

Rumor (ut est velox) agitat pervolat alis.

274. Gualth. Alex. II, 17.

Ocius edicto ruit omnis in arma juvenus.

278. Ex Ovid. remed. 690.

Invehitur medio puppis honesta salo.  
 Nauta Philoctetes sit de potioribus unus,  
 Cui fuit in reliquis plus via nota maris.  
 Argonautarum socius fuit hic homo, quocum 295  
 Phryxeam petiit Pelias arbor ovem.  
 Undique vela volant, longa statione videre  
 Per pelagi solitas sol prohibetur aquas.  
 Velant vela mare, mare totum cerne volare,  
 Dividit undosas spumea prora vias. 300  
 Pontus ponte caret mihi dicunt, hic ego pontum  
 Verius a multo dicere ponte queo.  
 Pontus enim, textus quia pontibus est, ubi classes  
 Pontificas pontus pontis ad instar habet.  
 Imperium tangunt Priami, munitio quaedam 305  
 Est ibi, quam rara dextera iactat humi.  
 Hic versus Tenedon procedunt, quicquid ibidem  
 Vivi reperiunt, mortis ad arva trahunt.  
 Praedam partitur Agamemnon habetque, vocato  
 Agmine, de belli provida verba statu. 310  
 Vultis ut ad Priamum mittatur nuncius, inquit,  
 Quaerens, quid fecit, si variare velit.  
 Reddere vult Helenam, sit bellum pace sepultum;  
 Si minus, in gladiis aggrediamur eum.  
 Forsan tum medio posuit deus omnia campo, 315  
 Sentiet iratos Troica praeda deos.  
 Ad Priamum missi Diomedes sunt et Ulixes  
 Ambo facundi, ferre ferenda prohi.

#### ACHILLES ET TELEPHUS MITTUNTUR IN MYSIAM.\*)

In Mysiam Telephum direxit rex et Achillem  
 Urere, praedari, subdere cuncta neci. 320

293. Philoctetes e Darete pro cod. Philocteres. 294. nautarum ex margine pro cod. nautatum. 296. Ovidii est Heroid. XII, 8. 298. ex margine pro sasitas. 306. rara ex margine pro rata, quod significatione „firma“ aptum sed metro (rătă) inconveniens esset. 313. cod. Reddere si vult Helenam etc. 315. Lucani est Phars. VII, 348. 319. Moesiam.

\*) Mysiam, non, quod codex et Dares habent Moesiam, Troilus.

Rex Teuthras occurrit eis, occurrit Achilles,  
 Indit et illustri vulnera dira duci.  
 Sed Telephus clypeo nisi protexisset eundem,  
 Huic reor extremum fata dedisse diem;  
 Cumque rei talis causam scrutasset Achilles 325  
 A Telepho doctus ore fit inde brevi.  
 Contulit hospitium mihi Teuthras, cum puer essem,  
 Me pater ad regna miserat illa meus;  
 Insuper a rege quondam Diomede subactus  
 Sic erat, ut regni perderet arva sui. 330  
 At meus occiso pater illum liberat hoste  
 Omnia restituens perdita, pace data;  
 Res ea me regem clypeo servare coegit,  
 Accepti memores nos decet esse boni.  
 Saucius ad mortem Teuthras ubi comperit istud 335  
 Accito Telepho debilis exit in hoc:  
 In regno regnare meo fortissimus olim  
 Me tuus et tutum fecit ab hoste pater.  
 Gratia pro rebus merito debetur inemtis  
 Et nihil ingrato pejus habere potest. 340  
 Nondum promerui, sed nunc per posse merebor,  
 Haeredem regni te reputabo mei.  
 Accipe, pone tuo capiti, quam porto, coronam;  
 Statque sub imperio patria tota tuo.  
 Dixit et inmites filum rupere sorores 345  
 Et subiit Telephus imperiale decus.  
 Rex novus exanime dividit aromate corpus  
 Et regum more funeris egit opus.  
 Huic ait Aeacides: o rex fortuna beavit  
 Te merito donis, praemia digna geris. 350  
 Nec fortunatus es solus, Dorica tecum  
 Hac poterunt castra prosperitate frui.

nam Teuthras fuit rex Mysiae non Moesiae. De hac forma: Moesia cfr. Dederich ad Dict. II. 1 obs.

321. Cod. Teucras. 327. Cod. Teucrus. 334. Anon. Nevel. p. 514. lin. 5 ab infra. 336. e margine: exit: pro: „dixit“ 339. Ovidii est Am. I, 10, 43. 347. in margine scholion: Telephus. 349. huic pro hiis.

Possunt Argolicis hinc ire cibaria castis,  
 His poteris nobis utilis esse modis. 355  
 Hac vice Troianam non ibis ad obsidionem,  
 Quicquid agant alii, sit labor iste tuus.  
 Puppes mittemus, tu tantum providus esto  
 Nobis mittendis has onerare cibus.  
 Hic manet, ille redit; Agamemnonis auribus indit, 360  
 Quod factum fuerat, ille patrata probat.

## VERBA ULIXIS ET DIOMEDIS AD PRIAMUM.

Ceperat interea jam pridem missus Ulixes  
 In facie Priami cum Diomede loqui:  
 Rex! missi sumus ab Agamemnone, si placet, audi  
 Haec, quae deferimus eius ab ore tibi. 365  
 Graecorum regi non est victoria tanti,  
 Ut per bella suos malit obire viros;  
 Sed tamen illius regnum ne deprimat hostis  
 Materiam damni dedecorisque gerens,  
 Si quis enim damnum vel dedecus inferat illi, 370  
 Malumus ante mori quam duo dicta pati.  
 Rex Helenam redde; pacatae ramus olivae  
 Sic inter Graecum stet Phrygiumque locum.  
 De Paridis praeda non est mihi mentio tanta,  
 Cum tamen haec merito restituenda foret. 375  
 Dedecus omnino taceo, quid amarius omni  
 Est damno? tantum foedera pacis amo.  
 Si facis, haec volumus extrema pellere cella,  
 Quae fuit ulterius Dorica passa domus:  
 Si minus; est animus vobis effundere vitam 380  
 Aut nos ex vita tradere propter eam.  
 Ut modicum tacuit Priamus, subduxit: Ulixes!  
 Prompta seris verba, tunc vocaris ita?  
 Prompta quidem, sed comta minus tu proposuisti

357. ex margine pro simplici „quid“. 367. ex margine pro altero suos, viros. 372. pacatae ex margine pro placatae. Ov. ex Pont. I, 1, 31. pacatae ramus olivae. 380. nobis pro codic. vobis. Imitatio Virgil. Aen. I, 103 tuaque animam hanc effundere dextra.

Dedecus et damnum non toleranda tibi: 385  
 Cur tam dedecori, quam damno, quae Graecia nobis  
 Promserat, illudis? Haec duo Troia tulit.  
 Nonne patrem nostrum Graeco scis esse peremtum?  
 Hesyonae raptum servitilique jugum?  
 Qui spoliaverunt hanc urbem, nonne Pelasgi? 390  
 Qui confregerunt moenia, nonne tui?  
 Hoc ne praeteream, potuitne victor abire  
 Pluribus amissis rex tuus, immo capi?  
 Saepius Hesyonem frustra repetivimus; at tu  
 Illico vis Helenam te repetisse tuam. 395  
 De vestra canis hic mihi praeda, succine nostram  
 Quando, quibus vel ubi restituistis eam?  
 Antenor missus a nobis pro repetenda  
 Quid tulit Hesyone? Scandala. Scisne bene?  
 Retulit ille nihil, praeterquam tela minarum; 400  
 Praeterquam probra retulit ille nihil.  
 Nunc Helenam repetis et vis ut ad omnia nullam  
 Offerat emendam Graecia, Troja gravem.  
 Reddidimus simile, vos Hesyonem rapuistis,  
 Nos Helenam; proprium pertulit auctor opus. 405  
 Lege tua pateris, nec enim lex aequior ulla;  
 Quam necis artifices arte perire sua.  
 Si te conficeret simplex injuria, nullo  
 Praecedente malo, quo paterere modo?  
 Addis ab inde minas, et stulte! dic, age: collum, 410  
 Si volo, non valeo cingere reste tuum?  
 Verborum deponere favos, haec littora linque,  
 Spernunt Argolicos limina nostra pedes.  
 Si pacem feceris, hic invenietis et ipsam;  
 Si gladios, gladios reperietis item. 415

387. Cod. illisit. 402. pro cod. nulla. 403. cod.  
 granem. 406. 7. Ovid. Ars am. I, 655. 56

Justus uterque fuit, neque enim lex aequior ulla

Quam necis artifices arte perire sua.

407. ex Ovidio et margine pro artificis. 409. Ov. Heroid.  
 XVIII, 44. quo pat. mod. 410. Cod. addit. 415. Cod.  
 gladios, gladios.

## DIOMEDES ET ULIXES REDEUNT TENEDON.

Legati redeunt Tenedon, regique revolvunt  
 Omnia, quae Priamus dixerat atque refert.  
 Nil aliud restare liquet nisi fortia bella,  
 Fortiter in fortes arma movere manu.  
 Unde repente gradus est praecipitandus in hostes, 420  
 Nam sibi, qui parcit hostibus, hostis erit.  
 Huc de consilio maturo venimus omnes,  
 Credo verecundum vertere retro gradum.  
 Non reddunt Helenam, repetamus viribus illam  
 Optima vindictae proxima quaeque dies. 425  
 Nam mora dat vires, plures mora colligit hostes,  
 Sicque fit ut populi copia crescat eis.  
 Sit subitum quidcunque paras; nunc dicitur: ergo  
 Festinet gladius ad juvenile latus.

## PRIAMUS CONDUCTIT QUOSQUOS FORTES.

Nec Priamus pausat, proceres cum fortibus omni 430  
 Ipse satellitibus e regione vocat.  
 Inde manus aperit irrorans pectora donis  
 Et tam pollicitis quam trahit ille datis.  
 Eius in auxilium properat non pauca juvenus  
 Militiae celebris fortibus aucta viris. 435  
 Advenere duces infortes, mentibus acres  
 Non dubii prono pectore bella sequi.  
 Sarpedon, Glaucus, Adrastus, Pandarus, Amphon,  
 Peleus, Amphimachus, Ceramis, Yphitides  
 Cum Pitano Caropes, cum Residamante Corebus 440  
 Ephicus, Eripheus, Calcamus atque Caros.

\*) Inscriptionem cod. male habet: Diomedes et Priamus redeunt ad Ulixem.

425. e margine pro opima. Ov. Rem. 96. 426. Ov. Rem. 83: Nam mora dat vires, teneras mora percoquit uvas. 427. cod. copia populi. 438. Ampon Dares nominat Amphonem. 440. Margo: Iste Corebus ducturus erat Cassandram filiam regis Priami et ob hanc versus in bellum. — Corebus et Dimas Virgilii sunt II, 340.

Ennomus et Phorcys et Epistrophus et Polynestis  
 Yphicus et Pelias, cumque Thoante Dimas,  
 Ripheus Achipanis et Alastrenus Ausius, audax  
 Aschrander, Cormus, Memnon et Archilochus. 445  
 Deberem procerum si nomina cuncta referre  
 Hora foret spatium non habitura breve.  
 Isti diversa se de regione levantes  
 Intrans ad Priamum bella juvare Phrygum.  
 Trojani sunt ex istis plerique Quirites 450  
 Cedere treuga leves dedere treuga graves.

PALAMEDES ADEST CUM NAVIBUS.

Consilium tractat adhuc Agamemnon et inter  
 Regni magnates bellica facta librat.  
 Interea veniens Palamedes Nauplica proles  
 Ter denis ratibus arma cibosque vehit. 455  
 Non valui venisse prius, conabar Athenas  
 Tendere, non poteram, febre vetabar, ait.  
 Nunc quamvis lentus, laetus tamen advehor, omnem  
 Quam mihi dixeritis, exhibiturus opem.  
 Hinc grates, Agamemnon ait, nostroque sub infra 460  
 Sis de consilio: paruit ille viro.

PALAMEDES DISSUADET ADITUM TROIAE NOCTE.

Nox erat et toto fulgebant sidera coelo  
 Sibilat optatus puppis in arce sonus.  
 Consilii coepere libra trutinare, velintne  
 Nocte solum Trojae tangere, sive die. 465  
 Diversis diversa placent, sed opinor honestas

---

442. Ennomus et Phorcys e Darete pro Ephomus et Phorcys. Nomina procerum mire mutilata sunt, nonnulla, quae neque apud Daretem neque apud Dictyn sub hac forma inveniuntur, Pindari Thebani sunt, sicut Asius, quem noster Ausius appellat. (Epit. 777—781). 451. Cod. gnaves. 456. Cod. nam. Athenis. 462. Epitom. Iliad. Hom., v. 110. 466. Maximian. eleg. I, 103.

Diversos diversa juvant: non omnibus annis  
 Omnia conveniunt: res prius apta, nocet.

Consilii causas a Palamede datas.  
 Hic latronis, ait, mos et sollertia furum,  
 Nocte latrociniis, nocte vacare dolis.  
 Ut jugulent homines, surgunt de nocte latrones 470  
 Turpibus atra lues creditur esse dies.  
 Publica non audent inter monumenta venire  
 Clara non fuerint quae celebrata die.  
 Facta decent manifesta viros aperire profecto,  
 Hi debent operas non operire suas. 475  
 Noctem peccatis et fraudibus obice nubem,  
 Dicunt patrantes clam sine teste nefas.  
 Nos claram Trojam claro sub sole petamus,  
 Noctis militibus nolumus esse pares.  
 Utile consilium Palamedis cum sit honestum, 480  
 Incunctanter habet concio tota ratum.

#### GRAECI VENIUNT AD LITTUS TROIANORUM.

Proclamant proceres Agamemnona denuo regem,  
 Vivat rex, vivat: curia tota sonat.  
 Imperat accitis praeconibus, ut simul omnes  
 Incipiant signo vela levare dato. 485  
 Imperio laeti parent, ac jussa facessunt  
 Quaeque levanda levant, quaeque paranda parant.  
 In bellum latura cibos Telephïa regna  
 Intrat honesta viris rege volente ratis.  
 Annus abit placitaque movent spiralia ventum 490  
 Ad mare maturat Graeca juvenia gradum,  
 Et signo facto redit ancora, carbasa surgunt,  
 Antemnas adhibent, vela repanda patent.  
 Jam mare velivolis late contextitur alis

468. Gualter. Alexandr. IV, 353

Hic latronis ait mos, hæc sollertia furum.

469. latrociniis e margine pro latrociis. Gualt. Alex. IV, 355.

Summa nocere dolis et fallere fraude latenti.

470. Horatii est Epistol. I, 2, 32. 472. Ovidii est E. Pont.

I, 1, 5. 476. Horatii est Epist. I, 16, 62. 484. praeco-

nibus pro „pocōribus“. 486. Virgilii est Aen. IV, 295.



Infestat liquidas libera classis aquas. 495  
 Spumeus et fervens et ab obice saevior ibat  
 Objectis proris impetus ille maris.  
 Accipiunt ventos a tergo mille carinae  
 Jam poterant puppes paene videre Phryges.  
 Et Danaï Trojam, quam fama locabat in astris, 500  
 Jamjam prospiciunt, prospiciendo canunt.  
 Nauticus exoritur vario discrimine clamor,  
 Ridet, quem fata iam lacrimosa manent.  
 Providus aëria cernens speculator ab arce  
 Nuntiat, Argolicas appropriare rates. 505  
 Adversus Trojam diversa classe potenter  
 Littus ad Iliacum nauta gubernat iter.  
 Nec mora; Dardaniam tacturi iam prope terram,  
 Clamores geminant, bellica signa levant.  
 Ancora de prora jacitur, stat littore puppis 510  
 Vertit arenosum lamina panda lutum.

TROIANI DEFENDUNT LITTUS ET PROTESILAUS  
CADIT.

Vix bene desierat speculator, buccina clangit,  
 In cumulum populus omnis in urbe ruit,  
 Evolat e portis bipatentibus ipsa juvenus  
 Argolicos stadii pellere fine sui. 515  
 Jam rector datur Hector eis, ad littora currunt,  
 Ripam defendunt, undique tela ruunt.  
 Ejcit in littus se Protesilaus et ipsis  
 Inmergit Phrygibus, nec vacat atra manus.  
 Non hic uxoris servavit verba monentis; 520  
 Bella gerant alii, Protesilaus amet.

---

495. Ovid. Amor. II, 11, 18:

Quas Scylla infestet, quasque Charybdis aquas.

496. Ovidii est Metam. III, 571. 501. ranunt. canunt ex  
 margine. 502. Virgilii est Aen. III, 128. 504. Gualteri  
 est Alexandr. II, 395. 510. littore ex marg. pro littora.  
 Virgilii est Aen. III, 277. 521. Ovid. Her. XIII, 84.

Hecora, quisquis hic est, si sum tibi cara caveto.  
 Signatum memori pectore nomen habe.  
 Inter mille rates tua sit millesima puppis,  
 Dii faciant, ne tu strenuus esse velis. 525  
 Cum tamen ex foribus hic iret in arma paternis  
 Pes suus offenso limine signa dedit.  
 Vidit et ingemuit uxor tremebundaque dixit:  
 Signa reversuri sint, precor, ista viri.  
 Optio nil valuit, proprio vir strenuus idem 530  
 Oppositam primus sanguine pinxit humum.  
 Maxima fit strages ab utraque cohorte, cohortem  
 Hectoris affirmant praevaluisse tamen.  
 Hector pervalidum prosternit Protesilaum,  
 Vicimus, exclamant agmina tota Phrygum; 535  
 Graecis infausto turbatis omine gaudent  
 Trojani, Graecum prima ruisse virum.  
 Vertitur huc Hector, huc vero revertitur, Argos  
 Hic fugat, hic caedit, vulnera multa facit.  
 Hector ubi pugnat, illic victoria regnat, 540  
 Jam Grajas acies succubuisse putes.  
 Protinus exiliens ad fulminis instar Achilles  
 Dat rigido miseras hostibus ense neces.  
 Fugit et expavit exercitus omnis Achillem  
 Ad Troiam vertunt accelerando pedem. 545  
 Nox pugnam dirimit, consurgunt astra petuntque  
 Hi fugiendo lares, hi redeundo rates.

#### GRAECI PROSILIUNT IN LITTUS TROIANUM.

Vix bene purgato noctis caligine coelo  
 Insiliunt volucris littora Teucri pede,

522. 23. *ibid.* XIII, 65. 66. 524. *ibid.* XIII, 97.  
 525. *ibid.* XIII, 96. 526. 27. *Ovid. Her.* XIII, 87. 88

Cum foribus velles ad Trojam exire paternis  
 Pes tuus off. lim. sign. dedit.

529. *Ov. Her.* XIII, 90. 531. *Ov. Her.* XIII, 94.

Qui primus Danaum Troada tangat humum.

532. *Marginis scholion:* pugna prima. Protesilaus occiditur ab  
 Hectore. 541. *Cod. Grajas.* 548. *Gualteri Alexandr.* VI, 182.

Abaque mora tendunt tentoria, castra figuntur	550
Et facta cingunt obsidione Phryges.	
Hector et illustres Trojani prosilientes	
Graecos invadunt, sit fragor, arma sonant.	
Jam clypeo clypeus, umbone retunditur umbo,	
Arcus telorum contegit imbre polum.	555
Se mordent enses, percellit lancea dentes,	
Contudit obiectum clava trinoda caput.	
Mucro per ventrem, per colla, per illa currit,	
Ampla vulneribus sanguine manat humus.	
Altera pars furit in aliam feriendo, nec atrox	560
Pugna suum finem, quum jacet hostis, habet.	
Perfoditur donec animam cum sanguine fundat	
Tempore, qui moreris, quo moriari, cares.	
Et modo Trojanis, virtus modo crescit Achivis;	
Qui modo sperabant spe fugiente timent.	565
Ille volat, hic revolat geminans victoria vires,	
Nunc veniendo fugit, nunc fugiendo venit.	
Delphobus necat Ascalaphum, tamen Idomenei	
Trojam non minimus Ausius ense cadit.	
Concurrit Trojana manus, sit maxima caedes,	570
Terra cadaveribus, arva cruore manant.	
Advolat interea Danaum timor unicus Hector,	
Cuius in Argolicos praevalet ampla manus.	
Sternuntur Danaï, currunt ad littora Teucrī,	
In pelago stantes igne cremare rates.	575

550. Scholion marginis: Pugna secunda. Ascalaphus occiditur a Deiphobo. 554. Similis Gualter. Alex. I, 141

Hic clypeo clypeus, hic obruta casside cassis

et Statius Theb. VIII, 398. 99

Jam clypeus clypeis, umbone repellitur umbo

Ense minax ensis, pede pes et cuspidē cuspis.

557. Cod. conturit. 564. Cod. cressit. 565. Epitom. 810. 11.

Qui modo turbabant Danaos animoque fremebant

Nunc trepidi fugiunt.

568. Cod. vocat. 573. Scholion marginis: propter victoriarum latitudinem.

Obsistit Telamone satus raptimque rotatam  
 A prima puppi sustinet ipse pyram.  
 Sustinet et solus defendit mille carinas,  
 Dejectis pridem cor revocatur item.  
 Rejiciunt ignem Danai, bachantur in hostem, 580  
 Sudoris rivos dat nova pugna novos.  
 Immo novus per membra cruor fluxisset utrimque,  
 Nox nisi terribilem pelleret atra diem.

## PATROCLUS AB HECTORE OCCIDITUR.

Lux exorta viros in pristina bella remittit,  
 Flant lituis, validus perculit astra sonus. 585  
 Dardanai Danaique duces jamjamque propinquant,  
 A prima fronte tela nidere vide.  
 Concurrunt cunei, celebrant convivia mortis,  
 Pocula Plutoni sanguinolenta litant,  
 En! iterum ferus Hector adest, per devia campi 590  
 Exagitat Danaos ense secando cutes.  
 Caede Menoliades nimia succumbere Graios  
 Intuitus medios fertur in hostis agros.  
 Caedit, nec cedit, caedendo cadavera dedit,  
 Cervices jugulat ossaque fracta creat. 595  
 Et quia vir fortis armis est usus Achillis,  
 Una superficies corpora multa fugat.  
 Creditur a cunctis, nec mirum, quod sit Achilles,  
 Quis non crediderit, hic vir ut arma tulit.  
 Hector, in induviis dependit ut hic alienis, 600  
 Subsannativo clamat ista modo:  
 Nemo suas vices debet transcendere, nemo

---

576—78. Epitomator. v. 802—4

— — — Huic validis obsistit viribus Ajax

Stans prima in puppi, clypeoque incendia saeva

Sustinet, et solus defendit mille carinas.

584. Epitomator Iliad. v. 744. 585. in margine: pugna ter-  
 tia, in qua Patroclus ab Hectore occiditur. 587. pro: videre.  
 592. Scholion: Patroclus. 596. Cod. Achilles. 601, ex  
 margine pro: subsannato.

Laudes alterius appropriare sibi.  
 Quod non es, non esse velis, quod es, esse fatere;  
 Displicet imprudens unde placere putat. 605  
 Cum sis Patroclus, cur te mentiris Achillem?  
 Scis, quod fert longam fictio nulla moram.  
 Scire, quid in bellis valeat fortissimus Hector,  
 Te volo mox; properat, hunc necat ista manns.  
 Hectoreas cognosce manus; nec plura locutus 610  
 Descendit juvenem despoliare ratus.  
 Merion ex acie corpus trahit, Hector eundem  
 Ad terram solitis viribus usus agit.  
 Hunc etiam spoliare parat; sed Mnesteus illi  
 Obvius Hectoreum sauciat ense femur. 615  
 Milia mulctarum prosternit saucius et iam  
 Grajos in turpem verterat ipse fugam.  
 Non erat haec pugna pavidorum, nam simul acres  
 Fortes, audaces hic periisse vides.

#### DUELLUM HECTORIS ET AIACIS.

Adveniens Telamone satus, saevissimus Ajax 620  
 Ocius objectas ampliat ense vias,  
 Insignem gladio petit Hectora, quaque patebat  
 Nuda viri cervix, dirigit ille manum.  
 Ictum Priamides umbone repellere nitens  
 Tergum submittit, casside colla tegit. 625  
 Sed penitus non evadit, quia mucro parumper

603. alludit Aviani fab. V. 1. 2.

Metiri se quemque decet propriisque juvari

Laudibus, alterius nec bona ferre sibi.

604. Anon. Nevelet. p. 517. lin. 15. 605. Anon. Nevel.  
p. 499. lin. 5. 608. Epitomator 823:

Et quantum bello valeat fortissimus Hector.

622. 23. epitomator 605. 6.

Insignem bello petit Hectora, quaque patebat

Nuda viri cervix, fulgentem dirigit ensem.

624—633. Imitatio Epitomatoris verss. 607—617:

Ille ictum celeri praevidit callidus astu

Tergaque submitit, ferrumque umbone recepit;

Sed levis extremas clypei perlabitur oras

De clypeo labens in cute vulnus agit.  
 Hector in Ajacem collecto robore grandem  
 Transmittit lapidem sternere mole ducem.  
 At ferus excipiens clypeo septemplice saxum 630  
 Hectoris in corpus grande remittit onus.  
 Accurrunt iterum; videas insigne duellum;  
 Densant alterutras percutiendo vices.  
 Coeperat igniferum Titan immergere cursum  
 Fluctibus aequoreis, noxque subire polum; 635  
 Qui dirimant a caede viros mittuntur utrinque,  
 Non tamen hi gladios segnius ire sinunt.  
 Dic tu quae patria, vir strenue, quique parentes  
 Quae tua nobilitas, quae domus? Hector ait.  
 Est praeclara domus, inquit Telamonius heros, 640  
 Inclita nobilitas, stirps generosa mihi.  
 Filius Hesyonae sum, quae de germine venit  
 Laomedonteo, filia cuius erat.  
 Absistamus, ait, sanguis communis utrique,  
 Mox consanguineo parcit uterque suo; 645  
 Muneribusque datis nodo nectuntur amoris  
 Et vetat urendas Hector ab igne rates.

---

Ensis, et exiguo cervicem vulnere libat.  
 Acris adversum rursus consurgit in hostem  
 Priamides, nec jam ferro Telamore creatum  
 Sed magno saxi jactu petit; at ferus Ajax  
 Ingentem clypeo septemplice depulit ictum,  
 Et juvenem saxo percussum sternit eodem.  
 Quem levat exceptum Grajis inimicus Apollo  
 Integratque animum, jam rursus ad arma coibant,  
 Stringebantque iterum gladios, etc.

634—36. Toto loco imitatus est Albertus Epitomen sed hos versus paene verbotenus desumsit:

Coeperat igniferos Titan immergere currus,  
 Noxque subire polum: juxta mittuntur, utrosque  
 Qui dirimant a caede viros, nec segnius illi  
 Deponunt animos etc. Sunt ibi 618. 19. 20. 21.

641. Cod. strîps. 643. Cod. Lamedonteo. 644. depromtus ex epitom. 629.

## PAX DUORUM ANNORUM.

Postera lux aderat; Graecis suspendere bellum  
 Et sepelire suos mens erat, idque rogant,  
 Adjiciuntque, duos ut sit pax firma per annos. 650  
 Pax datur, intrahitur mucro cruore satur.  
 Plangens subterrat Patroclum moestus Achilles,  
 Planctum subsequitur exequialis honor.  
 Magnifice sepelit Agamemnon Protesilaum  
 Sanguine primo Phrygum qui rubefecit humum; 655  
 Caetera, quae cecidit, sub cespite turba locatur.  
 Altera pars liquidis vulnera siccatur aquis.  
 Corpora vix quaedam ferro sanantur acuto,  
 Auxilium multis succus et herba fuit.  
 Vulnera saeva nimis subsanant saepe magistrum 660  
 Interdum docta plus valet arte malum.  
 Una salus aliis nullam sperare salutem,  
 Nil praeter mortis operiendo pedem.  
 Pars magnas fecere pyras, et in aere nudo,  
 Tot, siquidem fuerant busta perusta, lotant. 665

## HELENAM TROIANI GRAECIS EXHIBENT.

Hector stultitiam reputans tot milia morti,  
 Tot proceres una pro muliere dari,  
 In coetum vocat ille Phryges. Venere vocati.  
 Computat hesternae funera caedis ibi.  
 Nos Helenam reddamus, ait, cur sponte perimus, 670  
 Maximus in pace vivere nolle furor.  
 Omnibus haec placuit sententia, mittitur ergo  
 Idaeus Graecis exhibiturus eam.  
 Non placet edictum Menelao, cogitat autem  
 In iugulum Paridis ille movere manus. 675

---

648. Margo praebet: pax prima duorum annorum.  
 655. Cod. rubefecit. 661. Ovid. ex Pont. I, 3, 18. 662. Virg.  
 Aen. II, 354: una salus victis nullam sperare salutem. 669.  
 Epitom. 639: memorans hesternae funera caedis. 673. missio  
 Idaei non Alberti sed Epitomatoris v. 638 sqq. est.

## VERBA PALAMEDIS AMBITIOSI.

Coeptus ab agricolis superos devenit ad omnes  
 Ambitiosus honor, corda superba movens.  
 Moverat ambitio Palamedem, nempe tenendi  
 Imperii sceptrum causa momordit eum.  
 Verbis et dictis omnes audire volentes 680  
 Sic ad propositum provocat ipse suum.  
 Non bene res agitur, inquit, sunt omnia digno  
 Tot propter procures jure regenda statu.  
 Reges, quive solent regalia sceptrata tenere,  
 Dignis ornatos moribus esse decet. 685  
 Non sunt laudandi nisi strenuitate, valore,  
 Robore, consilio, dapsilitate, duces.  
 Sit rex flexibilis, pius, exorabilis isque  
 Subjectis agnus, hostibus ursus erit.  
 Nunquam conspicitur meliore potentia causa, 690  
 Quam quoties vanas non sinit esse preces.  
 Sit circumspectus rex, circumspectio regis;  
 Famam laude replet, res in honore tenet.  
 Num quid ego nostro loquor hic pro principe verbum?  
 Non dat ad officia singula posse suum. 700  
 Sed minus est docto quid prodest, quod gerit extra  
 Grande supercilium, qui nihil intus habet.  
 Regnum dilapidat, qui regnum rudibili dat,  
 Est vestire sudem sceptrata tenere rudem.  
 Adde quod ex multis procures regionibus adsunt, 705  
 Cumque suo venit patria quaeque duce.  
 Ingenium, cor, consilium, virtutis acumen  
 Quaelibet a proprio natio quaerit hero.  
 Consentire magis hi delectantur in unum  
 A cunctis dandum, quam reperire datum. 710  
 His verbis allexit eos, studuitque frequenter

---

676. Marginis schol. Iste Palamedes filius erat Nauplii  
 filii Neptuni. 684 sq. conferatur Gualteri Alexandr., ubi  
 libro primo Aristoteles officia regis Alexandro exponit.  
 686. laudanti. 690. e margine pro potentiae. 690. 91.  
 Ovid. e Pont. II, 9, 15. 16. 708. e marg. pro cod. homo.



Plurima de belli proprietate loqui.  
 In castris est grandis ei munitio curae,  
 Torpentes vigiles circueundo monet.  
 Huic erat in signo mens sollertissima dando, 715  
 Instaurans acies bella movere docet.  
 Pondera cuncta velut observantissimus aequi  
 Taxat, et, ut cedat, falsa moneta rogat;  
 Et breviter cuncta voluit neglecta putari,  
 Si non sollicitas adderet ipse vices. 720  
 Saepe repraesentat validum se robore, sicut  
 Se plerumque solet effigiare pugil.  
 Ingenium mala saepe monet, mulcedine tali  
 Argolicos movit ingeniosus homo.

#### HECTOR TRES OCCIDIT DUCES.

Jam duo transierant elapsa pace decembres 725  
 Acriter in Martem congregiuntur item.  
 In Martem dixi, tum possem dicere mortem,  
 Dum Martem repetunt, funera mortis agunt.  
 Aeacides acies, Diomedes, major Atrides  
 Et minor educunt, hostica signa levant. 730  
 Occurrunt Graecis, Graecorum malleus Hector,  
 Aeneas, Troilus; hic fit et inde sonus.  
 Concurrunt cunei, rubefiunt sanguine campi,  
 Hic pes, hic humerus hic jacuere manus.  
 Hic latus, hic oculos, hic coxas, ille lacertos 735  
 Hic crus, hic clunes perdidit, ille pedes.  
 Illius, istius caput a cervice revulsum  
 Currere mole pilae rubra per arva vide;  
 Sanguineum rivum moribunda per ora fluentem  
 Hic bibit et semen sanguinis ille vomit. 740  
 Vix recipit largus prostrata cadavera campus,  
 Vivis praecludunt mortua membra locum.  
 Languescunt arma, non armi, sola voluntas

---

738. Margo: pugna quarta in qua Hector tres duces  
 Graecorum occidit Prothenorem, Antiochum et Boetem.  
 735. e margine pro: oculus. 739. e margine pro: pro ore.

Brachia mucrone deficiente movet.  
 Leutescunt arcus, tenduntur fortiter artus, 745  
 Et quamvis jaciant jacula corda volant.  
 Hic fortes quasi grando ruunt, furor arma ministrat,  
 Mors fluit in plebe more fluentis aquae.  
 Impiger Antilochus, Prothenor itemque Boetes  
 Tres a solius Hectoris ense cadunt. 750  
 Certe pro timidis intercessere tenebrae.  
 Rex jubet in proprium quemque redire locum.

## CONIURANT GRAECI OMNES IN HECTORIS MORTEM.

Nocte vocat proceres Agamemnon et inter eosdem  
 Coepit de belli volvere verba statu.  
 Ecce videtis, ait, quod nostrae gloria gentis 755  
 Jam cadit ob validos, qui cecidere, duces.  
 Quotidie ruimus: ruit illico Prothesilaus.  
 Est ubi Patroclus? mortuus Antilochus.  
 Et quid de valido Prothenore, cuius in armis  
 Mens animosa fuit, quidve Boete loquor? 760  
 Non mihi, si linguae centum sint, oraque centum,  
 Amissos proceres enumerare queam.  
 Et quod de plebe perierunt milia plura,  
 De numero vulgi mentio nulla mihi.  
 Venimus ad Phrygios ulcisci probra colonos, 765  
 Tractamus per aquas proficiendo nihil  
 Dum loquor; ecce trahunt rigidas suspiria fibras  
 Et bibit interior omnia verba dolor.  
 A solo patimur hoc dedecus Hectore, Graecas  
 Solus, proh facinus! vir secat iste genas. 770  
 Consilium praebete, duces, audite, quid isto  
 Jam super articulo sim meditatus ego.  
 Hectoris in jugulum ferventis tota juvenus  
 Dorica conspiret. Dixerat, idque placet.

748. more fluent. aq. Ov. Ars III, 62. 752. e margine  
 loc. pro: suum.

Troilus.

## HECTOR ARGUIT PARIDEM.

Titoni croceum linquens Aurora cubile	775
Luce smaragdinea laetificavit humum.	
Hector et Aeneas procedunt, ala Quiritum	
Subsequitur, sequitur tota juventa Phrygum.	
Pulcher Alexander etiam capitaneus astat	
Hujus imago mali certa ruina boni;	780
Cujus tot procerum transfixit colla libido.	
Tot mala, tot mortes fecit iniquus amor.	
O! utinam, tunc cum Lacedaemona classe petebat,	
Obrutus insanis ille fuisset aquis.	
Esset adulterio praeclara nociva libido	785
Mansissetque viro foemina fida suo,	
Nec successissent homicidia tanta, nec orbis	
His foret afflictus Martis amore mali;	
Sed nec in historia Trojana tot vitiasset	
Nulla subjecto fabula fulta libros.	790
Urbs populosa tamen hodie fortasse maneret,	
Praecepto, Priame! si foret usa tuo.	
Occurrunt Danaï, Menelaus in agmine primus	
Instaurans acies bella movenda monet.	
Fortis et acer erat, variare labantia corda	795
Noverat, haud fugiens hostica terga fugat.	
Rivalem patienter habet, prope denique stabat;	
Non livet, mordet, lumina torva tenet.	
Ad socios vibrando caput se vertit acerbe,	
Tamquam de rapta conjugē verba daret.	800
Conscius ipse sibi de se putat omnia dici	
Et pede retrogrado fingit abire quasi.	

775. est Virg. Aen. IV, 585. IX, 460. Georg. 1. 417.  
 776. Margo: Pugna quinta. In qua Menelaus et Alexander,  
 qui dictus est Paris, congregiuntur et Menelaus vulneratur.  
 783. 84. Ovidii Heroid. I, 5, 6. ubi tamen: esset adulter  
 aquis. 786. viro. viro., nos viro suo. 788. amare.  
 792. Margo: Praeceptum Priami fuit ut traditores urbis oc-  
 ciderentur. 794. cod. monenda. 801. Caton. Distich. I, 17.

Confusum videt Hector eum; proh dedecus, inquit  
 Aeternum patriae! cur ita terga refers?  
 Magnae virtutis victoria quae mulierem 805  
 Ad nos imbellem multa per arma tulit!  
 Tu jaceas in amore tuo, nos bella sequamur,  
 Sintque tibi vigiles artus, et arma tibi.  
 Tu ne puellarum sectaberis oscula, sicut  
 Fortis equus validae semper adhinnit equae. 810  
 In bellis imbellis eris? nos fortibus armis,  
 Fornicis, ut pauses, stabimus ante fores.  
 Hic animos ostende tuos, Mars non speciosis  
 Immo robustis dat sua signa viris.  
 Aequius in gladio tecum turnabit Atrides, 815  
 Cujus ad officium praeparat ille suum:  
 Quid nimis indignis, ait hic, me vocibus urges,  
 O frater, patriae gloria sola tuae?  
 Non vires temptare viri non arma recuso,  
 Dum modo qui vincat, praemia pacta levat. 820

803. Epimater 256 sqq.

Confusum terrore videt, Proh! dedecus, inquit  
 Aeternum patriae, generisque infamia nostri  
 Terga refers?

807. jacias. Epitomator 264

Dum jaceas in amore tuo, nos bella geremus

810. Ov. Remed. 634.

Fortis equus visae semper adhinnit equae.

812. Margo: fornix, domus prostibulum inde fornicor. aris.

813. 14. Epitomator. 262. 63.

Hic animos ostende tuos, nil adjuvat arma  
 Nobilitas formae, duro Mars milite gaudet

815. Epitom. 266.

Aequius adversis tecum concurrat in armis  
 Impiger Atrides.

816. illa. 817. 18. margo. respondet Paris Hectori fratri suo. Epitomator. 272. 73.

Quid nimis indignis; inquit, me vocibus urges  
 O patriae, germane, decus?

819. 20. Epitomator 275. 76.

Nec vires dextramque viri tentare recuso  
 Dummodo victorem conjux cum pace sequatur.

HIC\*) PARIS TRAHITUR PER CRINES CIRCA  
CAMPUM.

Strages interea fit maxima, nulla profecto  
Otia dat bello, saevit ubique mucro.  
Alter Homerus ero vel eodem major Homero  
Si tibi subnumero corpora strata ferro.  
Advolat in Paridem Menelaus, at ille resumptis 825  
Viribus obsistit, acer uterque fuit.  
Concurrunt, stridetque mucro mucrone corusco  
Virque viri vires inferiendo probat.  
Cumque Paris totum se colligit in Menelaum  
Per femur effecto vulnere figit eum. 830  
Acrius instabat memor impietatis Atrides  
Et stricto gravius inpetit ense virum.  
Ictibus innumeris tandem compulsus adulter  
Inchoat incestum retro referre pedem;  
Quem sequitur rigido Menelaus in agmine ferro, 835  
Illius enisus ense secare caput.  
At sua non semper sequitur primordia finis;  
Orba fit ense manus caedis avara nimis.  
Non ideo juvenem, quamvis mucro lapsus abisset,  
Desinit, arreptum crine per arva trahit. 840  
Huic erat adjutrix Ajacis dextera Locri,  
Aurea caesaries pulverulenta jacet.  
Clausisset Paridis oculos lux ultima, si non  
Hector ei celerem continuasset opem. •  
Aeneas clypeo tegit illum, deinde levatum 845  
Ilion inducit, hoc duce tutus abit.  
Cernentes reliqui, quod sol traheretur ad undas,  
Acrius arma movent, ne pigritando vacent.  
Nox nigra caecat humum, opescens funere bellum  
Non repetunt solitos corpora strata focos. 850

\*) Proelium hoc nostri simillimum Epitomatoris est.  
280 sqq. 823. Exid. Trojan. 235.

827. ex margine pro: studet. Epitom. 296

Conjungit, stridet mucro mucrone corusco.

837. Similis Ovid. locus Met. VII, 518.

Flebile principium melior fortuna secuta est.

## LIBER TERTIUS.

## INCIPIUNT CAPITULA TERTII LIBRI.

Tertius, a specula speculatur sextaque pugna  
 Surgit eamque sequens decies manet octo diebus.  
 Pax tribus est annis. Pugnans. Pax mense secuta est.  
 Nona dies pugna iteratur per duodenos.  
 Pax per tredenos. Hic somnia strenuus Hector 5  
 Despicit uxoris, quem saucius occidit Achilles.  
 Pugna. Duos menses est pax. Fit rex Palamedes.  
 Triptolemus sternit Sarpedon. Pax datur anno.  
 Aufert Pelidae pugnare Polixena. Pugnans.  
 Deiphobum perimit Palamedes et Paris ipsum. 10

## EXPLICIUNT CAPITULA.

## INCIPIT LIBER TERTIUS.

## HELENA E MURO SPECULATUR.

Quam timor obnubit, non est sincera voluptas;  
 Res est solliciti plena timoris amor.  
 A specula speculum speculans inamabile belli  
 Turba puellaris stat gemebunda satis.  
 Operiebantur eventum Martis et ad quem 5  
 Bellonae victrix ala volare velit.  
 Hic pro dilecto gemit anxia quaeque marito,  
 Corpore vir pugnam, corde puella parat.  
 Stabat et hic Helena speculando duosque maritos  
 Ictus horrissonos alterutrare videt. 10  
 Plus in adulterio tanquam lasciva favorem  
 Quam sibi concesso ferverat illa thoro.  
 Nitimur in vetitum semper cupimusque negata,

6. superscriptum verbo: occat. 7. Pugna. Superscriptum „fit“.

1. Anonym. Nevellet. p. 495. lin. 9. 10:

Quam timor obnubit non est sincera voluptas

Non est sollicito dulcis in ore cibus.

2. margo: ideo hoc dico quod res. Ovidii est. Heroid. I, 12.

12. firmat. 13. Ov. Amor. III, 4, 17.

Foemina praecipue, quae prohibentur, avet.  
 Non es Alexander, Priami pulcherrima proles, 15  
 Territus his una pro muliere malis;  
 Una nec unius est, cui non sufficit unus,  
 Pluribus in vita non caret una nota.  
 Aror amore tui, sic et Menelaon amavi,  
 Theseus huic pater oscula quarta dedit. 20  
 Sic facie quamvis insignis, adultera certe est,  
 Laesa pudicitia, deperit illa semel.  
 Insanit totus propter te, lubrice, mundus;  
 Causa pudenda tua est, justa vir arma movet.  
 Sis voti compos, per te moriatur Atrides, 25  
 Graecia vel redeat, vel superata cadat;  
 Sub domina meretrice sedes vesanus et excors  
 Foedi tabe canis vel mage sorde suis.  
 Foemina, quae fallit, exemplo discat in isto,  
 Foemineae fidei non adhibere fidem. 30

#### HELENA PARIDEM ALLOQUITUR.

Pro reditu laetatur adulter, adultera vero  
 Est pro suscepto sospite laeta viro.  
 Hoc modo: o juvenis! o delectissime miles!  
 Quomodo tam poteris immemor esse mei?  
 Vidi, pertimui quod erat tam tempore longo 35  
 Conjugis antiqui dextra magistra tui.

14. marginis scholion, av. cupit. 18. e margine pro:  
 in nita non caret ima. 19. amavi pro amavit. Versus Ov.  
 Her. V. 106. Ardet amore tui, sic et Menelaon amavit.  
 21. Ovid. Her. V. 125. 22. Ex Ovid. Her. V. 104: laesa  
 pudicitia est, d. i. semel posuimus pro nostri semet. 24. Ov.  
 Her. V, 98. 30. alluditur Aviani I, 16:

Foemineam quisquis credidit esse fidem.

Alanus parabol. 16. „non est in muliere fides“ et apud Petron:  
 Namque est foeminea tutior unda fide.

31. conferendus Epitomator v. 320 sqq. qui iisdem fere voca-  
 bulis usus est. 34. Ov. Her. XV, 106 ut nolles immemor  
 esse mei. 36. conjugis antiqui Virg. Aen. IV, 458. Epitom.  
 321.

Per femur illius vidi transire sagittam,  
 Debueras ejus tunc terebrasse gulam.  
 Cumque tuos vidi foedatos pulvere crines,  
 Fugit corde calor, fugit ab ore color. 40  
 Ne tua fata suae credas de cetero dextrae,  
 Sin potes extremos anticipare dies.  
 An nondum vaga fama tuas pervenit ad aures  
 De virtute viri, quam leve robur ejus?  
 Apti magis Veneri sunt, quam tua, brachia, Marti. 45  
 Bella gerant alii, tu sociare mihi.  
 Non sum victus, ait; huc me victoria duxit;  
 Saucius ille redit, nulla trophaea gerit.  
 Dixerat; et nitidis circumdat colla lacertis  
 Oscula dant cupidi. Cetera nolo loqui. 50

HIC ORITUR SEXTA PUGNA INTER GRAECOS ET  
TROIANOS.

Mane rubescebat stellis Aurora fugatis,  
 Vanescit rubeo Marte fugata quies;  
 Aiacides Danaum vexillifer et Diomedes  
 Illius est acies sollicitare comes.  
 Inperterritus his et inexpugnabilis Hector 55  
 Obviat, Hectorea brachia voce parat.

- 
39. Epit. 323: Iliacque tuos foedaret pulvere crines.  
 40. Ov. Her. XI, 27. fugerat ore color. Epitomat. 326  
 Fugerat ore color, sanguisque reliquerat artus.  
 41. Epitom. 329. 30. ne rursus iniquae  
 Illius tua fata velis committere dextrae  
 434. Epitomatoris v. 328. 29. est. 45. 46. Ovid. Her. XVII,  
 253. 254. B. g. fortes: tu Pari semper ama. et Ovid. Her.  
 XIII, 84. Bella gerant alii, Protesilaus amet.  
 49. 50. extensius epitomator 336 sqq.  
 Posthaec amplexu per mutua corpora iuncto  
 Incubuit membris Cygneidos; illa soluto  
 Accepit flammis gremio Trojaeque suasque.  
 51. Virg. Aen. III, 521. — Margo: Pugna VII. in qua Hector  
 VII duces Graecorum occidit, et Achilles quattuor Trojanorum  
 et Aeneas Merum\*) et Amphimachum et Diomedes Xanthippum.

\*) Dares nominat Nireum.



Aeneus Aeneas, cujus caput aenea cassis	
Protegit, in Phrygibus firma columna fuit.	
Hi duo Trojanos educunt, illico portis	
Erumpunt, Graecis obvia signa gerunt.	60
Concurrunt pariter, sonat ictibus arduus aether,	
Umbrificant nitidum spicula missa polum.	
Mille modis mortis miseros mors una trucidat,	
Una morte mori sit quasi turpe sibi.	
Per gladios, per balistas, per tela, per enses	65
Invitant mortem, dat quoque clava necem.	
Casside tecta licet, secat ora, facitque potenter	
Per medium ventris ferrea cuspis iter.	
Hic jugulant, hic exoculant, hic dorsa cruentant,	
Hic facies lacerant, unguibus ora rigant.	70
Maxima fit caedes hominum, nec dicere possum,	
Perfundat nimium quomodo sanguis humum.	
Fulminat ense suo vel in armis utilis Hector	
Ense secat Danaos, ense rubricat agros.	
Dum sic insanit, insani viribus obstant	75
Elpenor, Palamon, Schedius et Dorius.	
Auxiliantur Epistrophus atque Polyxenus illis.	
Sexque fuere duces, septimus Orcomenus.	
Hectoris hi vires attemptavere, sed Hector	
Fata suprema suos his dedit ante pedes.	80
Euphemus et Pyleus bona confidentia Troium	
Hippicus, Astoreus, his quasi murus erant,	
Sternebant Danaos. At fulgur Martis Achilles	
Igneae Plutonis ad vada mittit eos.	
Aeneae ferro confessus, arundine Merus.	85

57. Aeneus Aen. pro codicis Aeneas Aeneas. 76. Nomina ducum nominat Dares: Orcomenum, Jalmenum, Epistrophum, Schedium, Elephenorem, Diorem, Polyxenum. 81. Hos nominat Dares: Euphemum, Hippothoum, Pylaeum, Asteropaeum. Noster Euphenus et Phileus. 84. vada pro cod. nata. 85. ferro e margine pro peru in quo „veru“ videtur latere sed prima huius verbi syllaba brevis est ut Virg. Aen. VI, 665 Et tereti pugnans mucrone veruque Sabello docet, quapropter „ferro“ e margine recepimus.

Ejusdem manibus occidit Amphimachus.  
 Xantippus Mnestorque duces hinc inde volantes  
 Graecos debilitant ensibus, immo necant.  
 Ocius occurrit Diomedes quumque maritat  
 Ocrea loricae, perforat ense duos. 90

GRAECI AD CASTRA REVERTUNTUR PROPTER  
 ONUS BELLI.

Tot doluit cecidisse duces et pondera belli  
 Acris Atrides incubuisse sibi.  
 Bellum retraxit revocans in castra Pelasgōs;  
 Trojani Trojam fausta canendo petunt.  
 O! proceres, Agamemnon ait, cecidisse super nos 95  
 Belli totius grande videtis onus.  
 Unda labilior fortuna, fugacior aura  
 Forte cito nostram ducit ad alta rotam.  
 Nulla dies adeo est pluvialibus obsita nimbis,  
 Non intermissis quod fluat imber aquis. 100  
 Non Aurora diem sed laudat vespera, frustra  
 Principium celebras, omnia fine legas.  
 Causa jubet melior superos sperare secundos;  
 Non habet eventus sordida praeda bonos.  
 Troja modum teneas nondum tibi desinit hostis, 105  
 Crastina sit, nescis, quid paritura dies.  
 Omnia sunt hominum tenui pendentia filo,

87. Dictys nominat Mesthem. 97. 98. Eleg. de fortuna (Wernsdorf, p. min. vol. III) v. 81. 82

Tuta nec in solido rerum Fortuna favore est,  
 Cum minime credas, impulit illa rotam.

99. 100. Ovid. e Pont. IV, 4, 1. 2.

Nulla dies adeo est australibus humida nimis  
 Non intermissis ut fluat imber aquis.

104. Ov. Amor. I, 10, 48.

106. Luc. Phars. III, 594. nec

lux est notior ulli, crastina. — Hor. Od. IV, 7, 17.

Quis scit, an adiciant hodiernae crastina summae  
 Tempora di superi?

107. 8. Ovid. Pont. IV, 3, 35. 36.

Omnia sunt hominum tenui pendentia filo:  
 Et subito casu, quae valere, ruunt.

Multa levata diu cerno ruisse cito.  
 Tu, quoque fac timeas; et quae modo tuta videntur,  
     Dum loqueris, fieri tristia posse puta. 110  
 Victorem victo succumbere saepe videmus,  
     Saepe creat molles aspera spina rosas.  
 Ergo viri fortes animum resumite, pulchro  
     Possimus initium vincere fine malum.  
 Strenuitas hostis haec gaudia contulit hosti, 115  
     Ille furendo ferit et feriendo furit.  
 Cernitur in manibus imanibus arma tenere  
     Et nobis instat hac ratione dare.  
 Laetius est, magno quotiens sibi constat, honestum;  
     Virtus si non est ardua, laude caret 120  
 Par labor atque metus pretio majore petuntur,  
     Ardua per praeceps gloria vadit iter.  
 Blanditiis indignus erit mollique potiri  
     Fortuna, si quis nescit amara pati.  
 Corde leonino fortem curramus in hostem; 125  
     Si leo tu fueris, mox erit ille lepus.  
 Nec prius extenta retrahamus brachia, donec  
     Sentiat optatum nostra querela diem.  
 Constantes animi superant incommoda belli,  
     Eventum validi, non proba facta probi. 130  
 Est tamen, ut recitem, exercitus et numerosus,  
     Quem mittet Telephus inveniando novus.

108. Margo: ideo speramus deos nobis propitios quia causa nostra iustior, quia non juste deportavit Paris Helenam, et scio quod sordida praeda non habet bonos eventus. 109.

10. Ov. Pont. IV, 3, 57. 58.

Tu quoque fac timeas; et, quae tibi laeta videntur,  
 Dum loqueris, fieri tristia posse puta.

109. Tu. superscriptum „Troja“. 112. Ov. e. Pont. II, 2, 34.

114. e. margine pro: malo. — Margo pro interitum praebet initium quod quanquam metro non apte conveniat tamen recepimus quia poetae mediae latinitatis primam hujus verbi syllabam imprimis in arsi producebant. 119. Luc. Phars. IX, 404. 120. Lucan. Phars. IV, 576: quam sit non ardua virtus. 121. Lucan. Phars. I, 282. 122. Ovid. Trist. IV, 8, 74.

123. Gualt. Alex. I, 495. 96. Blanditiis . . . potiri

Fortuna, qui dura pati vel amara recusat.

Postera lux tacitas ut primum depulit umbras,  
 Depellunt omnem bellica signa moram.  
 Tota super castra clangit rex Graecus: „in arma“! 135  
 Ensibus Argolicum cingitur omne genus.  
 Erumpunt omnes, ut eant in proelia, Troes;  
 Cum cane custodit servus et ava lares.  
 Respicias hostes quasi torvos stare leones  
 Et quasi distorto lumine ferre minas. 140  
 Clangebant lituis, tellus irata reclangit,  
 Ungula suppositum vertit equina solum.  
 Agmina concurrunt, clamor conscendit ad astra  
 Aere concusso, strage, fragore, sono.  
 Telorum volitant cunctis e partibus imbres, 145  
 Contis et gladiis non datur ulla quies.  
 Quot mala, quot caedes, fracturas, vulnera, mortes  
 Mars ibi conficiat, quis numerare queat?  
 Festum festucae facio, si mille ruisse  
 Dixero, si multa millia verba fero. 150  
 Quicquid in orbe legis belli vertigine factum,  
 Hujus ad intuitum crede fuisse parum.  
 Corpora strata jacent in sanguine, sanguis abundat,  
 Sanguinis in rivo membra resecta natant  
 Sanguinis in fluvio merguntur corpora multa, 155  
 Mortua quae non sunt, sed moritura, cadunt,  
 Nox pugnam dirimit, sed eam lux orta reducit,  
 Nox iterum dirimit, luce patente redit;  
 Tertia nox dirimit, sed item lux orta reducit,  
 Quarta nox dirimit luce patente redit. 160  
 Sic quinto, sic et sexto, sic septimo, sicque  
 Octavo, nono sic etiam decimo.  
 Immo bis decimo quater inter multiplicato  
 Primum cessavit efferata pugna die.  
 Octoginta quidem duravit continuatim 165  
 Non intercesso tempore pugna dies.

133. Epitomat. v. 156. 139. respiciens. 141. Margo:  
 pugna vij Lxxx dies. 149. Margo: parvula dico, i. e. parva,  
 festuca est res levissima. 154. natat. 159. tertio.

Ad pausas a strage manus tunc primo vocatur, .  
 Vaginas veteres induit ensis hebes.  
 Trojani Trojam subeunt sudore nigrati,  
 Sanguine conspersi, debilitate pigri. 170  
 Castra petunt Graeci Phrygibus, si singula penses,  
 Sanguine, sudore, debilitate pares.

## VERBA REGIS GRAECORUM.

Rex Danaum loquitur: Trabeatis esse cruentum  
 In bellis vitae continuare statum.  
 Interea queritur, quis tantae pondera molis 175  
 Semper vel valeat vel tolerare velit.  
 Millia multa, refert, e nostris strata videtis  
 Intumulata jacent, quis sepelire potest?  
 Lunam consiliis, solem consumimus armis,  
 Et nunquam proceres absque labore sumus. 180  
 At qui vis coelo tegitur, qui non habet urnam,  
 Sarcophago solis, plus valet urna soli.  
 Mortua defosso clauduntur membra sepulchro,  
 Ne laedat vivos tabe soluta caro:  
 Unde decet, nostros ut subterremus amicos, 185  
 Cum quibus et quando? quomodo? tempus abest;  
 Nilque referre scio, tabes ne cadavera solvat,  
 An rogo urentur tempore quo vel ubi?  
 Vulneribus fieri deberet docta medela,  
 Docta sed et subita damna trahente mora. 190  
 Vidi, quod fuerat primo curabile, vulnus  
 Dilatumque morae damna tulisse suae.  
 Si minus edoctus tractaverit illa chirurgus,  
 Sors mala vel peior pessima forsitan erit.

---

178. Margo: trabeatis i. e. nobilibus vel principibus quia trabea est vestis principum. 181. Luc. Phars. VII, 819: coelo tegitur, qui non habet urnam. 191. 92. Ov. Remed. 101. 2. Vidi ego, quod primo fuerat sanabile, vulnus Dilatum longae damna tulisse morae.  
 192. Dilatum ex Ovidio pro nostri Vilatum posuimus.

Curando fieri quaedam majora videmus	195
Vulnera, quae melius non tetigisse fuit.	
Sunt etiam naves reparandae. Nonne videtis,	
Semper eas vastis quod quatit Euris aquis?	
Et cito deficient alimenta, cibaria; multi	
Temporis assiduus debet habere labor.	200
Est etiam modicus exercitus, et quia bellum	
Forte diu stabit, major habendus erit.	
Non poterunt ista fieri nisi mente serena	
Et bene segura, nec nisi pace data.	
Ergo requiramus pacem, pacemque triennem;	205
Tempus ut obtineant promemorata ratum.	
Dixit et ad Priamum confestim mittit Ulixem	
Cum Diomede loqui verba priora sibi.	

## NUNTII AGAMEMNONIS VENIUNT IN TROIAM.

Nox erat et Trojam latitanter nuntia vadunt,	
At sua, forte quis his obviat, arma ferunt.	210
Immo Dolon occurrit eis e Troibus unus;	
Quaerit, quo medio tempore noctis eant,	
Et sic armati; nocturna negotia, dicit,	
Armaque jure notam suspicionis habent.	
Vadimus ad Priamum, respondent, pauca referre,	215
Quae per nos loquitur rex Agamemnon ei.	
Trojanos quod prodiderit, mentitur Homerus,	
Quod sit istorum perditus ense Dolon;	
Dicit, dum fuerat scrutari missus Achivos	
Donec transierit, delituisse duos.	220
Captus ab his Troium recitat secreta duobus	
Insinuans per quod ingrederentur iter.	
Maxima Troja mihi currum promisit Achillis,	
Intulit, Argolicae si caperentur opes.	

195. 6. Ov. Pont. II, 7, 25. 26. 205. Marg. triennem. Msc. trientem. 214. Marg. notam. Msc. nonam. 217. mentibus. Homerus. Noster Epitomatore hoc nomine significat, apud quem haec v. 704 sqq. narrantur. 223. Epitom. 720. 21.

Maxima Troja mihi currum promisit Achillis  
Si vestras cepisset opes.

Hos etiam subiisse refert tentoria Rhesi, 225  
 Quem perimunt, praeda nec rediisse levi;  
 Hos rapuisse simul, quos nulla perire sagitta  
 Posset, nubigenos hic memoravit equos.  
 Crediderim sic dicenti? quis nube creatos  
 A primo mundi tempore vidit equos? 230  
 Non miror! majora movet mendacia bello,  
 Isti quum duos narret adesse deos;  
 Pro Pelide Thetis pro Graecis Iuno fatetur  
 Et quod pro Paride moverit arma Venus.  
 Praeterea recto non cecinit ordine bellum, 235  
 Aut a militibus, qui cecidere, quibus.  
 Hanc quoque materiam fignenta poetica nebant,  
 Sicut Virgilius arma virumque canens.  
 Sed Phrygii tenet historiam liber iste Daretis  
 Qui praeter verum scriptitat inde nihil. 240  
 Hunc sequor, adjiciens interdum verba virorum,  
 Quaeve loquebantur vel potuere loqui.  
 Ponatur quod et hi non sint ea forte locuti,  
 Causae praesentis sunt tamen apta rei.

#### VERBA ULIXIS ET SUI SOCII AD PRIAMUM.

Intrans ad Priamum socii duo, servat Ulixes 245  
 Stemata verborum, verba notata movens.  
 O princeps Trojane! tuas nos mittit ad aures  
 Graecorum ductor, ejus ab ore loquor.  
 Rex bone! si sapiens es, sicut fama fatetur,  
 Non est bellandi maxima cura tibi! 250  
 Sufficit in magna: medium tenere beati,  
 Praecipites ducum saepe tulere diem.

225. subiisse. Narratio de Rheso ejusque equis invenitur apud Epitomator. v. 730 sqq. 232. melius fortasse

Illi quum divos narret adesse duos

249. es marginis pro codicis ejus. 251. med. ten. beati. Haec sententia, qua noster primum usus fuisse videtur, transformatio Ovid. Metam. II, 137 medio tutissimus ibis est; invenitur in: aphorismi et axiomata selecta. Altdorf 1745. 49.  
 252. Senec. Agam. 71 Praecipites regum casus

Fortuna volat.

Denique non semper congressus habendus in hostem  
 Danda quidem membris est aliquando quies.  
 Grata fit unda siti, requies est apta labori, 255  
 Vomere continuo lassa senescit humus;  
 Quae caret alterna requie non durat et arcus  
 Si nunquam cesses tendere, lentus erit.  
 Est modus in rebus, medio tutissimus ibis,  
 Serpit humi tutus interitumque vetat. 260  
 In feritate feras docuit natura manere,  
 Ut dictat ratio, vivere debet homo.  
 Nobilis in rege clementia, quae facit, ejus  
 Ut mens ducatur ad pietatis opus.  
 Dicimus hoc quoniam magnorum magna virorum 265  
 Sunt in despecto membra locata loco.  
 Immo suo corrupta jacent in sanguine; nonne  
 Haec mala pro patriae sustinuere fide?  
 Nunc inhumata jacent; erit his haec ultima merces,  
 Quod rabido rodent corpora dente canes? 270  
 Est ea pro nostris tantum querimonia? Vestri  
 Quibunt ut nostri tabe perire pari.  
 Debent funeribus sepeliri jure decoris,  
 Pro dominis vitam qui posuere suam.  
 Ergo para nocuis frenum, rex! indere bellis, 275  
 Ultimus ut solvat mortua membra cinis;  
 Et qui iam multis bellum tenuere diebus  
 Pausent et laeti dona quietis agant.  
 Si spatium rex scire velis, stet pax tribus annis,  
 Decurrent illi tempore valde brevi. 280

255. et pro es. Ov. Met. VII, 812 requies erat illa labori.

256. Ov. Amor. III, 82. continua messe senescit ager.

257. Ov. Her. IV, 89.

Quod car. alt. req., durable non est.

258. Ov. Heroid. IV, 92. s. n. c. t. mollis e. 259. compositus ex Horat. Serm. I, 1, 106 et Ovid. Metam. II, 137.

260. Hor. A. P. 28. S. h. t. nimium timidusque procellae. — vetat pro cod. volat.

272. „pari“ marginis, pro codicis „pati“. 275. para pro cod. paro. „nocuis“ e marg. pro cod. „nocius“.



## VERBA HECTORIS AD ULIXEM.

Tempora longa tenet Hector suspecta, revolvens  
 Cur peterent annis ponere bella tribus.  
 Verba gerundiva pacis praetenditis, inquit,  
 Exteriora patent, interiora latent.  
 Nos scimus, quantum bonus es recitator Ulixes, 285  
 Os aperis, intus pectora clausa geris.  
 Si tibi vis credi, prius exue suspicionem,  
 Nam solet excludi suspicione fides.  
 Iure mihi suspectus eris, treugas tribus annis  
 Quod pro defunctis intumulando petis. 290  
 Laomedontiades Trojanis ista vocatis  
 Intimat, inquirens quomodo vel quid agat.  
 Communis consensus erat in pace trienni;  
 Qui tulerant verbum, mox rediere domum.

## PACEM TRIENNEM REFERUNT LEGATI GRAECIS.

Legati responsa ferunt: Agamemnon in unum 295  
 Accitis Graecis, singula narrat eis.  
 Ite, refert, campisque viros sepelite jacentes,  
 Mors est facta quibus indubitata fides.  
 Primo sole solum feriente feruntur in altas  
 Occisi fossas, plebs rigat ungue genas. 300  
 Subterrant etiam Phrygii sua funera, tellus  
 Parvula quos refugit, maximus ignis edit.  
 Moenia Trojanus, Argivus vela resarcit,  
 Trojanus muros Argolicusque rates.  
 Praecipit annonam medio rex tempore ferri, 305  
 Ut procuretur copia multa cibi.  
 Undique colligitur exercitus, arma novantur,  
 Bellicus, advehitur omne, quod usus avet.

---

282. e margine: peterent pro codicis „ponerent“. 291.  
 pro codic. Laomedontiades. Margo Laom. Priamus. 298.  
 Margo: Pax secunda trium annorum. 299. marg. altas.  
 profundas fossas. 300. Cod. ples. ugue. 302. margo:  
 quia terra non sufficit eis ad sepeliendum. 307. margo.  
*desiderat.*

Pace resultantes tres partivere Decembres,  
 Erumpunt iterum bella minando Phryges. 310  
 Trojanas acies Troilus producit et Hector  
 Memnon et Aeneas quatuor unus apex.  
 Rex Agamemnon eis occurrit cum Menelao,  
 His erat Aeacides cum Diomede comes.  
 Buccina mugitum dat in aere, terra remugit, 315  
 Horrisonas voces clamor et horror agit.  
 Quadrupedante putrem sonitu quatit ungula campum,  
 Fortiter appropriant, spicula mille volant.  
 Dentea cristatum confringit clava galerum,  
 Transit per medias lancea longa gulas. 320  
 In belli capite volat invictissimus Hector  
 Grajugenum sortes interimendo duces;  
 Merionem prosternit humi perimitque Philippum  
 Ejus et Antippos inclitus ense cadit.  
 Fulgurat in Phrygios Graecorum murus Achilles, 325  
 Euphorbum procerem sternit ad usque necem.  
 Ecce Lycaon adest Troùm non infimus heros,  
 Quem subito pressum casside jecit humi,  
 Jecit et in ventre capulotenus abdidit ensem,  
 Nec dedit horrorem Troilus inde levem. 330  
 Parte cadunt ab utraque viri, de plebe ruisse  
 Millia non pauca dinumerabis ibi.  
 Acriter utrumque pugnatur et ipsa trecenos  
 Narratur pugna continuasse dies.  
 Tum vero Priamus tot totque cadavera Troùm 335  
 Viribus Argivùm strata iacere videt,  
 Suspendi petit ab Agamemnone pondera belli  
 Artus exanimis depositurus humi.

309. margo: anni pars pro toto: Hor. (Ep. I, 20, 27)

Me quater undenos sciat implevisse Decembris.

312. Margo: Graecorum pugna VII, in qua Hector occidit tres duces Merionem Philippum et Antippos; et Achilles occidit duos duces Trojanorum videlicet Euphorbum et Lycaonem. 317. notus Virgil. Aen. VIII, 596. locus, Gualter.

Alexandr. libro quinto imitationem habet:

Cornipedum pedibus putrem terit ungula glebas.

324. Margo: pugna XVIII dierum.

Troilus.

6

Pax per sex menses stabilitur et omne peremtum  
 Talparum recipit in regione thorus. 340

#### DE PUGNA DUODECIM DIERUM.

Septima surgebant orientis cornua Lunae,  
 Surgere continuo bellica signa vide.  
 Pugnatur. Durat duodenis pugna diebus  
 Sanguine caesorum lata rubescit humus.  
 Quid juvat assidue clavas, quid tela, quid enses, 345  
 Quid mortes, mortis quid numerare modos?  
 Aut seriem scindet stilus aut fastidia gignet,  
 Si necis omne genus enumerare volet.  
 Ad Priamum mittit Agamemnon eumque precatur  
 Ut per terdenos obseret arma dies. 350  
 Concedit Priamus, clauduntur busta sepulcris,  
 Turba salutiferam saucia quaerit opem.  
 Non est in medio semper, relevetur ut aeger;  
 In cura quadam vulnera morte ligant.

#### DE SOMNIO ANDROMACHAE UXORIS HECTORIS.

Luna semel latuit, toto semel orbe recrevit, 355  
 Pax abit et populus rursus in arma ruit.  
 Pugnandum de mane fuit, cum nocte sub ipsa  
 Hectoris Andromache somnia dura videt.  
 Me, moerens ait illa viro, jam tempore pausae  
 Terruit in somnis visio valde gravis. 360  
 Ad fera bella precor hodie descendere noli,  
 Sit tibi cura mei, sit tibi cura tui.

---

339. Margo: Pax tertia sex mensium. 342. Margo:  
 Pugna IX, XII diebus. 347. Cod. stilus scindet. 350.  
 Margo: Pax quarta triginta dierum. 353. Margo: quare  
 dum adhibetur eis cura per medicinam non evad. mortem.  
 Ov. e. Pont. I, 3, 17. 18

Non est in medio semper, relevetur ut aeger.  
 Interdum docta plus valet arte malum.

355. Ovid. Her. II, 5  
 Luna quater latuit; toto quater orbe recrevit.

Somnia ne credes, ait Hector, fallere norunt,  
 Re super hac nemo debet habere fidem.  
 Omnia quae sensu voluntur vota diurno, 365  
 Pectore sopito reddit amica quies.  
 Venator defessa thoro cum membra reponit,  
 Mens tamen ad silvas, ad sua lustra redit.  
 Quod timet aut sperat aut quod meditatio format,  
 Quod pausando jacet, saepe videre solet. 370  
 Femina, quando suus vir in anxietatibus haeret,  
 Hoc videt in somnis, quod vigilando timet.  
 Frivola vidisti, muliebrem pone timorem,  
 Flectere non debet cor muliebre virum.  
 Ad Priamum mittit; fac rex, petit illa, maritus 375  
 Hac vice ne Martis experiatur opus.  
 Rex Paridem jubet et Helenum Troilumque vocari;  
 Memnon et Aeneas concomitantur eos.  
 Vos acies aptate, refert, ne exeat Hector,  
 Effectum capiant ut mea verba, precor. 380

## ANDROMACHE DISSUADET BELLUM HECTORI.

Hector ad Andromachen ira mediante cucurrit,  
 Arma poposcit et haec obstupefacta stetit.  
 Astyanacta rapit, reputans quod filius illo  
 Posset ab dicto cor revocare patris.  
 Detegit hunc ajens: tua forma, tenerrime fili! 385  
 Patrem compescat, ne modo bella gerat.  
 Se pater ad puerum submisit, amore paterno  
 Parvo conatus oscula parva dare.

363. Cato. Dist. II, 71.

Somnia ne cures; nam mens humana quod optans

Dum vigilat, sperat, per somnum cernit id ipsum.

365—368. depromti Claudiani carmine XX v. 1—4. 369.

70. imitatio Claudiani XX, 7—9

Furto gaudet amans, permutat navita merces

Et vigil elapsas quaerit avarus opes.

Blandaue largitur frustra silientibus aegris

Irriguus gelido pocula fonte sopor.

373. muliebrem pro cod. muliebreme. 374. muliebre pro

cod. muliere. 388. Margo. 'Astionas filius Hectoris.

Infans vero caput ad matris pectora flectit, Effugit insolitas cor puerile manus.	390.
Cumque tenella pater parvo daret oscula; patris, Quando vir fueris, sis imitator, ait.	
Propositum tenet ille tamen, licet esset inermis, In medios hostes jam ruiturus erat.	
Ejulat Andromache, laceratis ungue capillis Plancta foemineo concitat illa domum.	395
Ad Priamum properat; rex invictissime! clamat, Regia sollicitum forte tenebat herum.	
Sunt mea suspecta mihi somnia, somnia suadent, Hector ut hic maneat, nec modo bella petat.	400
Non illum mea verba movent, non filius infans Pro me prostratus jam patris ante pedes.	
Hac vice ne pugnet hodie, rex optime, manda! Accito Priamus Hectore fatur ita:	
In bellum Troja committitur, exeat; Hector! In tantum maneat, nolo quod arma feras.	405
Iam fragor armorum, jam clamor sidera pulsat, Cornua concrepitant, concava saxa sonant.	
Flant lituis, clangore gravi contunditur aer, Pulsibus innumeris terra coacta tremit.	410
A clypeo clypeus confringitur, ensis ab ense, Conti compugnant, ligna fragore crepant.	
Iam nihil audiri poterat nisi clangor et horror Cum strepitu clamor, cumque furore fragor.	
Respondere nequit tot vocibus echo sonoris, Quot sonat in rebus bellica lingua modis.	415
Instaurat cuneos Graecorum turris Achilles, Ajax Locrus ei cum Diomede comes;	
Provocat egregios Atrides ipse Pelasgos Fortes se sternunt, vulnera larga fluunt.	420

389. matris pro cod. membris. flectit pro flecti. 407.  
margo: Pugna X in qua Achilles occidit Hectorem. Similis  
locus Gualteri Alex. III, 1 sqq.

Iam fragor armorum, jam strages bellica vincit  
Clangorem lituum, subtexunt astra sagittae  
Missiliumque frequens obnubilat aera nimbus.

Hecтора cernentes minime prodire Pelasgi  
 Insistunt Phrygibus asperiore siti.  
 Aeacides, Danaï protendite brachia! clamat,  
 Velaque dat quamvis remige navis eat;  
 Nec vacat in bello sua dextera, fortiter ipse 425  
 Fortibus occurrit, hostica colla metit.  
 In vultus cadit ille suos, calidumque cruorem  
 Ore vomit, rivum sanguinis ille bibit.  
 Hic obit, hic obiit, hic palpitāt, ille quiescit,  
 Crudescit campus, sanguine manat humus. 430  
 Succumbit Trojana manus, sparsique fugati  
 A Danaïs Teucri caede ruere gravi.  
 Incipiunt ululare Phryges infausta boantes,  
 Iam sibi debuerant spem posuisse fugam.

## HIC HECTOR VENIT AD PUGNAM.

Hector ut accepit occasum bella minari 435  
 Troibus, accingit gnaviter ense latus.  
 Evolat accinctus, veniensque leonis ad instar  
 In belli medio fulminat ense fero;  
 Percutit et mactat et sanguine vulnera laxat;  
 Potio, quam miscet, pocula mortis habet. 440  
 Principis adventu redierunt corda virorum,  
 Est in rem pugnae spes variata fugae.  
 Prosilit illustrem ferox Hector in Idomeneum,  
 Dejicit, obtruncat et pede calcāt eum.  
 Iphidus Hectoreo fit saucius ense; Leonte! 445  
 Nescis, quod scapulas dissuit ille tibi?  
 Sed Stheneli, cuius voluit transfigere ventrem,  
 Dilabente manu perforat ense femur.

---

429. palpitāt e margine pro: palmitat. 431. e margine  
 pro: succubuit. 432. pro codic. Treuci. 445. Dares no-  
 men Iphinoi habet. 446. Cod. ipse. 447. St. pro cod.  
 Stheneli.

## HIC POPPES\*) DUX OCCIDITUR AB HECTORE.

Hectoris ingentem fortunam, robur avitum  
 Aspicit Aeacides, prospiciendo dolet. 450  
 Desperat Dahais contingere posse triumphum  
 Hectore Cocyti ni subeunte lacum.  
 Cogitat, innumeros ope roboris ejus Achivos,  
 Immo fere cunctos, occubuisse duces;  
 Et quod, eo solo super arva superstite, tota 455  
 Graecorum penitus sit peritura manus.  
 Sanguinis illius igitur sitit ille fluentum  
 Intendens ejus mergere morte caput.  
 Pugnant et dubiis volitat victoria pennis,  
 Nunc moriens spumat, qui modo victor erat, 460  
 Nunc flet qui risit, ridet modo qui cito flebit,  
 Hic modo qui perimit hic perimendo perit.  
 Millia multa cadunt, belli constantia largos  
 Purpurat et nimio sanguine pingit agros.  
 Horridus ille leo, Danaum timor unicus, Hector, 465  
 Militiae speculum, strenuitatis honor  
 Hic volat, hic revolat, dubiis hic corda ministrat,  
 Hic pavidos animat, agmina Graeca secat.  
 Major ei crescit audacia Poppite strato,  
 Inter magnatos non erat ille minor. 470  
 Illius hic clypeo simul arreptoque galero  
 Inpavido scindit obvia cuncta modo.  
 Miramur, totis dum fundit corpora campis,  
 Si tam glorifico robore gaudet homo.  
 Qua victor gaudes, haec te victoria perdet: 475  
 Invictus totiens illico victus eris.  
 Mors mordet meliora prius, pejora supremo,

---

\*) Poppes. Dares Polyboetum nominat, ut et marginis scholion ad v. 469 observat. 452. cod. cocichi. 459. imitatio Ovid. Met. VIII, 13. inter utrumque volat dub. Vict. peñ. 469. Scholion marginis. Poppes dux ab Hectore occiditur, hic alio nomine in Dictye est Polybetes, qui cum socio suo Leontio adduxerat XL naves. — Hector accepit clypeum et *galeam* Polybetis. Crescit pro cod. „cressit“.

Vilia contemnit et preciosa subit.  
 Vicisti multos et jam vinceris ab uno  
 Sic versant dubiam frivola fata rotam. 480

## HIC HECTOR OCCIDITUR AB ACHILLE.

Priamidem dolet Aeacides, tot sternere Grajūm  
 Agmina, totque ducum perdere pensat eum.  
 Appropians igitur hastam contorsit in hostem,  
 Occursu clypei miles abegit eam.  
 Non impune tamen descendit lancea Graeca, 485  
 Trojana mox est illa remissa manu.  
 Hectoris in galeam mucronem mittit Achilles,  
 Illa sonando crepat, non levis ictus erat.  
 Casside mox Hector in summa tangit Achillem,  
 Respuat haec ictum, sed dedit icta sonum. 490  
 Elevat Aeacides lunatum denuo ferrum,  
 Hectoris ut nitidam dividat ense gulam.  
 Excipit umbone juvenis Priameius ictum,  
 Mucronem vibrat et referire parat.  
 Dum referit, Graeci collum descendere quaerit, 495  
 Sed Graecus cedit, aera mucro ferit.  
 Graecus item gladium magnum virtute levatum  
 Dirigit in Troem, scindat ut ense pedem.  
 Detrahit ille pedem, tamen ense reverberat ensem,  
 Reddit per simile pro vice quisque vicem. 500  
 Sese collidunt nitidi perniciter enses,  
 Hic ferit, hic referit, utraque massa fremit.  
 Serpens serpentem mordet, sic mucro mucronem;  
 Dens a dente riget, ensis ab ense nitet.  
 Longe spectantes oculis referire valebant 505  
 Fulgura, quae gladii solis in igne dabant.  
 Argolicus chalybem stringit percurrere Troem,  
 Objectus item protegit umbo ducem.  
 Ictum Trojanus acceptum reddere nisus  
 In femur Argolicum vulnerat ense virum. 510

480. rotam e margine pro cod. „fatam“. 490. icta e  
 margine pro cod. illa. 491. margo. Aeac. Achilles.



A muro sonus increpitat, Trojana juvenus  
 Hostibus insultat, ut superarit, ovat.  
 Argolici trepidant, non autem bella resignant,  
 Laetatur fine spes mala saepe bono;  
 Spes bona saepe malo laetatur fine; recepto 515  
 Vulnere vincendum vulnere credit herum.  
 Heros iratus, etenim dolor excitat iram,  
 Hectora vibrato fortius ense petit.  
 Hoc siquidem clavo tenet anchora mentis Achillem:  
 Vel modo Priamides vel cadit Aeacides. 520  
 Ictus ergo jacet, insultat et ictibus ictus  
 Et non est ullus in feriendo modus.  
 Deficit a manibus soboles Priameia, Graecis  
 Ossibus officium vis regitiva negat.  
 Descendit clypeus, lentescunt brachia, mucro 525  
 Desipit et virtus spe titubante fugit.  
 Taedet eum pugnae, vellet vitasse duellum,  
 Mallet ad uxoris delituisse preces.  
 Iam Graecum fugere, jamjam retrocedere quaerit,  
 Scindi, si fugiat; occiput ense timet. 530  
 Impetit hunc toto collecto robore tiro,  
 Quem nisu valido dejicit ille solo.  
 At miser intuitus instare pericula mortis,  
 Committit nulli fata sinistra spei.  
 Denique victori: precor, invidissime miles 535  
 Extinctum patri redde cadaver, ait.

515. Spes mala saepe bono l. f. — Ov. Her. XIII, 124.

Spes bona sollicito victa timore cadit.

517. Ov. Her. VI, 140

Quamlibet iratis ipse dat arma dolor.

Gualth. Alex. III, 113

Excitat interdum vires dolor.

524. Marginis scholion. Neq mirum quod tota die pugnaverat  
 et hostes occiderat, nec quod caro eius aenea aut fortitudo  
 ejus minor quam fortitudo illius. Ovid. Trist. IV, 6, 31

Fortior in fulva novus est luctator arena,

Quam cui sunt tarda brachia fessa mora.

534. cod. sinistra.

Patri? Non, tua projicietur in arva sub istis  
 Corvis et canibus dilacerando caro.  
 Nec mora, regale percellens cuspidē guttur,  
 Haec de Patrocli funere, dixit, habe; 540  
 Et de funeribus aliis, quae misit ad amnes  
 E nostris populis haec tua dextra Stygis.  
 Palpitat hic animamque vomens in sanguine  
 Ad Phlegetontea cogitur ire vada.  
 Infelix! quanta glossae virtute parasti! 545  
 Quas tibi delicias fratris amica dedit!  
 Quis status est mundi, meretrix quae digna cremari  
 Tot fecit proceres totque perire duces;  
 Et non invitos? Video quod sponte subibant  
 Bellica suplicia pro muliere mala. 550  
 Exultant Danaï, deplorant Hectora Troes  
 Plangendo celeri consulere fugae.  
 Graeca phalanx sequitur, ad portam Memnon eisdem  
 Obviat et Phrygiī, pugna fit acris ibi.  
 Mixtim caeduntur, tandem nox sidera spargit 555  
 Bellum compescit, in sua quisque redit.

#### ACHILLES OCCISO HECTORE REDIT IN CASTRA.

Saucius et fessus in castra reversus Achilles,  
 Corruerat quoniam maximus hostis, ovat.  
 Dicit Homerus eum traxisse per arva misellum  
 Busti majorum circuendo locum, 560  
 Praecipue vero Patrocli, cuius Achillem  
 Mors nimis exussit; lenior inde fuit,  
 Quumque malum propter mala multa receperit imum  
 Illi probrosis impejerando notis.

537 sq. Epitomat. 997. 98

Te vero tristesque ferae cunctaeque volucres

Deripient, avidique canes tua viscera pascent.

542. stygis pro cod. stygos. 545. Glosa. Glossis femina clara fuit. — Helena uxor fratris Paridis. 556. Epitom. 1007

Laetuntur Danaï, plangunt sua funera Troes

• 555. Ov. Met. nox coelum sparserat astris. 559. Homerus i. e. Epitom. v. 1010 sqq. haec narrat. 560. excessit marginis scholion per: „conturbavit“ explicatur.

Addidit in fine miseranda pro prece patris 565  
 Aeacidem funus restituisse patri.  
 Sole trahente diem, depulsis undique stellis,  
 Memnon bella Phryges ad rediviva trahit,  
 Sic, ne perdiderit, non cessat perdere lusor:  
 Et revocat cupidas ad sua damna manus. 570  
 Pax placet Atridae, mittit pro pace petenda;  
 Pax datur et menses duret ut illa duos.  
 Interea studio, fieri quo debuit, omnes  
 Officium stratis exequiale dabant.  
 Quaedam vero cremant, et quaedam corpora tumbant, 575  
 Planando campos ad nova bellâ parant.

## HIC HECTOR TUMULATUR.

Hectore dejecto lamentum Troica pubes  
 Et planctum, Troja sit quia fracta, levat.  
 Ante fores Trojae magno fit honore sepulchrum,  
 Hic nimium lacerans Teucra corpus humat. 580  
 More suo tumbam circumdant funebre ludo.  
 Est ubi, quem timuit maximus orbis homo?

## HIC PALAMEDES FIT REX.

Non cessat medio Palamedes tempore, causam  
 Praeteritam renovat, ambitiosus erat.  
 Convocat hic populum super imperio, recitatque 585  
 Imperii cupidus omnia dicta prius.  
 Inter ventosa plebis suffragia cornu  
 Ambitus etiam flavit in ora ducum.

---

565. melius ob metrum pro Adicit. Haec narrat Epitoma-  
 mator. v. 1031 sqq. 567. Margo: Pugna xj. Ov. II, 164  
 — — aut medium sole tenente diem.

569. 70. Ov. Ars Am. I, 451. 52

Sic, ne perdiderit, non cessat perdere lusor:

Et revocat cupidas alea blanda manus.

572. Margo. Pax v<sup>la</sup> duorum annorum. sed perperam, nam  
 mensium legendum est. 575. Cod. pupes. 587. marginis  
 scholion, verba ambitionis.

Iam proceres aliquos attraxerat ad sua vota,  
 Iam coepit scindi seditione cohors. 590  
 Nil reprobum fuit in Agamemnone, bellicus, audax,  
 Fortis erat, bene se militiamque regens;  
 Maluit ergo prius faculas extinguere litis,  
 Et freno pacis perdere sceptrum magis.  
 Mane duces populumque vocat; status, inquit, honesti,  
 Lis inter socios ne moveatur, habet. 596  
 Non leve sollicitae mentis discurrit acumen  
 In duce, qui captat, ut bene regna regat.  
 Roditur assidua regalis gloria cura,  
 Deiecit excelsum multa querela ducem. 600  
 Rodere malo fabam, quam cura praepete rodi,  
 Sunt mihi pauca satis, sunt mihi multa nimis.  
 Insidias modo regna timent, modo traditionem,  
 Nunc jugulum, nunc cor ambitione vagum.  
 Est honor assidue suspecta pericula ferre? 605  
 Est honor incertos semper habere dies?  
 Non honor est, sed onus, species laesura ferentem;  
 Est bona, quae generat esca comesta necem?  
 Parva solent magnis causam praestare ruinae;  
 Qui jacet inferius, non habet, unde cadat. 610  
 Qui cadit in plano vix hic, tunc evenit ipsi,  
 Sic cadit ut tacta surgere possit humo.  
 Nec mala quae posui, vel possem ponere; quamvis  
 Integra pax vigeat, sunt metuenda mihi.  
 Quid de praesenti dicemus tempore, quando 615  
 Otia rex noster ducere nulla potest.

---

591. pro cod. rebrobum. 597. Claudiani est, rapt. Proserp. 201. 600. Ov. Her. XIII, 110 venit multa querela  
 601. Aesopus seu. Anonym. Nevel. p. 495 lin. 11. 606.  
 Margo: quasi dicat, non. 608. Margo: quasi dicat, non.  
 609. Gualt. Alex. lib. VII, 512.

Parva solet magnis causam praestare ruinis.

610. Alan. parab. II, 18

Qui jacet in terra, non habet, unde cadat.

611. 12. hanc sententiam latius explicant.

Cinthius in bello, decrescit Cinthia curis  
 Continua semper anxietate novis.  
 Esto quod in pace vivat rex et queat omni  
 Intus et exterius prosperitate frui. 620  
 Secure vivat, epuletur, gaudia ducat,  
 Omnis in exilium causa timoris eat.  
 Si ventri bene, si lateri bene, si pedibus, nil  
 Regalis poterit addere mensa magis.  
 Non est tironum rex servus, quando ministrat 625  
 Singula, quae vitae sollicitudo rogat.  
 Mus sequitur panem, mel musca, lupusque cadaver,  
 Non regem populus quaeritat, immo lucrum.  
 Non erit ergo mihi collata potentia tanti,  
 Ut fiam litis auctor amore sui. 630  
 Frustra jura legis contempto codice legis,  
 Nomen habens regis, qui male regna regis.  
 Feci sic forsā; si feci, nescio; feci  
 Quae potui; super his parcite, quaeso, mihi.  
 Ut desint vires, tamen est laudanda voluntas, 635  
 Hoc facit ut placeat non minus agna bove.  
 Si ducibus placet et aliis, ut sit Palamedes  
 Rex, hilaris surgat et diadema ferat.  
 Quid refert, quis regna regat nunc temporis, hostes  
 Dum modo succumbant et probra lata luant. 640  
 De regno non sollicitor, pro rege Mycene  
 Me speciosa polis et spatiosa tenet.  
 Dicatis proceres, placet ut sit rex Palamedes,  
 Regnet de Danaūm deque favore ducum.  
 Dumque fit a populo, placet haec prolatio, clamor; 645  
 Naupliadem decorat imperialis honor.

617. margo: Sol et Luna. confer. III, 179.

Lunam consiliis, solem consumimus armis

623. Hor. Epist. I, 12, 5 sq.

Si ventri bene, si lateri est, pedibusque tuis, nil

Divitiae poterunt regales addere majus.

635. Ov. ex Pont. III, 4, 79. 636. ibid. 82.

Et placeat caeso non minus agna bove.

646. Margo. Palamedes fit rex.

Induitur trabea, sed nulla potentia longa  
 Persolvit grates imperitando sedem.  
 Non placet Aeacidæ regni mutatio; sæpe  
 Res cum personis se variare solent. 650

## ITERUM REDEUNT AD PROELIUM.

Interea binis emissis mensibus et pax  
 Est simul emissa, fit sonus absque mora.  
 Educit Graecos Palamedes, bellica signa  
 Instaurat, cuneos ordinat, arma levat.  
 Contra Deiphobus Phrygios in proelia ducit, 655  
 Concurrunt, pugnant, fortiter arma sonant.  
 De Lycia Sarpedon adest et in agmine miscet  
 Vulnera funeribus, funera vulneribus.  
 Tali Triptolemus jactura motus atroci  
 Impetit hunc animo, quem premit absque mora. 660  
 Temperat ille modum reprimendo, nec moderari  
 Obsistendo modo pervaleat ille modum.  
 Non ridet fortuna diu, nimis immoderatum  
 Vulneris injectu mors moderatur herum.  
 In bellum Perses succedit eumque repente 665  
 Sarpedon sternit, mortuus ille cadit.  
 Mixtim se populus obtruncat, mutuo mactant,  
 Sternuntur, sternunt, millia multa cadunt.  
 Ridetur, chorda qui semper oberrat eadem,  
 Quamvis sit doctus et citharista bonus. 670  
 Vocibus instare nos semper optat eisdem:  
 Sternuntur, sternunt, millia multa cadunt.  
 Certe sæpe docet nos cordam tangere, per quam  
 Debita præcipitur sæpius ire nota.  
 Pugna quidem magna, major jactantia, strages 675  
 Maxima desaevit, plebs quasi grando ruit.

650. Cod. protheare. margo: mutare. 651. Margo: Pugna XII, in qua Sarpedon rex Lyciæ occidit Triptolemum.  
 669. 70. 71. Margo. hic excusât se auctor super eo, quod cogitur sæpe eadem repetere. Hor. Ars poet. 355. 56.

Quamvis est monitus, venia caret; at citharoedus  
 Ridetur, chorda qui semper oberrat eadem.

E bello tandem Sarpedon saucius exit,  
 In tali talis flumine piscis erit.  
 Pugna dies manet in aliquos, pars utraque perdit,  
 A Priami plures parte perisse putes. 680

PAX DATUR PER ANNUM UNUM.

Pacem Troja petit, datur anno, corpora quaerunt  
 Sana larem, laticem saucia, caesa scrobem.  
 Firma fides utrimque manet, per castra vagatur  
 Graecus Dardania, Dardanus Argolica.  
 Troes cum Danaïs, Danaï cum Troibus ibant, 685  
 Argivi subeunt moenia, castra Phryges.  
 Mutua permixti celebrant convivia, ludis,  
 Visibus, alloquiis deliciisque vacant.  
 Assumptis sociis iussu Palamedis Atrides  
 In Mysiam transit, ducat ut inde cibos. 690  
 De Palamedis ibi fit seditione querela,  
 Atrides primo verba levarat ea.  
 Se socii doluisse ferunt; mutatio regni,  
 Quam voluit, populo commoda pauca tulit.  
 Te potius regem vellemus quam Palamedem, 695  
 Pro se suadere noverat ille bene.  
 Non, inquit sociis Agamemnon ad ista, molestor;  
 Non mihi surrepsit ullus ab inde dolor;  
 Sed nostrum peragamus opus, reddamus onustas  
 Annona naves, et repetamus iter. 700  
 Interea Phrygios observat cautio muros,  
 Praecipitur firmus firmior esse locus.  
 Et vigil Argolicas servat custodia fossas,  
 Difficiles habeat hostis ut inde vias.

---

681. Margo: Pax VII, unius anni. 682. scrobem scho-  
 lion marginis interpretatur: fossam. 690. Mysiam pro  
 Moesiam. 699. a margine pro onestas.

## HIC AGITUR ANNIVERSARIUM HECTORIS.

Pax erat et retulit anni revolutio tristem,	705
Hector Avernigera quo tulit arma, diem.	
Hecuba cum Priamo tumulumque Polyxena visunt	
Ut celebrent carmen funebre more suo;	
Et Trojanorum potiores in comitatu	
Sunt etiam talis funera flere viri.	710
Graecorum juvenes accurrunt, his et Achilles	
Intendens oculis vana videre vagis.	
Corporis est oculus talis, quod mentis ocellum,	
Ni bene se claudat, exoculari solet.	
Sic cor corporeus Pelidae caecat ocellus,	715
Ut visum perdat mens oculata prius.	
Cujus tiresiat sic visa Polyxena pectus,	
Transeat ut caeca tempora mente tria.	
Qui totiens socios, totiens perterruit hostes,	
Iactat sub teneros unica virgo pedes.	720
Vir faculas Veneris portans in pixide cordis,	
Non cerebrum somno, nec fovet ora cibo.	
Incedit multa meditando, pauca loquendo,	
Sic tener ausuros grandia frangit amor.	
Luctatus secum, ratione fugare furorem	725
Et valet et non vult, vult minimeque valet.	
Vult animum tegere, non prodest, vult aperire.	
Sed cui? non aperit, sed magis ipse tegit.	
In se fervere solet acrius abditus ignis,	

706. Marginis scholion: Avernigera arma, quia eum duxerunt in Avernum, quod derivatur ab a quod sine et ver, delectatio, quasi sine delectatione. 710. t. pro cod. tali.

713. 14. cfr. Alan. Anticl. lib. VI (p. 95) lin. 9. 10

Sed quamvis oculus mentis resplendeat intra,

Languescit tamen exterior. —

718. Marginis scholion: tria tempora, nempe praesens, praeteritum et futurum, praeteritum oblivioni tradidit, praesens non curavit, futurum non prospexit. 727. Cod. regere.

729. Ov. Met. IV, 64

Quoque magis tegitur, tanto magis aestuat ignis.

Pamphil. I, 21 — — — nam conditus ignis

Acrior, effusus parcior esse solet.



Eminet indicio prodita flamma suo. 730  
 Pallida furtivum facies manifestat amorem,  
 Quid deceat, quid non, non videt ullus amor.  
 Otia sectari coepit, nec turpe putavit  
 Palliolum nitidis imposuisse comis.  
 Pallorem traxit, hic est color aptus amanti, 735  
 Palleat omnis amans, civis amoris ajt.  
 Pallet, quisquis amat, verum cum palleat, usum  
 Palloris minime palliat, immo palat.

ACHILLES MITTIT NUNTIVM AD HECUBAM PRO  
 CONIUGIO POLYXENAE.

Nox erat una viro curarum maxima nutrix,  
 Quo rem divertat, cogitat et quid agat. 740  
 Hinc cuidam puero, meus ad loca, quae tibi dico,  
 Nuntius esto, refert. Phryx erat ille puer.  
 Ilion ingredi, dic, Hecuba! moestus Achilles  
 Se fundit genibus, o generosa! tuis.  
 Illius mentem formosa Polyxena torquet, 745  
 Hanc sibi conjugio supplicat ille dari.  
 Quae si contigitur, praesentia proelia ponet,  
 Cumque suo populo propria tecta petet.  
 Exemplo tali reliqui discedere discent:  
 Finem sic omnis obsidionis agent. 750  
 Servus ut ediderat commissa; revertere, dicit  
 Hecuba, cum Priamo vota librabo sua.  
 Si Priami consensus adest, consentio; quicquid  
 Dixerit ille mihi, significato tibi.  
 Servus anhelanti responsa reportat Achilli, 755  
 Incusat tantam pendulus ille moram.

---

730. Ovid. Her. XII, 38. 731. Est Pamphil. XLII, 7.  
 732. Ovid. Her. IV, 154. quid deceat, non videt ullus amans.  
 733. 34. Ovid. ars am. I, 734. 35. 735. 36. Ov. ars am. I.  
 729. 736. civis pro cod. ciphis. 739. Ov. Metam. VIII,  
 81. 82 — — curarum maxima nutrix  
 Nox intervenit.

De Mysia rediit Agamemnon cum comitatu  
Militiae grandis, frugibus atque cibis.

VERBA PRIAMI REGIS AD HECUBAM REGINAM.

Regi regina votum declarat Achillis:  
In venas venit huic, ait illa, Venus; 760  
Si societur ei tua nata Polyxena, spondet  
Cessuros patria seque suosque tua.  
Illo cedente, cum de potioribus unus  
Sit, reliqui cedent, totaque bella cadent.  
Cui rex: assensum non praebeo, non quia tali 765  
Non bene conveniat filia nostra viro;  
Sed quae promittit, effectum claudere nescit;  
Promissis dives quilibet esse potest.  
Hic cedat, cedantque sui; cedentibus illis  
Graeci non cedent, ipsaque bella manent. 770  
Adde quod est vitiosum, hosti tradere natam  
Num gener aptus erit cras, inimicus heri?  
Reddat perpetuae belli duo cornua paci,  
Virgine sic poterit ad sua vota frui.

REFERT NUNTIVS ACHILLI VERBA PRIAMI.

Si nox longa quibus mentitur amica, profecto 775  
Longior est nulli, quem levat illa modo.  
Noctes insomnes infelix ducit Achilles,  
Pervigil incusat sidera tarda nimis,  
Et nunc cantando longos seducere soles,  
Nunc auscultando, nunc recitando studet. 780  
Stabat fixa dies, medique cacumine coeli  
Sol tenet aeternum perpetuando diem.  
Accelerat famulum transmittere denuo miles  
De verbo Priami certior esse volens.  
Cujus responsum patefecit ut Hecuba servo, 785  
Ille refert domino singula verba suo.

757. cod. Moesia. 768. Ovid. Ars am. I, 444

Pollicitis dives quilibet esse potest.

776. nullo levat. schol. consolatur.

Troilus.

Rex tibi dissentit, sed virgine dignus es, inquit,  
 Tu cedes, alii belligerando manent.  
 Hosti rex reputat vitiosum tradere natam,  
 Qui nunc est hostis, cras erit ille gener? 790  
 Si facis, ut Danai discedant, proelia solvant,  
 Pacem perpetuent, rem tua vota ferent.

# ACHILLES DISSUADET POPULO BELLUM.

Pelides populo de cetero bella molestat;  
 Nostrum tempus, ait, absque quiete meat.  
 Interdum vulgus rectum videt, ecce videtis 795  
 Hostibus assidue lassa quod ora datis.  
 Europae vis et Asiae glomerantur in unum  
 Alterutrum diras experiendo manus;  
 Immo suas vires totas expendere totus  
 Intendit mundus, nemo scit unde loco. 800  
 Sed mulier sola lasciva pudore relicto  
 Quae jacet, est tanti noxia causa mali.  
 Inguinis et capitis, quae sunt discrimina, nescit,  
 Attamen orbis eam, sit quasi sancta, colit.  
 Non colit orbis eam, quae spreta morte vicissim 805  
 Illius in laudem certat inire necem?  
 Cujus in adulterio famulantia quanta fiederunt?  
 Se saevae morti millia quanta dabant?  
 Venimus huc ideo, misere moriamur ut omnes,  
 Vix tellus ampla funera strata capit. 810  
 Pauper ut hic Phrygias implevit natio fossas,  
 Vix Priamus tanti totaque Troja fuit.  
 Exilione premit nos Dardana gleba protervo?  
 Intravit nostros barbara turba lares?  
 Et mirum quod tam vilissima traxit honestos 815  
 Ad tam mortifera proelia causa viros.  
 Si, sicut cepit belli furor, irrevocato  
 Cursu saevierit, nemo superstes erit.  
 Hoc socii volumus mactari tempore quanto?  
 Vulnera saeva pati, tradere colla neci? 820  
 Me belli piget istius, desidero pacem,  
*Cum velut ob nigram sint ea bella fabam.*

Nos ergo studeamus ad hoc ut bella resident,  
 Pugnantes redeant, domata grata petant:  
 Quidquid delirant reges; plectuntur Achivi, 825  
 Plebs instat belli sarcina tota tibi!

ACHILLES DUCTUS AMORE NON PUGNAT.

Concessus paci completur circulus anni,  
 Ad centrum belli mox properatur ibi.  
 Graecos educit Palamedes et monet omnes 830  
 Caede necare necem, morte fugare fugam.  
 Deiphobus Phrygios instaurat, cui Palamedes  
 Obviat et valide dejiciendo necat.  
 In bellum non prodierat turbatus Achilles  
 Pectoris in camera vulnus amoris habens.  
 Pugna tamen surgit acerrima, spicula, conti, 835  
 Enses se densant, vulnera mille creant.  
 Credetis multa, si millia dico ruisse,  
 Millia tot totiens quis cecidisse putet?  
 Vix bene credetis, sed credite; tot periere  
 Quot numero non est intululare leve. 840  
 Mactat Naupliades et dedicat arva cruore;  
 Substiterat nullus illius ante manus.  
 Nam prima volat in acie, primusque sodales  
 Sic animat pronos, ad mæge prona vocat.  
 Cor creat in timidis, laudes audacibus aptat, 845  
 Exhortativis vocibus arma parat.  
 Profuit interdum dominis pugnare jubendo:  
 Non nocet admisso subdere calcar equo.  
 Irruit in Danaos validus Sarpedon, et illos  
 Vulnerat, hos agitat, hos ferit hosque necat. 850  
 Rex novus illa videns, antiquis viribus usus  
 Advolat et fortem perforat ense ducem.  
 Exultat victor, titillat gloria mentem,  
 Quum breve laetitia Teucra carmen habet.

825. Hor. Epist. I, 2, 14. 826. Margo: Pugna XIII.  
 848. calcar pro cod. carcar. — subd. c. e. Ovid. Ars am. II,  
 732. Remed. 788. ex Pont. II, 6, 38.

Transvolat illius per colla sagitta trabalis 855  
 Missa manu Paridis. Exitus iste ducis!  
 Quid penetrare iuvat sublimi celsa volatu?  
 Qui cecidit, stabili non erat ille gradu.  
 Corruit hic misere, plaudit Trojana juvenus,  
 Hostica terga premit, Graeca caterva fugit. 860  
 Troes impingunt in castra, ferire Pelasgos,  
 Solvere captivos, igne cremare rates.  
 Occurrit Telamone satus, defendit Achivos,  
 Pugna fit grandis in statione maris.  
 Attamen in castra reprimuntur turpiter Argi, 865  
 Sufficit introrsum delituisse sibi.

#### GRAECI FLENT DE OBITU PALAMEDIS.

Conticet ad tales eventus Aeaca proles,  
 Cujus inaestu erat intima cordis amor.  
 Nox lucem claudit, vix claudunt sidera bellum,  
 Belli res poterit claudere nulla sitim. 870  
 Deflent belligerum Phrygii Sarpedona, deflent  
 Deiphobum, plangor non habet ille modum.  
 Sic et Achiva domus flet ob obitum Palamedis,  
 Turbida pro subita perditione ducis.  
 Lamentantur ita; vir servantissimus aequi 875  
 Vir, quem condigne plangere nemo potest,  
 Audax, discretus, nulli pietate secundus  
 Occidit, occisum Graecia plangit herum.

#### LIBER QUARTUS.

##### INCIPIUNT CAPITULA QUARTI LIBRI.\*)

Hic iterum regnat Agamemnon. Castra fugantur.  
 Bisseno stat pugna die, pax mense duplato.

863. margo: Ajax. 865. Argi pro armi codicis e margine. 867. pro cod. continet. adventus. — In margine nota: Aeacus genuit Peleum, Peleus Achillem.

\*) Codex tantum habet in margine: capitula quarti libri „et post argumentum: quartus liber“. Instruximus ut invenimus apud priores libros. Negligentia rubricator e primo versu

Pelides remanet Troilusque cruentat Atrides  
 Cum Diomede duos; pax mensibus integra senis.  
 Non prodit quamvis a rege rogatus Achilles. 5  
 Pugna diu, pax mense viget; sex pugna diebus.  
 Septima mors Troili, fit pax triginta dierum.  
 Occidit Aeacides. Pro Pyrrho mittit Atrides.  
 Occisor Paridis in castris interit Ajax.  
 Trojam circumdant et Penthesilea propinquat. 10

## EXPLICIUNT CAPITULA.

## INCIPIT LIBER QUARTUS.

## NESTOR LOQUITUR GRAECIS.

Addidit invalidae robur facundia causae,  
 Saepius et moestis commoda multa tulit.  
 Lucidus in causis Nestor, sed muscidus annis,  
 Nomine consilii poscit adesse duces.  
 Me melius nostis ea quae loquor; est manifestum 5  
 Quod sumus acephali, rege caremus, ait.  
 Turpe pecus mutilum, turpis sine gramine campus,  
 Et sine fronde frutex et sine crine caput;  
 Et vere turpis exercitus est sine rege,  
 Praecipue belli cum status instat ei. 10  
 Bellum non instat, immo veraciter extat,  
 Intrabunt hostes, vix erit orta dies,  
 Praeceptor quis noster erit? res bellica duci  
 Non valet absque duce, non sine rege regi.  
 Errantes erimus, si praeceptore caremus, 15  
 Nos et quae tulimus, hostibus arma damus.  
 Rex Agamemnon erat, hic cessit, cui Palamedes  
 Illico successit, illico cito ruit.

indiciis inscriptionem quasi primi capituli fecit: Agamemnon iterum regnat.

1. Lucani est Phars. VII, 67. 3. e margine pro mucidus. 7. 8. Ov. Ars III, 249. 50. 9. 10. Gualth. Alex. IV, 467. 8. Nec munire latus armis sine voce iubentis,

Ire nec in turmas audet sine principe miles.  
 12. Ovid. Fast. II, 330 — — cum foret orta dies.

Quid facit, an facta fuerint sua strenua? quaeret;  
     Ostendi solem postulat ille sibi. 20  
 Non erat illius virtus aliquando sepulta,  
     Omnibus eximium reddidit ille jubar.  
 Regem perficite proceres, qui proelia ducat  
     Hostibus occurrat, imperet atque regat.  
 Quo prius est melius. Non est mora libera nobis; 25  
     Nonne vides hostes jam reserare fores?  
 Nondum finierat Nestor, concurrat in ipsum  
     Concio consilium. Verba fuere ducum:  
 Sit rex, sit princeps Agamemnon, tempore cujus  
     Graeca fruebatur prosperitate domus. 30  
 Hic rex erigitur, diadema levatur,  
     Qui laudabiliter rex erat ante, datur.

#### TROILUS FUGAT GRAECOS IN CASTRA.

Aurea pingit agros Aurora, feruntur ad arma  
     Dardanus et Danaus; fit nova causa necis.  
 Instaurant alacres belli discrimina Troes, 35  
     Graecis insultant, hos sine rege putant.  
 Troibus audacter occurrit rex Agamemnon,  
     Argolicos animat, fortia corda creat.  
 Quid moror? accurrunt, concurrunt, vulnera findunt,  
     Funera dejiciunt, se glomerando premunt. 40  
 Se, velut intorti sint circumcunque capilli,  
     Efficiunt unum perterebrando globum.  
 Majori pro parte dies consumitur hac re,  
     Diffugiunt tandem strage parante fugam,  
 Evehitur Troilus, reparatur pugna; forantur 45  
     Vulnera, sternuntur corpora caede nova.  
 Fortiter a parte pugnatur utraque, sed Argos  
     Inpellens Troilus in sua castra fugat,

19. 20. Ov. Trist. V, 4, 7. 8

Tristitiae causam si quis cognoscere quaerit

Ostendi solem postulat ille sibi.

35. *margo: pugna XIV a.*

## PUGNA DUODECIM DIERUM.

Lux redivit et redeunt in bellum, pugna fit acris,  
 Educit Graecos rex Troilusque suos. 50  
 Nec mora! se densant enses et spicula laxant,  
 Omnia, quae penetrant, sanguinis imbre rigant.  
 Culminat e bello Troilus, contaminat ense  
 Sanguine nunc plebes nunc feriendo duces.  
 Magno se fodiunt iratum velle studentes, 55  
 Hac furia bis sex continuare dies.  
 His bene completis pro pace precatur Atrides  
 Ut sua suscipiat funera mater humus.  
 Per menses datur illa duos et rex Palamedem  
 Magnifice sepelit, lugubre carmen agit. 60  
 Quisque studet sepelire suos, his vero sepultis  
 Membra brevis requies ad mala longa fovet.

## ACHILLES RECUSAT PUGNARE.

Tempora pacis erant; Diomedes, Nestor, Ulixes  
 Aeaciden adeunt, bella levare petunt.  
 Hoc Agamemnon eis praeceperat; ille rebellem 65  
 Obiiciens vultum, bella levare negat.  
 Hecuba, ne pugnem, dicit, cum rege rogavit.  
 Vovi; mentiri talibus ausus ero?  
 Nec mihi mens belli, potius desidero pacem,  
 Longa cremare mala scit furor, ira brevis. 70  
 Lis odium generat, concordia nutrit amorem,  
 Pax portat vitam, proelia vero nece.  
 Odimus accipitrem, quia semper vivit in armis,  
 Et timidum solitos in pecus ire lupos.  
 Reginae Trojae, ne ducam proelia, vovi; 75

53. e margine, pro cod. ocaminat. 56. e margine pro  
 cod. feria. 59. Margo. Pax VII per duos menses. 71—  
 74. Ov. Ars II, 145—48.

Dextera praecipue capit indulgentia mentes:

Asperitas odium, saevaeque verba movent.

Odimus accipitrem, quia semper vivit in armis,

Et pavidum solitos in pecus ire lupos.

74. e margine pro inpetus.



Debet promissam fallere tyro fidem?  
 Adversis non deesse decet sed laeta securis,  
 Vos mihi dicetis forsitan; ad quod ego.  
 Pro patria pugnare decet regnumque tueri,  
 Hostes a regni pellere fine sui. 80  
 Fas est, ut revocet quisvis opprobria, damna  
 Vindicet et bellum sors violenta petat.  
 Sed, sic vindictam mala ne majora sequantur,  
 Ferre minora volo, ne graviora feram.  
 Nos neque pro patria pugnamus, nulla tuemur 85  
 Regna, nec arcemus hostica signa p̄rocul.  
 Hic sumus, inque vicem nos commactando ferimus  
 Insanis similes, nulla quieta dies.  
 Sed neque nox didicit ullam parare quietem.  
 Mane necandus ero, nocte quietus ero? 90  
 Non rationales homines sic, immo furentes  
 Se consueverunt dilaniare canes.  
 Sic lupus, et turpes instant morientibus ursi;  
 Et quaecunque minor nobilitate fera.  
 Iam nostri periire duces, periire Quirites, 95  
 Quis numeret validos, qui cecidere, duces?  
 Causam quaerenti nescirem dicere, quare  
 Est furor in cursu, qui ratione caret.  
 Et quid perficimus? sine fructu Graecia pugnat,  
 Non pro futuris littora bubus arat. 100  
 Forsitan in medium Ledeam ponere vultis,  
 Turpiter ex Graeca sit quia rapta domo.  
 Quid miscere juvat iras, Helenamque tenere  
 In medio, nostro sit quia tracta loco.  
 Illa nec est tracta, nec rapta, sed hanc ubi vidit 105  
 Miles et allexit, sponte secuta fuit.  
 Ponatur rapta quod sit, non sponte secuta;

76. margo: quibus dicit, nolo. 79. Gualt. Alexandr. II,  
 358. 59. Pro patria stare et patriae titulis, et honore  
 Invigilare decet  
 89. melius patrare. 93. 94. Ov. Trist. III, 5, 35. 36  
 At lupus, et turpes instant morientibus ursi  
 Et quaecunque minor nobilitate fera est.

Iam sequitur Paridem mallet obisse virum.  
 Pro tali stupro sudavit Graecia tota?  
 Pro tali stupro corruet omnis homo? 110  
 En miseras plebes, ut transiliam trabeatos,  
 Succidit gladius ut resecatur olus.  
 Esto, quod et doleat et rapta sit et violatam  
 Se deplotet adhuc sustinuisse manu:  
 Libram iudicii si recte dirigis, aequus 115  
 Raptoris titulus, noster iniquus erit.  
 An non Hesyonem prius in nece regis eorum  
 Adjunctis spoliis abstuleramus eis?  
 Prodiit a nobis injuria prima, queruntur.  
 Iuste. Causarum causa perire solet. 120  
 Saepe sagittantem didicit referire sagitta,  
 Sunt haec a nobis spicula missa prius.  
 Leniter ex merito, quicquid patiare, ferendum est,  
 Quae venit immerita poena dolenda venit.  
 Nunc nos innumera collecta classe furendo 125  
 Venimus huc casta pro muliere mori?  
 Hanc reddi petimus, et quando reduximus illam,  
 Quae subiit Graecum non bene capta solum?  
 Quando redempta fuit mors Laomedontis? ubive  
 Reddidimus Trojae damna patrata male? 130  
 Proh pudor, hic Asia servens Europaque totum  
 Sub belli librant pondere posse suum.  
 Ad generum Cereris cum multo sanguine multa  
 Miserunt hominum millia morte mala.  
 Haec Asiae mens est, ut adultera sint et adulter 135  
 Foedere securo sicut amore suo.  
 Pugnandi genus egregium, parare scienter

---

123. Ov. Am. II, 7, 12

Aequo animo poenam, qui meruere, ferant.

124. Ov. Pont. I, 1, 62.

Estque pati poenas, quam meruisse, minus.

126. in margine: ironia.

127. illam. margo. Hesyonem.

136. sicut e margine pro codic. sic in. 137. melius fortasse patrare.

Vapparum sociis lubricitatis iter!  
 Europae mens est, ut femina turpis honesti  
 In thalamum redeat, sit quasi virgo, viri. 140  
 Non bene conveniunt, nec in una sede morantur  
 Vir vitae speculum, femina vile lutum.  
 Et nos egregie pugnamus, qui repetenda  
 Nos ipsos tali pro muliere damus.  
 Haec si militia sit honesta videte, videte, 145  
 Si decus est, causis talibus arma dare.  
 Militiam sic nolo sequi, vos ergo redite  
 Et regi mentis vota referte meae.  
 Tres verso rediere gradu, regique responsum  
 Militis apportant, quodque venire negat. 150

## CONSILIUM PRINCIPUM GRAECORUM.

Accitis ducibus rex, re super hac quid agatur,  
 Obsecrat interna pendere quemque libra.  
 Ne paveamus, ait Menelaus, propter Achillem;  
 Prospera succedent praeter Achillis opem. 155  
 Attemtabo virum, si forte reflectere possim;  
 Si non, praestabunt proelia nostra modo.  
 Hectore Troja caret, non est ibi fortis ut Hector,  
 Aeacides nobis desit ut Hector eis.  
 Non probat edictum Diomedes hoc: Troilusque  
 Non habet inferius Hectore robur, ait. 160  
 Bella puto sepelire, bonam conquirere pacem;  
 Et Laertiades testificatur idem.  
 Non luisse pudet, sed non incidere ludum;  
 Cum fuerit ludus optimus, abde pilam.

138. marginis scholion. vappa. gluto vel garcio bibulus  
 vel nebulo. 141. Ov. Ars III, 436

— et in nulla sede moratur amor

151. Gualt. Alex. IV, 109. 10

— — citatis

In coetum ducibus, quidnam super his sit agendum.

162. Marginis scholion: Ulixes filius Laertis. 163. Hor.

Epist. I, 14, 36 Nec luisse pudet, sed non incidere ludum

164. Apud Gartnerum: Proverbialia 1574 p. 116 invenitur eadem  
*sententia: Dum ludus bonus est, ipsum dimittere fas est.*

Thestorides, vincemus, ait, perstate Pelasgi! 165  
 Longa licet teneat nos mora, Troja cadet.  
 Nemo frangatur, si Trojani potiore  
 Et Graeci pugnent inferiore manu.  
 Ne vereamur eos numero majore potiri,  
 A cane non magno saepe tenetur aper. 170  
 Ultima Graecorum victoria. Nemo timere  
 Principium debet; pondera finis habet.

## MENELAUS VULNERATUR A TROILO.

Enses arripiunt, horrendaque bella reducant,  
 Protinus ut menses partivere duo.  
 Primo mane potens Atrides et Menelaus, 175  
 Tydides et agit agmina Graeca Locrus.  
 Non tardat Trojana cohors, erumpit et ecce  
 Stulti concurrunt, millia multa cadunt.  
 Sauciat hic Troilus Menelaum; nox furibundum  
 Vix cogit populum, vertat ut ora domum. 180

## BELLUM QUO PERACTO PAX DATUR MENSIBUS SEX.

Ira truces inimicitias et funera bellum  
 Concitat ut primum deserit umbra solum.  
 Trojanos Troilus instaurat, cui comitatum  
 Praebet Alexander, his tuba clangit iter.  
 Contra Grajugenae. Troilus volat in Diomedem, 185  
 Strenuus infortem vulnerat ense ducem.  
 Sauciat et regem, per campum fundit Achivos,  
 Et stant non una bella cruenta die.  
 In pugna mixtim se millia multa trucidant,  
 Larga cadaveribus arva deesse vides. 190  
 Sic loca funeribus desunt, ut bella gerentes  
 Videris ad standum non habuisse locum.  
 Graecorum ruerint quum plures cernit Atrides  
 Coeptaque cancrino serpere vota pede,

165. Marginis scholion: Calchas. 170. est Ovid. Rem.  
 422. 173. Margo: Pugna XVIa. Menelaus vulneratur a  
 Troilo. 181. funera pro cod. funere. 183. Margo. pugna  
 XVIIa.

Anxius ad Primum mittit pro pace petenda, Ut pacem senis mensibus esse velit.	195
Trojani pacem dedicunt tempore tanto, Nolumus, exclamant, proelia pace regi.	
Ibimus in castra Danaorum plectere cunctos, Ibimus ad pelagus incinerare rates.	200
Attamen a reliquis cum rex pro pace requirit; Pacem, cunctorum vox erat una, dari.	
Suscipiunt medicam, coeant ut vulnera, pacis Tempore Tydides et Menelaus opem.	
Troes et Danaï potius tumulare videntur Ob nimios cumulos quam cumulare suos.	205
In tumulos jactant cumulos, tumulos cumulando Et cumulant tumulos intumulando viros.	

## VERBA AD ACHILLEM UT RESUMAT BELLA.

In bellum revocare studens Agamemnon Achillem Assumpto subiit Nestore castra ducis.	210
Inclite miles, ait, vir strenue, fide sodalis! Procumbit genibus Graecia tota tuis.	
Immo coronatus rex, et non rex, sed amicus Te rogat intentas continuando preces;	
Prodeat in bellum tua dextera, prodeat illa Armipotens galea; nostraque bella juva.	215
Suppliciter petit hic tua patria, Graecia tota, Tota parentela; bellica signa leva.	
Atrides etiam tibi si tuus est alicujus Momenti, nolite vota negare mihi.	220
Si mihi, si patriae, si civibus arma negares, Dux inhonestatis, hostis amoris eris.	
Cum rosa sis patriae, non debet spinea rosam Hoc vitio macula derosulare rosam.	
Et quaecunque potest, rex allectoria verba Profert in medium mollificare virum.	225
Projicit ampullas et sesquipedalia verba	

201. Margo: iterum pax viij sex mensium.  
*Ars poet.* v. 97.

227. Hor.

Intexens humili singula verba stilo.  
 Aeacides flexus alloquitur: o Agamemnon!  
 Miror, ait, nostram te subiisse casam. 230  
 Ad te me potius invitat regula recti,  
 Cum rex dicaris; sim quoque miles ego.  
 Sub labaro prodire tuum rex poscis Achillem,  
 Rex pie, moestitiae compatiare meae.  
 Incolumis leviter ergo solatia praebet, 235  
 Nec minus infirmus sentit ad omne malum.  
 Vulneror et clausum porto sub pectore telum,  
 Non habet in laeso corpore pugna locum.  
 Dira dolens animus non est in bella trahendus,  
 Debent magnanimo proelia corde geri. 240  
 Vulneris id genus est, quod cum sanabile non sit  
 Nec non tractari tutius esse puto.  
 Myrmidones tibi mitto meos; mihi, postulo, parcas;  
 Non potero, princeps! hac vice bella sequi.  
 Nec voluit rex, nec potuit rex angere moestum, 245  
 Grates persolvit, in sua castra redit.

ACHILLES IN HOC BELLO MANET IN CASTRIS.

Iam vaga sex vicibus per campos luna volarat,  
 Iam pax transierat, iam vir in arma volat,  
 Iam luctam fert pugna novam, cava cornua fortes  
 Invitant pugiles, surgere signa vides. 250  
 Sic acies ruit in acies, sic ensis in ensem,  
 Sicut aper validum dente bisulcat aprum.  
 Postquam Myrmidones feros informarat Achilles,  
 Ad bellum celeres dirigit, ipse manet.  
 Pugna fit et pugna talis, quasi tu furibundos 255  
 Se commordentes intuerere canes.

233. e margine pro possis. 237. Pamphil. I, 1.

Vulneror et clausumque fero sub pectore telum,

241. 42. Ov. Pont. II, 2, 59. 60

Vulneris id genus est, quod cum sanabile non sit,

Non contractari tutius esse putem.

251. Margo: Pugna XVIII.

In prima Troilus acie versatur, Achivos  
 Acrius obtruncat Myrmidonesque fugat.  
 Palantes in castra premit, obstare volentes  
 Praevalide penetrat, vulnera dira secat. 260  
 Et licet obstiterit Telamonius, in sua Teucri  
 Victores redeunt, carmina laeta canunt.

## ITERUM REDITUR AD BELLUM.

Vix expectatur lux crastina, prodit Atrides  
 Cum Danaïs, prodit Myrmidonea phalanx.  
 In bellum Troes animoque manuque feroces 265  
 Exagitat Troilus, parque valore Paris.  
 Se nectunt acies, ensis scintillat ab ense  
 Ut tactus chalybe fulgurat igne silex.  
 Nunc primum pugnant, quasi pridie litus ararint,  
 Et fuerint penitus bella priora jocus. 270  
 Se caedunt, foedunt, prosternunt, viscera fundunt,  
 Partibus ambabus millia multa cadunt.  
 Fert intellectum stultis vexatio nullum,  
 Non auri stratum sus amat, immo lutum.  
 Semper ad eventum festinat et in medias res 275  
 Hic populus mortis anticipando dies.  
 Vix vacat, ut foveat sudantia membra quiete;  
 Quod sine strage volat tempus, inane putat.  
 Unde nec una dies ad pugnam sufficit illis  
 Plures continuant, ne sine morte fluant. 280  
 Plectit eos Troilus sicut persaepe rotundum  
 Suevit corrigia pellere stricta trochum;  
 Ut velter super arva feras, sic vir ferus ipsos  
 Myrmidones agitat, sic agitando fugat.

## PAX DATUR PER MENSEM.

Atrides belli discrimen ut aspicit acris 285  
 In sua conversum castra tenore gravi;

259. Scholion marginis: fugientes. 263. Superscriptum  
 pro codic. Achilles. 267. e margine pro: sintillat. 275.  
*Hor. A. P.* 148. 285. Margo: pax IX unius mensis.

Bellum proponit uno suspendere mense,  
Imperat et quivis corpora strata locat.

## PUGNA VICESIMA SEX DIERUM.

Zodiaco semel explicito redit humida Phoebe,  
Bis decima redeunt horrida bella vice. 290  
Evocat Argolicos Agamemnon fervidus, omnes  
Concurrunt Teucri, pugna fit acris ibi.  
Mixti plebe duces pereunt utrimque, fluitque  
Ceus cadat in pelagus sanguinis unda, lacus.  
Rumpere fila manu non sufficit una sororum 295  
Sed sibi poscit opem tertia ferre duas.  
Transiit in caede celebri pars prima diei  
Et prodit Troilus mente manumque ferus;  
Qui cum multifluo perfunderet arva cruore,  
Argolici subita delituere fuga. 300  
Myrmidones etiam torve speculatur Achilles,  
Graecorum plagam Myrmidonumque fugam.  
Pridem militiam superaverat ardor amoris,  
Militiae stimulo nunc superatur amor.  
Non valet alterius tot dissimulare suorum 305  
Vulnera, damna, necesse, se levat et fit eques.  
Prosilit, in Troilum se vertit, at ille potentem  
Excipiens ictum, sauciat ense virum,  
Saucius ergo redit, durat sex pugna diebus  
Continuis et mors mordet utrosque gravis. 310

## ACHILLES HORTATUR SUOS IN NECEM TROIILI.

Septima lux oritur; saeve pugnatur, Achilles  
Nondum prodierat, vulnere lentus erat,

287. proponit: margo postponit. 290. Marginis scho-  
lion: pugna xx sex diebus. 293. Gualth. Alex. V, 145.  
295. 96. Gualth. Alex. V, 142—144

Rumpere fila manu non sufficit una sororum,  
Abiectaque colo Clotho Lachesisque virorum  
Fata metunt, unamque duae juvere sorores.

297. pars diei e margine pro pras dieri. 311. Margo:  
Pugna XXI in qua Achilles occidit Troilum et ipse vulne-  
ratus a rege Persarum Memnone, eundem obtruncabat.



Verum Myrmidones instaurat: nulla rapina  
 Vos, ait, alliciat dum mucro terga secat.  
 Nunquam res hostis, victo non hoste, levetis 315  
 Saepe fefellit opus praeda levata prius.  
 Corde leonino vos objiciatis in hostem,  
 Mens leporis bello vix valet ova duo.  
 Quot Troilus vobis numeravit funera, nostis;  
 Novimus innumera, quae numerare velit. 320  
 In Troilum solum vires expendite totas,  
 Discat in auctorem poena redire suum.  
 Transierat pro parte dies, Troilusque timendum  
 Trojae praesidium ferreus intrat agrum.  
 Vectabatur equo tamquam leo fertur in Argos, 325  
 Hôs fugat, ut credas quod juvet ala pedes.  
 Myrmidones docti Troilo simul et semel instant.  
 Et Danaos revocant; denuo bella sonant.  
 At Troilus murus patriae, protectio Trojae  
 Et rosa militiae pugnat et absque pare. 330  
 Haud aliter robustus aper se forte prementes  
 Consuevit nitido scindere dente canes,  
 Utitur hic armis quasi fulminibus, populusque.  
 Corruit innumerus illius ante manus.  
 Cum sic cornipede versans in Marte coruscat, 335  
 Corruit antierius cuspide fixus equus.  
 Vir ruit et celeri veniens pede saevus Achilles  
 Surgere conantis dissuit ense caput.  
 Palpitat et moriens tellurem calce sigillat,  
 Et faciem magno sanguinis imbre rigat. 340  
 Sic tiro juvenis rapitur florentibus annis,  
 Flos mundi rutilat tempore valde brevi.  
 Ad Danaos trahere corpus conatus Achilles,  
 Memnone Persarum rege vetante nequit.  
 Occisi corpus hic eripit, Aeacidemque 345

---

332. Cod. nidido. 335. Gualth. Alex. II, 434

Cornipedem versans in dextro Marte coruscat.  
 Müldener legit vexans. 337. Margo: Troilus occiditur ab  
*Achille.*

Vulnerat, Aeacides saucius inde meat.  
 Insequitur Memnon cum Troibus, iste resistit,  
 Et pugnam, quamvis saucius esset, init;  
 Sed custodierat prius ille ligamine vulnus,  
 Ne pareret lapsum sanguinis unda pedum. 350  
 Non tulit Aeacides insultum Memnonis acrem  
 Impetum et multa caede rubere facit.  
 Nec tenuit gladium Pelides, donec ad amnes  
 Illum deferret vulnere plaga Stygos.  
 Non regem uiles impune perimerat, ipsum 355  
 Contigit a bello vulnera ferre duo.  
 Occiso rege Persarum brachia torpent  
 Troum, procedunt segnius arva ducum.  
 Jam titubant, jam terga dabant palantia Teucri,  
 Memnonis et Troili mors venit ungue truci. 360  
 Pergama praecipites subeunt, et moenia claudunt,  
 Pugna facit finem nocte fugante diem.

## [PAX DECIMA TRIGINTA DIERUM.]\*

Rex Trojanorum spatium triginta dierum  
 Postulat a Graeco pacis habere statum.  
 Annuit et Troilum cum Memnone Troia venustos 365  
 Collocat in tumulos, flendo secuta viros.  
 Hecuba pro Troilo deducit et Hectore planctum,  
 Irrigat ingenuas lacrima moesta genas.  
 Pulmonis rigidas agitant suspiria cellas,  
 Afficit interior arida corda dolor. 370  
 Frendit in Aeacidem calcata saevius hydra  
 Diri rancoris mente venena gerens.  
 Et quia vi superare virum diffidere visa  
 Est, cacabo cordis decoquit illa dolum.

346. Margo: Achilles a Memnone vulneratur. 353.  
 Margo: Memnon occiditur ab Achille. 363. Margo: Pax  
 X. triginta dierum et haec erat pax ultima et ita interpolata  
 inter eos fuerat pax VII. annis et decem mensibus.

\*) Inscriptiones capitulorum suppletæ usque ad finem libri.

Fraudis ad incudem defertur malleus irae                    375-  
     Vindice fabricans igne doloris acum.  
 Femineam fraudem nemo cognovit ad unguem  
     Scit magis instabilem pendere nullus avem.  
 Evocat haec Paridem: nosti patris, inquit, Achillem  
     Hectoris et Troili membra dedisse neci;                    380  
 Quo damnum patriae dedit insuperabile nostrae,  
     Nam Trojae clypeus murus et arcus erant.  
 Laudes eximias his indita semper honestas,  
     Inclita militia, perdita vita dedit.  
 Scis etiam quod erat fortissimus unus et alter,            385  
     In stadio mundi non habuere pares.  
 Fatur et in fando singultus ipsa loquentis  
     Verbula delacerant, vixque sonare sinunt.  
 Articulata perit vox, prodit inarticulata  
     Et singultatis subjicit illa sonis.                    390  
 Nunc primum flore renitebant ambo juventae,  
     Vae! toti patriae quum cecidere male!  
 Dedecus hoc reprehende tuis, si miles es, armis,  
     Si vivis, tanti criminis ultor eris.  
 Quoque modo possis, aures adverte, docebo,            395  
     Nitere doctrina providus esse mea.  
 Et si non poteris hoc viribus, arte fruaris,  
     Arte cadunt turres, arte levatur onus.  
 Si quis avem velit et aliam rem prendere, rebus  
     Prendendi caris occupet ille locum;                    400  
 Abscondat laqueos, laqueus si forte videtur,  
     Res prendenda fugit, spesque relicta perit.  
 Cautus enim foveam metuit lupus accipiterque,  
     Suspectos laqueos tu quoque milve fugis.  
 Providus est, sapiens est, fortis, cautus Achilles:    405  
     Ars cautum caute fallere cauta solet.

---

394. Marg. Si vividus es.    395. est Gualteri Alexandr.  
 I, v. 83.    398. Pamphil. III, 14. Totus hic locus 397—403  
 periphrasis est Pamphilii III, 12 sqq.    403. 4. Imitatio  
 Horat. Ep. I, 16, 50. 51.

Cautus enim metuit foveam lupus accipiterque  
 Suspectos laqueos et opertum milvus hamum.

Ut vulpes vulpe capiatur, raro videtur;  
 Assa tamen vivam decoriare potest.  
 Aeacidæ mentem quum nostra Polyxena tangat;  
 Ipsum, quod capiat, rete puella neat. 410  
 Mitte virum, qui dicat ei, quam diligas, optat  
 Foedere conjugii rex sociare tibi.  
 Pes tuus in fanum conscendat Apollinis, ad nos  
 Illico compleri si tua vota velis,  
 Et veniens venias sine multo milite solus, 415  
 Turbari turba turbine forte potest.  
 Sint ea verba mea, non sint tua; nuntius autem  
 Sit tuus; est verbis credulus ille meis;  
 Insidias habeas illo veniente paratas,  
 Tunc quasi vir surge, brachia laxa move, 420  
 Et moveant socii, nec cessent dextera, donec  
 Multorum mortes mortuus ipse luat.  
 Sis bene sollicitus peragens haec omnia caute,  
 Solus secreti conscius esto tui.  
 Cum semel emissum, volet irrevocabile, verbum: 425  
 Admoneo, veniat ne quis ad ista loquax.  
 Hujus Alexander veluti temerarius ausum  
 Propositi spondet, sponsio cauta latet.

## [NUNTIUS MITTITUR AD ACHILLEM.]

Nuntius interea vadit dicturus Achilli:  
 Hecuba me misit dicere pauca tibi; 430  
 Filia nostra tibi dilecta Polyxena, dico,  
 Te, velut optabas, impatienter amat.  
 Si te delectat Veneris decerpere flores,  
 Ejus in amplexu sit mora nulla, veni.  
 Et ne propositi frangatur fabula nostri, 435  
 Consilio comitis incommitatus ades.  
 In fano Priamus exspectat Apollinis, intres,  
 De sponsalitiis illico certus eris.

410. Margo. spinne. 425. Horatii est epist. I, 18, 71.  
 433. Ov. Rem. 103  
 Sed, quia delectat Veneris decerpere flores.

Succedent taedae regali stemmate, sponsa  
 His tua deliciis est potiunda tibi; 440  
 Nec tepido desiderio pulcherrima virgo  
 Pendet ad adventum laeta libensque tuum.  
 Tu quoque nulla feres deinceps incommoda Trojae,  
 Ut repetat patrios Graecia lassa lares.  
 Illusit blandis, quorum sibi copia, verbis 445  
 Hecuba tironem, sic fabricando necem.  
 Exhilarescit homo, quem foemina melle nocivo  
 Fraudis inescarat, falsaue vera putat.  
 Vixque moram patitur, vix jam sua gaudia differt,  
 Jam cupit amplecti, jam bona pacta dari. 450  
 Retrahitur tamen ille metu, metuitque venire;  
 Sed si non veniat, vota perire putat.  
 Saepe metu spes victa cadit, veniat maneatne,  
 In mentis secum disputat ipse schola.  
 Denique fidus amor, quidquid properantibus obstat, 455  
 Fingit, et ad causas ingeniosus erit.  
 Interutrumque tenet, spem scilicet atque timorem,  
 Speque timor dubia, spesque timore cadit.  
 Ire tamen restat, quia calcar amoris acutis  
 Incitat hunc stimulus; credulus ergo stetit. 460  
 Credula res amor est, leviter ducuntur amantes  
 Dantque pedes reti credulitate levi.

449. Ovidii est *Metam.* IV, 350. 453. Similes sunt  
 Ovidii loci *Trist.* IV, 3, 12

Cur labat ambiguo spes mihi mixta metu?  
 et *Her.* XIII, 124,

Spes bona sollicito victa timore cadit.

455. *Ov. Her.* II, 21. 22

Denique fidus amor, quidquid properantibus obstat.

Fingit, et ad causas ingeniosa fui.

457. *Ov. Met.* II, 140 inter utrumque tene. 458. *Ov. Her.*  
 IX, 42. 461. Ovidii est *Metam.* VII, 826 credula res  
 amor est.

## [CAEDEM ACHILLIS PRAEPARAT PARIS.]

Tempus erat, quo cuncta silent, cum fortibus armis  
 Fortes in fani collocat aede Paris.  
 Protinus ut vobis, ait, ostentavero signum, 465  
 Aeacidae vester in caput ensis eat,  
 Spicula densa gulam percurrant, lancea ventrem,  
 Deprope stans ambas absceat ense pedes.  
 Nec prius insani deponant arma lacerti  
 Quam ferus Aeacides vivere ponat ibi. 470

## [OBITUS ACHILLIS.]

Altera lux lucet, coelo sol aureus exit,  
 Fanum Pelides Antilochusque petunt.  
 Credulus ad vocem mulieris provenit, impos,  
 Concitus ante fores, irrita vota gerens.  
 Pro superi! quantum mortalia pectora caecae 475  
 Noctis habent; intrant, nulla nociva timent.  
 Insidiae surgunt; capiti se mucro maritat  
 Telaque pro telis hic volitare vides;  
 Lancea per corpus sponsalia saeva propinat,  
 Cerberus hic festa non Hymenaeus amat. 480  
 Sperarat, melius quod pulchra Polyxena taedis  
 Illum debuerit exhilarasse suis.  
 Vir pro virgineis fera sentit bella lacertis,  
 Pro molli vero vulnera dura toro.  
 Quid faciet tiro? caret inclita dextera conto, 485  
 Non fuit aurata casside pressa coma;  
 Non pectus lorica tegit, non crura tuentur  
 Ocrea, non ferri lamina densa latus;  
 Nec clipeus vasti caelatus imagine mundi  
 A collo pendet, nudus uterque patet. 490  
 Pro parma replicat chlamydem, manus arripit ense,

---

463. imitatio Virgilii Aen. II, 268:

Tempus erat, quo prima quies mortalibus aegris  
 Incipit.

475. Ovidii est Metam. VI, 472. 73. 481. melius pro codic.  
 molius,

Diffidit oppositos, vindicat ense dolos.  
 Quae potuit, fecit; ne nil ageretur, aravit  
 Vomere quo poterat; totus inermis erat.  
 At mortis genere se consolatur honeste, 495  
 Falsos quos reputat, non sine morte secat.  
 Antilochus juvat Aeacidem, contorquet et ipse  
 Pro scuto chlamydem, distulit inde necem.  
 Non poterant durare duo tam dispare bello,  
 Tactibus assiduis interit icta chlamys. 500  
 Non erat armatis aequum concurrere nudos,  
 Aut contra tantos ferre duella duos.  
 Ambo ceciderunt, ceciderunt ambo; quis unquam  
 Ferre diu posset talia bella gigas?  
 Sic cedit Antilochus, sic, sic, formosus Achilles, 505  
 Sic Paris infanda morte trucidat eos.  
 Projiciantur, ait, haec foeda cadavera corvis,  
 Sint canibus saevis, sint alimenta lupis.  
 Immo, refert Helenus, potius reddantur amicis,  
 Non debes hominum pascere carne canes. 510  
 Reddatur Danaïs collectum corpus Achillis,  
 Important castris alteriusque ducis.  
 Egregium Priamo rex concedente sepulchrum  
 Erigit, hoc strati militis ossa tegit.  
 Graecia more suo decus exequiale frequentat, 515  
 Fortem deplorat, unguibus ora secat.

[ORATIO AGAMEMNONIS AD GRAECOS DE PERGENDO  
BELLO.]

Convocat in coetum rex Graecos: perdimur omnes  
 Paulatim proceres, et quid agemus, ait.  
 Corruit Aeacides nostri fiducia belli,  
 Nolumus aut volumus ulteriora sequi? 520  
 Hic sumus et studio transimus tempus inani,  
 Nec quae praeteriit hora redire potest.  
 Non discedemus proceres; quid consulitis? si  
 Forte recesserimus, plebs vitiosa sumus.

Quid perfecerimus? quibus ostentare valemus, 525  
 Si verbis opus est edere, turpe loqui.  
 Quidve domum ferimus decimo nisi dedecus anno?  
 Occisi cives, interiere duces.  
 Troja stat et nostros subsannat laeta labores,  
 Vivit adhuc, Helena non redeunte, Paris. 530  
 Et si nos illa nondum redeunte redimus,  
 Claudimus aeterno proelia longa probro.  
 Unde decere reor, ut adhuc sudemus in armis,  
 Cras poterunt fieri vota precantis heri.  
 Forsitan ad Danaos faciet fortuna volatum; 535  
 Fortunae series est variare vices;  
 Fortunae non stare status, deludere; ludus  
 In risu plorat, alta petendo labat.  
 Hoc firmum servat quod nunquam firma, fidele  
 Hoc solum retinet, quod caret illa fide; 540  
 Hoc solo verax quod semper falsa probatur,  
 Hoc solo stabilis quod manet absque statu.  
 Illa suam volvendo rotam, fortassis Achivam  
 Introitu grato vult penetrare domum.  
 Si fortuna volet, in campum Troja redibit, 545  
 Cujus nubigerum nunc caput astra premit.  
 At divina juvat oracula quaerere, quisnam  
 Ancipitis belli terminus esse velit.  
 Respondetur eis, quod progeniem per Achillis  
 Debeat ad finem bellicus ire status. 550

---

537. Auson. Epigr. 143, 1.

Fortunam nunquam sistit in eodem statu.  
 Semper movetur: variat et mutat vices,  
 Et summa in imum vertit ac versa erigit.

540 sqq. Similis locus Ov. Trist. V, 8, 15 sqq.

Passibus ambiguis Fortuna volubilis errat  
 Et manet in nullo certa tenaxque loco:  
 Sed modo laeta manet, vultus modo sumit acerbos,  
 Et tantum constans in levitate sua est.

543. Amm. Marcellin. XXXI, 1. Fortunae volucris rota, ad-versa prosperis semper alternans.



[NEOPTOLEMUS ACHILLIS FILIUS FIT DUX  
MYRMIDONUM.]

Filius Aeacidæ Pyrrhus fuit, hic Lycomedis  
Tunc erat in tectis, nam fuit ejus avus.  
Ille Neoptolemus quoque dicebatur, eratque  
Strenuus et fortis, totus imago patris.  
Quis potius levat arma patris quam filius ipse, 555  
Rex ait; huc veniat Myrmidonesque regat.  
Pro Pyrrho Menelaus abit, sed nec Lycomedes  
Invitus juvenem mittit et ille venit.  
Virtutum pedibus patris in vestigia Pyrrhus  
Calcat nobiliter, fortis ut ipse pater. 560

[AIAX TELAMONIUS OCCIDIT PARIDEM, SED IPSE  
VULNERATUS OBIIT.]

Pax brevis exspirat, aspirant proelia, bellans  
Vix respirarat, denuo bella parat;  
Hic et ibi clamatur: ad arma; valenter: ad arma!  
Effrenis populus currit ad arma citus.  
Cum Danaïs Agamemnon adest, Trojanaque virtus 565  
Portis erumpit, ut maris unda fluit.  
Horrisonis litui vexant ululatibus auras,  
Et tanquam tonitrus ingruat, hinnit equus.  
Jam se commiscent acies, jam tela propinquant,  
Jam rutilant enses, compluit arva cruor. 570  
In primo dominus clypei septemplicis Ajax  
Agmine praeadians gramina caede replet;  
Infinita cadunt ab utraque cadavera parte,  
Ut jam funeribus ampla deesset humus.  
Non potuit solus deducere Cerberus umbras 575  
E bello missas in Phlegetontis aquas;  
Nec ferruginea subvectat corpora cimba

---

556 margo: ad veniendum se parat, 561. Margo.  
Pugna xxij, in qua Ajax Telamonius occidit Paridem, prius  
tamen idem Ajax vulneratus ab eodem Paride in castris  
obiit.

Solus terribili squalidus ore Charon.  
 Ajax nudus erat; quae te mens optime miles  
 Illoricatum saeva sub arma tulit? 580  
 Te meminisse velim; telum mortale cucurrit  
 Colla per incauti quod Palamedis heri.  
 Felix quem faciunt aliena pericula cautum  
 Et cui dat nitidum littera nigra librum.  
 Nos aliena docent, felix quicumque dolore 585  
 Alterius didicit posse cavere suum.  
 Ajax horrendis versatur inermis in armis;  
 Et fodit illius lata sagita latus,  
 Scilicet a Paride, qui tenso gnaviter arcu  
 In Graecas animas spicula plura dabat. 590  
 Ajax iratus. Calcaria dat dolor, ire,  
 Qui sectans Paridem caedit ad usque necem.  
 Caede fatigatur miles, cum castra petisset,  
 Et telum lateri detraheretur, obit.  
 Corpus Alexandri portant in moenia Teucri, 595  
 Ejulat urbs tota funere moesta-viri.  
 Mox ruit in Phrygios Diomedes, quos fugitivo  
 Se facit in portam praecipitare pede.  
 Protinus insequitur Agamemnon et obsidet urbem  
 Ponendo vigiles et variando vices. 600  
 Per totam noctem circumdant Ilion Argi,  
 Muri non unus clamat ab arce vigil.

---

578. e margine pro spualidus. — Margo char. nauta mortuorum. 583. Plaut. Merc. IV, 4, 40. Feliciter sapit, qui alieno periculo sapit. Ter. Heaut. I, 2, 35: hoc scitum est, periculum ex aliis facere tibi quod ex usu siet.

Noster ex his locis fortasse sententiam depromsit, quae proverbii loco in ore nunc est.

585. 6. Tibull. III, 6, 43. 44

— — quicumque dolore

Alterius disces posse carere tuo.

In hoc Tibulli loco nonnulli codd. etiam, ut noster Albertus, cavere legunt. 591. Cod. carcaria. 598. Cod. S. f. praecipitare pede in portam.

## [LUCTUS TEUCRORUM DE PARIDE.]

Postera depulerat stellas Aurora micantes,  
 Exquirunt luteas corpora strata domos.  
 Subterratis Paridem regali curia cultu, 605  
 Vivum debuerant quem sepelisse diu,  
 Vivus enim multos occiderat ipse, fuitque  
 Innumeris populis publica causa necis.  
 Ledaeam pariter Paridis mors laesit, eamque  
 Esse dolorosam lacrima multa docet. 610  
 Prodit enim luctus inconsolabilis ipsam  
 Vere tristitiam non habuisse levem.  
 Rex cum regina considerat; est manifestum,  
 Rex ait, hanc vera nos adamasse fide.  
 Illa fides infida nimis, bonitasque maligna 615  
 Infamis fama, laus lue plena fuit,  
 Quae proprium populum contemnens, immo maritum  
 Moecha fuit, moechum prava secuta malum.

## [GRAECI TROIANOS AD BELLUM VOCANT.]

Postera lux radiis latum patefecit ut orbem,  
 Miles in urbe manet, limine porta studet. 620  
 Provocat ad portam Trojanos hostis Atrides;  
 Qui foris insultant, probra minasque boant.  
 Alterutrum mittunt vitiosas ore sagittas  
 In pharetram cordis vilis ab igne datas.  
 Surgit ironia risumque colorat amarum, 625  
 Lingua jacet jaculum mellea felle litum.  
 Ingeminant blaesos naso crispante cachinnos,  
 Probra canunt, turpe surgit utrimque melos.  
 Inter tot vitia simul et convitia Troes  
 Crebrius in pugnam buccina Graeca vocat. 630

---

603. Ov. Metam. VII, 100. 619. ut orb. ex Ovidio et e marg. pro cod. in orb. Ov. Met. IX, 794

Postera lux radiis latum patefecerat orbem.  
 626. *liram.*

## [PENTHESILEAE ADVENTUS ET DESCRIPTIO.]

At Priamus murum munivit, bella silere  
 Maluit, in causa Pentheseilea fuit.  
 Haec in Amazonibus regnabat divite regno  
 Illustris, fortis, bellica trita satis.  
 Haec siquidem miles erat optima, nec sine laude 635  
 Rexit cornipedem, reddidit ense vicem.  
 Hasta nobiliter occurrere noverat hastae  
 Tergore cornipedis praecipitare virum;  
 In campo currentis equi fuit illa magistra,  
 Nec modicam laudem tibia mota dedit. 640  
 Pulchre calcat equum, propulsat pulchrius illum  
 Perpulchre girat, singula pulchra parat.  
 Militiae calcar in plata, calcar honoris  
 In fama, bene fert illud et istud ea.  
 Aurea ferrato calcat calcaria calce, 645  
 Auro frena citus splendida mordet equus.  
 Inclyta miles erat, erat alaeque tota Quiritum,  
 Quae tanta laetae principe semper erant.  
 Praeterea formosa fuit; naturaque multis  
 Laudum muneribus nobilitarat eam. 650  
 Orbem dat capiti naturae circinus orbem,  
 Orbis uti statuatur forma globosa trochum.  
 Fulgurat in crine nitor auri, lilia fronte;  
 Quem simul ut speculum tu speculari locum.  
 Sub specula frontis vaccinia nigra leguntur 655  
 Quum superciliis est color ille datus.  
 Si spectes melius, geminos intersecat arcus  
 Non obfuscae lactea forma viae.  
 Excubiae frontis spectant laetanter ocelli,  
 Luce smaragdinea sideris instar habent; 660  
 Nec stat nec transit plus recto regula nasi,  
 Hic aquila, bello, simia, cede loco.

637. hasta e marg. pro cod. hastae. 638. Cod. cornipede.  
 643. calcar secundum e margine pro cod. carcar. 655.  
 vac. nigr. leg. Virg. eclog. II, 18. 661. Margo: nec adun-  
 cum nec torvum. 662. bello pro cod. pello.

Pirula directo partitur tramite nares,  
 Non tumet, aut aliqua deviat illa via,  
 Nolumus hanc torvo vel adunco scribere naso      665  
 Inque cava nullus est ibi nare pilus,  
 Non est vel modica maculae reprehensio mali  
 Nec laedit nares virque paterque gregis;  
 Est et aromaticus non rusticus halitus oris,  
 Nescio quis melior thuris et oris odor.      670  
 Aurorae facies quasi filia, dum rubor illi  
 Et candor, neuter est et uterque color.  
 Os cycli quasi dimidii ridendo resultat,  
 Vult laudem spatio promeruisse brevi.  
 Quodam se praebent pugnancia labra tumore,      675  
 Sed modico rutilant non tamen absque modo.  
 Statura similes dentes compaginat ordo,  
 Estque nitescentis aemulus ordo nivis.  
 Respicias mentum, mentum tam nobile mentem  
 Amentem reddit, si quis amare velit.      680  
 Et colli Pario quasi marmore secta columna  
 Scit speculam capitis more levare gruis.  
 Visum cernenti, cor furaretur amanti,  
 Quae crystallino gutture forma micat.  
 Voce vocat laudem, quia vox imitatur olorem      685  
 Est tam grus collo, quam philomela sono.  
 Et quales humeri! neque decedunt neque surgunt,  
 Ut jaceant vel stent, gratius ambo sedent.  
 Quam veniunt simul ab humeris tam stemmate longo  
 Bracchia, quam gracili deliciatur ibi.      690  
 Non carnosa manus sed carnea, gaudet ab intus  
 Ossibus et nervis, carne nitente foris;

---

664. tumet e margine pro timet.      665. Ov. Ars I, 520.  
 668. e margine pro graecis. Ov. Ars I, 522  
 Nec laedant nares virque paterque gregis.  
 673. e marg. cycli pro sicli, resultat pro refultat.      680. e  
 marg. amare pro amore.      686. pro filomena.      687. 8. Al-  
 nus Anticl. lib. I. p. 11, lin. 4. 5.

Non male colla sedent, humeris non insidet alta  
 Cervix, at spatio surgit distincta modesto.

Sic tamen interius ut sit substantia mollis  
 Exterius macies carnea pulchra nimis.  
 Exornat digitos, digitis si fors inhaeres, 695  
 Linea directa, lactea, longa, teres.  
 Huic digitis digitos reflectere, sive reducto  
 Pollice brachiolum tangere moris erat;  
 Nec minuit laudes quod sunt sine sordibus ungues,  
 Quos nequeo longos vel reputare breves. 700  
 Poma mamillarum modico suspensa tumore  
 Producens prodit pectus, imago nivis.  
 Nulla mollitie dependent fracta, sed ipsa  
 Duritie casti signa pudoris habent;  
 Virgineas stare videas utrinque papillas 705  
 Et veluti gemmas irrutilare duas.  
 Quum dederit natura duas, ars demserat unam,  
 Iret ut ad gladium libera dextra manus.  
 Non patet immo latet niveum latus, ille pugilli  
 Circumscripibilis est brevitate locus. 710  
 Non se distendit, nec enim se contrahit alvus,  
 Mollitie tumida sed bene fusa sedet.  
 Ad tergum vertamus iter, quasi pinea malus  
 Stat, bene membra sibi continuata tenens.  
 Partes occultas non est laudare necesse, 715  
 Penna nativam nec reserare seram.  
 Caetera quae laudem pariunt, reticendo loquuntur,  
 Et recitando tacent haec quia laude vigent.  
 Aptius haec anima poterit quam lingua fateri,  
 Non decet interdum singula verba loqui. 720  
 Candida se gracilem protendit tibia, raris  
 A latitante genu carnibus ossa tegens;

699. Ov. Ars I, 519 — — et sint sine sordibus ungues

701. Alanus Anticlaud. lib. I. p. 11. lin. 6. 702. 3. Alan.  
 ibid. lin. 8. 9. ubi tamen ultimus versus

Duritie proprii describunt signa pudoris.

716. reserare pro cod. referare. 717. Alan. l. c. p. 11.  
 lin. 13. 14

Cetera quis nescit meliora latere sub istis  
 Quorum sola gerunt placidi praeludia vultus.

Sed non invideo suras ibi carne decoras,  
 Sic tamen attingat ne pudor ille pedes.  
 Infima demonstrat tales tibi tibia talos, 725  
 Ut bene congeries ossea nodet eos.  
 Exornant nitida simili compagine crura,  
 Et quasi sint crurum confugiumque pedum.  
 Pes brevis et niveus, cavus intra, sed teres extra  
 Exiguo calce calcat et osse solum. 730  
 In pedibus pedicae neque rectae sint neque tortae  
 Non hoc non istud inter utrumque sitae.  
 Pollex directe protenditur, altera primo  
 Altior ut series a pede deinde minor.  
 Nec pedicam pedica quasi spectat plantave plantam, 735  
 Sed pes directe cum pede servat iter.  
 Pes brevis in nivea pulchre celatur aluta,  
 Nec vagus in laxa pes ibi pelle natat.  
 Reginae corpus si talis imago venustat,  
 Nescio quis specie nobiliore cluat. 740  
 Cultu forma nitet, hac femina dote superbit,  
 Quis dubitat, cultus qui sit opimus ei?  
 Candescit bysso toga carni proxima, blandam  
 Ne forsan laedant fila proterva cutem.  
 Stringitur, ut mammae constringat fascia fascem 745  
 Accendit Veneris surgere visa facem.  
 Turbida mens geritur, ubi turgida mamma videtur,  
 Res ea fit cordi nuncia saepe mali.  
 Purpura dat tunicae quo convenienter euntis  
 Longo per plateas syrmate lambit humum. 750  
 Disputat hic lana cum lana murice tincta  
 Utrum sit melior ille vel ille color.  
 Nec tantum renitet fulgenti murice vestis,  
 Auro formatis fulget et ipsa rosis.  
 Armellus, castor, martur, bever atque saberus 755

737. Ovid. A. Am. III, 271:

Pes malus in nivea semper celetur aluta.

738. Ovid. A. Am. IV, 516. 748. Cod. tunicam. 750. e  
 margine pro surmato, margo praeterea praebet syr. quod  
*teutonice dicitur suansz.*

Dat varium pannis convenienter opus.  
 Zona premit latera de bysso texta retorta,  
 Gemma stelliparo fulgure dante jubar.  
 Alternis vicibus argenti sidus et auri  
 Hic nitet, ansa tamen aurea tota rubet. 760  
 Brachia luxuriant armillis, lamina nectit  
 Argenti manicas, ut bene stringat eas.  
 Ars et materia certant in veste serena,  
 Quam dicunt chlamydem vix habet illa parem;  
 Materiam vincat opus an vincatur ab illa, 765  
 Iudicio poterat nemo probare levi.  
 Nobilitas digitos rutilantis circinat auri,  
 Multiplici jubare gemma superbit ibi.  
 Indice contentus ignita luce pyropus  
 Auri de medio solis ad instar ovat. 770  
 Saphiri species digitis aptissima regum  
 Ornat amazonicam luce micante manum.  
 Fulgidus obrizo carbunculus ardet in auro,  
 Claraque solifero provocat astra rogo.  
 Jaspis in argento viret, undam sanguinis arcens, 775  
 Hic latet in viridi zona colore rubens.  
 Omne perit viride viridi fulgore smaragdus,  
 Hic viret et viridi lumina luce foveat,  
 Hic adamas chalybe glaucus de sanguine solum  
 Solvitur hircino, fit homo prosper eo. 780  
 Pendebant nitido diffusa monilia collo,  
 Gemmas inspicio, nec numerare queo.  
 Pectus enim gemmis quasi celum fulgurat astris,  
 Hac radicante sed hac prae radiante magis.  
 Clarior argento, fulvo conspectior auro 785  
 Fulmine gemmali fibula lata micat.  
 Quaeris utrum rutilans sit forte topazius hicce  
 Tangens calce polum, vertice vero solum.

773. Gualter. Alex. I, 236

Lucidus obrizo crinalis circulus auro.

779. cod. claucus. 780. margo. sc. adamante. 781. Virg.  
Aen. VII, 278

Aurea pectoribus demissa monilia pendent.



Quam ditat gemma, decorat sculptura, tacere De fulvo mustum vase gerente volo.	790
Hoc quoque transilio, quod bella monilibus ipsis Aequiparativa pro paritate parat.	
Taedia ne pariam, praeclaram transeo vittam, Quae premit egregiam ceu diadema comam.	
Aurea caesaries sub vitta colla pererrat, Litigium crinis fulva refrenat acus.	795
Est et in incessu pars non contenta decoris, Observat medium progrediendo gradum.	
Cum ridet, ridet autem pro tempore, ridet Ut summos dentes ima labella tegant.	800
Sic sedet, sic culta fuit, sic stamina nevit Candida cum sociis Penthesilea suis.	
Militiam forma sic ornat florida, formam Inclita militia, compoliuntur ita.	
Haec, quia multa sibi fuit experientia belli, Trojanum bellum rege petente petit.	805

## [DE AMAZONIBUS.]

Est in Amazonibus haec consuetudo: reguntur Per se nullius sub ditione viri,	
Et poteris sermone brevi, quam dicimus ortam, Si mea verba notes, enucleare rei.	810
Ante quadringentos et quadraginta bis annos, Quum caput imperii condita Roma fuit,	
Indolis egregiae juvenes duo forte Scytharum Ipsis temporibus incoluere solum;	
Plinius unus erat, decorus Scolopocius alter, Strenuus et validus unus et alter erat,	815
Qui multa quia pollebant virtute, fugati Invidia terris sunt stimulante suis.	
Haec fax invidiae magnatum prodiit igne, Robur eorundem quos timuisse liquet.	820

797. cod. pras. 800. Ov. Ars III, 284

Et summos dentes ima labella tegant. 815. Nomina  
juvenum sonant mox Ylinus et Sclopitus, mox Plinus et  
*Scholopythus*, mox Plyinus et Solapesius.

Cedunt et juvenum non pauca frequentia secum,  
 Mentibus et membris qui viguere satis.  
 Cappadocum gentes adeunt et moenia Ponti,  
 Insidiis cincti sed perimuntur ibi.  
 Venit ad uxores illorum de nece rumor, 825  
 Et succrevit eis cum feritate furor.  
 Vindictam propriis intendunt tendere dextris  
 Et non ignavis mentibus arma eient.  
 Hujus propositi sit ut omnibus una voluntas,  
 Interimunt omnes, quos habuere, viros. 830  
 Exiliunt, et ab his Asiam fit pugna per omnem,  
 Incipiunt belli prosperitate frui.  
 Et comitabatur victoria semper easdem  
 Oppositos terrens, prompta trophaea ferens.  
 Quaelibet illarum jam pace per arma reversa 835  
 Disponit, fuerint quae facienda domi.  
 Si quam delectat, immo delectat habenda  
 Gaudeat ut prole, mater et esse velit,  
 Illustrem vocat illa virum; vir amatur ut hospes,  
 Quae quum se gravidam senserit, ille redit. 840  
 Filia diligitur, nutritur ad arma, docetur;  
 Filius in stygias praecipitatur aquas.  
 Cremento careat ut dextra mamilla, crematur,  
 At caret, ut bellis prompta sit illa manus.  
 Nomen Amazon habes, quasi dicas absque mamilla, 845  
 A sine praesentat, mammaque mazon erit.  
 Regnum reginae quondam rexere duales;  
 Et regno fuerat inditus iste status:  
 Una domi patriae custos fuit, altera vero  
 Pro regni spatiis extulit arma foras. 850  
 Una quidem tenuit Marsepia, Lampeto nomen  
 Altera; regnabat haec foris, illa domi.  
 Has inter virtutis opes Marsepia mortem  
 Hostili gladio fraude subacta tulit.  
 Filia cui Sinope successit dignaque laude 855

847. Cod. reginis duabus.  
 nomen Marpesia sonat.

851. 53. Apud Orosium

Perpetua studuit virginitate frui.  
 Europam simul et Asiam domuere potenter,  
 Maximus hinc orbi crevit utrique timor;  
 Unde solebat eas e bello copia praedae,  
 Captivus populus, gloria magna sequi, 860  
 Formidant regna, premit admiratio mundum:  
 Totum foeminea membra domare solum.  
 Aedificant Ephesum memorandaque moenia; solae,  
 De quibus insignis fama volabat, erant.  
 Istaque duravit annis victoria centum, 865  
 Durat adhuc quod habet nulla virile jugum.  
 Amphitrionides licet invictissimus esset,  
 Viribus inpetere non erat ausus eas.  
 Calliditate magis est usus, robore plenis  
 Dicitur his ratibus applicuisse novem. 870  
 Narrant Antiopen tunc Orithyamque fuisse  
 Supra sicut habes, in ditione pares.  
 Ex inopinato petit has Alcmenica proles,  
 Caedit, prosternit nec sine strage capit.  
 Hoc bello capiunt Menalippen, Hypolitenque 875  
 Orithyaeque fuit utraque virgo soror;  
 At Menalippe redit violenter ab Hercule capta,  
 Huic tamen arma, quibus haec erat usa, manent.  
 Theseus Hypoliten sibi copulat, Hypolitumque  
 Procreat, huic jugulum saeva noverca parat. 880  
 Non meus haec sermo testatur, Orosius; ista  
 Cujus habent plenam singula verba fidem.  
 Post hanc Orithyam, de qua modo mentio surgit,  
 Intrat regalem Penthesilea thronum.

---

858. in margine ubique. 862. Cod. femineam.  
 871. Cod. Orichiam. 875. Menalippen ex Orosio posuimus  
 pro cod. Memelippen. 877. Cod. Menalappe, ob paritatem  
 v. 874 posuimus Menalippe. 881. Orosius histor. I, 15  
 eadem de Amazonibus quae noster praebet, paene iisdem  
 verbis narrat.

## [LIBER QUINTUS.]

## [INCIPIUNT CAPITULA QUINTI LIBRI.]

Gaudet in adventu Priamus rex Penthesileae.  
 Pulchre suscipitur. Ad bellum tota parantur.  
 Obterit Argolicos aliquantis pugna diebus.  
 Expectatus adest Pyrrhus, patris arma profundis  
 Tollit lamentis, connectit pugna cohortes 5  
 Velnam terribiles. Danais jam terga daturis  
 Cor revocat Pyrrhus idemque superba locutam  
 Armis non levibus obruncat Penthesileam.  
 Trojani fugiunt, persuadet Teucra pacem,  
 Sed placet Amphimacho vinci vel vincere bello. 10

[GAUDIUM PRIAMI OB ADVENTUM PENTHESILEAE  
ET DESCRIPTIO AEDIIUM.]

Multa fidem promissa levant laudandaque virtus  
 Crescit et immensum gloria calcar habet.  
 Princeps Trojanus occurrit Penthesileae,  
 Hanc laudat, laudum cimbala virgo probat.  
 Buccina laetitiae clangit praeconia, pangit 5  
 Grex domicellaris seria picta jocis.  
 Herba smaragdat humum, florum pictura colore  
 Verberat intuitum, mulcet odore locum.  
 Floribus et ramis vestita platea diescit,  
 Intermixta tubis fistula dulce canit. 10  
 Inclita per largas dilatant olla fenestras,  
 Circumdant niveas Indica fulchra domos.  
 Regia reginam recipit, reginaque totam  
 Nobilitans aulam pulchrius ornat eam.  
 Adventu dominae domus exultare iubetur, 15  
 Atria vestit ebur, purpura lata toros.  
 Aridet thalamus obrizo fulgidus auro,  
 Assurgunt omnes Laomedontis opes.  
 Aulacis aula varie velata resultat,

1. Horat. Epist. II, 2, 10. mult. fid. prom. lev. 19. in  
 margine scholion: cortinis.

Illic Mars dubius militat, hicque Venus. 20  
 Pingitur in solio Ninus rex Assyriorum  
 Intendens totum Marte domare solum;  
 Romam pugna petit hic annos mille trecentos,  
 Quae spatium posuit urbis et orbis idem.  
 Vicit, quem tenuit Zoroastrem Bactria regem, 25  
 Qui magica primus doctor in arte fuit.  
 Hic rubeum videas mare rubrum, littora cujus  
 Expugnans Ninus pugnat ad usque Scythas:  
 Gentes innumeras superatas, hunc superantem,  
 Destructas urbes, diruta castra vides. 30  
 Et tandem praesentat eum cortina sagitta  
 Trajectum, moriens sanguine pingit humum.  
 Semiramis succedit ei, reginaque celsum  
 Hic subit aurivomo picta colore thronum.  
 Cujus ut haec regnum sic sumsit et effera bellum 35  
 Immo manus armis extulit illa magis,  
 Indos invasit, domuit, servire coegit;  
 Res ea diverso picta colore fuit.  
 Praeteream quod praeter eam non indidit Indis  
 In toto mundo bella nec unus homo. 40  
 Magnus Alexander totius malleus orbis  
 Solus et haec mulier hunc domuere locum.  
 Bella patent, sed scorta latent, pars maxima rerum  
 Offendet, si non interiora tegas.  
 Sed Treverim pictura levat, quam Trebata fundat 45

23 sq. Narratio invenitur apud Oros. histor. I, 2, quem noster non plane intellexit, certe obscuriori dictione gavius est, ubi Oros. simpliciter: ante annos Urbis conditae mille trecentos Ninus rex Assyr. etc. Orosius I, 4 et II, 3 sqq. has historias narrat, quas hic pictas enumerat. 25. Scholion. Zoroastes regnavit in Bactria, qui magicæ artis inventor fuerat. 28. Cod. jubeas nos videas. 39. Orosius l. c. „Indis quoque bellum intulit, quo praeter illam et Alexandrum Magnum nullus intravit.“ 43 sq. Orosius l. c. „privatam ignominiam publico scelere obtexit.“ 45. Narratio de filio Nini Trebata invenitur Gesta Treviror. ed. Wyttenbach vol. I, p. 4, ubi ea, quae hic antea leguntur, etiam ex Orosio exhibentur. Apud Gualtherum, in quarto Alexandre-

Hoc quoque de proprio nomine nomen arat.  
 Tunc, quasi septennis Abraham patriarcha fuisse  
 Dicitur, a Nino Trebata natus erat.  
 Regno Semiramis hunc expulit, ille novercam  
 Renuit horrendo quam violare thoro. 50  
 Turris celsa Babel, coelum contingere nisa,  
 Pingitur in capite, nec caput illa capit.  
 Obstat linguarum confusio, non tamen omnem  
 Amputat effectum, grande cacumen habet.  
 Per passus quinque dabis illi millia centum 55  
 Et decies septem millia bisque duo.  
 Ponitur a latere Babilonia, prima corona  
 Totius imperii, Trojaque surgit ibi.  
 Ilus, Laomedon, Priamus, Priamique propago  
 Et Tros praecipue Laomedontis avus, 60  
 Thermodontiaca sequitur victoria, totas  
 Pessumdans Asiae non sine caede plagas.  
 Picturae Priamus dat Penthesileaue finem;  
 Pascitur intuitu virgo tuendo diu.

## [DESCRIPTIO AULAEORUM.]

Sunt etiam variis contexta tapetia formis, 65  
 Prima tenet medium philosophia locum.  
 Terra pedes, aqua venter, haec pars pectoris aer,  
 Ignis frons capitis, his bene texta locis.  
 Ter tria ter, dextra bis, bina bis altera palma  
 Continet et tenui veste decora nitet. 70  
 His numeris elementa ligat, videasque locantem  
 Bis sex in medio, tramite bisque novem.  
 Quattuor hi numeri sibi qua vi sint sociati.  
 Bis duo respondent hac elementa sibi.  
 Frigida ne pugnent calidis, humentia siccis 75  
 Sed sint ponderibus ipsa librata suis;

idos libro, historiae veteris testamenti simili modo picturis  
 repraesentantur. 61. scholion marginis Termod. Amazonica.  
 Termodon fluvijs Amazonum. 75. Ovid. Met. I, 19.

Frigida pugnabant calidis, humentia siccis.  
 76. Ov. Met. 1, 13 Ponderibus librata suis.

His numeris se dissociant sociantque vicissim,  
 Sunt in amicitia, sunt inimica tamen.  
 Et quamvis spatio distent, tamen omnia fiunt  
 Quattuor ex istis, rursus in ipsa cadunt. 80  
 Sic licet ignis aquam semper contrarius, humor  
 Omnis sensibiles res creat atque calor.  
 Altum flamma petit, propior locus aera cepit,  
 Sederunt medio terra fretumque loco.  
 Se graviora levant levioribus et leviora 85  
 Pacifica lyra per graviora gravant.  
 Tellus rarescit in aquis, aqua fit levis aer,  
 Aer purus erat, purior ignis erit.  
 Ordine converso redit ignis in aera densum.  
 Hic in aquas, rursum terra creatur aqua. 90  
 Ex aliis alias reparat natura figuras  
 Cuncta novas, species nec sua cuique manet,  
 Nec perit in toto quidquam, mihi credite, mundo;  
 Sed faciem variat et novat esse suum.  
 Quum fit res aliud, quam quod fuit ante, vocatur 95  
 Nasci, sed quando desinit esse, mori.  
 Totus hic a numeri ratione retextitur ordo,  
 Hic veluti pulchre pulchra tapeta docent.

## [DESCRIPTIO AULAEORUM.]

Libera se studia monstrant septemplice cura,  
 Intrat Donatus subsequiturque Plato, 100  
 Rhetor, arithmeticus, geometer, musicus, Atlas,  
 Quo manet allectus, quemque moratur opus.  
 Scilicet est cupidus studiorum quisque suorum,  
 Ponere consueta tempus in arte juvat.  
 His subdividitur physicus, speciesque salubres 105  
 Hic truncat, morbos sorte vel arte fugat.

---

83. 84. Imitatio Ovid. Met. I, 26 sqq. 86. Cod. lire.  
 101. Cod. arismetius. Atlas pro astronomico positus. 108. 4.  
 Ov. Pont. I, 5, 35, 36.

Scilicet est cupidus studiorum quisque suorum  
 Tempus et adsueta ponere in arte juvat.

Moribus humores, mores humoribus apti  
 Indicio physici discutuntur ibi:  
 Pulsus et urina. Primum ergo dociva requirit,  
 Quid natura mali cogitet, illa duo. 110  
 Ad fines transire duos sapientia fertur  
 Ut sit homo sanus corpore, mente sciens.  
 Hinc est quod physica de septem non erit una,  
 Sed subdividitur hinc vigor, inde valor.  
 Se rotat in medio fortunae luna, recrescit, 115  
 Decrescit varias orbiculando vices.  
 Regnat Alexander, Darius regnavit, in imo  
 Balthasar est positus, surgit ad astra Cyrus.  
 Philosophi calcantur ibi, calcatur honestas,  
 Virtutum videas quattuor ire vias. 120  
 Solvitur in risum, tamen insinuat sine risu  
 Seria, quod prope se virgo tapete videt.  
 Sola stat in monte carpendo vireta capella  
 Ex inproviso prosiliente lupo.  
 Tu quo jure mea, lupus inquit, pascua mordes? 125  
 Crede mihi, feci nescia: capra refert.  
 At lupus intonuit: reddes convivia pelle;  
 Unde levat tales haec tremebunda preces:  
 Praeventam mortem missis concede duabus,  
 Una tibi, domine! prosit et una mihi. 130  
 Fac, ait. Illa canit altum diapente caprizans;  
 Affuit opilio, prosiluere canes.  
 Cui lupus auffugiens poteras legisse, canebas;  
 Non mihi sed cantus profuit ille tibi.  
 Plus alii pro te quam tu tibi credere noli, 135  
 Qui tibi dormitat, scit vigilare sibi.  
 Mimi, mendaces, balatrones, hoc genus omne  
 Ludunt in talis, amphora cincta ciphis.

---

117. Margo: Hi ponuntur non quia ante tempora illa fuerint, sed quia gannit similitudinem aliorum et talium.  
 136. Anon. Nevel. p. 527 lin. 11. 137. Horatii serm. I, 2, 3, ubi tamen mimae. 138. Sensus: hi ludunt, interea adportatur amphora scyphis cincta.



Initiunt tandem digitorum vincla; lapillis  
 Sic ludit gluto, cum calet ille mero. 140

[INSTITUTIO COENAE.]

His in imaginibus spatiatur mentis ocellus,  
 Virgo fit hinc multis exhilarata modis,  
 Tunc positis triteis cedrina matre locatis  
 Incipiunt gratis se refovere cibis.  
 Sollemni Cereri repletur eburnea mensa, 145  
 Sarcinat argentum regia pompa dapem.  
 Crateras auri statuunt et vina coronant,  
 Singula dum libant, tinnula sinistra sonant.  
 Fulgurat argentum, rutilum quoque fulgurat aurum,  
 Per mensae spatium crede salire merum. 150  
 Ordo puellaris fert quaeque ferenda puellis,  
 Haec pulchrae servit, pulchrior ipsa venit.  
 Gemmea pectoribus demissa monilia pendent,  
 Cingit nobilius aurea zona latus.  
 Plus decoris plus mellis habet variata voluptas, 155  
 Nam, cum delectant singula, cuncta placent.

[PLANETARUM REGNUM.]

Convivus citharista canit, quod sidera septem  
 Mundi sint hujus vis regitiva status.  
 Sol est principium vitalis, fonsque caloris;  
 Luna ministeriis hymnificatis adest. 160  
 Saturnus retinere facit, Mars attrahit iras,  
 A Jove crementum, dat mihi velle Venus;  
 Mercurio tribuo quod cogito, sic duodenis

139. lapillis pro cod. capillis. 143. scholion marginis.  
 Triteae ligna sunt super quae potabilia ad coenae usum po-  
 sita. 147. Virg. Aen. I, 728

Crateras magnos statuunt, et vina coronant.  
 153. Virg. Aen. VII, 178

Aurea pectoribus demissa monilia pendent.  
 160. Maximian. V, 78: arma ministeriis quippe dicata suis  
 nostri in mente fuisse videtur. 162. Virg. Aen. VII, 219.

Ab Jove principium.

In coelis manet his vis memorata locis.  
 Non idem cursus est omnibus, ille planeta 165  
 Velox, hic tardus, hic magis hoc vel eo.  
 Hic illi domus est, hic gloria, servitus illic  
 Semper erat, semper septimus hostis erit.  
 Sol solium solus elegit in aede leonis,  
 Est aries solis gloria, poena libra. 170  
 In cancro lunae videas habitacula, taurus  
 Altius extollit, scorpio pugnat eam.  
 Libra domus Veneris et taurus, piscibus autem  
 Regnat, sic queritur virgine virgo premi.  
 Virgine Mercurius laetatur et in geminorum 175  
 Imperat hospitio, piscibus exul erit.  
 Laetae suscipiunt aries et scorpio Martem,  
 Mars tibi cancer honor, sed capricornus onus!  
 Jupiter exultat in piscibus atque sagitta,  
 Cui cancer rex est, capra bubulcus, ait. 180  
 Saturni domus est et aquarius et capricornus  
 Servitus est aries, libra corona seni.  
 Post epulas agitur ut somnus membra salutet,  
 Reginae corpus aurea sponda fovet.

## [PENTHESILEAE EXITUS IN PUGNAM.]

Postera Phoebea lux lustrat lampade terras; 185  
 Jam libet in bello conseruisse manus,  
 Stat sonipes ac frena ferox spumantia mordet,  
 Cujus pressura tergora virgo fuit.  
 Fit sonus ad bellum, quum tigride promptior arma  
 Bellandi studio Penthesilea subit. 190  
 Protegit egregia lorica membra triplice,  
 Ocrea ferrata candida crura tegit;

173. Confer. Marcell. Paling. p. 312 v. 27 (edit. Paris. 1580. 16).

175. Marcell. Paling. l. cit. p. 313, v. 1.

Mercurius Geminis et pulchra Virgine gaudet.

185. Virgilii Aen. IV, 6.

187. Virg. Aen. IV, 135

Stat sonipes, ac frena ferox spumantia mandit.

190. e margine pro fuit.

- Non latum gladio latus imperterrita cingit,  
 Casside flammata munit et illa caput.  
 Exilit armata, probat armos et probat arma, 195  
 An fore concordēs armus et arma velint,  
 Est ubi cuspis? ait, et eam manus effera pendit,  
 Sic salit in vastum virgo virilis equum;  
 Fulmineum clypeum lateri locat illa sinistro,  
 Calcat flammigeras tibia docta strepas. 200  
 Calcar equum pungit, ad sidera lancea surgit,  
 At portam validus praecipitatur equus.  
 Cornipes in phaleris, muliercula gaudet in armis,  
 Quadrupedum plantis ampla platea strepit;  
 Casside flammescit, phalera micat, ense coruscat; 205  
 Huic sunt saxa glomus, tela veruque colus,  
 Huic clypeus speculum fuerat, cassisque teristrum,  
 Scutum girgillum, lancea supplet acum.  
 Ensis ei fusum converterat, arcus alabrum;  
 Armillam pharetra, clava monile facit. 210  
 E porta volitans gerit alto corde leonem  
 Seque sequi turmam praecipit illa Phrygem.  
 Hanc acies sequitur imberbis, cum cute barbas  
 Radere Grajugenas, ense secare genas.  
 Spicula non specula miles considerat ista, 215  
 Docta magis collum quam spoliare colum.  
 Quae bene pugnabat, patriam bene noverat artem,  
 Mittere quae poterat tela, diserta fuit.

[PUGNA, IN QUA GRAECI FUGATI SUNT.]\*)

- Nec minus Atrides castris educit Achivos  
 Sollicitans pavidos munere, laude viros. 220  
 Obviam ergo viris, plus quam vir, virgo virilis  
 Vir studio, specie foemina, corde leo.  
 It coelo clamorque virum clamorque tubarum,

202. Anon. Nevell. p. 517, lin. 17.

Gaudet equus phaleris.

209. Schol. al. haspel.

\*) Schol. marginis: Pugna xxiii per aliquot dies.

Celant aethereum spicula densa rogam.  
 Quadrupedes fulvum mandunt sub dentibus aurum 225  
 Et verrunt pedibus impatienter humum,  
 Horrisonis vacuas implent hinnitibus auras;  
 Tanquam cornipedes bella sitire putes.  
 Vela levant, aquilas; cristat, quatit aura volantes,  
 Hic videas gryphes, hic volitare grues. 230  
 Se rapiunt acies, contundunt ensibus enses  
 Ilia percurrit lancea, mucro gulam.  
 Ex re num nomen habeat vel acuta securis,  
 A seco descendat, ossa trecenta secat.  
 At medias inter acies exultat Amazon, 235  
 Accipiter medias ut volat inter aves.  
 Dejicit hic Argos et sanguine compluit agros,  
 Ensibus obstructas ampliat ense vias.  
 Aspera duravit aliquantis pugna diebus.  
 Et plures morti sunt utrobique dati. 240  
 Penthesilea dies in pugna conficit omnes  
 Et demum Graecos in sua castra fugat.  
 Et nisi magnanimus Diomedes obvius isset,  
 Navibus et castris ultima luna foret.  
 Involvit mundum nox humida, pugna quiescit, 245  
 Pergama cum Phrygibus Penthesilea subit.

## [PYRRHI DECLAMATIO.]\*)

Ala puellaris mediis inprime diebus  
 Graecos in bella voce minisque vocat.  
 Graeca caterva silet, munit fossata, quiescit,  
 Donec tam Pyrrhe quam Menelae venis! 250  
 Rex ita mandavit. Veniunt, Pyrrhusque regendos  
 Myrmidones recipit nobiliterque regit.  
 Flebiliter patris arma levat visoque sepulcro

225. Virg. Aen. VII, 279.      226. verr. hum. ut Latini  
 poetae verr. aequora.      229. Schol. Signa erant vexillorum.  
 236. Ov. Met. V, 606

Ut solet accipiter trepidas agitare columbas.

\*) In margine: Amazones Graecis non resistentibus clamant.

Ejulat et lacrymis illius ossa rigat.	
O pater, o patriae decus, o fortissime miles	255
O vice celebris, nobile sidus! ait;	
O mel virtutis, o famae balsamus amplae,	
Turris honestatis, strenuitatis apex;	
O rosa militiae, probitatis tincta colore,	
Et nunquam spina derosulata fugae,	260
Quo modo perdiderim te nescio, mortis iniquae	
Fractum naufragio, te, miserande! gemo.	
Omnia mors mordet, o mors tu nec speciei	
Parcis nec generi, gratia nulla tibi.	
Testudo miseris, tigris felicibus est mors,	265
Saepe vocata fugit, saepe fugata subit.	
Dulce mori miseris, sed mors optata recedit;	
Et, cum tristis erit, praecipitata venit.	
Mors hominum felix quae se nec dulcibus annis	
Inserit et moestis saepe vocata venit;	270
Mors haec infelix florentes abstulit annos	
Ex improviso praecipitando duos.	
Me miserum! non te sed me mors ista momordit,	
Morsu consumsit, te mihi namque tulit.	
Sum moestus, qui laetus eram; mordente dolore	275
Anxior ad mentis commoda raro levor.	
Absque calore manus, jam mens est absque valore,	
Jam mihi dixerunt omnia laeta vale!	
Gutta cavat lapidem, consumitur annulus usu;	
Et teritur pressa vomer aduncus humo.	280
Non ergo mirum, si mens mea tabida facta	
De nive manantis more liquescit aquae.	
Hoc solum recitare juvat, quod nulla potestas	
Nullaque prosperitas esse morosa potest.	
Hoc etiam didici, quod res fortuna secundas	285

267. 68. Maximiani Eleg. I, 115.

**Dulce mori miseris, sed mors optata recedit.**

**At cum tristis erit, praecipitata venit.**

279. 80. Ovidii ex Pont. IV, 10, 5. 6.      281. 82. Ovid. ex  
Pont. IV, 1, 67. 68

Nil igitur mirum, si mens etc.

Et bene foecundas imperat esse breves.  
 Effundant oculi lacrimas, exterminet ora  
 Pallor, concutiat interiora dolor,  
 Connodet digitos tortura, reverberet altum  
 Aera vox misera, tanta querendo mala! 290  
 Ista paris mihi damna Paris, Paris immo parasti  
 Fomes adulterii, turpis origo mali!  
 Nequitiae facula, cur te fuit illa secuta,  
 Peius adulterio turpis adulter obest.  
 Tu caput es belli, Troïum metus, Argolicorum 295  
 Fletus, utrorumque cladis amara lacus.  
 Et tua res agitur, paries cum proximus ardet,  
 Te quoque mors stygiis, impie! mersit aquis.  
 Quam bene dispositum terris, ut, quum sit iniquus  
 Consilii fructus, imbuat auctor opus. 300  
 Ecce tuus luxur est Troibus, impie! luctus,  
 Et plausus planctus Argolicisque datus,  
 Et miser in miseris dejectus es ipse cavernas,  
 Quas misere miseris pro meretrice dabas.  
 O meretrix! spuma meretricum! nonne mereris 305  
 Spumeus ut pingat spumea facta stylus?  
 Posteritas fortasse leget, discetque docendo  
 A tam pestifera quemque cavere nota.  
 Est impossibile finiri fine beato,  
 Quae de principio sunt fabricata malo. 310  
 Ars tua magnanimum mundo tulit, Hecuba! patrem  
 Et simul illustrem flagitiosa virum.  
 Tunc duos una saevissima vipera morti

287. margin. schol. exsudent. 292. turpis e margine  
 pro iterato codicis fomes. 294. Ovidii Her. IV, 34. ex  
 quo loco mutavimus nostri pejor in pejus. 297. Horat.  
 Epist. I, 18, 84. 298. Imitatio Ovid. Trist. IV, 5, 22.

— — si non

Qui mersit Stygia, sublevet illud, aqua.  
 299. Claudian lib. 1. in Eutrop. XVIII, 157. 58  
 Quam bene dispositum terris, ut dignus iniqui  
 Fructus consilii primis auctoribus instet.  
 301. luxur pro cod. lusus. 305. margo: invehitur in He-  
 lenam. 311. margo: invehitur in Hecubam.

Fraudis adaptasti pollice? Tune duos?  
 O, qui militiam violasti perfide miles! 315  
 Perfidiae miles, militiaeque lues!  
 Fallere credentem non est operosa Quiritem  
 Gloria, simplicitas digna favore fuit.  
 Simplicitas, auriga doli, praetendit amorem  
 Intendit mortem; sic ego perdo patrem. 320  
 Ingreditur fanum nescitque latere profanum  
 Et plenum gladiis insidiisque locum.  
 Providus incautum configit apertus apertum,  
 Aequum vir nequam, noxius innocuum.  
 Non impune tamen gladios movere dolosos. 325  
 Pars bona, non sentis ense luere dolos.  
 Ad superos sustollo manus et postulo: vindex  
 Dignetur tanti Jupiter esse mali;  
 Jupiter a nobis tam noxia crimina pellat,  
 Ut bona quis voveat fraudesque subintereat. 330  
 Jupiter in mores mihi det calcare paternos,  
 Ut valeam fieri patris imago mei;  
 Cuius militiam mundi per climata septem  
 Detulit et gesta fortia fama loquax.  
 Sola mori nescit eclipsis nescia virtus, 335  
 Corpore defuncto vivere facta solent.  
 Felicem! cuius resoluta corpore claris  
 Laudibus extulerit aurea fama dies.  
 Absque mora ruimus. Ruimus nunc? nonne videmus  
 Omnia transire more labentis aquae? 340  
 Vivimus, ut nunquam sensu careamus amaro:

315. margo: invehitur in Paridem. 317. Ovid. Her.  
 II, 63, ubi tamen pro Quiritem, puellam. 323. margo: ar-  
 matus inermem. 335. 36. Gualth. Alex. VI, 335. 36.

Vivere per famam dabitur post fata sepultis,  
 Sola mori nescit eclipsis nescia virtus.

Conferantur ob sensum sequentes versus et VII, 356. 57.

Hoc solum solamen inest, quod gloria mortem

Nescit, et occasum non sentit fama superstes.

337. claris e margine pro clarus. 338. Scholion: pluralis  
 numerus: dies. 340. Ov. Ars Amat. III, 62 eunt anni  
 more fluentis aquae.

Post mortem sola fama superstes erit.  
 Interea tamen in hostes nos grande furenti  
 Cogit vibrare dedecus arma manu.  
 Dixerat et sepelit singultus verba loquentis, 345  
 Humida reddiderat lacrima busta patris.  
 Tandem post longa suspiria miles ocellis  
 Purpureo transit gausape; castra subit.

[PENTHESILEA ARGOS AD PROELIUM PROVOCAT.]

Ultima lux gelidas coelo dimoverat umbras,  
 Pallida jam turbant sidera solis equi; 350  
 Evolat audacter quasi virtus Martis et Argos  
 Provocat assuetis Pentheseilea modis.  
 Cujus Amazonica sequitur vestigia turma  
 Cum domina belli pondera prona pati.  
 Gaudent foeminea lunatis agmina peltis, 355  
 In cursu validi delitiantur equi;  
 Gaudent praeterea clava pugnare trinodi,  
 Non gaudent turpi se maculare fuga.  
 More locustarum videas erumpere Troes,  
 Et quasi dormierint, hactenus esse leves. 360  
 Inclamant Danaos; quid bella negatis inertes,  
 Vestras intrate repariando rates!  
 Sed prius in vestra scribemus dorsa: valete!  
 Telorum figet mollia colla stilus.  
 Aut dormitatis aut luditis, aut nimis estis 365  
 Attriti bellis, sic quia dorsa datis?  
 Ac manus interea castris Trojana propinquat,  
 In campum Danaos garrula voce vocat.

---

342. cfr. loc. Gualteri ad 335. 36. memoratum. 346.  
 Cod. reddiderant. 349. schol. gaus. manutergio. 355. margo:  
 Amazones ferebant peltas in modum lunae curvatas. 356.  
 delit. schol. margin. delectantur. 357. cod. trinoda. Gualter.  
 Alex. V, 46.

Fuderat ergo viros clava ter quinque trinodi.  
 360. cod. hastenus.



## [PYRRHUS IRRUIT IN TROES.]

Pyrrhus Achilleides, animosus imagine patris,  
 His dolet Argolicis subjacuisse probris. 370  
 Impiger arma rapit, medios ruiturus in hostes  
 Invadit Teucros, ense bipartit eos.  
 Sic ferus accipiter unguis exasperat uncus,  
 Quum columbarum cogitat esse gregem.  
 Hic volat, hic revolat, rapit hanc, eviscerat illam 375  
 Et plumis mixto sanguine pingit humum.  
 Haud secus in Phrygiis Pyrrhi se dextera fingit.  
 Dum nece multiplici sanguinolentat agros.  
 Educit Danaos Agamemnon et instruit omnes,  
 Imperat ut veniant; fit fragor, arma sonant. 380  
 Tollitur ad coelum clamor, vox sidera pulsat,  
 Ad nubes nebula pulverulenta volat;  
 Clangunt et litui, clamoribus echo reclamat;  
 Est, veluti totus mundus in arma ruat,  
 Est, quasi rumpatur tellus, hinnitus equorum; 385  
 Spicula dum volitant, est, quasi silva cadat.  
 Ex armis scintilla micat, velut igne corusco;  
 Horrendo quatitur auris et aura sono.  
 Non ferrugineus sed ferreus ingruit imber  
 Telorum multa nube tegendo polum. 390  
 Concurrunt, in fata ruunt, glomerantur in unum,  
 Nec requies aliquo scit latitare loco.  
 Hic rabies, moeror, fremitus, violentia, livor,  
 Lis, odium, fervor, impetus, ira, furor.  
 Pars gladios stringunt manibus, pars spicula mittunt, 395  
 In ferrum turba, sit quasi caeca, ruunt.  
 Infrenant isti currus, pars altera saltu  
 Praecipiti validis injiciuntur equis,  
 Insultans sonipes toto fremit aequore frenum

373. margo: comparisonem facit. 374. margo: comedere. 384. Ov. Fast. VI, 598

— attonitum vulgus ad arma ruit.

396. in ferr. ruunt. Virg. Georg. II, 503.

399. glosa marginis: planitie campi.

Huc obversus et huc ire per ora dolet;  
Splendescit campus armis sublimibus, alto  
Hastarum nemore ferreus horret ager. 400

## [FUROR PENTHESILEAE ET AMAZONUM.]

Quadrupedem validum ferrata calce fatigat  
Vecta per hostiles Pentheseilea choros,  
Denique consueti non est oblita tenoris, 405  
Denudat gladium, caede colorat agrum;  
Cui levis a laevo dependet parma lacerto,  
A tergo decorat aureus arcus heram.  
Nunc validam dextra rapit indefessa bipennem,  
Nunc mittit laeva spicula multa manu, 410  
Quae tamen interdum, si telis pulsa recedunt,  
Arcu converso mox revolare facit;  
Et quot missa manu contorsit spicula virgo,  
Ad terram jacti tot cecidere viri.  
Aspera pugna trahit alto se sole, virum vir 415  
Impetit et vim vis cedere caede facit.  
Nec tantum fuit in isto vir virque duello,  
Impetitur quia vir virgine, virgo viro.  
Passive, non lascive: non sicut amantes  
Se, sed ut amentes composuere truces. 420  
Ocrea ferrata micat hic, non oscula miscent,  
Non thorax sed thorax, non procus immo procax;  
Procubitus, non concubitus satiantur amore,  
Vir jugulare suam non violare studet.  
Ferrea ferratis constringunt colla lacertis, 425  
Clamor in amplexu, nullus habetur amor;  
Non isti capitum dant oscula sed capulorum,  
Basia dant dolabris jurgia dando labris;  
Non jungunt mentes, pungunt hic oscula dentes,  
Non reor haec vera sed magis esse fera. 430

404. margo: chorus non pertinet ad cantum modo sed etiam ad bellum. 407. Virg. Aen. XI, 693

— et laevo dependet. parma lacerto.

411. cod. recedit.

Rictus non risus hic unus, nullaque virtus;  
 Hic sua jura calix non habet, immo chalybs.  
 Trajicitur telis his caedis corpus acutis  
 Possent hac caede taedia magna dare.  
 Conjugium tandem mors ejus filia finit, 435  
 Atria Cocyti spiritus atra subit.  
 Hic per sanguinea connubia foedera foeda,  
 Plena cadaveribus omnia cerne loca.  
 Lancea per pectus, per colla, per ilia currit,  
 Mortem praecurrit, protinus illa subit. 440  
 Sanguineos vomit ille globos, cadit alter et ipsam .  
 Squalidus a proprio sanguine mordet humum.  
 Hic valida corrente per arma, per ossa securi,  
 Labitur in partes una figura duas.  
 Corpora magnanimo satis est prostrasse leoni, 445  
 Non istis sternunt strataque confodiunt.  
 Hic digitos tenet ad oculum quaeritque foramen,  
 Scindit ei medio tempore mucro manum.  
 In frontem morientis adhuc rigido pede calcat  
 Absque mora veniens, ut moriatur, equus. 450  
 Ille strepa fugientis equi per devia pendens  
 Albat sanguineos excerebratus agros.  
 Hic caret occipite, caret hic pede, cruribus ille,  
 Mortuus hic pulsat, hic moriturus hiat.  
 Vectores vectique simul per membra vehuntur, 455  
 Mortua tota jacent funera strata via.  
 Vulnera quis numeret, quis funera, quisve dolores;  
 Mortis tot species scribere nemo potest.  
 Compluit immensa cataclysmus sanguinis arva  
 Gurgitis instar habet fusus utrinque cruor. 460  
 Agmen virgineum totum perfuderat agrum  
 Sanguine tam patiens, quam flagra mortis agens.

---

436. Cod. cochici. 455. Gualth. Alex. V, 161. 62

— — — genibus cecidere remissis  
 Vectores vectique simul.

## [PYRRHUS ADHORTATUR GRAECOS.]

Porro foemineis illatos viribus Argi  
 Insultus belli vix potuere pati;  
 Retrorsum vertere gradum, jam jamque parabant 466  
 Vitae praesidia ponere, terga dare.  
 Quo ruitis, pilata cohors? inclamat altis  
 Vocibus hos Pyrrhus; est fuga grande scelus.  
 O miles qui militia gladioque resultas  
 Militiae titulum, quid fugiendo fugas! 470  
 O famuli turpes! servum pecus, absque cruore  
 Fortes, debilibus turpia terga datis?  
 Immensum socii scelus est fuga, crimine quovis  
 Credere debetis turpius esse fugam?  
 Buccina cur signum dat bello rauca cruentum, 475  
 Si volumus visis ensibus ire domum?  
 Foetidus est fugiens, vitiosus, turpis et exlex,  
 Militiae consors amplius esse nequit.  
 Militis a tabula te ne dum principis, o qui  
 Fugeris in bello, mandat abire fuga? 480  
 Si filum neret hodie tibi Clotho supremum,  
 Aptius a pugna quam rapiere fuga?  
 Ad pelagus cum veneritis quid postea? vasto  
 Ibitis ante dies vos sepelire freto.  
 Fidite ne pedibus, ferro rumpenda per hostes 485  
 Est via, sit quamvis densus ubique globus.  
 Deest jam terra fugae, pelagus patriamve petemus,  
 Magno nos claudit obice grande salum.  
 Vertite cornipedes, faciesque ferantur in hostes,  
 Enses erigite, vulnera larga date. 490  
 Jam fugient, qui forte fugant, victoria nostra

467. Virg. Aen. XII, 312. 13

— — atque suos clamore vocabat,

Quo ruitis?

Gualt. Alex. II, 381 sq.

Quo ruitis peritura manus? juvenemne putatis

Invictum fugere hunc, qui quovis crimine credit

Turpius esse fugam.

488. Schol. sal. mare.

Est, sueto modicam more movete manum.  
 State, redite, gradum convertite, state, cavete  
 Ridiculum famae. Pessima fama fugae.  
 Nec mora sit, cito dispersas densate catervas, 495  
 Et quasi grex onus Martis agatis opus.  
 Dixit et adversos telum contorsit in hostes  
 Restituitque suo perdita corda loco.  
 De timidis tumidi fiunt hortamine Pyrrhi,  
 De pavidis avida pectora dantur ita. 500  
 Qui fuerant timidi, redeunt, et corde tument  
 Quique pavent, gladius ut repetatur, avent.  
 Conflictus renovatur item, fit pugna repente  
 Maxima, consurgit lancea strage nova.  
 Pyrrhus ibi devectus et hic hortando reversos 505  
 Consolidat cuneos, nomine quemque vocans.  
 Irreprehensibilem se miles ad omnia reddit  
 Se sub militiae flore decenter habens.  
 Se Phrygias jacit in acies et sanguine bracat,  
 Nec manus illius a feriendo vacat. 510  
 In Teucris rubeum violenter balneat ensem,  
 Balnea de stygio dic ea lata lacu.  
 Hostes commactant pariter se, nec cruor arva  
 Inficit infusus plena cruore prius,  
 Nec campus rubeo rubescit sanguine, sanguis 515  
 Sanguinis a rivo stat potiore vado.  
 Quantus equis quantusque viris de pulvere crasso  
 Sudor erat, nemo, qui reticere queat.  
 Pulveris ascensus sepelitur sanguinis imbre,  
 In rubeos latices vertitur herba virens. 520  
 Pulvere non fluitant, mucronibus arva coruscant.  
 Unde fit ut multa millia strata cadant.  
 Tot mortes poterant stygias implesse paludes,  
 Maxima, dux Erebum! ni tua regna forent.  
 Vix fuit hoc numero distinguere, quis vel in istum 525  
 Aut hunc pro meritis debeat ire lacum,

501. Cod. tumidi. 509. Cod. brarat. 513. Cod. hostes  
 hostes c. p. s. 524. Schol. Pluto. 525. Cod. istam. 526. Cod.  
 hanc.

Diceris, hospitia Stygis ut faceres magis ampla,  
Olim primigerum tu subiisse focum.

## [PENTHESILEA ALLOQUITUR PYRRHUM.]

Transierat medium rota solis flammea mundum,  
Pugnans stabat adhuc fervida flamma virum. 530  
Innumerabiliter Danaosque Phrygesque ruisse  
Pondere bellorum Pentheseia videt,  
Et quia virgineus exercitus arma valenter  
Veheret, in Pyrrhum talia verba jacit:  
In campis agitare ferus te Pyrrhe! putasti, 535  
Hic quasi musca levi sit capienda manu.  
Non puer hic lepores venaberis, immo leones;  
Est lepus illa vel haec foemina? nonne leo?  
Foemina credideris. Occurret foemina Pyrrho?  
Non sed vir; mulier induit illa virum. 540  
Et vi virtutis erit illa vir et quasi vi vir,  
Vir quoque non vilis, immo virilis erit.  
Foemina sive vir es? hic si vir es, exere vires  
Haec erit in vi res; robore nonne vires?  
Non tu foemineas imbelles, immo rebelles 545  
Invenies et non absque vigore manus.  
Scis, quod non debet pelago se credere, si qua  
Audet in exiguo ludere cimba lacu.  
Si me respicies, fortes invadere fortis  
Forsitan exemplis instruerere meis. 550  
Ignavos agitas, in me converte, valoris  
Si quid habes, et quid sint fera bella scies.  
De pretio victi pendet victoria; victor  
Tantus erit, victi gloria quanta fuit.  
Me pete, teve petam! Sic fatur et ecce potenter 555  
Agreditur Pyrrhum, tangit et angit eum.

---

528. Schol. foc. mundum. 543. Margo. vir es? Pyrrhe!  
547. 48. Ovid. Trist. II, 329. 30. 553. 54. Anonym. Nevel.  
p. 499 lin. 2 ab infra.

## [PYRRHUS INTERFICIT PENTHESILEAM.]

Tactus honestate Pyrrhus referire moratur,  
 Vix mora praeteriit, illa secundo ferit.  
 Mox Pyrrho cadit in animum, qui prorogat hosti  
 Vitam quod mortem corrogat ille sibi, 560  
 Et subito gladium vibrando Pentheseleae  
 Conatur nitidam scindere tiro gulam.  
 Illa perita satis clypeo diffibulat ictum  
 Et circumducto sauciat ense virum.  
 Excitat interdum vires dolor, ille recepto 565  
 Vulnere vindictae tela referre studet.  
 Vulneris oblitus aptat se firmitus armis,  
 Corpore composito fortius haeret equo.  
 Fertur in armatam bene se defendere gnaram,  
 Illa quidem Martis omne sciebat opus. 570  
 Mixtim se feriunt, hic laedit et illa relidit;  
 Non haec pugna levis, non erat hora brevis.  
 Dicere de pulchro poterit tibi nemo duello,  
 Si spectator in hoc non stetit ipse loco.  
 Ancipites gladios non sorte sed arte movebant, 575  
 Ictus non casu sed ratione dabant.  
 In galeis gladiisque jubar solare refulget,  
 Unus in alterius mucro mucrone micat.  
 Illa lacessita coepit lacessere tandem,  
 Ut posset lassas vix relevare manus. 580  
 Cui ferro summum mox scindit tiro galerum,  
 Haec ruit et roseo vertice vertit humum.  
 Palpitat haec moriens, manat cum sanguine sudor,  
 Virgineus late purpurat arva cruor.  
 Per campos agitare feras et prendere muscas 585  
 Clamasti magno nos, ait ille, sono;  
 In qua tuas acies cantabas esse leones,  
 Non lepores; ubi sunt? tu quasi sola jaces.

---

559. 60. Anonym. Nevelit. p. 524 lin. 11. 12 ab infra

Unde perire queas, hostem munire cavebis,

Qui dat quo pereat, quem juvat hoste perit.

564. Cod. saucia.

565. Ov. Her. VI, 140 dat arma dolor.

Foemineas vires ego sensi, tuque viriles;  
 Nonne liquet, quod sis foemina tu, vir ego? 590  
 Credo, dies hodierna probabit utrum mulieres  
 Sint haec pensorum turbula, sive mares.  
 Tiro sit miles, mulier sit foemina, vir mas,  
 Illa vir aut mulier ille? referre nefas.  
 In pelago mea cimba fuit, tamen integra mansit; 595  
 Fluctibus in mediis est tua fracta ratis.  
 Sis hujus virtute manus edocta, puellis  
 Quod non sit tutum bella movere viris.  
 Imbelles estis, ubi sunt quas esse rebelles  
 Est tua per multas lingua locuta vices? 600  
 Portasti gladium non fustum, plus quia fuso  
 Fers gladium, gladio vindice fusa jaces.  
 Tu quia funebribus es non muliebribus usa,  
 Funebre fers pondus, non muliebri decus.  
 Hac vice si specula non spicula virgo tulisses, 605  
 Telam non tela vivida forte feres.  
 Haec; et adhuc gladium reginae sanguine crudum  
 Quadrupedem stimulans mittit in ossa Phrygum.  
 Taenariae limen petit irremeabile portae  
 Haec, vitae claudens sic monimenta suae. 610

## [TROJANI FUGIUNT IN URBEM.]

Panditur immenso deformis sanguine campus,  
 Hic jacet occisus Dardanus, hic Danaus.  
 Postquam reginae viderunt funera Teucris,  
 Protinus est illis ancora rupta spei.  
 Complosis manibus campos ululatibus implent, 615  
 Lahitur in moestas lacrima larga genas.  
 Nec modus est lacrimis, rorant, clypeique jubaeque,  
 Thorax a lacrima sicut ab imbre madent.

---

597. Cod. puellas. 606. cod. fores. 607. schol. Haec.  
 suppl. ait. 609. est Statii Theb. I, 96. 611. Statii Theb.  
 X, 5 est, ex quo loco pro nostri immensus posuimus immenso.  
 615. cod. campis. 617. Statii Theb. IV, 18.



Dant gemitus, fractaeque labant ululatus irae,  
 Opprimit in madido gutture verba dolor; 620  
 Non sperant, quod possit eis impendere vitam  
 Alea jam manuum sed magis ala pedum.  
 Praecipites fugiunt et siccos pulvere longo  
 Campos attollunt, non tamen effugiunt.  
 Denique Pyrrhus eis cum Graecis fortiter instat 625  
 Et fugitiva fero dorsa mucrone secat.  
 Turpiter ex campo Teucris in tecta fugatis  
 Cingit continuo Pergama Graecus homo;  
 Non audent prodire suis aliquomodo portis  
 Sed frigere vides spe fluitante Phryges. 630

## [PRIAMUS CONVOCAT POPULUM.]

Jam virtus Trojana cadit, jam figit ab intus  
 Cor Priami regis anxietatis acus.  
 Obsessam metuit tradi plebs hostibus urbem  
 Aut rigidi ferri fors in ore capi.  
 Funditus everti valet urbs; hoc pectore versant, 635  
 Et poterunt Graeci subdere cuncta neci.  
 Se Priami dedit ante fores Antenor, eique  
 Est Anchisiades Polydamasque comes.  
 Rex sedet et tristis belli de pondere pensat,  
 Pensat quem finem bellica spatha petat. 640  
 Ingressos Priamus majorum more salutat,  
 Semper homo potior debet avere prior.  
 Est, aiunt, minime tibi, rex! recitare necesse,  
 Annis bis quinis quae mala Troja tulit.  
 Viderunt Troes, vidisti, vidimus omnes, 645  
 Quot passi simus vulnera, damna, neces.  
 Obsidet et claudit nostras manus hostica portas,  
 Libertate, nec est, qui moderetur eas.  
 Tam ne quis est audax, ut limine cogat abire

619. Statii Theb. IV, 23, ubi pro ululatus, singulibus legitur. 624. Virgil. Aen. XI, 672

Praecipites pariterque ruunt.

630. schol. ab ardore pugnandi. 640. sp. ensis.  
 642. schol. ave dicere. 644. Cod. bis binis.

Jactantem Graeca noxia tela manu. 650  
 Intrepidi nostros circumdant undique muros  
 Absque pavore jacent, Teucra nec arma timent.  
 Si tibi consilii placet enucleatio nostri,  
 Coram te populum percipe stare tuum;  
 A tota plebe quae sint facienda require, 655  
 Saepe solent minimi prosperiora loqui.  
 Troja potens, Helene! si te foret usa magistra,  
 Starent in proprio millia strata loco:  
 Consilium, Cassandra! tuum si quando notasset  
 Liber et insignis viveret ipse Paris. 660  
 Quaeque superjectis premitur plebecula glebis,  
 Excoleret patrios foenore frugis agros;  
 Ergo venire jube socias hoc Marte cohortes;  
 Quicquid mente tenes, his aperire potes,  
 Consilii fortasse tui mysteria quasdam 665  
 Inventient habiles ad meliora vias.  
 Ille, vocemus, ait; veniant cum milite plebes.  
 Vix verbum finit, Troja vocata venit.

## [ALLOCUTIO PRIAMI.]

Consedere duces, et vulgi stante corona,  
 Rex circumpositis ora resolvit ita: 670  
 O proceres! o participes cujusque laboris!  
 O plebs! o tantis insuperata malis!  
 Vos annis animisque pares, vos robore grandes  
 A vestro noster nomine pendet honos.  
 Vos scitis, vultis, debetis et ecce potestis 675  
 Dedecus auferre, ferre mucrone decus.

---

652. e margine pro: pudore. 656. Caecil. apd. Cicer. Tuscul. III, 23.

Saepe est etiam sub pallio sordido sapientia.  
 Caton. Distich. II, 9

Corporis exigui vires contemnere noli:  
 Consilio pollet, cui vim natura negavit.  
 657. 58. Ov. Ars III, 439, 40

Vix mihi credetis, sed credite, Troja maneret,  
 Praeceptis Priami si foret usa sui.

Quod scitis longa facit assuefactio, vultis,  
 Hoc firmi cordis imperiosa fides;  
 Propter militiam debetis, robore tincta  
 Virtus, quod gerere bella potestis, agit. 680  
 Si scio, sique volo, si debeo, debeo vero  
 Sum quia rex, modica vis mihi posse negat.  
 Singula de nobis anni praedantur euntes  
 Jam Lachesis nostra rumpere fila volet.  
 Injicit ecce manum formae damnosa senectus, 685  
 Quae strepitus passu non faciente venit,  
 Jam mea cygneas imitantur tempora plumas,  
 Inficit et nigras alba senecta comas,  
 Jam subeunt anni fragiles, et inertior aetas;  
 Jamque parum firmo me mihi ferre grave. 690  
 Omnia fert aetas, animum quoque; sic ego longos  
 Viribus exhaustis perdo vacando dies.  
 Non sum, qui fueram, periit pars maxima nostri,  
 Curriculo-gravis est facta ruina meo.  
 Contudit ingenium patientia longa malorum, 695  
 Et pars antiqui nulla vigoris adest,  
 Vertitur in cariem facies, rimisque dehiscit,  
 Si qua diu solitis cimba natavit aquis.  
 Plus quam posse meum possit, me posse putatis,  
 Sed sum, quam vobis, notior ipse mihi. 700

677. schol. quid vultis. 678. schol. facit. 685. 86.  
 Ovid. Trist. III, 7, 35. 36.

Injicietque manum formae damnosa senectus,  
 Quae strepitum passu non faciente venit.  
 687—90. Ovid. Trist. IV, 8, 1—4, ubi tamen vers. 4 desinit  
 in: grave est. 691. 92. Virg. Ecl. IX, 52. 53

Omnia fert aetas, animum quoque, saepe ego longos  
 Cantando puerum memini me condere soles.  
 693. (Maximian.) I, 5. 694. Ovid. Trist. IV, 8, 36. 695.  
 696. Ovid. Trist. V, 12, 31. 32

Contudit ingenium patientia longa laborum:  
 Et pars antiqui magna vigoris abest.  
 697. 98. Ovid. Trist. V, 12, 27. 28  
 Vertitur in teneram cariem, rimisque dehiscit,  
 Si qua diu solitis cymba vacarit aquis.

Qui fueram pardus, sum tardus euntibus annis  
 In praeceps raptim more fluentis aquae.  
 Miles ut emeritus non est satis utilis armis,  
 Ponit ad antiquos, quae tulit arma, lares.  
 Sed licet haec nostram fundent et plura querelam, 705  
 Nolo tamen vestras inde labare manus.  
 Re si non, opere volo vos operaque juvare  
 Et si non per opem, vel per opus, per opes;  
 Et si non armos, vobis impartiat arma  
 Auxilium dando consiliumque frequens. 710  
 Non modo sed semper hoc regna juvamine rexi,  
 Est aliquid valida sceptrum tenere manu.  
 Solus rex regnat, honor autem regna regentis  
 Est in subjectis militibusque bonis.  
 Non miles sine rege valet, nec rex sine fido 715  
 Milite, militia plurima regis honor.  
 Non satis una tenet ceratas ancora puppes,  
 Non satis est liquidis unicus uncus aquis.  
 Sic unum regnum rebus vult stare duabus  
 Sic res alterius altera poscit opem; 720  
 Nemo sibi satis est, eget omnis amicus amico;  
 Vaeh! soli; cadit hic, nemo levator erit.  
 In vobis igitur Troiae victoria pendet,  
 Et pacem patriae brachia vestra dabunt.  
 De rerum tractate statu vestraque salute, 725  
 Sensus enim vobis consiliumque viget.  
 Vertite praeteritas praesentes resque futuras,  
 Quosque sequi potius expedit ire vias,  
 Nam per praeterita praesentia saepe labuntur,  
 Saepe status praesens scire futura facit. 730  
 Hoc scio si volumus superare, levanda potenti

---

702. Ov. Ars Am. III, 62

— eunt anni more fluentis aquae.

703. 4. Ovid. Trist. IV, 8, 21. 22. pro nostri emeritus cfr. v.  
 799 habet Ovidius emeritis. 712. Ovid. Rem. 480. 717.  
 18. Ovid. Remed. 447. 48, ex quo loco posuimus ceratas pro  
 oodicis seratas et marginis laevatas. Pro uncus Ovidius ha-  
 mus praebet. 721. Neveleti. p. 525 lin. 2 ab infra.

Brachia sunt animo, sic leo fiet homo.  
Sunt ea quae doceo, fortunae cetera mando,  
Hinc quid mente, ferat quilibet ore, sciat.

## [ANTENORIS ORATIO.]

Dixit et obtulit, videas mussare cohortem; 735  
Haerent, quis primum reddat ad ista sonum.  
Cumque taceretur, hac voce silentia rupit  
Antenor, natu nam fuit ille prior:  
Nemo miretur o rex! angustia mentem  
Si terit et tenebrat irrequieta tuam. 740  
Fortunae saepe rota nos involvit arenae,  
Quoque feramur, adhuc alea grandis inest.  
Sensi, sensisti, sensit provincia tota:  
Troibus horrenda multiplicata mala.  
Moesto corde loquor: Quod inexpugnabilis Hector, 745  
Deiphobus, Troilus corrui atque Paris:  
Se duplat mi dolor quod et in virtute per omnes  
Terrarum fines non habuere pares.  
Semper crudeles adversum fortiter hostes  
Arma levaverunt, occubere tamen. 750  
Casus praeteriti praesentis itemque futuri  
Temporis intuiti res recitando sumus;  
Sed fuit oclusus nostrae rationis ocellus,  
Nec bene praeludit fata futura locus.  
Quando Tyndaridem Menelai Troja recepit, 755  
Heu quantum Phrygii sanguinis illa tulit.  
Arva cadaveribus sunt plena, sepulcra sepultis,  
Undique terra rubet sanguine picta Phrygum.  
Quodque loqui minime sine luctu possumus, illa  
Unica spes belli, Penthesilea fuit, 760  
Et cum regina lunatum corrui agmen,

735 sq. Cfr. Gualt. Alex. IV, 110 sq.

— — ambiguum videas mussare senatum,  
Et siluisse diu perhibetur curia, donec  
Parmenio etc.

753. Cod. S. f. clausus rationis ocellus. 757. cod. arma.  
760. *margo* praebet ruit.

Parte fere media re tribulamur ea.  
 Pone quid ingenio vigamus consilioque,  
 Pluribus occurret quomodo pauca manus?  
 Non habet unde suum paupertas pascat amorem, 765  
 Bella brevis numerus non habet unde gerat.  
 Hinc si prodierit illustris miles in Argos  
 Quot qui praecedent, quive sequentur, erunt?  
 Tum bene fortis equus reserato carcere currit;  
 Quum quos praetereat, quosque sequatur, habet. 770  
 Audaces fit per acies audacior audax,  
 Sarcina reddit onus praecipitata minus.  
 Pendet in his patriae pax et victoria Trojae,  
 Quos tulit in portas pes fugitivus heri.  
 En quod in audaces non est audacia tuta 775  
 Sensimus, ob belli, quod toleramus, onus.  
 Quis mentes revocabit item gladiumque levabit  
 Hostibus in jugulum vile piare probrum?  
 Egregium corpus est regni tuque tuique;  
 Nobile tu caput es, inclita membra tui. 780  
 Sed numero longo lato gaudemus et alto,  
 Tamquam victores compotus ille creet.  
 Te numerosa phalanx circumstat, et ecce videmus  
 In porta Danaos, nemo repellit eos.  
 Nos numerus sumus, et fruges consumere nati, 785  
 Non qui defendant limen ab hoste viri.  
 Non tibi sed nobis incumbit crimen id, o rex!  
 Effecit tremulum cor fuga nostra tuum.  
 Consiliis es auxiliis laudandus et armis,  
 Stabat sub gladio patria tuta tuo. 790

765. Ovid. Rem. 748. 769. 70. Ovid. Rem. 595, ex quo loco pro nostri tunc, dum, posuimus tum, quum. 772. (Maximianus) Eleg. V, 70

Intermissa minus sarcina pondus habet  
 et Sanct. carm. bucol.

Et divisa minus sarcina fit gravis.

775. Ov. Met. X, 544

— in audaces non est audacia tuta.

678. schol. fugae nostrae scilicet. 785. Horat. Epist. I, 2, 27.

Arma dabas semper, armos cum floruit aetas,  
 Tunc robustus eras corpore, mente modo.  
 Semper dedecuit, o rex! te dedecus omne  
 Et decuit quicquid debuit esse decus.  
 Non armos a te tua turba, sed arma requirit, 795  
 Non opus est, ut opus est, et opus et opem.  
 Tempore militiae quasi pardus in arma volasti,  
 Nunc tardus, dedit hoc annua meta tibi.  
 Militis emeriti, dux optime! more mucronem  
 Te decet ad patrium deposuisse larem. 800  
 Posse tuum scimus, nec plus te posse putamus;  
 Quod natura negat, reddere nemo potest.  
 Multa senem circumveniunt incommoda, debet  
 Vir bonus et prudens commodus esse seni.  
 Mentis inhumanae vel non homo creditur esse, 805  
 Infert qui senibus non pietatis opus.  
 Magna fuit quondam capitis reverentia cani,  
 Inque suo pretio ruga senilis erat.  
 Sic et adhuc, unquam nisi forte quis impius illud  
 Solvat decorum cor tribulando senum. 810  
 Cuncta trahit secum vincitque volubile tempus  
 Nec patitur certa currere quaeque via.  
 Te quoque rex traxit, at quamvis traxerit aetas,  
 In nullum duxit tempus anile nefas.  
 Irreprehensibilis es rex, tu lividus aevo 815  
 Vividus ingenio nosceris esse bono.  
 Exarat in sulcos faciem matura senectus,  
 Sed renovat pectus omnis honoris opus.

---

796. schol. marg. sc. conferre. 802. (Maximinianus)  
 Eleg. V, 54. 803. Horat. Ars poet. 169. 805. cfr. Juv.  
 Satir. XIII, 54

Credebant hoc grande nefas et more piandum,  
 Si juvenis vetulô non assurrexerat.

807. 8. est Ovid. Fast. V, 57. 58. 811. 12. Corn. Gall.  
 (Maximian.) Eleg. I, 109. 110, ubi tamen pro „vincit“ vertit  
 invenitur. 817. Alan. Anticl. lib. VI. (p. 98) lin. 6 ab infra  
 Nec tamen illius faciem matura senectus  
 Exarat in sulcos — —

Te decet, o Priame! pro foedere mentis acumen,  
 Possis hostiles ut remove pedes. 820  
 Si scimus, velle debemus, forte valemus  
 Consilium super hac re reperire ratum.  
 Si scirem, vellem, quod debeo commoda ferre  
 Civibus et mortis hostibus omne genus.  
 Non possum neque tu potes, o rex! sed neque Troja 825  
 Nec collecta simul patria tota potest.  
 Quod non possimus, praesens probat impetus hostis,  
 Qui campos, muros occupat atque fores:  
 Occupat et Trojam, violentis ausibus arctat,  
 Quos ut compulset, brachia nemo levat. 830  
 Hoc scio, quod rapuit Helenam Paris, esse lutosum;  
 Crimen legitimos est violare thoros.  
 Amplior accessit amicitia, quod venientem  
 Et Paridis sponsam Troja recepit eam;  
 Maxima, quod gladiis illam defendimus, annos 835  
 Mortibus et bellis continuando decem.  
 Omnia Trojana perfudimus arva cruore,  
 Sudat terra Phrygum luxuriosa nece;  
 Omnes perdidimus, habuit quos patria fortes;  
 Qui nos praecedet, nemo superstes erit. 840  
 Argolicis est robur adhuc et bellica virtus,  
 Illustres gnari proelia ferre viri.  
 Est Agamemnon ibi, Menelaus robore fortis,  
 Ajax, Aeacides Pyrrhus et ipse Thoas;  
 Nestor qui vate prudentior est, et Ulixes, 845  
 Cuius calliditas scit terebrare petras;  
 Et proles, quibus est famosa peritia belli  
 Nondum distincti, reperiuntur ibi;  
 Et scio, si contra tales accingo mucronem,  
 Saxa meum refero rursus ad icta pedem. 850  
 Scilicet ut victus repetit gladiator arenam  
 Et redit in tumidas naufraga puppis aquas.

---

832. Pamphil. XXX, 4. 850—52. Ovid. Trist. II,  
 16—18, ubi tamen pro nostri „meum“ et „ut“ leguntur „ma-  
 lum“ et „et“.



Cum coepit quassata domus procumbere, partes  
 In proclinas omne recumbit onus.  
 Sic, postquam nostra subierunt arva Pelasgi, 855  
 Troja modo vicit et modo victa fuit;  
 Nunc autem concussa cadit, quum Graecia victrix  
 Opprimit et belli pondera sola gerit;  
 Et quia succubuit, tanta vi pressa reclinat  
 In nos tortura sarcina Graja gravi. 860  
 Corruimus plene, non paene. Probatio. Quis nos  
 Degeneri nescit hic latitare fuga?  
 Speramus fieri victores: quis prohibebit?  
 Spes reficit, dominum fallit et ipsa suum.  
 Quod sumus, est liquidum, decepti saepius hac spe, 865  
 Sic dominum sterilis saepe fefellit ager.  
 Spes est in dubiis semper comes optima rebus,  
 Sed caret optato non semel illa lucro.  
 Non faciam de clave seram, reserabo patenter  
 Omnia quae teneo pectore clausa meo. 870  
 Funditus occidimus, nec habet fortuna regressum,  
 Non habet in nobis jam nova plaga locum.  
 Oremus pacem, dextras tendamus inertes,  
 Ut vertant hostes ad sua rura pedes.  
 Raptam reddamus Helenam redeatque rapina, 875  
 Esse solent magno damna minora bono,  
 Et Phrygibus Phrygia sit tellus, Graecia Graecis,  
 Bella relegendur omnia pace data.  
 Ancora consilii subeat cito littora cuncta,  
 Ne lassata ratis concutiatu aquis. 880  
 Sero respicitur tellus, ubi fune soluto  
 Currit in immensum panda carina salum.  
 Incumbunt muris velut undosum mare Graeci,

---

853. 54. Ovid. Trist. II, 83. 84, ubi tamen pro „procumbere“ „subsistere“ legitur. 863. schol. nempe: sperare liceat. 864. Pamphil. I, 16. 866. Ovid. Ars amat. I, 450. 872. Ov. ex Pont. II, 7, 42, „vix“ habet. 876. Ov. Remed. 672. 881. 82. Ovid. Amor. II, 11, 23. 24. Nostri „conspicitur“ et „fine“ ex Ovidio emendavimus.

Quorum bella mihi sunt velut ira nothi.  
 Rex sepeli bellum, pete pacem, redde quietem, 885  
 Pauset ut, est tempus, fessa labore manus.  
 Qui -grave portat onus fit toto corpore pronus,  
 Et quia fit pronus, saepe reponit onus.  
 Pax risus mentis, pax est pincerna salutis,  
 Q quam difficiles sunt sine pace dies! 890  
 Pace Ceres gaudet, et vos, optate, coloni  
 Perpetuam pacem pacificumque ducem.  
 Pacem tiro roget tironi, sicut agrorum  
 Aeque cultori pacis oliva valet.

## [POPULI SENTENTIA.]

Nondum finierat: pax! pax! communio clamat, 895  
 O rex! pax fiat, bellica causa cadat.  
 Quid prodest, fructu non respondente labori,  
 Subdere perpetuae corpora lenta neci?  
 Ardua sollicitis victoria quaeritur armis,  
 Non sumus in nostris hic latitando locis. 900  
 Pergama clausa pavent tironibus obsita Graecis,  
 Ut lapis aequoreis undique pulsus aquis.  
 Proximus a tectis aegre defenditur ignis,  
 Saepius avulsus ingruit ille magis.  
 Miscuimus multos teterrima bella per annos, 905  
 Et nunc Argolici, nunc cecidere tui.  
 Inter nos omnes est turbula parva superstes  
 Et vix, qui superest, arma levare potest.  
 Graecia pugnat adhuc tardis apud Ilion armis,  
 Nec mens diffindens nec manus instat eis; 910  
 Nam lassata, nimis nondum lassata, recessit,  
 Plebem, quae latitat, ad nova bella citat.

884. schol. venti. 885. cod. sepe. 891. Allusiones  
 Ovidianae ut Fast. I, 695. 704. 899. imitatio Lucan. Phars.  
 V. 273. — — finis quis quaeritur armis?

903. Ovidii Rem. 625.

Proximus a tectis ignis defenditur aegre.

908. cod. quis. 911. n. l. n. n. l. sauciata rec.

Troilus.

Λλ

Rex populos accito novos et contere gentes,  
 Ut tuus et patriae perpetuatur honos:  
 Fortior in fulva novus est gladiator arena, 915  
 Quam cui sunt tanta brachia fessa mora.  
 Integer est melior nitidis gladiator in armis,  
 Quam cui tela suo sanguine tincta rubent.  
 Deficiunt validi longaevo tempore tauri  
 Et quondam turpis fit modo pulcher equus. 920  
 Nos quoque deficimus longi luctamine belli,  
 Quis sine fine potest tot mala tamque pati?  
 Unde pati pacem petimus, bellumque repelli,  
 Sudarunt bellis brachia nostra satis.  
 Tutius est, aptumque magis, discedere pace, 925  
 Quam semper bella litigiosa sequi.  
 Omnes vincit opes securam ducere vitam,  
 Deterius nihil est, quam miser usus opum.  
 Scilicet ingeniant totum consumere regnum,  
 Et nos et claras Laomedontis opes. 930  
 O rex! o Priame! pax detur paxque rogetur!  
 Alterius non sit, qui suus esse potest.

[INSTIMULATIO AMPHIMACHI.]

Amphimachus stomachatur ad haec, erat hic adolescens  
 Et fortis Priami filius, ista loquens.

915—918. Ovid. Trist. IV, 6, 31—34

Fortior in fulva novus est luctator arena,  
 Quam cui sunt tarda brachia fessa mora.  
 Integer est nitidis melior gladiator in armis,  
 Quam cui tela suo sanguine tincta rubent.

919. 20. (Maximian.) Eleg. I, 269, 70.

Deficiunt validi longaevo tempore tauri:

Et, quondam pulcher, fit modo turpis equus.

925. Ovid. Remed. 669. 926. imitatio Ov. Rem. 670.

Quam petere a thalamis litigiosa fora.

927. 28. Anon. Nevel. p. 595 lin. 15. 16 hos versus habet,  
 tamen sonat secundus

Pauperius nihil est quam malus usus opum.

932. Anon. Nevel. p. 502. lin. ultim. 933. cfr. Gualt. Alex.  
 IV, 131. Consulis arbitrium tulit aegre Magnus etc.

Audi, rex fortis! oro: non ore deserto, 935  
 At tamen est animus edere pauca mihi.  
 Non bonus est civis, qui praeferat civibus hostem,  
 Vel qui cive magis occupat hoste larem;  
 Qui sput in propriam, probra spargit propria, barbam;  
 Nidum, quo residet, sordida foedat avis. 940  
 Turpe rudimentum patriae proponere Graecum  
 Et servum vitii pectus habere suum.  
 Cernitur Antenor longis ambagibus usus  
 Totum sermone detinuisse diem.  
 Deficit auditor, non deficit ipse loquendo: 945  
 Sunt sibi qui sola garrulitate placent.  
 Postquam picosa verborum gurgite lingua  
 Effluitat, totum scibile scire putat.  
 Sermo datur multis, animi sapientia paucis,  
 Nonne fuit brevior quam sua verba dies? 950  
 Speraram, quod pro patria placitaret et urbe,  
 At spes optatum non tulit illa lucrum.  
 Civibus illius nocet allegatio, prodest  
 Hostibus; est unum civis et hostis ei.  
 Ut probra pensem Danaïs et damna luamus, 955  
 Praedicat et populum, qui sibi credat, habet.  
 Et plebs illius dictis consentit et errant  
 Erroremque suum, quo tueantur, habent;  
 Consumtas querelantur opes, populumque minutum,  
 Brachia fessa, rei taedia, teque senem. 960  
 Non est regalis exhausta potentia, grandis  
 Restat adhuc populis, strenuitate potens.  
 Quid refert, si degeneres in taedia vertit  
 Belli sors annis continuata decem.

---

937. Nevel. Anon. p. 519 lin. 1. 945. 46. (Maximian.)  
 I, 203. 4, secundum versum tamen Maxim. noster imitatus est:

O sola fortes garrulitate senes.

949. Caton. dist. I, 10. s. d. cunctis, a. s. p.

958. Ovid. Fast. I, 32

Erroremque suum, quo tueatur, habet.

Mens tamen illorum, quibus est equus et puer et res 965  
 Et virtutis amor, insuperata manet.  
 Nemo pruinosa rex in te spernere debet  
 Caesariem, tibi laus contigit ante diem.  
 Nondum natus eras, sed eras tunc matris in alvo,  
 Ferre ferebatur nobile mater onus. 970  
 Qualia tu genitus genuisses gaudia regno,  
 Plaudit adhuc laeto carmine fama loquax.  
 Tu puer et juvenis, audiui saepius ista,  
 Segnis nobilibus indole clarus eras.  
 Inerbis juvenis, tandem custode remoto, 975  
 Regna tuebaris unica dextra patris.  
 Tu decus es patrium post fata paterna secutus  
 Nobiliore studens regna tenere statu,  
 Viribus, ingenio, specie, virtute, loco, re  
 Singula, quae fuerant jure patranda, patras, 980  
 Asperitatis et invidiae corrector et irae  
 Aura serena bonis, scopa severa malis.  
 Graeca supervenit violentia viribus, armis,  
 Navibus et bellis littora Teucra premens.  
 Restitit Argolico tua sollicitudo furori 985  
 Expensis belli per duo lustra datis.  
 Cum tot sustineas et tanta negotia solus,  
 Mens invincibilis et bene firma manet.  
 Mutavit mentem populus levis et calet uno  
 Stertendi studio deteriore modo; 990  
 Tanquam pascatur siliquis et pane secundo  
 Murmurat et labiis improba vota probat.

965. Hor. A. P. 248

Offenduntur enim, quibus est equus et pater et res  
 etiam cfr. (Maximian) I, 34 sq.

Has inter virtutis opes, tolerantia rerum

Spernebat cunctas insuperata minas.

975. est Horat. Ars poet. v. 161. 976. Margo tu, dico pro  
 „unica“. 977. secutus. schol. scil. regnum. 987. est

Horat. Ep. II, 1, 1. 989. 90. est Hor. Epist. II, 1, 108. 9  
 ubi tamen

Scribendi studio, puerique patresque severi

891. Hor. Epist. II, 1, 123. vivit sil. et p. s.

Sed licet egregia facies tua computat annos, Intus rex aliquid corpore pluris habes.	
Consilio pollet cui vim natura negavit, Et probitas magnos ingeniumque facit.	995
Omnia labuntur, nil non mortale tenemus Pectoris exceptis ingenique bonis.	
Non tua tantisper est inclinata potestas, Ut caput alterius non relevare queas.	1000
Sunt populi, sunt arma tibi, tibi copia rerum, Tota nec interiit purpura clara ducum.	
Sunt tibi, sunt hostes ferro clavaque domandi, Spem quamvis et rem plebs neget ista tibi.	
Non pudet Antenor te, quod vexillifer his es, Vertere qui clypeos et dare terga solent?	1005
Degener es, si degeneres a more parentum, Non ea nostrorum sunt monumenta patrum.	
Immo recolligere populum, sedare tumultum Debes, et pavidis cor recreare novum.	1010
Illis uniri non est manifesta phrenesis, Intendunt nostram qui jugulare gulam?	
Non sic Antenor, non sic; sed amicus amicis, Et socius sociis, hostibus hostis eris.	
Consilii fit summa mei, quod vel superemur Funditus a Graecis vel superemus eos.	1015
Aut evincamus aut occumbamus honeste, Mortem non, vitam vivere dico male.	
Et sic instimulat, veteremque resuscitat iram Principis Amphinachus, bella movere ratus.	1020

995. Caton. dist. II, 9. 996. Ov. Pont. I, 9, 39. sed pr. m.  
i. q. f. 997. 98. Ov. Fast. VI, 771. Trist. III, 7, 43. 44

Tempora labuntur, nil non m. t. etc.

1011. Juv. satyr. XIV, 136

Cum furor haud dubius, cum sit manifesta phrenesis.

1018. (Maximian) I, 265

Morte mori melius, quam vitam ducere mortis.

## LIBER SEXTUS.

## [INCIPIUNT CAPITULA SEXTI LIBRI.]

Arguit Aeneam rex Aeneaeque sodales  
 Pacem suadentes; iratus dictat in aula  
 Qualiter Amphimachus illos transmittat ad Orcos.  
 Missus Polydamas pro traditione Synonen  
 Ad socios ducit e castris; ille reportat 5  
 Signa, locum, tempus venturis limen in urbis.  
 Per cives intrant regem populumque trucidant,  
 Frangitur, obruitur, ad fundum Troja crematur.  
 Dictatore libri positus aetateque Trojae  
 Et numero caedis gens Graeca repatriat omnis. 10

## [SUASIO AENEAE.]

Qui color albus erat, nunc est contrarius albo;  
 Et nihil est, de quo non sit habenda fides.  
 His Anchisiades contrarietatibus astans  
 Fidus primo modo perfidus exit in haec:  
 De bello de pace reor satis esse locutum, 5  
 Inter se pugnant jugiter ista duo.  
 Haec simul una nequit mens amplecti sed oportet,  
 Hic vel ibi quivis ut sua vota locet.  
 Nemo potest animum tantis inflectere rebus,  
 Ut res oppositas mens ferat una duas. 10  
 Hic bellum, pacem desiderat iste, quietem  
 Diligit hic, fluvios sanguinis iste sitit.  
 Qui bellum sitiunt illustres esse videntur,  
 His vires optant aequiparare suas.

---

1. Schol. marginis. quasi dicit: omne quod in mundo est mutabile est. — Ovid. Met. II, 541

Cui color albus erat nunc est contrarius albo.

2. Ov. Trist. I, 7, 8. 9. 10. (Maxim.) I, 45. 46 qui habet:  
 Haud facile est anim. t. i. r. etc.

Illis paullatim praeceps audacia crevit 15  
 Cordaque languentem dedidicere metum.  
 Ad magnum virtutis opus summosque labores  
 Mentem componunt, nulla pericla timent.  
 Credunt esse nefas animum praeferre pudori,  
 Plusque solent famam quam timuisse necem. 20  
 Pectoris incursu confringere tela peroptant,  
 Sic titulum magnae laudis ad astra levant.  
 Est bona militia melior fortuna, sed omni  
 Tempore tironem non sovet illa suum.  
 Gloria si retrahit vultum, fortuna recedit, 25  
 Et gravius summo culmine mersa ruunt.  
 Troja semel istos non es experta labores,  
 Sors quae multociens accidit ista tibi.

## [MULTI PACEM FIERI POSTULANT.]

Pacis amatores intendunt esse, quiete  
 Ducere per patrios otia laeta lares, 30  
 Uxores redimire probas, puerosque decennes  
 Et quasi dilapsas conciliare domos.  
 Sub qua decubuit, requiescere diligit, umbra  
 Taurus et amissum quaerit ovile pecus.  
 Dulcius in solitis cantat philomela rubetis, 35  
 Eventus varios res nova semper habet.  
 Litterulis dominam vel saepe salutatur, ut inter  
 Funera tot totiens se superesse sciat.  
 Saepe remissa viro mulieris epistola dicit:  
 Nil mihi rescribas, attamen ipse veni! 40  
 Nam quamquam sapor est allata dulcis in unda,  
 Gratius ex ipso fonte bibuntur aquae.

15. 16. Claudiani sunt: de rapt. Proserp. praef. 9. 10.  
 16. Cod. dedicere. 30. pro ducunt cod. 31. glosa. allegat  
 per hos, qui de aliis regionibus evocati jam per decennium  
 steterant contra Graecos. 33—35. (Maxim.) I, 45—47, ubi  
 tamen primus versus:

Sub qua decubuit requiescens, diligit umbram etc.  
 36. (Maxim.) I, 52. 38. margo. probet. 40. Ovidii est  
 Heroid. I, 2. 41. 42. Ovidii Pont. III, 5, 17. 18.



Non miror Priamum non hinc non inde moveri,  
 Et varie varia voce sonante rapi.  
 Obtundunt siquidem curarum pectora sensum: 45  
 Intermissa minus sarcina pondus habet.  
 Felix qui potuit tranquillam ducere vitam  
 Et laeto stabiles claudere fine dies.  
 Si quis, quae mea sit super his sententia, quaerit,  
 Plus quam sub bello, vivere pace rogo. 50  
 Nemo miretur, bis quinta revolvitur aestas  
 Quod patriam tanta commoluerit mala,  
 Et glacialis hiems aquilonibus asperat undas  
 Iam decies, pugnae nec numerabo vices.  
 Nullo nobiscum sumus unquam tempore, noctes 55  
 Ducimus insomnes, omnis amara dies.  
 Mendicant requiem post longum membra laborem,  
 Unde peto poni proelia, pace frui.  
 Polidamas verbis assensum praebuit istis  
 Et pacem fieri postulat, arma premi. 60

## [PRIAMUS LOQUITUR.]

Iratus Priamus: Antenor! nunc recitata  
 Est, ait, a capite cognita causa tibi.  
 Ad Danaos legatus eras, cum rapta fuisset  
 Primitus Hesyone factaque praeda gravis,  
 Insuper occisus genitor, quid cetera dicam? 65  
 Propria continue prodere probra pudor.  
 Non quasi nuntiolus, quam secretarius ibas,  
 Nam via consilio prodiit illa tuo.  
 Ad Graecos itaque transisti, quid retulisti?  
 Nonne repente suis te pupugere probris? 70  
 Nonne frequens hortator eras, ut in arma volaret  
 Et quateret totum patria posse suum.

---

45. 46. Maxim. V, 69. 70. 47. 48. Apud eund. I, 289, 90.

Felix qui meruit tranquillam ducere vitam

Et laetos stabili claudere fine dies.

52. Virgilii est Aen. III, 285. 56. glos. omn. am. di. est. 66.  
*glos. prod. prob. pud. est.*

Missus Alexander est te suadente, reversi  
 Tyndaris est juncta per tua verba thoro.  
 An non Aeneas Paridis fuit in comitatu, 75  
 Quum fuit in nostram vecta Lacaena domum?  
 Proelia mota vides et funera mille peremta,  
 Transtulit huc vires Graecia tota suas;  
 Innumeri cecidere duces utriusque cohortis,  
 Cum vulgo nulli mucro pepercit hero. 80  
 Si mala sunt ista mala sint, bona si bona, verum  
 Aeneas et tu confabricastis ea.  
 Certe si mala sunt, inceptor es ipse malorum,  
 Deque malis tantis jure vocandus eras.  
 Mortibus innumeris per te dua regna ruerunt, 85  
 In nihilum per te Troja redacta jacet.  
 Digne pro meritis deberes vivus humari,  
 Tot quia consiliis interiire tuis;  
 Nec refert an sis mediata vel immediata  
 Causa mali, sola lex ad utrumque facit. 90  
 Non es causa, sed es nobis occasio quaedam  
 Bellorum; non es arma, sed arma movens.  
 Consiliis istis, si mens non laeva fuisset,  
 Debuerant aures abstinuisse meae.  
 Si bona sunt ista, quare flexisse videris 95  
 Propositum citius a bonitate repens.  
 Vinceris hic jure contrarius ire priori,  
 Dissolvunt veterem jam nova verba fidem.  
 Quo teneam nodo mutantem Protea vultus?  
 De duplici verho turpis habetur homo. 100  
 Propositum sepelire bonum non arbitror aequum  
 Aut clarae fidei fraude nigrare statum.  
 Non avis utiliter viscatis effugit alis,  
 Non bene de laxis retibus exit aper.

---

73. schol. sc. Alexandri. 74. schol. Helena. 76. Lac. e.  
 margine pro Iena. Schol. Helena. 100. Avian. XXIX, 24  
 Hic erit invisus, bina quod ora gerat.  
 103. alit pro alis. 103. 4. Ovidii sunt Ars Am. I, 391. 92.  
 qui tamen pro retibus, cassibus habet.

Diruls, aedificas, mutas quadrata rotundis,	105
Est hodie fletus, quod tibi risus heri.	
Erubui gremioque pudor dejecit ocellos	
Te primis verbis pacis habente tropos.	
Si quis in ore duas aliquo fert tempore linguas	
Altera praecidi forcipe debet ei.	110
Inter veridicos non debet stare bilinguis,	
Est quia dedecori propria lingua sibi.	
Simplex principium duplici qui fine relidit,	
Hic erit invisus, bina quod ora gerat.	
Fine probatur homo, careat successibus apte;	115
Quisquis ab eventu corda notanda probat.	
Esse tui cordis ego te sententio furem,	
Qui bona dum loqueris non bona corde geris.	
Mobilis et varia semper natura malorum,	
Ex hoc fertur in hoc, torta, retorta tenens,	120
O scelerate! duo contraria fers in eodem!	
O te! redargutus ergo recede procul!	
Et statim Priamus exurgens flammeus ore	
Succincte reliquis omnibus ista serit:	
Nolumus ad voces Antenoris esse reflexi	125
Pax et cum pace sit nota perpes ei,	
Qui bellum petiit mature bella reliquit,	
Bellum consuluit et modo bella fugit.	
Haec facit et, positis in seditione quibusdam,	
Plures, quos tentat, in sua vota vocat.	130
Detegit imbelles animos nil fortiter ausa	
Seditio, nostra non toleranda domo.	
Contemnamus eos, sed vos estote parati,	
Protinus ut mandat arma levare tuba;	
Portis exite, castris irrumpite, Graecos	135
Sternite, viventes mortis in arma date.	
Supremi mittemus in hos certaminis ense,	

105. Horatii est Ep. I, 1, 100, qui Diruit etc. habet.  
 108. schol. similitudines. 115. cod. opte. 116. margo „putat“.  
 119. Juv. Satyr. XIII, 236. m. e. v. est ferme n. m. 135.  
 e margine pro pornis. 137. e margine pro supremasi.

Saepe dato melius tempore fiet idem.  
 Dixit et ignito rex coetum pectore solvit,  
 Nec sine moestitia plebs sua tecta subit. 140

## [PRIAMI COLLOQUIUM CUM AMPHIMACHO.]

Amphimachus sequitur, intrante palatia rege,  
 De rixa placiti mentio surgit ibi.  
 Rex ait: Antenor, audisti! quanta profudit  
 Non nostris, facilis hostibus esse volens,  
 Et quod pro nihilo ducamus damna, dolores 145  
 Quasque tulit nobis gens inimica neces.  
 Nec mala voce mea poterunt haec cuncta referri,  
 Ora licet tribuas multiplicata mihi.  
 Aeneas et Polydamas imitantur eundem,  
 Pars quoque de populis adstipulatur eis. 150  
 Extat in his nulla mihi confidentia; credo,  
 Prodere quod Trojam proditione velint;  
 Unde superstitibus his nuncquam Troja triumpho  
 Gaudebit, bellis obsita semper erit.  
 Illis sublati succedent prospera nobis, 155  
 Et ruet ad nostros Graecia victa pedes.  
 Hanc maculam delere volo, tu conscius esto  
 Praestans consilio pectora fida meo.  
 Nemine sub tunica tua portes arma sciente,  
 Summum consilii dogma „tacere“ puta. 160  
 Cras ego divinam sum rem facturus in arce,  
 Tu tempus memori pectore tale tene.  
 Tunc et enim mecum venient coenare vocati;  
 His fac ut extremi coena sit illa cibi.  
 Approbat Amphimachus, quod et hic agat, omnia spondet, 165  
 Colligat ista fides. Hic abit, ille manet.

138. Ovid. Ars Am. I, 404. 141. schol. sequitur: regem.  
 144. schol. sed facilis. 150. schol. Antiquitus inter dissen-  
 sientes, omnes qui consentiebant, producebant stipulam et inde  
 transsumtum est adstipulor, aris. 160. cod. docma.

## [CONSILIUM ANTENORIS ET PRINCIPUM.]

Nondum sol liquidis se miserat aureus undis  
     Clam sociant aliqui se, sine teste, sibi;  
 Scilicet Antenor, Iolaus Polydamasque,  
     Amphidamas illis affuit atque Dolon. 170  
 Dicunt mirari se, regem malle perire,  
     Quam sua sub pacis prosperitate fore.  
 Hostibus inclusi sumus omnes, patria moeret,  
     Sunt quia continua proelia, quisque dolet.  
 Consiliis, Antenor ait, attendite nostris 175  
     Dicendis firmam continuando fidem.  
 Quidque velitis et his praestate silentia rebus  
     Dicite; moxque ligant his sua vota fide.  
 Omnibus adstrictis Aeneam deesse patrandis  
     Noluit Antenor, unde vocatus adest. 180  
 O Anchisiades! ait, ista frequentia belli  
     Omnibus est oneri, dicimus ergo tibi.  
 Censeo tradendam, tu si consenseris, urbem;  
     Est grave perpetuis corpus humare malis.  
 Cautio quod danda sit ad ista negotia, scitis, 185  
     Ne noceat voto suspiciosus homo.  
 Ad Danaos sapiens et cautus nuntius ibit  
     Semina consilii seminet ille duci.  
 Ille reportabit pacis tutamina nobis  
     Ut vadant nostra liberiore via. 190  
 Tardandum non est, sed ut acceleremus oportet,  
     Non patitur longam lectio nostra moram!  
 Hanc hominum siquis audiverit ante, curante  
     In nostram cedit protinus illa necem;  
 Et quia nos Priamo pacem persuasimus olim 195  
     Instat consiliis forsitan ille novis;

---

168. fortasse legendum: sed sine teste. 169. Dares  
 nominat: Ucalcyon. 170. cod. Delon. 188. Schol. Grae-  
 corum. 192. Ov. Met. IV, 350. vixque moram patitur.  
 193. schol. cur. finem. 194. schol. quia si consilium istud  
 intellexerit ante finem occidemur a Priamo. 194. schol.  
 illa. lectio vel actio.

Adde, quod irato dissolvit pectore caecum;  
 Quis scit an haec nostrum nutriat ira malum?  
 Plus aloes quam mellis habent pro pace petita,  
 Ergo nos Priamo hinc quasi poena sumus. 200  
 Cum turbam turbo turbavit, turgidus ipse  
 Hoc nos turbare turbine pronus erat.  
 Dixerat. Applaudunt et statim Polydamantem  
 Illa cohors Graecum mandat adire ducem.  
 Polydamas itaque gradiens Agamemnonis ista 205  
 Auribus insinuat, rexque serenus ovat.

## [CONCIO GRAECORUM.]

Iam Phoebum tenet unda maris, clam convocat omnes  
 Rex Danaos rogitans, quis quid ad ista sonet.  
 Concipit ingentes animos hoc omine Graecus  
 Persuadens regi munera laeta capi. 210  
 Proditor aut unus, aut plures? Omnibus omnes  
 Res salvae maneant; hi pede pacis eant.  
 Tu, quamcunque deus tibi fortunaverit horam,  
 Grata sume manu, neque morere diu.  
 Qui tulit in castra, rex! hujus semina grani, 215  
 Ne dubites illi verba secunda loqui.  
 Est ea res nimium temeraria, dicit Ulixes,  
 Et consentit in hoc themate Nestor ei.  
 O totiens hominis mutatur spesque laborque,  
 Cursor ad optatas non venit usque metas. 220  
 Quis scit an hoc oculo spectat fortuna sereno?

---

199. schol. amaritiam designat pacis quam nos petivimus.

200. schol. quia nos persequitur. 213. 14. Hor. Ep. I, 11,

22. 23. Tu, quamcunque etc.

Grata sume manu; nec dulcia differ in annum.

219. Pamphil. XXVII, 1.

Multotiens hominum frustratur spesque laborque.

220. pro cod. moras Hor. A. P. 412

qui studet optatam cursu contingere metam

Ov. Trist. IV, 8, 35

Non procul a metis, quas pene tenere videbar,

Curriculo gravis est facta ruina meo.

Fallitur augurio spes bona saepe bono.  
 Pyrrhus ad hoc, quia displicuit dissuasio Pyrrho,  
 Regi vicino stabat et ipse loco:  
 Providus est Nestor, est circumspectus Ulixes; 225  
 Discrete dubitant et dubitando timent.  
 Quid tentare nocet, votum labor improbus implet  
 Arsque vigil magnas saepe ministrat opes,  
 Nec mare transisset, pavidus si nauta fuisset;  
 Turgida cum primum restitit unda rati. 230  
 O rex! interdum labor altus expedit actus,  
 Maxima segnities commoda tollit iners.  
 Quantumcunque potes, facito properare laborem,  
 Nec mora segnis opus differat ulla tuum.  
 Tempus ad hoc fortesque viros fidosque notabis, 235  
 Quos credis tutos, effuge, tutus eris.  
 Quis bona sic nisi mentis inops oblata refutet?  
 Resque laboriperas absque labore datas?  
 Plebs probat hoc, firmatque fidem laudatque laborem,  
 Ipsaque clara ducum concio spondet opem. 240  
 Regi Polydamas signum diffamat, ut illi  
 Norint, quò veniant tempore, quoque loco.  
 Promittunt procures et jurant Polydamanti  
 Immo vovent stabilem regis ab ore fidem:  
 Ejus quod rebus, quod amicis, quodque propinquis 245  
 Quod sibi servetur intemerata fides;  
 Aeneam nullus, Antenora nemo, Dolona  
 Nemo contigat, nemo nocere velit;  
 Incolumis maneat Iolaus et omnis in isto  
 Fida mente volens conscius esse foro. 250

222. Ovid. Heroid. XVII, 234

Fallitur augurio spes bona saepe suo.

227. Ov. Met. I, 397. quid tentare nocebit. 228. Ov. Pont. III, 1, 104

Has Fortuna tibi nostra ministrat opes.

229. 30. Pamphil. III, 9. 10. 237. Gualt. Alex. IV, 571

Quis nisi mentis inops oblatum respuat aurum?

238. schol. laborem parantes. 241. cod. illo.

## [MITTITUR AD AENEAM.]

Mittit ad Aeneam cum Polydamante Sinonem  
 Rex, rem non dubia certificare nota.  
 Postulat ut signum, locus assignetur et hora  
 Quomodo, quando, quibus, aut ubi fiat opus.  
 Istis Anchises interfuit actibus, istis 255  
 Antenor; fuit hos jussus adire Sinon.

## [QUOMODO TROJA CAPIENDA SIT.]

Est locus in Troja, stat in illo porta locata,  
 Scaea vocabatur, ampla, decora, nitens.  
 Pro reliquis erat huic specialis gloria signi,  
 Post caput inventor sculpserrat illud equi. 260  
 Audierant socii scelerati verba Sinonis  
 In quae se dederant, pacta patrare parant.  
 Nostra, Sinon! ajunt, studeas propendere verba  
 Regi, quae loquimur, regrediendo refer:  
 Hanc portam, monstrantque sibi, reserabimus Argis, 265  
 Nolumus hos aliis appropriare locis.  
 Tempus captabunt, media quoque tempora servant,  
 Venturi siquidem tempore noctis erunt.  
 Lumen eis dabimus pro signo, lumine viso  
 Protinus in portam Graeca caterva fluat. 270  
 Nos erimus praesto, quid agendum, quo sit eundum  
 Indubitanter erit praevia nostra manus.  
 At nos et nostri, nos nostrarque more sequestro  
 Portae iam dictae stabimus ante fores.  
 Vos pactam servate fidem, non armiger ullus 275  
 Contingat nostras ense vel igne domos.  
 Ecce locum dedimusque tibi cum tempore signum  
 Et totum rerum te didicisse modum.  
 Vade, vale: cave ne titubes, mandataque frangas,  
 Ac nihil ex istis nisi pienter agas. 280

254. schol. traditionis. 258. cod. Seta. schol. Aliae  
 portae non habebant signa, ideo caput equi sculptum fuit in  
 ista speciale signum. 260. schol. post. i. e. extrinsecus.  
 279. Horatii est Epist. I, 13, 19.



Si quidquam fuerit de contingentibus auctum,  
 Demtum, mutatum credimus esse malum.  
 Si non cuncta, Sinon! iterum tibi dicimus, apte  
 Feceris; infelix et cibus ignis eris.

[EXCLAMATIO AUCTORIS IN TRADITORES  
 CIVITATIS\*.)]

Quid facitis, scelerata cohors? qua flante Megaera 285  
 In mentem vobis spiritus iste ruit?  
 Es pius Aenea? sic cantavere poetae;  
 Cujus produxit fabrica tale nefas.  
 Virgilii musa mendacia multa colorat  
 De te non facta sed mage ficta canens. 290  
 Insignem pietate virum te nominat, aequum  
 Praedicat et saepe clamat esse pium.  
 Es ne pius, propriam qui tradens hostibus urbem  
 In miseram mittis omnia viva necem!  
 Cum facie civem, cum pectore te facis hostem, 295  
 Impia sub dulci melle venena latent.  
 Sontibus insontes soboles, sobolumque parentes  
 Morti quum tradis, semper iniquus eris.  
 Iam Troja! totius apex tibi crevit honoris,  
 Tu Trojam toto mungis honore miser. 300  
 Reddere gaudet homo nequam pro melle venenum,  
 Pro fructu poenam, pro pietate dolum.  
 Non Venus immo Venus; quoniam Venus est meretrice  
 Quavis deterior, te genuisse potest;  
 Te lapis et montes, innataque rupibus altis 305  
 Robora te saevae progenere ferae.  
 Unde neces hominum non curas more lupino,  
 Tu fieres rapido, viscidus! esca lupo.

\*) E margine.

289. Alani Anticlaud. lib. I. (ed. Antwerp. 1611) fol. 6.  
 lin. 9. 296. Ovid. Amor. I, 8, 104. 300. schol. privas.  
 301. 2. Anon. Nevel. p. 493. lin. 4. 5, ubi tamen ultimum  
 verbum „dolus“ non „dolum“. 302. schol. Non Venus,  
 quae dea; immo Venus, quae meretrix foeda.

Mitius inveni quam te genus omne ferarum,  
 Antenor! similis est tibi nullus aper! 310  
 Urbem, quae multo surrexit ad astra labore,  
 Una fecisti nocte perire, lupe!  
 Urbs bona, nobiliter steterat quae pluribus annis,  
 Flos Asiae, Trojûm gloria, gemma Phrygum,  
 Hortus tironum, procerum rosa, lilia regum, 315  
 Pompa puellarum, mansio grata ducum,  
 Auxilii murus, patriae tutissima turris,  
 O miser! o subito, te perimente perit.  
 Turpe quidem dictu, sed si modo vera fatemur,  
 Saevior est animo vipera nulla tuo. 320  
 Iuppiter in multos temeraria fulmina torquet,  
 Qui poenam, quam tu, non meruere pati.  
 Tu quoque Polydamas, qui verba nefanda ferebas,  
 Nonne feris saevis plus feritatis habes?  
 Prodis in mortem pueros juvenesque senesque, 325  
 In quibus et recubas, moenia clara cremas.  
 Quem libet acta probant, et quid non proditor audet?  
 Terraque de fructu, quam sit amara, docet.  
 Quae seges infecta surget non decolor herba,  
 Arbore de dulci dulcia poma cadunt. 330  
 Nescio, tantorum cum sit pincerna malorum,  
 Carmine quo fungar in tua fata ferox!  
 Dî tibi dent sociisque tuis inopemque senectam,  
 Et longas hiemes, perpetuamque sitim.

## [PYRRHUS OCCUPAT PORTAM.]

Egrediens in castra Sinon audita reportat, 335  
 Rex cum Grajugenis singula verba notat;

309. Ovidii est Heroid. X, 1. 310. Margo. Invehitur in Antenorem. 321, 22. Ovid. e. Pont. III, 6, 27, 28, ubi tamen secundus versus sonat:

Qui poenam culpae non meruere pati.  
 328. Margo: Invehitur in Polydamantem. 327. Ovid. Fast. II, 331. quid non amor improbus audet. Ovid. e. P. III, 8, 16. 333. 34. Ov. Am. I. 8, 113. 14

Dî tibi dent nullosque lares, inopemque senectam  
 Et longas etc.

Ad signum sua seque parant, tempusque locumque  
 Observant, fortes arma subire vocant.  
 Tempus erat dubiam cogens nigrescere lucem,  
 Cui neque lux neque nox est, sed utrumque parens. 340  
 Non dat adhuc claves custodibus Amphimachus, sed  
 Se penes has habuit, postea vero dedit.  
 Claves Antenor Anchisiadesque tulerunt,  
 Res ea prorsus erat suspicione carens.  
 Ad murum portae, cautum quibus esse volebant, 345  
 Adducunt, murus ut tueatur eo.  
 Et statim porta succendunt lumen aperta,  
 Gaudent ad rutilam Dorica castra facem;  
 Luminis ad radium se transfert ilico Pyrrhus,  
 Vix bene contigerat Pergama, porta patet. 350  
 Mox reseratores pro conservamine ramum  
 A Pyrrho pacis praesidiique ferunt.  
 Se quaecunque domus signo cristaverat isto;  
 Pyrrhus ait; nulla per nocumenta cadet,  
 Vos igitur vestra vestrosque reponite tuto 355  
 Ut vos conservet pactio facta loco.

## [CONTEMPLATIO AUCTORIS.]

Urbs, stylus extremam cujus jam scriptitat horam,  
 Arx regum, procerum quae fuit atque ducum,  
 Quam situs ipse loci, quam rerum copia major  
 Extulit, atque frequens rumor ad astra tulit? 360  
 Haec ajunt, quod sub Abraham constructa, sed Abdon  
 Sit quod sub nostro iudice strata solo,  
 Et sunt qui dicant hanc surrexisse sub Aioth,  
 Qui pinguem valido vulnere fixit Eglon;  
 Et fortasse legens sic dicet, cur tulit auctor 365  
 In cameram studii Troica bella sibi?

339. 40. Gualter. Alex. III, 463. 64

Tempus erat dubiam cogens pallescere lucem,  
 Cui neque lux neque nox imponit nomen utrumque.340. schol. crepusculum. 362. margo: noster dicit quod tem-  
 poribus iudicum quum esset Abdon iudex destructa est Troja.

Non propter Trojam, Trojanum scribere bellum  
 Aut coepit Phrygum sollicitare stylum,  
 Sed ductus meliore via compescere pravos  
 Et servare dei vult in amore bonos. 370  
 Grata medulla latet omni sub cortice rerum,  
 Et nucleum celat arida testa bonum.  
 Nos docet Herodes, sicut Baptista Johannes,  
 Erudit iste bonos, territat iste malos;  
 Et bene, si memini, fas est et ab hoste doceri, 375  
 Virtutumque Sathan fabricat arma tibi.  
 Nos ad serpentes formicas bestiolasque  
 Et sacra pennatas pagina mittit aves;  
 Et mihi Job loquitur, quia me jumenta docebunt  
 Et nihil est quod non prosit et obsit idem. 380  
 Hic sonat invidia, livor, truculentia, fastus,  
 Ambitio, rancor, ira, libido, dolus.  
 Postremum vero Trojae miseranda ruina  
 Informativa singula voce sonat;  
 Ut malus absistat justusque resistat, habeto, 385  
 Sed quia clausurunt haec mala fine malo.  
 Quod brevis est risus, quod longaue lacrima mundi  
 Quondam Troja potens incinerata docet.  
 Iam firmum nihil est, cui non metus esse ruinae  
 Possit, et hoc subito; persequor ergo cito. 390

---

367. margo. Respondeo. 370. margo pios. 372. Anon.  
 Nevel. p. 486, vers. 12. 375. Margo: Verum dictum, quia  
 et hoc homini datur pro anima sua et in multis aliis instru-  
 mentis ab eo et licet ipse non intendat nostro professui sed  
 suae pravae voluntati. — cfr. Ovid. Metam. IV, 428. 381. 382.  
 Margo: hic. i. e. in isto libro sonat invidia quo ad Peliam,  
 livor quo ad Paridem et Menelaum, truculentia quo ad pu-  
 gnantes, fastus quo ad milites et victores, ambitio quo ad  
 Palamedem, rancor quo ad rusticos, ira, quo ad victos, libido  
 quo ad Paridem et Helenam, dolus quo ad Hecubam. 384.  
 cod. sonant. 385. schol. hab. nunc librum.

389. 90. Gualt. Alex. VIII, 399. 400.

Tam firmum nihil est, cui non metus esse ruinae  
 Possit ab invalido, qui nondum navigat aequor.

## [EXPUGNATIO TROIAE.]

Tempus erat, quo prima quies mortalia membra  
 Inficit et cerebrum gratior hora linit;  
 Lumine conspecto properant ad Pergama Graeci  
 Quolibet accincti fortiter ense suo.  
 Irrupere Thoas, Adamas, Ajax et Epimus 395  
 Paene quidam primus ipse Machaon erat.  
 Tessander, Sthenelus, Menelaus, Nestor, Ulixes  
 Immo globata simul Dorica tota phalanx.  
 Invadunt urbem somno meroque sepultam,  
 Ilico dejicitur omnis ab arce vigil. 400  
 Tunc mediam ruit in urbem numerosa Juventus,  
 Tunc gladium coepit ferrea ferre manus.  
 Aggeribus ruptis sic spumens effluit amnis  
 Et nimis insanis jugera pressat aquis.  
 Teucrorum mentes inopinatissimus intrat 405  
 Horror, inauditus concutit ossa tremor.  
 Nec mirum; tanto terebratur Troja fragore  
 Tamque gravem strepitus reddidit ille sonum,  
 Ut credas omnes agitasse tonitrua ventos  
 Vel magis in primum cuncta ruisse chaos. 410  
 Armatos astare Phryges in lumine primo  
 Et stricto postes ense sonare tremunt.

391. 92. Virg. Aen. II, 268. 69.

Tempus erat, quo prima quies mortalibus aegris

Incipit, et dono Divûm gratissima serpit.

395. margo: propria nomina. — Epimûm invenimus apud

Virgilium sub nomine Epei. Virg. Aen. II, 262. 63. 64.

— — Athamasque Thoasque

Pelidesque Neoptolemus? primusque Machaon,

Et Menelaus, et ipse doli fabricator Epeus

397. Tessander. Virg. Aen. II, 261

Tisandrus Sthenelusque duces, et divus Ulysses.

399. Virg. Aen. II, 265. 401. Gualth. Alex. I, 322. 23.

— —, ruit omnis in urbem

Turba, perit etc.

403. cod. annis. Virg. Aen. II, 496 sqq.

Non sic, aggeribus ruptis cum spumeus amnis

Exit, oppositasque evicit gurgite moles

Fertur etc.

Tecta fremunt, resonat magnus plangoribus aether,  
 Territus hinc vagit matris in ora puer:  
 Foemineis omnes ululant plorantibus aedes, 415  
 Cuncta dolore fugit exhilarata quies;  
 Exilit hic nudus, hic prima veste renactus;  
 Occurrens Danaus perfodit ense latus.  
 Foemina nuda salit e lecto, vix bene prolem  
 Arripit, ante larem non venit, icta cadit. 420  
 Ille vel illa caput jam paene levaverat, Argus  
 Advolat, in partes membra levata secat;  
 Membra levat sensim vili demissa grabato  
 Servulus et venter scinditur ense suus.  
 Enbipedat pes attonitus, quia dum fugat ille 425  
 Obviat hic, nescit quo moderatur iter.  
 Dum gladios fugiunt, gladiis in acumina currunt  
 Et mortem generat mortis ubique fuga. -  
 Cum planctu luctus et plurima mortis imago  
 Nascitur et nulli se revocare datur. 430  
 Hostica per totam diffunditur ultio Trojam,  
 Rumpia crudelis fert genus omne necis.  
 Penelei juvenis cecidit mucrone Coroebus  
 Nec poterat supplicem luno juvare virum,  
 Iste procus fuerat Cassandrae, cujus amore 435  
 Venerat in pugnam, post habiturus eam.  
 Confixi pereunt Hypanisque Dymasque, nec ullus

413. Virg. Aen. IV, 668. 414. Ovid. Fast. IV, 208

Tutus ut infanti vagiat ore puer.

415. Virg. Aen. II, 487. 88

— — penitusque cavae plangoribus aedes

Foemineis ululant.

417. schol. circumdatur. 422. e margine pro: secata levat.

425. Schol. dubitando vadit et dicitur ab en quod est in et  
 bis et pes. 429. Virg. Aen. II, 368

— — crudelis ubique

Luctus ubique pavor et plurima mortis imago

432. textus praebet romphaea, i. e. rhomphaea pro qua forma  
 posuimus latinam formam rumpia. 433. Virg. Aen. II, 341

juvenisque Coroebus. Penelei dextra. 437. e. Virg.

Aen. II, 428 — — pereunt Hypanisque Dymasque

Confixi a sociis

posuimus pro nostri codic. Hispanisque dunaesque.

Sustinet occubitus dinumerare ducum.  
 Quid recitem, reticere juvat; justissimus unus  
 Qui fuit in Teucris, quod perit Eripheus. 440  
 Itur in omne nefas; postes a cardine vellunt,  
 Ipsaque magnatum domata strata ruunt,  
 Altas dejiciunt a summo cardine turres,  
 Iam fiunt omnes terra domusque pares.  
 Sternitur extractus, si quis latitaverat intus; 445  
 Multo Teucrorum sanguine fumat humus.  
 Gens victrix tandem Vulcano fulminat urbem,  
 Nemo tum latum vidit in orbe focum.  
 Flamma vorax ad celsa volans obnubilat astra  
 Longe seposita percutiendo loca. 450  
 Tros miser, arma timens, exermis currit in ignes,  
 Ignis ut hinc urit, rursus ad arma ruit.  
 Hic ardent aedes, hic detruncat Diomedes  
 Per varias caedes brachia, crura, pedes.  
 Vix sit habenda fides quot millia stravit Atrides; 455  
 Omne quidem vivens paene perire vides.  
 Densatur plangor, ferit aurea sidera clamor,  
 Est omni major iste dolore dolor.

## [FINIS PRIAMI.]

Forsitan et Priami fuerint quae fata, requiras;  
 Ipse fere primus sub necis ivit onus. 460

- 
441. Virgilii Aen. II, 480 — — postes a cardine vellit.  
 443. Virg. Aen. II, 445. 46  
 Dardanidae contra turres ac tecta domorum  
 Culmina convellunt.  
 447. Gualth. Alex. I, 348  
 Imperat et reliquam Vulcano fulminat urbem.  
 451. 52. Gualth. Alex. III, 312—13  
 Iste pyram reverens gladios incurrit: at ille  
 Ut gladios fugiat medios se mittit in ignes.  
 457. Virg. Aen. II. 488. fer. aur. sid. clam. 459. Virg. II,  
 506, e quo loco nostri „requires“ mutavimus in requiras.

Coeperat et Priamo signum splendescere nigrum  
 Et portam turba jam subitura foret;  
 Antenor duxit in celsa palatia Pyrrhum;  
 Tunc fuerat ferro cinctus et ipse fero.  
 Non sinit interea Pyrrhus dormire mucronem, 465  
 Sternit quos media conspicit ire via.  
 Ianua regalis temere convulsa tumultu  
 Horrendaque replet anxietate domum.  
 Excitus ad strepitum longaeuus anhelat ad arma:  
 Arma quibus pacem duxerat ipse diu. 470  
 Armandi Priamo deest copia, copia vero  
 Insueto poterat utilis esse minus.  
 Qui mediis postquam videt in penetralibus hostem  
 Remigio credit devolitare pedum.  
 Alas perdiderat pennas furante senecta, 475  
 Furtivo graditur temporis aura pede.  
 Non longe stetit ara Iovis; vix contigit illam  
 Rex ratus auxilii fercula ferre Iovem;  
 Insequitur Pyrrhus et ad aram crine retractum  
 Per laevam rigido perdidit ense senem. 480  
 Hic finis Priami, sic taedas turpiter actas  
 Ledaeaeque luit exitiale nefas.

## [EXCIDIIUM TROIAE.]

Hecuba moesta fugit sequiturque Polyxena matrem,  
 Iam credunt ambae sustinuisse necem.  
 Aeneas occurrit eis, o tiro! puella 485  
 Ista tuo vivat munere, mater ait;  
 Omnia perdidimus, tantummodo vita relicta est,  
 Praebeat ut sensum materiamque mali:

461. Margo, splendescere propter ignem, nigrum propter  
 corruptam intentionem. 473. Virg. Aen. II, 508.

et medium in penetralibus hostem.

479. Virg. Aen. II, 550. 551. 553.

— — — altaria ad ipsa trementem  
 Traxit

ac lateri capulo tenuis abdidit ense.

481. Virg. Aen. II, 556. haec finis Priami fatorum.



Occubuit Priamus, Polydorus et ipse Polytes,  
 Cum populis omnes interiere duces. 490  
 Solvitur in cineres Trojae latissima sedes,  
 Aequantur plano culmina celsa solo;  
 Carnifici fortuna potest mea flenda videri,  
 Omne trahit secum Palladis ira malum.  
 Iam metuo, miseros fratrum quod currat in artus 495  
 Et quod jam Danaus perfodet ense latus.  
 Optarem potius perfigi cuspide raptim,  
 Quam mala tanta diu ferre doloris acu.  
 Mitius ille perit, subita qui mergitur unda,  
 Quam sua qui tumidis brachia lassat aquis; 500  
 Sed misere solus superest post omnia luctus,  
 Quot bona possedi, tot modo tanta fleo;  
 Nec lacrimabatur, lacrimas introrsus obortas  
 Ebibit ipse dolor funereusque pavor.  
 Aeneas illam patri commendat, apud quem 505  
 Toto torturae tempore clausa sedet.  
 Plangendo fugit in aedem Cassandra Minervae,  
 Hic Heleno fratre concomitata latet.  
 Graeci devastant, occidunt; nocteque tota  
 Officium Phrygibus ignis et ensis agunt. 510  
 Argentum rapitur, ebur, aurum, serica vestis,  
 Ostraque cum phaleris, purpura, gemma, chlamys;  
 E porta juvenes exportant pondera praedae  
 Omnibus in fine distribuenda bene.  
 Occidit hac sorte gaudens opulencia Trojae, 515  
 Finit, fitque cinis urbs bona, plena bonis,  
 Ampla potentatu, celeberrima, digna relatu,  
 Felix primatu, principe, cive, statu.  
 Iugiter ignara fortuna quid esset amata  
 Urbs vetus et clara fit pecualis ara; 520

489. Schol. filii erant Hecubae. 490. Schol. quos praesentes non videt, omnes occisos credidit. 491. Virg. Aen. IV, 530 solvitur in somnos. 493. Ovid. Trist. III, 11, 37. 494. Ovid. Trist. III, 11, 72

Omne trahit secum Caesaris ira malum.  
 499. 500. Ovid. e. Pont. III, 7, 27. 28.

Urbs res declarat, ubi fundamenta locarat  
 Phoebus et aptarat moenia, vomer arat.  
 Nemo sibi ponat: in mundi flore vivamus;  
 Capta vides sero Pergama, capta tamen.

## [AGAMEMNONIS ORATIO.]

Orto sole duces Agamemnon in arce Minervae 525  
 Convocat et verba protinus ista levat:  
 Gratulor, o proceres! quia nos hoc fine labores  
 Clausimus, interius absque labore sumus:  
 Tunc bene pugnatur, cum pax pugnando paratur,  
 Nobiliora bona proelia pace mala. 530  
 Fortunam Priami cantavit Troja diebus  
 Pluribus, et nostra dissuit ossa metus,  
 Unde viri medio ceciderunt tempore, terram  
 Sanguine qui vobis hanc peperere suo;  
 Scilicet Aeacides cum Patroclo Diomedes, 535  
 Quique prior tinxit Prothesilaus humum.  
 Multi qui numerum vicerunt, ala Quiritum!  
 Fustibus et gladiis qui periere Phrygum.  
 Nomina praetereo, Protenoris Antilochique;  
 Me cunctos prohibet enumerare dolor. 540  
 Sed neque multiplices nostrorum promere mortes  
 Cum totidem linguis sunt satis ora decem.  
 Nil adeo fortuna gravis miserabile fecit,  
 Ut minuant nulla gaudia pace malum.  
 Flebile principium melior fortuna secuta 545  
 Est, tulit undosos clarior aura dies.  
 Nunc ad nos vultu rediit fortuna sereno  
 Matris in uberibus facta noverca prius.  
 Dardanidas vestri pulchre domuere lacerti,  
 Troibus et Phrygibus imperat ista manus. 550

522. Ovid. Heroid. I, 67

Utilius starent etiam nunc moenia Phoebi

524. Ov. Ars Am. I, 478. 527. pro cod. vos. 544. Ov.

e. Pont. IV, 4, 5. 6, ex quo loco nostri „parte“ mutavimus in

„pace“. 545. Ovidii est Metamorph. VII, 518. 547. Ovid.

Trist. I, 4, 27: et vultu ridet fortuna sereno.

Troja jacet certe Danaïa invisa puellis,  
 Iam bove captivo Pergama victor arat.  
 Sub pedibus calcatis eam, quae maxima dudum  
 Regibus et magnis imperitabat heris.  
 Promeruit nostra magnas constantia laudes, 555  
 Per nos in cinere Troja sepulta jacet.  
 Vos haec, vos inquam, victoria solis ab ortu  
 Solis ad occasum laudis honore feret.  
 Immo terrarum quo tempore volvitur orbis,  
 Omnibus in lingua iste triumphus erit. 560  
 Trojam devicit, cantabant, Graecia victrix,  
 Crimine quae Paridis sit rogus, inde cinis.  
 Obruta Troja docet mundi quid in omnibus actis  
 Est virtus: placitis abstinuisset bonis.  
 Efficiens ille manet urbi causa ruinae, 565  
 Ausus legitimi fallere jura tori.  
 Ob Paridis praedam praedatam cernitis urbem,  
 Hic merito venit, illa maligna fuit.  
 Vos istas hodie res diripistis honeste,  
 Viribus egistis omnia, fraude nihil. 570  
 Quam bene, quod praedam partem portastis in unam,  
 Est spoliū danda portio cuique sua.  
 His, quibus est promissa fides, estote fideles,  
 Fraus absit: vacuas caedis habete manus.  
 Laudo vos, sed in hoc non laudo, vultis eisdem 575  
 Strictae promissam si temerare fidem.  
 Si sit contactum quicquam de rebus eorum,  
 Reddatur penitus, omnis adesto dolus.  
 Aeneas maneant cum Polydamante quietus,  
 His erat Acalegon et comes ipse Dolon: 580

551. imitatio Sabini I, 12:

non me Troja tenet Graecia odiosa puellis.

552. schol. possibile ponit. Ovid. Heroid. I, 51. 52.

— — — uni mihi Pergama restant;

Incola captivo quae bove victor arat.

564. Ovidii est Heroid. XVII, 98. 565. schol. Paris.

566. Ov. Her. XVI, 284

Castaque legitimi fallere jura tori

571. schol. q. b. fecistis in hoc: 574. Ovid. Ars Am. I, 642.

Gaudeat Antenor simili ridere quiete,  
 His quoque personae proximitate datae.  
 Consentit populus et eis, qui regis ab ore  
 Expressi fuerant, omnia salva manent;  
 Et non expressis tantum, sed et omnibus his, qui 585  
 Participes hujus traditionis erant.

## [GRATES ET PRECES ANTENORIS.]

Antenor surgit; ut fandi copia detur,  
 Obsecrat; hac sumta convenienter ait:  
 Grates Grajugenae gratanter reddo juvenae  
 Pro bene servata, quam pepigere, fide. 590  
 Corpora nostra quidem rebus sunt integra salvis,  
 Nec nocuit nostris ulla procella necis.  
 O rex! in capite belli, cum bella sitiret,  
 Et daret extentas Troja superba minas,  
 Non ierat, sed iturus erat navemque struebat 595  
 Intendens Danaïs damna parare Paris.  
 Res ea displicuit Heleno, retulitque futurum  
 Remigio tali Troibus excidium;  
 Hic etiam reddi corpus persuasit Achillis,  
 Intumulata dolens membra jacere ducis. 600  
 Et fuerat Cassandra malo contraria vestro  
 Hoc casu, casum vaticinando Phrygum.  
 Immo clamabat manifeste, Troja tenenda  
 Quod foret exitio, si Paris iret eo.  
 Quicquid agebatur inter primordia belli, 605  
 Illa recusabat, quae Paris egit agi,  
 In tantum; quod eam pater atro carcere clausit,  
 Nec tacuit, pacem semper in ore tulit.  
 Concedas igitur his libertate potiri,  
 Et tua pro meritis gratia prosit eis. 610  
 Rex de consilio consentit, eisque duobus  
 Libertas etiam, re redeunte, reddit.  
 Evadit quoque per Helenum regina precantem  
 Hecuba, reginae jungitur Andromache.

## [PRAEDAE DIVISIO.]

Res nova sollicitos invitat semper ocellos, 615  
 Hac illacque trahit splendida Troja viros.  
 De multis laribus lar hic surrexerat unus,  
 Unus erat solo lucidus igne locus.  
 Ignis Troja fuit, et tota; vagantur ibidem  
 Graeci Trojanum circueundo locum. 620  
 Hic cineres, hic carbones, hic respicit ignes;  
 Saepius est oculus in novitate vagus.  
 Ista regyrantes vocat in commune Quirites  
 Et totum populum buccina dando sonum.  
 Nec mora. Conveniunt et conglomeratur in unum 625  
 Quam tulerant, praeda, rege volente, locum.  
 Et quae dividitur et ab unoquoque levatur,  
 Omnibus illectis portio magna satis.  
 Vivat in aeternum rex! clamant vocibus altis,  
 Aera concutiunt, festaque fausta canunt. 630

## [ATRIDES REDITUM PARAT.]

Vidit ut Atrides, quid enim non ille videret,  
 Cujus in arbitrio Graecia tota fuit;  
 Trojam destructam, finitos esse labores;  
 Cogitat in proprios vel remeare lares.  
 Ad notos etiam desiderat ire penates 635  
 Graeca phalanx, aunis exiliata decem.  
 O patriae natale decus! sic allicis omnes,  
 Exul vix poterit immemor esse tui.  
 Conveniunt aliqui jam tempora certa daturi,  
 Quando petenda forent patria tecta sibi. 640

---

616. schol. propter ignem. 625. cod. conglomerantur.  
 630. festa canunt. Ov. Fast. III, v. 714. 631. 32. Ovid.  
 Remed. 467. 68. Vidit id Atrides. quid enim etc.  
 637. Gualt. Alexandr. I, 365  
 O patriae natalis amor sic allicis omnes  
 638. Ov. e. Pont. I, 3, 35. 36.  
 Nescio quâ natale solum dulcedine captos  
 Ducit, et immemores non sinit esse sui.

Sic igitur statuisset volunt, ut, quando veniret,  
 Vela levarentur omnia, quinta dies.  
 Propositum tale mutatio destruit auræ,  
 Sollicitum raucis nam mare fervet aquis;  
 Tempus enim quia per aliquod maris ira fremebat 645  
 Non poterant dicta vela levare die.

## [POLYXENA INTERFICITUR.]

Est apud Aeneam servata Polyxena, Pyrrho  
 In thalamum mentis ejus imago cadit.  
 Nonne meo patri fuit hæc occasio mortis  
 Cogitat, et studio pectoris ista rotat. 650  
 Tempore, quo Priami fuit a me regia fracta  
 Hanc ibi non vidi, reperietur ubi?  
 O Agamemnon! ait ad regem, quo tamen antro  
 Hæc latitat virgo condita, scire volo.  
 Non memini me patris eam vidisse sub umbra, 655  
 Nec scio, quod tulerit Hecuba mater eam.  
 Undique rex quaerit pro virgine, mentio surgit  
 Quod sit ab Aenea tradita virgo patri.  
 Rex vocat Aeneam. Cur nos Aenea fatigas?  
 Intulit, ut veniat, pelle, puella, moras. 660  
 Aeneas petit Anchisem; virguncula prodit,  
 Ducitur ad regem certa subire necem.  
 Rex Pyrrho praesentat eam, sententia Pyrrhi  
 Extat ut interitum patris et ipsa luat.  
 Detrahitur inoesta, scissaque Polyxena palla, 665  
 Et nocet alterius non sua culpa sibi.  
 Ad patrium jugulat detractam tiro sepulcrum,  
 Occidit hoc misero regia virgo modo.  
 Rex Anchisiadem pro clausa virgine culpat,  
 Qui jubet ut cedat, altera regna petat. 670

## [POETA LOQUITUR DE LIBRO SUO.]

Virginis a partu duc annos mille ducentos  
 Et quadragenos his sociando novem,

Prodiit in lucem, tunc editus, iste libellus,  
 Quam miser est mundus insinuare volens.  
 Forsan adest aliquis dicetque; quis edidit illum? 675  
 Ista requirenti reddere verba potes.  
 Ecclesiam scis in Stadio, quam protegit alis,  
 Nam caput est ejus, virgo beata suis.  
 Qui scribens: „in principio verbum caro factum:“  
 Intonat, illius ad latus ille volat. 680  
 Prodiit ex rutilo roseus locus iste roseto,  
 Ingenua matrem nobilitate sequens.  
 Sic florendo vigent, ut odore, colore, sapore  
 Nunquam degenerent; his tribus ambo placent.  
 Splendescit virtute color, doctrinaque pascens 685  
 Est sapor et famae balsama spargit odor.  
 Abbatem nosti Tirricum, cui dedit olim  
 Ecclesiae dictae virgo patrocinium.  
 Cui virtus animam decorat, facundia linguam  
 Dapsillitate nitet, utilitate viret. 690  
 Ille, suos quondam non ultimus inter amicos,  
 Ante virum talem qui tulit ejus onus;  
 Edidit hunc sexto finitum mense libellum,  
 Cui tamen hoc tempus syncopa multa scidit.  
 Correxit pigritans. Labor hic, quam scribere, major; 695  
 At corrector ait: sint tua si qua valent.  
 Nulla poetarum posuit figmenta, Daretis  
 Historiam soliti scribere, vera tenens.  
 Et Phrygius fuit iste Dares, et tempore belli  
 Ipsa quidem miles proelia visa refert. 700

678. Margo. Iohannes. 681. Margo. Stadis. 682. Margo.  
 Harsevelde. prius Rosenveld. 687. Abbas Theodoricus suc-  
 cessit 1242 Alberto. 691. Margo. Albertus abbas Stadensis.  
 695. 96. cfr. Ovid. Pont. III, 9. 19. 20. 23. 24

Saepe piget (quid enim dubitem tibi vera fateri?)

Corrigere, et longi ferre laboris onus.

Corrigere at res est tanto magis ardua, quanto

Magnus Aristarcho major Homerus erat.

696. sua sc. correctæ.

## [QUOT IN BELLO OCCISI SUNT.]

Dicamus breviter Trojanae tempore pugnae  
 Parteque quot stratae sint ab utraque gulae;  
 Iliacos cineres post deseruisse Pelasgos  
 Scribamus, gades sic sibi figit opus.  
 Annos junge decem, sex mensibus, his duodenos 705  
 Adde dies, tantum Troica pugna stetit;  
 Post octingenta sex octogintaque ponas,  
 Millia Grajugenas tot cecidisse scias.  
 Troum sexcenta tria septuaginta ruerunt  
 Millia, sed nondum traditione data; 710  
 Extrema nocte cinerum cecidere ducenta  
 Et decies septem millia sexque Phrygum.  
 Pro toto Troum numero nonaginta vocantur  
 Et quadraginta millia terque tria.  
 Millesies mille permixtim quinque trecenta 715  
 Et denos octo millia caesa puta.  
 Quique superfuerant, ventum dispersit in omnem  
 Sorte premens illos asperiore deus.  
 Cum ratibus, quibus ad Graecos Paris iverat olim,  
 Navigat Aeneas, multaque turba comes. 720  
 Cum quadringentis et millibus esse duobus  
 Dicitur et tellus Adria tacta sibi est.  
 Longas sustinuit maris iras, nam sceleratum  
 Per mare, per terras septima jactat hiems.  
 Longo membra dedit infelicissima bello, 725  
 Externa tandem conditus exul humo.  
 Antenor subit Hesperiam, duo millia secum  
 Deducens populi pausat humatus ibi.  
 Hecuba Cassandram secum trahit, Andromachenque  
 Hectoris, est Helenus associatus eis. 730  
 Una Sybillarum Cassandra fuisse putatur,  
 Et bene concordat temporis hora rei.  
 Nam sub iudiciis et eodem tempore, Trojae  
 Gloria quo cecidit, quarta Sybilla fuit.

711. Margo: quum incinerata fuit.  
 Padum.

728. Margo: juxta



Tot positis numeris etiam fortasse requiris, 735  
 Currere versiculis quot liber iste velit:  
 Bis denis adde ter centum millia quinque,  
 Hoc numero textus textitur historiae.

## [COMPELLATIO HELENÆ.]

A campis, ubi Troja fuit, discedere victor  
 Cogitat et propriam visere Graecus humum; 740  
 Tota ferebatur, numerum quae copia vicit,  
 Ad latebras ratium praeda vehenda domum.  
 Redditur interea Menelao casta locusta  
 Deteriore statu sponte jocata diu.  
 Foemina digna mori redamatur amore priori 745  
 Reddita victori delitiisque tori.  
 Saeva quod evadis, non tradita cetera tradis,  
 Cur rea tu cladis non quoque clade cadis.  
 Si fueris lota, si vita sequens bona tota  
 Non eris ignota, non eris absque nota. 750  
 Rumor de veteri faciet ventura timeri,  
 Cras poteris fieri perfida sicut heri.  
 Quo semel est imbuta recens, servabit odorem,  
 Ut quasi concretus sit sibi, testa diu.  
 Quod pubem virus maculavit, canet in illis; 755  
 In quibus et canet, convenienter obit;  
 Nam medicina silet, ubi morbi causa silesit,  
 Horrent admotas vulnera cruda manus.  
 Tollere nodosam nescit medicina podagram,  
 Nec tibi concretam potio nulla notam. 760

---

738. Margo: excepto prooemio et capitulis. 753. Margo: locasta. Helena. 745—50. Benign. excid. Trojae 25—30, ubi tamen v. 25. pro nostri „redamatur“ „remeatur“. 748. cod. cur rea cladis. 751. 52. Benign. excid. Troj. 33. 34. tamen v. 34 „turpia“ pro nostri „perfida“. 753. 54. Horatii sunt. Epist. I, 2, 69. 70. 757. margo pro senescit. 759. Ov. e Pont. I, 3, 23. 24

• Tollere nodosam nescit medicina podagram  
 Nec formidatis auxiliatur aquis.

- Quod proba, quod stabilis, quod fias sponte fidelis  
 Fallere me metuo si fidejussor ero.  
 Si quis idem sperat, jacturas poma myricas  
 Credit et e medio flumine mella petit.  
 Nequitiae manifesta tuae documenta dedisti 765  
 Post bellum justo restituenda viro.  
 Quod tam reddenda quam reddita moesta manebas  
 Ad Graecos veniens turbida, laeta Phryges.  
 Impia verte gradum; cupias quodcunque necesse  
 Est; magni mundi sanguine plena redi! 770  
 Nonne peremisti tot millia sola maligna?  
 Quo debes tanti sanguinis ire rea?  
 Ingredieris item funesta palatia clara?  
 Nonne fores potius comminuenda rota?  
 Hanc noxam coxa decoxit, non tua dextra 775  
 Hoc decus a sera posteritate feres.

## [FATA REVERSORUM GRAECORUM.]

- Iamque viam suadet Boreas, et nave soluta  
 Optato flatu carbasa nota sonant.  
 Quumque dies ita per aliquos nat prospera classis  
 Aegei gaudet fluctibus usa maris, 780  
 Incipiunt epulis levibusque vacare cachinnis,  
 Sicut in exilium fugerit omne malum.

761. 62. Benign. excid. Troj. 85. 86  
 Femina victa mero quod inebriat ebria vero  
 Non fieri spero ne fidejussor ero.  
 763. 64. Ovid. Ars Am. I, 747. 48  
 Si quis — myricas  
 Speret; et in medio flumine mella petat.  
 776. Margo. Ironia ad id, quod Paris dixerat ad eam:  
 si de te toto contenderit orbis,  
 Nomen ab aeterna posteritate feres.  
 Ovid. Her. XVI, 373. 74.  
 777. Ov. Met. XIII, 418. 19.  
 Iamque viam suadet Boreas; flatuque secundo  
 Carbasa mota sonant.

Aeolus interea tollens ad sidera fluctus  
 Graecorum ratibus triste minatur onus;  
 Densatur coelum pice nigrius, ingruit imber, 785  
 Vela procellosis dejiciuntur aquis.  
 Inchoat horrendo misceri murmure pontus,  
 Nauta gubernandi grande perhorret opus.  
 Nec mora, diffugiunt et vasta per aequora currunt,  
 Saevaque spumantes concutit aura rates; 790  
 Locrorum classis immitibus obruta ventis  
 Frangitur in medio delacerata freto,  
 Nec satis insanis est quod confringitur undis,  
 Plus mare, cui parcit, fulminis igne perit. 795  
 Rex Ajax videat quum terras undique nullas  
 Naufragus in mediis brachia lassat aquis.  
 Littus ut inveniat nudos quatit ille lacertos,  
 Exitus hic fractis puppibus esse solet.  
 Cetera turba licet ligno tabulave vehatur,  
 Dum cadit in scopulos piscibus esca datur. 800  
 Exemplum positus animi patientis Ulixes  
 lactatur dubio per dua lustra mari.  
 Insuper aetate propecta clarus ab illo,  
 Cui bene confiderit, vulnere fossus obit.  
 Cassibus intererat et cladibus, his Diomedes, 805  
 Attamen in proprium devenit ille locum.  
 Idomeneus item non pauca pericula passus  
 Intrat cum sociis patria tecta suis;  
 Devenit et Nestor, solitus componere lites,  
 Extinguens irae pacis in imbre faces; 810  
 Ad sua deveniunt etiam confinia quidam,

783. Ov. Met. IV, 701. 2.

— — paresque ad sidera supplex  
 Cressa manus tollens.

787. Virg. Aen. I, 128

Interea magno misceri murmure pontum.

795. 96. Ovidii Pont. I, 6, 33, 34

Haec facit, ut, videat etc.

Naufragus in mediis brachia jactet aquis,  
 tamen pro nostri „lassat“ jactat ponere nolimus. 806.  
 Margo. Idumeneus occisus ab Hectore, alius erat iste.

Promisit tempus nostra marina quibus.  
 Mente tamen tumida cogente, superbia mansit  
 Materiam multi compositura mali.  
 Nascitur inter eos rancor, tumor, ira, simultas, 815  
 Invidiae facinus, cum feritate dolus.  
 Denique conveniunt lites acuendo Corinthum  
 Inmemores propriam vix tetigisse domum,  
 Et nisi Nestorea pacem suadela crearet,  
 Fessus se populus in nova bella daret. 820  
 In sua victoria conversus viscera ferro  
 Fastus consuevit tot generare mala:  
 Nec sine jactura Menelaus foedere foedo  
 Foede foedatus in sua regna redit;  
 Rumor it, et magnum sermonibus occupat orbem, 825  
 Dum quae contigerant orbis in aure sonant:  
 Quam Paris abstulerat, et pro qua Graecia tota  
 Per denos annos proelia movit, adest!  
 Patria concurrit hac pro muliere videnda,  
 Ob quam tot procures, tot periere duces. 830  
 Quamvis pulchra foret, dicunt, quia foeda fuisset  
 Passa peregrinum sponte libensque virum,  
 Non se debuerant in mortem pro muliere  
 Iam turpis famae millia tanta dare.  
 Nec poterat mundum Trojana ruina latere, 835  
 Undique fama volat, Troja per ora labat.  
 Mirantur quicumque solent ratione potiri:  
 Narrantis conjux pendet ab ore viri.  
 Troja, ferunt, cecidit, quam gloria celsa levavit,  
 Magnificum saepe nomen ad astra tulit. 840  
 Quanta potentatus fuerint insignia Trojae  
 Nec facunda potest promere lingua bene.  
 Ejus inhorrebant audito nomine reges,  
 Ejus ad imperium contremuere duces;

825. Ovidii est *Metam.* VI, 147. 837. 38. *Ov. Her.* I, 29. 30. *Mirantur justique senes, trepidaeque puellae:*

*Narrantis conjux pendet ab ore viri.*

838. *Cod. Conjuunx.*

- Dives opum, regnum regionum, regia regum, 845  
 Inclita nobilium mansio, pompa ducum!  
 Tot populis et tot munitam turribus urbem  
 Credere quis posset obsidione capi.  
 Corruit invicta totiens, nihilque remansit  
 Incinerata jacet, sed neque nomen habet. 850  
 Corruit, exemplum terris immane dabatur,  
 Quod praesens certam non habet hora fidem.  
 Nam seges est, ubi Troja fuit, resecandaque falce  
 Luxuriat Phrygio sanguine pinguis humus.  
 Semiseputa virum curvis feriuntur aratris 855  
 Ossa, ruinosas occulit herba domos.  
 Causa rei talis meretrix erat exitialis  
 Formosis malis artibus usa malis.  
 Conjugii Menelaus eam quod amore requirit,  
 Quod tu, quod faceret quilibet, iste facit. 860

## [CONCLUSIO CARMINIS.]

- Jam portum mea cimba tenet, jam nauta quiescit,  
 Plurima qui mersit agmina mortis aquis.  
 Involvit cum plebe duces, cum principe vulgus,  
 Cum populo proceres belligerasque rates.  
 Pergama tot populis quondam terrisque superba 865  
 Mortibus innumeris misit in interitum.  
 Ite! igitur per exemplum, genus o mortale reorum  
 Ad finem duxit quos mala vita malum.

248. 9. Imitatio Sabini I, 14

Jam cinis et tantum flebile Troja solum.

851. Ov. e. Pont. IV, 3, 50

Et certam praesens vix habet terra fidem.

852—55. Ovidii sunt Heroid. I. v. 53—56, mutavit tamen  
 noster „Phrygio“ Ovidii in frigido; Ovidianum tenuimus.

854. margo. virorum. 856. 57. Guido de Colum. (ed. Argent.

1494) fol. paenult. A. col. a.

Causa rei talis meretrix erat exitialis,

Femina fatalis, femina foeta malis.

858. e margine pro amare. 864. Virg. Aen. II, 556

*Pergama; tot quondam populis terrisque superbum  
 Regnatorem Asiae.*

Cum fuerint unum non unum fulmina terrent,  
 Verbera non nostra, nostra putare salus. 870  
 In foveam cuncta cadit excellentia, poena,  
 Gloria, planities omne cacumen habet.  
 Inclita Troja ruit, vestigia nulla videtis,  
 In nihilum rediit, quod nihil ante fuit.  
 Reges, regalis opulentia, natio bellis 875  
 Turgida pomposis ut periere, cinis.  
 Nec gladii furias evasit Pyrrhus, Orestes  
 Ejus ob Hermionem terminat ense diem.  
 Perfoditur gladiis Agamemnon et ipse, nec ullus  
 Extremos sicco contigit ore rogos. 880

Ad generum Cereris sine caede et sanguine pauci  
 Descendunt reges et sicca morte tyranni.  
 Hos homo per strepitus impone silentia carni,  
 Sit bene vivendi res ea forma tibi.  
 Tu, qui sublimes conaris scandere turres, 885  
 Te lapsu subito praecipitante rues.  
 Crede mihi, bene si latitas, bene vivis et infra  
 Fortunam debes usque manere tuam,  
 Ne, cum forte suas repetitum venerit olim  
 Rex avium plumas, ridiculosus eas. 890

868. Sens. Fulmina cum unum fuer., non unum terrent.  
 869. margo. salus est. 878. margo: ullus eorum. 880.  
 ante hunc versum legitur: non sunt de textu, et margo prae-  
 bet „non propter Trojam hanc assumpsi materiam, sed pro-  
 ter quod nunc dico: „Tu qui sublimes etc.“

885. 86. Ov. Trist. III, 4, 25. 26

Crede mihi; bene qui latuit, bene vixit: et intra  
 Fortunam debet quisque manere suam.

889. eas Fol. Cod. 161 Scholion habet: Rex avium pen-  
 nas etc. Aves Christi sunt fideles, penna virtutis ad coe-  
 lestia se levantes. Rex avium autem Christus est, de quo  
 Psalmista ait: unus regit me et ipse, Christe! sine me nichil  
 poteris facere. Idem rex avium plumis suis nos tegit, dum  
 suis beneficiis nos nutrit. Unde loquitur de ingratis: quo-  
 tiens volui cogere sub alis et non etc. Iste rex olim, id est,  
 in extremo examine cum venerit in majestate sua, plumas

Explicit Troilus a bello Trojano sic dictus.

---

Troilus est Troilus Trojano principe natus,  
Et liber est Troilus ob Troica bella vocatus.

---

Est res insana nimium solamen habere  
In spe mundana, quam nescit longa manere;  
Gaudentes flere facit et gaudere dolentes  
Sic fallit vere sese, velut umbra sequentes.

---

suas repetet, quare quid ejus beneficia sint in nobis operata, tunc discutiet; venturus est enim in gloria sua et tunc reddet unicuique secundum opera sua. Tu ergo bene latitas si facis cubiculum, et clauso ostio oras patrem tuum et infra fortunam tuam manes; si altum non sapis sicut hi miseri, quos liber iste tangit, sed times. Et hoc facere debes, ne forte, cum rex avium olim venerit repetitum plumas suas, ridiculosus i. e. confusione plenus eas, i. e. repulsus abscedas. Quod ne fiat, dicas: Ad te levavi animam meam et ne perdas cum his impiis animam meam et cum viris sanguinum vitam meam. Amen.

---

HILDEBERTI  
VERSUS DE EXCIDIO TROIAE.

Divitiis, regno, specie, virtute, triumphis,  
Rex Priamus clara clarus in urbe fuit.  
Dum rex, dum proceres, dum starent Pergama Troja,  
Quae decus, et species et caput orbis erat.  
Rex Hecubam duxit sociam sibi nobilitate, 5  
Auspiciis, forma, rebus, amore trono.  
Ex hac suscepit natos. Erat Hector in illis  
Summus, et in bello fulminis instar habens.  
Plus ferus ille fero, plus urso, plusve leone;  
Sic fuit absque fere plus ferus ille feris. 10  
O faustum natis! o faustum conjuge regem!  
Si pariter Paridem non peperisset ei.  
Non in eo peperit pignus, sed tela, sed ignes,  
Sed sibi, sed Priamo, sed mala cuncta suis.  
Hoc pater, hoc genitrix, hoc fratrum coetus et Hector, 15  
Hoc etiam regni gloria Troja cadit.  
Hunc Paridem paritura parens per somnia vidit;  
Vidit pro puero se peperisse facem.  
Dum rex in signo tunc signi percipit, horret  
Quod parat in pignus impius esse pice. 20  
Nam puerum natum pro jussu regis in Idam  
Servi tollentes ense necare parant.  
Sed puer adspiciens ensem radiare coruscum,  
Arridet gladio nescius ense necis;  
Quod percussurus cernens cor flectit, et ictum 25  
Et ferus et feriens desinit esse simul.  
Sub foliis vivum linquit, quem pastor oberrans  
Invenit, ut foliis nuper opertus erat.



Dum videt hunc sanum, dum vivum, dumque decentem  
 Extrahit, adspectat, nutrit, adoptat, habet. 30  
 Qui pastoris oves pastor dum pascit adultus:  
 Conveniunt ad eum Juno, Minerva, Venus.  
 Iudicium Paridis quae sit pulcherrima quaerunt,  
 Promittunt etiam munera quaeque sua.  
 Juno decus; Pallas vires; Cytherea puellam: 35  
 Sed Veneri tribuit vincere, victus ea.  
 Rex aliquando videns hunc talem, tam speciosum,  
 Tam quoque consimilem, concipit esse suum.  
 Remque probans veram per servos vera fatentes  
 Germanis Paridem reddit honore parem. 40  
 Ductus amore pater, vel matris somnia ducit  
 Vana, vel in melius vertere vera studet.  
 Sic neque consilium, neque res, neque regia virtus,  
 Nec superi, nec homo, vertere fata valent.  
 Sed laudata Venus culpam pro laude rependens: 45  
 Hunc monet, hunc angit, hunc cremat igne novo.  
 Quid? Pari! quid mutas pariter cum corde colorem?  
 Sic stat, sic loquitur, sic meditatur amans.  
 Te Veneris promissa movent, Helenaque venustas,  
 Quam pro laude tibi sed sine laude dabit. 50  
 Te movit et species et apex et sanguis, et aetas,  
 Nec movet, immo ligat; nec ligat, immo trahit.  
 Hanc cupis, hanc ardes, hanc prorsus quaeris habere:  
 Quam lex, quam Danai, quam tibi fata negant.  
 Cur conjuncta viro mulier? cur regia conjux? 55  
 Cur ignota tuis? cur tibi Graeca placet?  
 Cur non grata tibi potius virguncula? cur non  
 Ipsa Venus, quae te iudice pulchra fuit?  
 Cur sic degeneras totus generatus in armis?  
 Ne sic degeneres; Hectoris esto memor. 60  
 Nonne miser reputas miserabile? nonne pudorem:  
 Te solum Veneris, Palladis esse tuos?  
 Cedat mollis amor patriae virtutis amore.  
 Hectorem fratrem non nisi tela decent.  
 Ergo sequens animos animosi fratris et arma: 65  
 Quod cupit illud ama, quod facit illud age.

Vince prius Venerem, si vis eques esse virilis:  
 Armis et Veneri nemo vacare potest.  
 Nec laus, nec probitas, nec honor superare puellam;  
 Sed Veneris vitium vincere laudis opus. 70  
 Noli nunc frustra Veneris sed castra Minervae.  
 Haec docet illa furit; haec juvat, illa nocet.  
 Jam resipisce Pari, navesque relinque paratas,  
 Consilio parens jam resipisce Pari!  
 Cum sit amor vetitus, vetiti malus actus amoris. 75  
 Si malus ergo nocet; si nocet, ergo fuge.  
 Cujus coepta scelus, medium timor, exitus ignis:  
 Tu fuge, tu reproba, tu metuendo cave.  
 Sed concepta nequis vitare cupidine victus,  
 Quo quodcumque paras peste parare parem. 80  
 Te tua fata trahunt, ne coepta relinquere possis:  
 Ut rapias Helenam te tua fata trahunt.  
 Sic est omnis amans, sic se, sic omnia spernit:  
 Consilium, famam, foedera, jura, deos.  
 Hic amor ut praeceps, ut coecus, ut impetuus, 85  
 Ut ratione carens, nescit habere modum.  
 Hic amor est amens, aliis inimicus et ipsi;  
 Non amor, immo scelus; non scelus, immo furor.  
 Instruit ergo rates, transit mare, quaerit amicam,  
 Hanc rapit, hac fruitur, hanc male tutus habet. 90  
 Custodes seu vi, seu munere, seu prece victi,  
 Vel nece, vel latebris, vel periere metu.  
 Quo rex audito Menelaus, dum fremit ira,  
 Vix tenet a gladio se feriente manus.  
 Flet, tonat, insanit, frendet, gemit, aestuat, ardet, 95  
 Incusat superos, moenia, fata, fretum.  
 Odit enim vitam simul et solatia vitae:  
 Divitias, requiem, gaudia, sceptrum, cibum.  
 Mavult ipse mori: quia non moriatur adulter,  
 Sic sua, sic reputat se nihil absque sua. 100  
 Excidium Trojae tractat, molitur, anhelat:  
 Dum solum Paridem ducit obire parum,

---

71. frustra = frusta, frausta.

Omnes omnino putat hostes hostis amicos,  
 Et quicquid pariter pertinet ad Paridem.  
 Legatos igitur mittens legit undique vires, 105  
 Cui parere parat quisquis ad arma volet,  
 Sublimes, humiles, cunctos injuria regis  
 Tangit, et hanc omnis judicat esse suam.  
 Et quamvis doleant regisque suoque dolore,  
 Plus pudor ablatae, quam dolor, urget eos. 110  
 In Phrygiam totam conjurat Graecia tota,  
 Ut pariter pereat cum regione Paris.  
 Junctis militiae turmis peditumque catervis,  
 Imperat in Paridem rex animosus iter.  
 Mille rates ducens petit Ilion, obsidet illud, 115  
 Irruit, atque cito vincere sive mori.  
 Fortiter obsistit Danaïs Trojana juvenus,  
 Inque vicem strages dantque feruntque feras.  
 Dumque sub incerto pendet victoria certa,  
 Inter utrosque diu sors velut aequa volat. 120  
 Nunc hi nunc illi versa vice ferre videntur  
 Insidias, ictus, vulnera, damna, fugas.  
 Praeter communes casus patiuntur Achivi  
 Multa, fames, pluvias, frigora, cauma, sitim.  
 Aeacidem magnum Philoctetae fastu sagittas 125  
 Poscunt, ut possint Pergama posse capi,  
 Hinc et eas monitis vatum Danaï sibi quaerunt;  
 Hoc furor Hectoreus, his cadit ipse Paris.  
 Sors melior belli Teucris stetit Hectore stante,  
 Qui spes, qui clypeus, qui vigor urbis erat. 130  
 At ferus Aeacides, ut venit, ut Hectora vicit,  
 Vis Teucrûm victo vindice victa fuit.  
 Aeacides quantus fuerit, vel qualis, et unde,  
 Prodit, et auctoris pagina multa docet.  
 Si vim, si mentem, si bella requiris Achillis: 135  
 Ut doceam paucis: Hectore major erat.  
 In castris Danaûm Palamedes, Nestor, Ulysses  
 Plus sunt consilio, quam probitate duces.  
 Aeacides, Ajax, Diomedes, Pyrrhus, Atrides:  
 Hic flos, hic lumen, hic pietatis apex. 140

Quid Stenelum? quid Testoridem? quid Prothesilaum?  
 Quid referam plures, quos sua fama refert?  
 Quis Dolopes? quis Mirmidones? quis denique cunctos  
 Grajugenum proceres dinumerare queat?  
 Tandem rex Danaum per vim, per facta, per illud 145  
 Palladium Trojam post duo lustra capit.  
 Hac igitur capta, sed fraude, sed arte, sed armis;  
 Hinc perimunt Priamum Priamidasque simul.  
 Neve stet urbis honos, devastant caetera quaeque;  
 Mucro viros, aries moenia, tecta rogos. 150  
 Quod tamen urbs capta est, quod victa, quod obruta, totum  
 Arte Sinon parvi ligneus egit equus.  
 Viribus, arte, minis, Danaum clara Troja ruinis  
 Annis bis quinis fit rogos atque cinis.  
 Urbs bona nunc dum vi flammae, turbine fumi 155  
 Non ita consumi digna, resedit humi.  
 Nutu Junonis et iniqui fraude Sinonis,  
 Clamque datis donis exspoliata bonis  
 Sponsus Penelopes passus mare, monstra, Cyclopes,  
 Transtulit ad Dolopes Laomedontis opes. 160  
 Flamma Paris patriae, formae quo iudice diae,  
 Troja caput Phrygiae, flosque jacet Asiae.  
 Junonem laedit, Veneri cum pastor obedit,  
 Cum iudex sedit tot tibi damna dedit.  
 Ne quis amet temere docet obruta Troja cavere, 165  
 Quae Paridis scelere fit nihil absque fere.  
 Priamidis lacerae regumque domus cecidere.  
 Turres innumerae nunc ubi? sub cinere.  
 Palladis armigeræ quo templa domusque fuere,  
 Extendunt hederæ brachia lenta\*) fere. 170  
 Raptu Tyndaridis furor est accensus Atridis  
 Bellaque Dardanidis movit amor Paridis.  
 Pellicis obscoenæ commovit forma Lacenæ  
 In scelus effrene pectora Trojugenæ,  
 Sic facies Helenæ fuit exitus urbis amoenæ, 175  
 Crines, colla, genæ cunctaque comæ bene.

---

\*) Cod. lustra.

Quam facit audaces amor in sua damna procaces!  
 Curas mordaces inhiat atque faces.  
 Dum male grata places Helenae nutusque loquaces  
 Quamvis ipsa faces Ilion inde jaces; 180  
 O res fatalis, fuit omnibus exitialis  
 Talibus heu talis foemina causa malis.  
 Digna perire mari potius, flammisque cremari,  
 Qua tot privari luce ferisque dari.  
 Tempora bellorum rex indicens Danaorum 185  
 Aestuat amborum dissociare thorum.  
 Partes ultoris iuvat, auget, famaue pudoris  
 Raptam raptoris questa jacere thoris.  
 Res ea Pelidem movet, ut comitetur Atridem,  
 Aeoles in Paridem commovet illud idem. 190  
 Jurant Grajugenae, jurant in bella Micenae,  
 Castra quae sunt juvene, suntque referta sene.  
 Hector consilio, nutu Tritonia dio.  
 Pelides gladio dant Phryges exilio.  
 Praesidium fidum stetit urbis in Hectore, qui dum 195  
 Stabat, Dardanidum robur erat validum.  
 Cuspide Pelidae simul idem defuit Idae,  
 Audebant trepide proelia Dardanidae.  
 Urbs ruit Assaraci, quam flammae tradit edaci,  
 Vita, res, o Thraci, demta dolis Ithaci. 200  
 Quae cecidit staret, nisi Thracem mors superaret,  
 Quaeque jacens paret regia iussa daret.  
 Quin res Ideae pereant nequit ars Cythereae  
 Nec domus Aeneae tuta favore Deae,  
 Nec regale decus vi posset frangere Graecus 205  
 Sed dolus, atque secus moenia ductus equus.  
 Dumque Sinon orat veniam, dum verba colorat,  
 Solvitur, explorat, claustra foresque forat;  
 Quosque foris norat recipit, scelerique laborat,  
 Dum res explorat, moenia flamma vorat. 210  
 Postibus ablatis, custodibus et jugulatis,  
 Succubuit fatis urbs miseranda satis.  
 Urbs miseranda nimis, imo dives rebus opimis  
*Incluta, sublimis, una fit ex minimis.*

O furor effrenis, patuit Neptunia poenis	215
Troja dolo juvenis prodita Grajugenis.	
Flamma dein sedes et regum dejicit aedes,	
Hinc equus ad caedes irruit inde pedes.	
Vix sit habenda fides, quod millia sternat Atrides,	220
Ajax, Titides, Pyrrhus Achilleides.	
Instant ense truces, dum flammis Troja reluces,	
Passus vincla, cruces, interimendo duces.	
Quilibet armati primum patet impietati;	
Sunt serie fati tot mala jussa pati.	
Caeduntur pueri juvenesque senesque severi	225
Omne licet sceleri, quod scelus est, fieri.	
Vi jacet hostili genus Assaraci, genus Ili,	
Ignem lares agili sede jacens humili.	
Tunc fieri cineres gemmas, ebur, ostra, videres	
Tunc Danaos celeres in scelus aspiceres,	230
Aspiciens flores tot parvos, tot mulieres,	
Tot perimi proceres, totque viros veteres.	
Regum rex haeres, periit simul Hecuba moeres,	
Ut corpus laceres, ut doleas superes.	
Alter Homerus ero, vel eodem major Homero,	235
Tot classes numero scribere si potero.	
Ut res declarat, igitur fundamenta locarat	
Phoebus, et captarat, moenia vomer arat.	
Et fit opus clarum, quod rex fabricarat, aquarum,	
Lustra leaenarum, silvaeque tuta parum.	240
Atria milvorum, locus et spelunca luporum,	
Pascua sunt pecudum templa, theatra, forum.	
Ad vitium thalami quod adaugent Cypridis hami	
Vepres et calami regna tenent Priami.	
Culminis Idaei quod gloria perniciiei	245
Sic datur, illud ei contulit ira dei.	
Dum sic Troja cadis tantae discrimine cladis,	
Aeneam tradis, teque ratemque vadis.	
Et Venus huic moli subduxit provida proli,	
Huic domui soli nil nocuere doli.	250
Hesperiae metas tibi longa spoponderit aetas,	
Te servat pietas, ut nova regna petas.	

Vi tempestatis sociis tibi rarificatis  
 Vel rapuit fatis per freta longa Paris.  
 Egrediensque fretis, qua sedes, parta quietis      255  
 Coursibus expletis a sapiente petis.  
 Hospita Cumanis, impulsibus acta profanis,  
 Debita Trojanis fata Sibylla canis:  
 Quanta parant Rutili, quam gloria surgat Juli,  
 Qui regum tituli regnaque qui populi.      260  
 Ergo damnatae spe firmus fidus Achatem,  
 Hesperiae latae tendis in arva rate.  
 Plurima bella geris, tibi tum loca debita quaeris  
 Sed fretus superis obvia quaeque teris  
 Turnus ut elatus tibi fata tuisque minatus      265  
 Occubuit stratus, dum fodis ense latus.  
 Pro qua certatur tibi regia virgo dicatur,  
 Paxque reformatur, dum tibi nupta datur.  
 Hinc processerunt, qui Romam constituerunt,  
 Qui dum bella gerunt, fortia quaeque terunt.      270  
 Et tibi fecerunt nomen quod in astra tulerunt,  
 Ut, qui scripserunt pristina gesta, ferunt;  
 Romaque turriterum caput effuit maxima rerum  
 Tam dono superum quam studiis procerum.  
 Sic ex Aenea crescunt Romana trophaea      275  
 Sic gens Romulea surgit ab Hectorea.

## INDEX LATINITATIS.

- adaptare = aptare. V, 311.  
adscire = acciere. I, 133.  
advos = advors, adversus, hospes, hostis, alienus. I, 572.  
aequiparativus = aequus. IV, 792.  
alabrum. Haspel. V, 209.  
allectoria verba = suasio. IV, 225.  
alterutrare = alternare. III, 10.  
ancorare = ancoris navem constituere. II, 288.  
armellus. mus ponticus, armellinus, armellina. IV, 755.  
bever = fiber, castor. IV, 755.  
bipartire = bipartiri. V, 372.  
bisulcare = dirimere. IV, 252.  
braccare = braccas induere. V, 509.  
cacabus, utensile coquinae. metaphorice. IV, 374.  
calcare = vitiare. V, 119.  
cancerinus. pede cancerino = pede tardo, senis. IV, 194.  
caprizans = saltum faciens. V, 131.  
cassare = delere. I, 499.  
cifra = nota. datur cifra pigris. I, 795.  
ciphus = scyphus, vas minus. V, 188.  
circumscripibilis locus. IV, 710.  
commune = conventus, consilium. I, 279.  
comperimo = compereo. I, 108.  
confabricare = confabricari. VI, 82.  
conservamen = conservatio. VI, 351.  
contrarietates, quae contra dicuntur. VI, 3.  
corrigia = zona, flagellum. IV, 282.  
cortina = velum, nostr. Gardine. V, 31.  
cristare = fulgurare V. 229. = cristam habere. VI, 358.  
culturam vindicare = cultum, venerationem vindicare. I, 132.  
dedicare = negare. IV, 197.  
deliciari = delectari. V, 356.  
denigrare = detergere, deterius facere. I, 421.  
deprope = statim, deinde. IV, 468.  
derosulare = derodere. IV, 224. derosulata = foliis denu-  
data. V, 260.  
desipere = alieno sapore, priore amisso inficere, aberrare.  
III, 526. mucro desipit. Epitomat. 968. dissiluit mucro.  
devolitare = devolare. VI, 473.



diapente. mensura in musica tribus constans tonis et dimidio (Quinte). V, 131.

diescere = dies fieri, diei instar lucere. V, 9.

diffamare, διαφημίσειν, devulgare, pervulgare. VI, 241.

diffibulare = avertere. V, 563.

diffinire = definire.

dissido = dissideo. IV, 492.

docivus = qui docet. V, 109.

doma, domatis = tectum, domus. III, 824. VI, 442.

duplare = duplicare. V, 747.

emenda = satisfactio. I, 432. II, 403.

enbipedare = dubiis pedibus ire, vacillare. VI, 425.

exere = ejicere. V, 543.

expressus = distinctus. VI, 584. 585.

factura = forma. II, 49.

firmamentum = praesidium.

fossatum = vallum. V, 249.

fulcrum = fultrum, ornamentale pannum. V, 12.

furfurare = facere ut nitent. I, 524.

gades = limes. VI, 704.

gausape (gausapa) gausapium. mappa qua tergitur. V, 348.

Vocabular. Latin. Germ. 1477. interpretatur per Hand-zwehl.

gerundiva verba pacis; verba quae pacem faciunt. III, 283.

girgillus = rota: instrumentum femineum, nostr. Weife. V, 208.

hymnidicatas = hymnidicus. hymnis celebratus. V, 160.

idemtitus = aequalitas, paritas. gallic. identité.

idoneitas = facultas. I, 181.

impejorare = pejorem facere. III, 564.

imprine = imprimis. V, 247.

improperare = deridere, improperium affigere. I, 274.

incunctanter = sine mora. II, 481.

infamare = divulgare, accusare, criminari.

infortes = valde fortes. II, 436. IV, 186.

infruticare = germinare, de barba dictum. I, 579.

ingeniare = per ingenium excogitare. V, 929.

inhonestas = indignitas. IV, 222.

inopinatissimus. VI, 405.

insuperatus = qui non superatus est. V, 966.

irreditura = non reditura. I, 386.

irrutillare = rutillare. IV, 706.

jugiter = continuo. VI, 6.

laboriperus = laborem parans. VI, 238.

lacrimer = lacrimo. VI, 503.

lacus. fem. gen. V, 296?

latitanter = clanculum. III, 209.

- levipendere = parvi aestimare. I, 191.  
 lubricitas = impudicitia. IV, 138.  
 lutosus = sordidus. V, 831.  
 marina = aestus maris turgidior. VI, 812.  
 martur = martes, pannonicus cattus. IV, 755.  
 mediare = in duas partes dividere. II, 29.  
 mollicare = mollem facere. IV, 226.  
 mungo. *μῦω*. privare. VI, 300.  
 muscidus. m. annis. IV, 3.  
 myrteus. de colore crinis. II, 73.  
 nocumentum = damnum. VI, 354.  
 obrivare = redundare. I, 437.  
 pālare = fugere. fortassis cohaeret cum balare, saltare.  
     IV, 259. 359.  
 pālare = palam facere. III, 737.  
 palliare = pallio vestire, tegere. III, 737.  
 Pelopensis = Pelopejus. I, 7.  
 pigritari = lassum esse. VI, 695.  
 pirula = perula, extremitas. p. nasi. IV, 663.  
 placitare = in iudicio loqui. V, 951.  
 plata = platea. IV, 643.  
 polis = urbs. III, 642.  
 pontificus a. um. II, 304.  
 probatio = approbatio. I, 345. V, 861.  
 proire = praeire, praecellere.  
 propino = praebeo. IV, 479.  
 quadratus. corpore quadratus. II, 96. membris quadratus.  
     II, 80. gallice quarre.  
 querelare = querelas facere. V, 959.  
 rancor = ira, odium. ital. rancore gall. rancune, rancoeur.  
 rationabilis.  
 reforsare = refortiare, amplius munire. I, 135.  
 renactus = circumdatus. VI, 417.  
 repariare = renavigare. I, 112. repariare naves = navigare.  
     V, 362.  
 repatriare = in patriam reverti. Argum. lib. VI, 10.  
 saberus = sabellum, martes. vulg. Zobel. IV, 755.  
 sanguinolentare = sanguine sitire. V, 378.  
 segnus = segnis. V, 974.  
 sententio = sententiam proferro. VI, 117.  
 smaragdare = colore smaragdino induere. V, 7.  
 sollemtus = festivitas. V, 145.  
 spirale = spiritus, exhalatio. II, 490.  
 stellare = stellis micare. stellant magnis oculis. II, 25.  
     stellatus oculis. II, 45.  
 strepa = stapes quo quis in equum tollitur. I, 798. V, 200.  
 subinfra. II, 460.

- subintereo = intereo. V, 330.  
subsannare = irridere.  
subsannativus = irridens. II, 601.  
subterrare = sepelire. III, 185.  
succino = anumerare. II, 396.  
surma vid. syrma.  
supiciosus = suspectus. VI, 186.  
syrma = vestis humum verrens. IV, 750  
temo = navis gubernaculum. I, 6.  
terebrare minis. I, 262.  
teristrum = theristrum, palliolum, vestis muliebris, V, 207.  
tibia. Non est tibi tibia tanti. I, 223.  
triteae, ligna super quae potabilia ad coenae usum posita sunt. V, 143.  
truculandia = truculentia, ferocitas.  
turnare = pugnare. II, 815.  
umbrificare = adumbrare. III, 62.  
variare. probra v. restituere. I, 530. 31. II, 312.  
velter = veltris, veltraha, canis sagax. IV, 283.  
vilatus = dilatus. vilere, vilesce. III, 192. legitur melius dilatus.  
vivus. gladius visivus; de oculis qui quasi gladii pungunt et vulnerant. I, 605.
-

1. The first part of the paper is devoted to the study of the asymptotic behavior of the solutions of the system (1) as  $\epsilon \rightarrow 0$ . It is shown that the solutions of the system (1) converge to the solutions of the system (2) in the sense of the weak convergence in the space  $L^2(\Omega; \mathbb{R}^n)$ .

2. The second part of the paper is devoted to the study of the asymptotic behavior of the solutions of the system (1) as  $\epsilon \rightarrow 0$ .

3. The third part of the paper is devoted to the study of the asymptotic behavior of the solutions of the system (1) as  $\epsilon \rightarrow 0$ .

4. The fourth part of the paper is devoted to the study of the asymptotic behavior of the solutions of the system (1) as  $\epsilon \rightarrow 0$ .

5. The fifth part of the paper is devoted to the study of the asymptotic behavior of the solutions of the system (1) as  $\epsilon \rightarrow 0$ .

6. The sixth part of the paper is devoted to the study of the asymptotic behavior of the solutions of the system (1) as  $\epsilon \rightarrow 0$ .

7. The seventh part of the paper is devoted to the study of the asymptotic behavior of the solutions of the system (1) as  $\epsilon \rightarrow 0$ .

8. The eighth part of the paper is devoted to the study of the asymptotic behavior of the solutions of the system (1) as  $\epsilon \rightarrow 0$ .

9. The ninth part of the paper is devoted to the study of the asymptotic behavior of the solutions of the system (1) as  $\epsilon \rightarrow 0$ .

10. The tenth part of the paper is devoted to the study of the asymptotic behavior of the solutions of the system (1) as  $\epsilon \rightarrow 0$ .

11. The eleventh part of the paper is devoted to the study of the asymptotic behavior of the solutions of the system (1) as  $\epsilon \rightarrow 0$ .

12. The twelfth part of the paper is devoted to the study of the asymptotic behavior of the solutions of the system (1) as  $\epsilon \rightarrow 0$ .

13. The thirteenth part of the paper is devoted to the study of the asymptotic behavior of the solutions of the system (1) as  $\epsilon \rightarrow 0$ .

14. The fourteenth part of the paper is devoted to the study of the asymptotic behavior of the solutions of the system (1) as  $\epsilon \rightarrow 0$ .

15. The fifteenth part of the paper is devoted to the study of the asymptotic behavior of the solutions of the system (1) as  $\epsilon \rightarrow 0$ .

16. The sixteenth part of the paper is devoted to the study of the asymptotic behavior of the solutions of the system (1) as  $\epsilon \rightarrow 0$ .

17. The seventeenth part of the paper is devoted to the study of the asymptotic behavior of the solutions of the system (1) as  $\epsilon \rightarrow 0$ .

18. The eighteenth part of the paper is devoted to the study of the asymptotic behavior of the solutions of the system (1) as  $\epsilon \rightarrow 0$ .

19. The nineteenth part of the paper is devoted to the study of the asymptotic behavior of the solutions of the system (1) as  $\epsilon \rightarrow 0$ .

20. The twentieth part of the paper is devoted to the study of the asymptotic behavior of the solutions of the system (1) as  $\epsilon \rightarrow 0$ .



3 2044 020 563 649

3 2044 020 563 649

**Please return promptly.**

WIDENER  
SEP 10 1967

1. **Background**

UNCLASSIFIED

**WIDENER**

**JAN 16 1999**

## BOOK DUE

